

התאחדות הספרנים

6

1986

ტესტი

347

ბავშვის ოცდამეცხრა წელი

6

ი ვ ნ ი ს ი

1986

თბილისი

საქ. კვ. ცვ-ის გამომცემლობა

ლიტერატურულ-მხატვრული და საზოგადოებრივ-პოლიტიკური უწყრალი

საქართველოს ალკა ცენტრალური კომიტეტისა და მფარალთა კავშირის ორგანო

შ ი ნ ა ა რ ს ი

კოეზია და კროზა

3. ლია სტურუა — ლექსები
9. ლალი გრამვაძე — ვუკრავ რმქტანის. მოთხრობა
69. შედეა კახიძე — ლექსები
71. ჯარჯი ფხოველი — ლექსები
77. ლადო ავალიანი — „გადამთიელის სისხლი“.
ნოველა
91. სოსო მახარაშვილი — ლექსები
94. მერი უალვაშვილი — ლექსები
96. ლევან ხანიკიძე — გიორგი ათონელი. რომანი.
გაგრძელება
124. ნოდარ შამანაძე — ლექსები

შთავარი რედაქტორი ჯანსუღ ღვინჯილი

სარედაქციო კოლეგია:
გივი ალხაზიშვილი
თედო ბეჟიშვილი
(შთავარი რედაქტორის
შოადგილე)

გურამ გეგაშვილი
გივი გეგაშვილი
თეგურ გიორგაძე
გიორგი გუგულია
თეგურაზ დონაშვილი
გერაზ ელიოვიშვილი
ვედეა კახიძე
შოთა ნიშინიძე
გურამ უანჯიკიძე
შორის ფოცხიშვილი
ნუგზარ შატანიძე
ავთანდილ
ჩხიკვიშვილი

(პასუხისმგებელი მდივანი)
სოსო მინცაძე
გოგი წარათელი
ტარიელ ჭანტარია
გადრი ჟოსონელიძე
გაქა ჯოსაძე

ახალი თარგმანები

128. კონსტანტინე ლომია — ლექსები. აფხაზურიდან
თარგმნა გენო კალანდიაშ

საბჭოთა კავშირის მწერალთა VIII ყრილობის შესახებ დრად

130. ჯანსუღ ღვინჯილია — რამდენიმე სიტყვა „ვის-
ბარსა“ და ახალბაზრდა მწერალზე

წერილები

133. როსტომ ჩხიძე — სემდა ერიკლე ტატიშვილისა
140. ავთანდილ ნიკოლიშვილი — იოსებ ბრეშაშვი-
ლი (მტრისები ლიტერატურული პორტრეტისათვის)
150. ელგუჯა ხინთიბიძე — ახალი მასალები ქართველ
მეფეთა მსახურთა მიმოწმების თაობაზე. (წერი-
ლი მეორე)

ხელოვნება

158. მარიამ წულაძე — გეგმარები მსახიობი

ღია სტურუა

სონეტი რვეულზე

ათასი ფიქრით, უძილობით სავსე რვეული,
გულანი ჩემი, სხვისთვის უცხო და თავსატეხი,
ნაღველის წვეთი დაეცემა შაქრის ნატეხზე,
ხმას ამოვიღებ უადგილოდ და არეულად
და გავჩუმდები, რადგან ღეჰქსის ტანი რხეული
სულ ნარგიზებში უნდა ვლიდეს და წალკოტებში,
თუ ეტირება, ჭიფურად ღებოს გოდება,
იების სისხლში აწოს პური და ანუელი...
სე უყვარდეს, ტყუპი მტრედი დაფრინავს, თითქოს,
ლამაზად, თეთრად და უყვავით მარჯნის ფეხები,
მავრამ თუ თმებით ვაზის ჯვარზე ხარ დახვეული
და თუა მოგკლავა სიიუღვილის ერთი შეხება,
მოკვდება ისიც და აღდგება მერე იფქლივით
ჩემი ნაღველით, ლოცვით, სისხლით სავსე რვეული...

სოფლის მონატრება

მე მინდა, მინდა, ბინდისფერი წუთისოფელი
პეპელასავით ჭრელი გახდეს და ერთი ციდა,
მე მინდა, ვინმემ მომიწყვიტოს საღამოს ციდან
არარსებული ბუნებაში ჩემი სოფელი...
ამინდი გავდეს ამოღებულს კრიალა წყლიდან,
სოფელს ერქმევა კარალეთი ანდა კარსანი,
ღიღილოსავით გაიშლება სუფთა ჩარსავი,
ლურჯად რეცხავენ, თუ რა ხდება, სიკვდილი მინდა...
და ჭრება წუთი, უტყვილო, მიდის ის კაცი,
ლამის სამშობლო რომ მოწყვიტა საერთო ციდან
და მზის სხივები დააბერტყა ცხოველმყოფელი,
მომეახლება მშვენიერი სიგოყე, ბინდი,
რადგან მიწაზე აღარა მაქვს, არც წყალში არ ჩანს
და ბუნებაშიც არ არსებობს ჩემი სოფელი...

მინორული სონეტი

მე მეჩვენება, ჩემი ხარბი, წითელი პირი
როგორ თანდათან ემგვანება ცხოველის ლაშებს,
ლოპრი და სისხლი ჩაუდგება ხრინწიან ხმაში,
სიტყვა, სუსტი და მოკანკაღე, ჩაეკირება
მალაღმარადოვანს მოინატრებს ამბავს და გმირებს,
რაც კი რამ ბეუტავს, ყველაფრისგან მოითხოვს კაშკაშს,

შორისდებული, შეძახილი, ტაში და ვაშა!
სიტყვებზე თეთრი ნისლის დამფენს, დაიძრობს კბილებს
მე მეშინია ამ ახალი ბატონი პირის,
ვუზივარ მონად და ქვიჯაში ყვავილებს ვნაყავ,
ის კი სისხლიან ხორცს მოითხოვს და ელის თაყვანს
ჩემგან, ვისაც მზეს ურჩევნია სევდა მზის გამო,
ღმერთო, მამყოფე ყოველგვარი სიტყვების ხამი,
უფრო ისეთის, მწუხარე რომ ექნებათ სახე.

ჩივილის სონეტი

მზოლოდ თბილისმა იცის სიცხე, ლარივით სწორი,
პირდაპირ გულში დაგიმიზნებს უაზრო ამინდს
და თუ კი შევებას მომანიჭებს ამ წუთში რამე —
სიცხის ნახევარს რომ ჩამოჭრის გაფრენა ქორის...
მე მგონი, კარგად შევასრულე კუთვნილი როლი
ძლიერი ქალის, მეწამული, მძიმე ბგერებით
გავუადვილე მას ლეჩაქის ციური ფერი,
სათი და ბროლი დავუტოვე, ხასხასა მოლიც,
თოვლიც მივეცი, მე კი სიცხის ვარვარა სოლი
გულს გამიგლიჯავს და მიქადის უდროო ბოლოს,
ქუჩაში მომკლავს ჩემი მკაცრი, ზეგარდმო ბედი
მეც მქონდა ერთ დროს სიხარული — ყელამდე ვარდი,
ახლა კი ვხედავ ყველაფერზე ათასჯერ მართალს —
ცივი რძის ფსკერზე შაქარივით დალექილ სევდას...

ნუგეზის სონეტი

განიავე ოთახები, ჩაყლაპე აბი,
(სიკვდილის თემა — მჩატე სული და მყიფე თმები)
ტკივილის შემდეგ მთელი ტანით მიეცი შევებას
და ლექსებივით წაიკითხე მტვრიანი საბა...
დაობდა პური, დაგიმძლდა ნიგოზის ლაბი
და ხორხში აღარ გიკანკალებს სიტყვის სურვილი,
ერთი ძლიერი გრძნობა შეგრჩა — წყალი, წყურვილი
და წამდაუწუმ მარტოობის დაეძებ საბაბს
და ვერ პოულობ და კარგახანს ვერც ხედები, ალბათ,
რომ შენთან ერთად იბადება შენი ჯალათი,
შენზე ლამაზი, გონიერი, მაგრამ ყრუ-მუნჯი,
შენ თუ ნერვების გორგალი ხარ, ის კლდე და თუჯი,
მოგაპრას მკლავი, ნუ იძალებ, შეგახოს ტუჩიც,
მაგრამ ვერასდროს ვერ მოირგოს გიყის ხალათი.

იპარმნიონისებული სონეტი

ცა ვარვარებდა, აბლაბუდას ობობა ქსოვდა,
ველარ ამბობდა მიწა ბალახს, გაუწყდა ქანცი,

მზე იყო ათასსანთლიანი და გვალვის მაცნე
და ჩემი კეფა აბრეშუმის ჩრდილს მოითხოვდა
წველიდნენ ძროხას, ვიოლინო ტიროდა რძეში,
ჩემს მკერდში დოლი ბრაგუნობდა, აგურისფერი,
ღმერთი ვიცანი ამ ხატებში და შევიფარე,
დავალევი ლურჯი წყალი, ჩამდგარი ხეში...
დოლი ცეცხლივით აბრიალდა, აქამდე მრეში
და თავის შეილებს — ჰაწაწინა დიპლოპიტოებს,
გამარჯვებული დროშებივით გვირიგებს ხელში,
დამწვარი კეფის აბრეშუმი — მოდის საღამო,
პური, მკაფიოდ შავკვრემანი, ვაშლი მწითური
და ყველაფერი ღვთაებრივად შეუაბამო...

ამაოვანის სონეტი

ან ვის რა ვთხოვო, რა ვეძიო, ვიქნები ჩემთვის,
ზამთარი ზაფხულს ენაცვლება, მზე — შემოდგომას,
პირის დაბანა, ჭამა, წოლა და ფეხზე დგომა,
ფართხალი, კრთომა, და მიგიღებს მდინარე ლეთა
ერთფეროვნება გაქვავდება ფეროვან დღეთა,
ქარვაში მწერი, დალუქული, ვერ გაინძრევი,
იყვავილებენ ყაყაჩოთი შენი მინდვრები
და სისხლის ქაელებს აახამენ მალა, ღმერთამდე...
და ახლა შენს შვილს გააგიყებს სამყაროს სევდა,
ერთნაირობა — წოლა, ჯდომა და ფეხზე დგომა,
ათასში ერთხელ გაბრძოლება, გრძნობათა კრთომა
და გულგრილობა დააჩქარებს სიკვდილს კვეთივით.
სახლებში მიდის ცრუ და ბასრი სიტყვების ომი,
ო, რა შორია და უვალი გზები ღმერთამდე...

პოეტური სონეტი

რა ფერადებს და რა სიმღერას, რას თხოვენ სიტყვას,
დუმილის ოქროს ნაწყენ გულზე რატომ ითნევენ?
სივრცე, კარებში მოყოლილი, მტკივა თითვიით,
ამას თუ ვიტყვი, გინდაც, წყალი, ან მიწა მეთქვას
თავებში ტვინი, მშობიარე, ცუთავს და ფეთქავს,
რომელ სიტყვაში ჩაეტევა ასეთი ლავა?
ალბათ, სიმწრით რომ მოიძიებ, მტკივანი თავით
და არ შეგრცხვება, ღვთის წინაშე დაარქვა ლექსი
ორ უფსკრულს შორის თავს გადასდებ, ინისფერთმიანს
და ხალხის თვალწინ ჯამბაზივით როცა გაივლი,
იქნება, გერგოს თანაგრძნობის უცხო ყვავილი...
არ ვიცი დედას ვუმაღლოდე, თუ ბედის მწერალს,
დამის მელანში ჩამაყუდეს, მასწავლეს წერა,
სხვა არაფერი, სამწუხაროდ, არ შემიძლია...

ვერ გავაკეთე ვერაფერი ტანჯვის გარეშე
 რა სისხლი მერგო მე ასეთი, ან რა გენები
 ასანთის ალში მელანდება ცეცხლის გენია,
 ასკილის ტოტი, ეკლიანი, ყვავის თვალებში
 კი, ეს სიბეცე მაიძულებს შევხედო ისე
 დღეებს და სიტყვებს, გულს ვახოხებ, თითქოს, მიწაზე.
 ან გაჩუმდები, ან მოვკვდები, არ დამიწესა
 ღმერთმა საზღვარი. ამოსუნთქვის ვერ გავხდი ღირსი,
 ვერ ვუშეგირდე ზომიერად მოვერცხლილ ყელებს,
 თეთრი შაქარი თეთრ კბილებში ტოვებს შავ ნაპარას,
 მე ეს მაგიეებს, სხვა სახელის ლითონი, დაფნა,
 რომელსაც მართმევს მომხვეჭელი, მოვლილი ხელი.
 თავზე კი მაინც ვერ მოირგებს, ვიდრე მე ვყევარ
 და შემოდლა მიწა ვკამო და ლექსი ვწერო...

ქველი სიმღერის მოტივებზე

ოღონდ, წამართვი გონება და სიმტკიცე მადნის,
 ჩვილი ბუნება დამიტოვე და ნება ცვილის,
 გულამომჯდარი ამატრე, გულამოსკვნილი,
 შენი გულისთვის შაქარივით თუ ვინდა გავდნე.
 შენც გამოიბი ორი სიტყვა ენის კიდზე,
 მართალს და შავ-თეთრს მირჩევნია ტყუილი ლურჯი,
 ზღარბი ჩაიგდე სასულეში, თუ კი ხარ მუნჯი,
 რომ ცოტა სისხლი გაერიოს შენს სიმშვიდეში...
 სულ მითვალთვალეებს მე ვილაცა, რად ვცხოვრობ ასე
 და არა ისე, რად მინთია დილამდე შუქი,
 რად მივარდება ნაწვალები სიტყვა ხელიდან,
 რა მიღირს იგი, შენ კი იცი, რა ცეცხლის ფასი,
 ან რა ნერვების თაიგული დგას იმის უკან,
 მითხარი რამე და გავქრები მე სანთელივით...

სონეტის დედას

სულ ერთი წუთით დამასვენეთ, ნუ დამინახავთ,
 ნუ დამიძახებთ, მოვიტყუო თავი სილაღით,
 სხვისი ზნე, სხვისი თავბრუსხვევა მაცლის სიმაღლეს,
 სხვისი სიცხისგან მივარდება ჭერში სინდიყი...
 ნუ დამირეკავთ, ნუ ამინთებთ ალისფერ შუქებს
 განგაშის, ცუდი მოლოდინის და წინათგარძნობის,
 ვილაცის გული მეპარება, ხელში მადნება,
 თუ დედაჩემი რაღაც მუქი ქოშინით სუნთქავს,
 თითქოს, პირიდან ამოსდიან შავი ხეები.
 ტანში კი ისევ მე ვუზივარ, შვილი-წურბელა

და რევგამშრალი სისხლსაწაწოვებს გულის კოვზიდან
სულ ბოლო წვეთი, შენახული, ჩემთვის უთქმელი,
ველარ მოასწრო, ტკივილიდან ვერ ამოზიდა,
ვერ გამიგრძელა მონაკვეთი სამოთხეების...

სონეტი ჟინაპრებს

მე ვიცი, ახლა გაიღება სამოთხის კარი —
ერთი მინდორი კონინდარი, ქონება მთელი,
გამოანათებს ცომის გუნდა და ჩვილი ყველი —
შარავანდედი, გაწურული და უმარილო
უბრალო ქალის, თავწაკრული მშრომელი ქალის,
ნატალიასი, მამის მხრიდან ჩემი ბებიის,
მის სახელს ჰქონდა ქინძის სუნი და ფერი ბიის,
ტყემლის სიცხადე და ჯავარი უმძირახი წყალის...
ხოლო დიდედას ვარდი ეცხო, ია ესხურა,
ციციშვილების გაქანებით და ოქროს ძაფით
სიტყვებს მიმაბა, მომისაჯა სალიკლდეობა,
მეორემ — შრომა, თავწაკლული, სუფთა გლეხური,
ხოლო ორივემ მარტობა ისეთი მძაფრი,
მხოლოდ საქონელს რომ მიყვება სასაკლაოზე...

ნატვრა

ნეტავი ვიჯდე ოქროსფერი დღის შუაგულში
არც მსხვერპლი და არც გამჩხრიკავი, უბრალოდ, მჭკრეტი,
არ მჭირდეს დროის უკმარობა, ფრჩხილების კვნეტა,
ქაფურის წვეთით ჩახშობილი ტკივილი ყურში
ტელეფონებით, დეპეშებით, კარებზე ზარით
გამოწვეული, გაზომილი მკაცრი საათით,
დრო დამდიოდეს ჰაერივით ლურჯად, ტატიით,
ზანტად, ძალიან მდებდრობითად მიყვარდეს მთვარე...
კეთილშობილი რაინდები მხიბლავდნენ მწარედ
თავისი ყოვლის გამთიშავი ძლიერი გონით,
მაგრამ ვერაფრით ვერ აღწევდნენ იმ ჰარმონიას,
რომელიც ჩემი ყვავილია და ჩემი ჯვარი
და მე არ მინდა ფუფუნება ამაზე მეტი,
ოქროსფერი დღის შუაგულში ვიჯდე და ვჭრეტდე...

ნოსტალგიური სონეტი

რას ვინატრებდი? დაბრუნებას ოცი წლით უკან,
თავით მყინვარწვერს რომ აწყდები, ფეხებით ვაკეს,
ტკბილი რძეებით რომ არიან ძროხები მაკე,
თაფლი რომ ნიშნავს ყვავილების ყვითელ ბუტკოებს...
იქით რომ წახვალ, სადაც ქარი მიგერეკება,
და უმიზეზოდ შეიყვარებ ვილაცას ისე,
თითქოს. გაჯობა, მოგიღრიცა კისერი მზისკენ,

სულ სხვა, ახალი ამოგიღო თავის ნეკნიდან...
 ხომ ვერ იფიქრებ, ამ სიახლეს რამე თუ შეცვლის,
 ფერს გაუმუქებს, ფრჩხილებივით დააძრობს ხორკლებს,
 ვილაცა მოვა და გაითბობს ხელებს იმ ცეცხლზე,
 რომელიც წვადა, ბატონობდა, ხანძარს თესავდა,
 ვილაცა მოვა და დამადებს სიმშვიდის ბორკილს
 და მყუდროების სასარგებლოდ გაილექება...

სონეტი მეზობელზე

ამეხილება დაჭედილი თვალისჩინები,
 სიზმრით და დარდით გავსებული ძილ-ღვიძილისთვის,
 ასფურცლოვანი ჩაის ვარდი — ყვავილობს ღვიძლი,
 ფუთი ნაღველის მონელემა გულმა ინება...
 ჩემი სხეული, ჩემი მტერი, მოყვარე — სული.
 იქნებ, პირიქით, ტანი ყვავის და სული მაწვიმს?
 გავინებვირო, იქნებ, ყოფა რძითა და მარწყვით,
 გავიიოლო მოქმედება და სიტყვა რთული,
 რომ არ ეგონოს ჩემს მეზობელს, ყირაზე ვდგავარ,
 მაშინ, როდესაც მეც მასავით ვამძიმებ მიწას.
 ოღონდ სადგომი კარაქივით რბილია მისი,
 ფორთოხლებს ისხამს მშობლიური ნელთბილი ჰავა,
 მე კი ტალახში დავდივარ და ნაბიჯი მიჭირს,
 არარასებული ვულკანები მაფრქვევენ ლავას...

სიკვდილის სონეტი

ძილში რომ მოვკვდე, ბალიშების იალბუზიდან
 დავეცე მიწას, საგანგებოდ დაბამბულ ტალახს,
 ანდა მივემსხვრე კლდეს, პატალოს, რომ ვიგრძნო ძალა
 გაბრაზებული და ურითმო, მამალი მუზის
 იგი, მოზარე ერთადერთი, ჩემს კუბოს უზის,
 მიქარწყლებს წყობილსიტყვაობას და სანთელს მიჭრობს,
 მთელი სიცოცხლე ვიარსებე ურითმო ფიქრით,
 ბოლოს გავგიჟდი, დავიკადე ზარები ყურზე,
 ვდიე მუსიკის კილომეტრებს და დავიზავე
 ნაკლები სმენით და მომინდა სიკვდილი-ძილი,
 მაგრამ ვინ მომცა, როცა ვდგავარ, როგორც მიზანი
 კიბოს წითელი მარწუხების, ტვინში გაჟონვის,
 როცა გავწიე და გავტეხე ყველა საზომი,
 ამღერებული ჯვარდინად ვერ ვთქვი ტყუილი...



პუკრაპ რეჰტაიმს

მ ო თ ხ რ ო ბ ა

აქ, რა თქმა უნდა, არავინ მიცნობს, არცაა საჭირო, დიახ, ამას გულწრფელად ვფიქრობ. ჩემი პერსონა ინტერესმოკლებულად მიმაჩნია. ვინ გაბედავს, ვინ შემედადება, საპირისპიროს ვინ მეტყვის! ვისა აქვს ორი თავი, ჩემზე რაიმე გარკვეული აზრი შეიქმნას. განა ფეხებზე არ ვკიდივარ ყველას? მესამე დღეა, მდუმარედ ვცხოვრობ, ხმას არ ვიღებ და ერთხელაც არავინ გამომლაპარაკებია. იქნებ მუხჯი ვარ, ნუთუ ამან მაინც არ დაინტერესათ? არა? ძალიან კარგი. მეტს არ ვიმსახურებ პირწავარდნილი არარაობა. ნაცარი, მტვერი, ერთ დროს სიცოცხლესთან წილნაყარი, ახლა გაურკვეველი ნაშთი, სახელიც რომ არ მოეძებნება.

არ ვაზვიადებ, ნამდვილად არ ვაზვიადებ. ერთადერთი ღირსება, რაც დღემდე შემომრჩა, ესაა უზომო გულწრფელობა, რომელსაც მოვუხმობ მუდამ, რომლის შემწეობითაც შემოძლია გავამხილო ყველაზე სანუკვარი საიდუმლო. განა ყურში ჩაგზურჩულებ ვინმეს, განა მიკიბულ-მოკიბულად ან თვალის ჩაკერით ვაუწყებ, არ შეიცხადო, ასეთი რამაც ხდება, ცოცხალი კაცი ნებისმიერ საოცრებას უნდა ელოდო-მეთქი, პირდაპირ, საკუთარ სინდისთან ქედმოუხრელად ვამბობ, რომ მე აქ მოსვლამდე გარდავიცვალე.

უპ, რა სექსუალური დედაკაცი ზის ფანჯრიდან მარცხნივ, მეორე მაგიდასთან! გრძელი ცხვირი აქვს, ჩალისფრად შეღებილი თმა შუბლზე „ჩოლკად“ ჩამოუშლია იმ მიზნით, რომ ულა-

ზათო სახის მკვეთრი ნაკვებები როგორღაც უფრო ასატანი გახადოს, თვალში ნაკლებად საცემი. ასეცაა. პოდა, რად უნდა ედავო. ჭამს და ფიქრობს... ნეტავი რას... ელვირა რქმე-ვია. აი, ვილაცამ გვერდითა მაგიდიდან დაუძახა, ელვირაო, თან ჩაიდანზე ანიშნა. ამანაც უესტით უპასუხა, ცარიელიაო, ისევ ფიქრში შებრუნდა.

ფიქრიანი ელვირას მაგიდას ალბინოსი დედა-შვილიც უზის, უდაბნოს ქვიშისფერნი და ჩუმნი. მაგიდის მჭკრივებს შორის ჩაიდნით მომავალ ოჯახის მამას ვასცქერიან. კაცი ალბინოსი არაა, სამაგიეროდ კარგა გვარიანად კოჭლობს, ღელვაში მოყოლილ იახტასავით ირწევა და სულ მგონია, აი ახლა გადაივლებს მდულარეს და აი ახლა-მეთქი. მაგრამ მშვიდობიანად აღწევს ცოლ-შვილამდე. ქალი შეპღიმის ქმარს და შეუძლებელია არ იგრძნო, უყვარს მისი სიკოჭლე, რომელშიც თავის ნეგატივისებური იერის გამართლებას პოულობს, რომლის წყალობითაც გათანასწორებულია ორთავე მხარის ფიზიკური ნაკლი და სიყვარულიც უფლებამოსილია. რად მგონია, რომ ფიზიკურად არასრულყოფილთა სიყვარული გაცილებით უმტკივნეულოა? არ ვიცი... მაგრამ ალბინოსის სითეთრეში ახლა გულგრილობის მსგავსს ვხედავ, ტკივილსგარეთ დარჩენილს, ჩვეულებრივი სტანდარტების ნორმიდან ამოვარდნილს, ასე-რივად რომ ეხამება ის სიბეცეც. კანონიერ დეტალად მისაჩნევი, მისატე-ვებელი და ასატანი.

ნეტა ელვირა რა აზრისაა, მეთან-
ხმება თუ არა? ერთი კი გამოიმხედა,
თითქოს გადავდე ფიქრი. ო, ელვირა,
ან ჩემი ფიზიონომია რას გეუბნება!..
მოგდივარ თვალში? ტიპების კოლექ-
ციას თუ აგროვებ, რა უშავს, სამა-
გისოდ ნამდვილად გამოვლდე. მე-
სამე დღეა უკვე... მე კი პირველად
შეგამჩნიე შენც, ალბინოსებიც, ჩემი
თანამეინახენიც. მერე რა, რომ თქვენ
გვერდით ვცხოვრობ, თქვენთან ერთად
ვქამ, ოღონდ არ ვმკურნალობ, ბალნე-
ოლოგიური კურორტის სასწაულმოქ-
მედი წყლისთვის ჭერ არ მომიცლია.
აკლიმატიზაციას კი არ გავდივარ,
სურვილი არა მაქვს, ჯანმრთელობის
გაუმჯობესებაზე ვიზრუნო. მაშინ აქ
რად ჩამობრძანდით, ზღვა მოგენატ-
რათ? ალბათ, მკითხავ, ფიქრიანო ელ-
ვირა. სამსახურმა მაიძულა, უფრო
სწორად, ლევანმა. არ შემიძლია! წელ-
კავიანივით რომ დადიხარ, არ შემიძ-
ლია შენი ყურებაო. ყოველთვის კი არ
დავდივარ წელკავიანივით, ზოგჯერ,
ათასში ერთხელ მიწყურება ღმერთი,
მაგრამ რომ გამაშეშებს, დამჯდარი
ვეღარ ვდგები, ამდგარი ვეღარ ვჭდ-
ები, მრცხვენია, თორემ ხმაძალა კენე-
სას მოვრთავდი და ნახაზებთან მიმ-
ჯდარ თანამშრომლებს სულ დავთრებს
აუღუნევი... ისე გამოიმხედე, თითქოს
მართლა მოგწვდა ჩემი ფიქრი და მე-
რე, მერეო, მეკითხები ფიქრითვე.
მერე არაფერი. ვიცი, უკვე ვიცი, ისე-
თი ცარიელი ღროის მოკვლა მომიწევს
შენ გვერდით, როცა ათასი სისულელე
უნდა დაროშო, ათასი ტყუილ-მარ-
თალი, მაგრამ ნუთუ გიამბობ, რაც აქ
მოსვლამდე გადამხდა?

ჩემი თანამეინახენი წავიდნენ, მე კი
შემიძლია ვიჯდე და ყველაფერი გავი-
ხსენო.

მძლოლმა, რომელსაც დავემგზავრე,
მწყობრიდან გამოსული თავისი ნაც-
რისფერი ქიგული პირველივე შემხვედრ
თვითმტელეს ჩაუბა, ხელები გაშა-

ლა, უსიტყვო ბოდნით დამტოვა, ტრა-
საზე და კვლავ უკუგზას დაადგა.

მოულოდნელი მარცხის გამო როდი
დავლონებულვარ. ჩემი სავალის მი-
მართულებით ტრანსპორტს რა გამო-
ლევდა. ერთი გაფიქრება მაინც გავი-
ფიქრე, დამეთარსა დასვენება, თანაც
დასვენება მკურნალობით (რა სოლი-
დურად უღერს!), მატარებლით წამოვ-
სულიყავი, ხომ მერჩია-მეთქი. ამაში
მერე და მერე უფრო დავრწმუნდი, ხე-
ლის ქნევამ და თხოვნამ — გააჩერე.
გააჩერე, თუ კაცი ხარ, წამიყვანე-მეთ-
ქი, — რომ დამღალა და გამაღიზიანა.

ზოგი მანქანა გაჭედილი მიქროდა,
ზოგში წყვილი იჯდა და მესამეს შემო-
მატება არ ეპიტნავებოდა; ზოგი მძლო-
ლი ბუზადაც არ მაგდებდა, ზედაც არ
მიყურებდა. ვგრძნობდი, როგორ თან-
დათან ვკარგავდი წონასწორობას, რო-
გორ მტრულად ვიყავი უკვე განწყო-
ბილი ყველას მიმართ, ვინც გზას არხე-
ინად მიიკვლევდა, თითქოს მათი ბრა-
ლი ყოფილიყოს ჩემი წარუმატებელი
მგზავრობა.

მოგხსენი თავი გულდას და გინების
კორიანტელი დავაყენე. ვაგინებდი გა-
ნურჩეველად ყველას, არ ვუტოვებდი
მკვდარსა და ცოცხალს, კარგსა და ახ-
ლობელს.

ბოლოს ავტობუსმა ჩაიარა და იმანაც
გამაწბილა. ახლა უკვე მუშტებსაც ვიქ-
ნევი, სამგზავრო ჩანთა ფეხებთან მე-
დო, სიგარეტიც მითავდებოდა. ვიყის
პერანგილა მაკლდა. მძვინვარებითა და
მცხუნვარე მზით შეწუხებულს, სახეზე
ოფლი მასკდებოდა. პოდა, გინების
მორიგი სერიალი არც დამემთავრებინა,
რომ მგზავრებით გადაჭედილი ავტობუ-
სი, ქარაშოტივით რომ ჩამიქროლა წუ-
თის წინ, სანამ თვალს მიეფარებოდა,
ერთი წაფერდდა, მოსახვევიდან მსუ-
ბუქი ღრჭიალიდა მომაწვდინა და ხე-
ში გადაეშვა.

ახლა მხოლოდ ის გაურკვეველი
შთაბეჭდილება მახსოვს, გინება რომ
გამაწყვეტინა, და კიდევ ჩემი ხმა, წა-

მეერი გარინდებს მერე ერთბაშად დაძრულს და ძუნძულით მიმავალს თან რომ მომდევდა. რაღაც უცნაურ ბგერებს ამოვთქვამდი, ცხოველის მსგავსად ვლმუოდი, ვიდრე იმ ადგილს მივალწიე. საიდანაც გადაჩეხილნი უნდა მომეძია.

ფლათეში ჩავეშვი, კვალში ავედევნე კატასტროფას. მივბლოტავდი, სიბრაზე მიორმაგდებოდა, საშინელ მძვინვარებად მექცეოდა: შე არამზადავ! შე ჯოჯოხეთის მოციქულო! მართლა უბედური ყოლიხარ გამჩენა! — გავიძახიდი მძღოლის მისამართით და საყრდენგამოცლილ ნაბიჯებს ერთმანეთს ვუნაცვლებდი, ჩავდევი ჩაშლილ ნაფეხურს დაბლა-დაბლა, ღრმა ხევისაკენ, საიდანაც ხშირი ბუჩქნარის მეტი არა მოჩანდა რა. მერე უცებ ხშირ ბუჩქნარს ბოლი ავარდა, ერთ ალაგას დაიწყო ხჩოლოვა. მივხვდი, რა საშინელებაც ხდებოდა. ისე გაქვავდი, ტერფის ქვეშ ღორღიც კი შემიკავდა. ვიფიქრე, ხომ არ სჯობს, ავბრუნდე გზაზე, ხალხს მოვუხმო საშველად-მეთქი. ავიხედე, თვალით ავზომე უკანვე ასასვლელი. ზემოთ ვიდაც ორნი იდგნენ, ხევისკენ იცქირებოდნენ, ხელებს იშვერდნენ. ინსტინქტურად კვლავ დაბლა დავეშვი. კარგა მანძილით ჩაქვეითებულმა ისევე ავიხედე ზემოთ, მაგრამ ველარავინ დავინახე. ახლა ბოლის მიმართულებით მივიკვლევდი გზას გაბლანდულ ძეძვსა და ბუჩქნარში.

ელვირა!.. შენ ხომ არასდროს შეგიძლია მნახო ისეთი, როცა ცეცხლმოკიდებულ ავტობუსს მივაგენი. ქარი მხოლოდ ერთი მხრიდან უბერავდა, ნაწილ-ნაწილ მიაწიალებდა კვამლის თვალგაუთვალ მორევს, ადამიანთა განწირული კივილით შეძრულს, ძლივსგასაგონი, უსასაოო კივილით.

აი, სრული უმწივობა! ამ ჯანდში ვერაფერს დაინახავდი, ვერც ვერას იღონებდი. გამოდის, პასიური მოწმე უნდა ვყოფილიყავი საშინელების.

ადამიანები ცოცხლად იწვიან, შე არაფრის გაკეთება არ შემოდგამს კვამლს სპილენძისფერი შეეპარა, უფრო გასქელდა და ახლა ქარის მიმართულებით კი არა. უთავბოლოდ იწყო ფანტევა და სიბრმავედ შეერია სივრცეს. ვინანე, მართო არ უნდა ჩამოვსულიყავი, მაგრამ რაღა დროს. „სანამ მშველელთა მოსახმობად ზემოთ ავალწიე, ამათი ძვლებიც დაინაცრება...“ ვფიქრობდი და ისევე წინ მივიწვიედი უკვე მეჩხერ ბუჩქებს შორის მოქცეულ ვაკობისკენ, რომელზეც მოძრავ ჰვალად სხლტებოდა თხელი კვამლი. ეს რა დავინახე!.. ცეცხლმოკიდებული კაცი გამობოლოდა უცნაური ხტუნვა-ხტუნვით, პირდაპირ ჩემკენ აელო გეზი. გაშეშებული შეეცქეროდი და რაც მეტად მიახლოვდებოდა, უფრო გარკვევით მესმოდა, როგორი წრიბინ-წრიბინი და ტყაცატყუცი გაუდიოდა. არ ვიცი, რა დამემართა, ცოტა კიდევ დავყოვნდი, დავაწმუნდი, გეზის შეცვლას არ აპირებდა, ანგარიშმიუცემლად მოვბრუნდი და თავქუდმოგლეჯით მოვეკურცხლე. მეჩვენებოდა, თითქოს იმ ცეცხლმოკიდებულებით ვხტუნავდი და წრიბინ-წრიბინი გამიდიოდა, თითქოს ორად ვიყავი გახლეჩილი, ჩემი ერთი ნაწილი ვარბოდა, მხდალი, ლაჩრული, კურდღელივით თავგადასარჩენად ბუჩქებს მიუსურებულები და იმ გაქცეულს მივდევი, რათა მომებრუნებინა, შევერთებოდი, იხვე გავმთლიანებულებოდა.

მაგრამ ჩემს სურვილზე აღარაფერი იყო დამოკიდებული. სიცოცხლეს გავიკვდი, ოღონდ განგებას ავეციდინე ჩემი უძლური და უბადრუცი ბუნების ხუნდებს. საკუთარი თავის ყოველგვარი პატივისცემა დავკარგე. ნუთუ სულ ეს ვიყავი! ნუთუ არაფრის შველა არ შემეძლო განწირულისათვის?! ცხადია, არა, რადგან ინსტინქტმა მიძიძულა მეზრუნა, მეც არ გადამდებოდა ცეცხლი. ამიტომ ვავრბოდი. ჩავდიოდი ისეთ სა-

ზიზღრობას, რასაც სხვას არასდროს ვაპატიებდი. რამ გამაბოროტა, დამეძახა მაინც, მიწაზე იგორე-მეთქი. მერე იქნებ მიშველებაც შემძლებოდა, ან სილა შემიყარა მისთვის, ან სადმე ღელეში წყალი მომეძია. რად მეგონა, მაინცდამაინც ჩემკენ მორბოდა ცეცხლში ჩამწყვდეული, ჯერ ბოლომდე გაუნადგურებელი სიცოცხლე და მოახლოებისთანავე ჩამეხვეოდა, არასგზით აღარ დამეხსნებოდა, თავის ხვედრს მახიარებდა. არადა, ვინ იცის, სულაც ვერ მაძინევედა, მე კი გავუბოდი.

ერთადერთხელ მოვაბრუნე თავი, მანძილი მინდოდა ამეზომა ჩვენს შორის, ოღნავ შევანელე ფეხი და მივხედე. ისიც შედგა, თითქოს მასაც აინტერესებდა, რა მანძილი გვაშორებდა ერთმანეთს. ცეცხლის მოკლე-მოკლე ენები უეცრად გადაქანდა გვერდზე, თითქოს ერთ მხარეზე მიმქროლავ ნიავს უნდა გაჰყოლოდა, ჰოდა, მაშინვე გამოჩნდა მისი სახეც — გადასწორებული და წაშლილი, მოკუმული პირი გაეხსნა, თეთრად გამოჰიატებულ კბილებზე გადაიფლაშა და სილურჯეგადავლილი სიცილი გამოსცა, ჩამხრჩვალის გაუჩინარებისთანავე ჭაობი რომ ამოიბუყბუყებს ავბედითი გულგრილ აბით, ისე, სწორედ ისე. დაზაფრული კვლავ წინ გავვარდი.

პირველი სინდისის ქენჯნა მაშინ ვიგრძენი, ფლატეს როცა მივადექი გულამოვარდნილი. ის იყო გავიფიქრე, ძალა აღარ მეყოფა ზემოთ ასასვლელად-მეთქი, რომ მუხლმოკვეთილს ვილაცამ მომძახა:

— ნულარ ჩქარობთ, გაიგეს, სასწრაფო დახმარებას გამოუძახეს.

ფეთიანივით მივიხედე, ხმელ-ხმელი კაცი იყო, მარცხენა ლოყაზე ცერცვი-სოდენა მეჭეჭი აჯდა.

იქვე ჩავჯექი, ხმა არ გამიღია. უნდოდად გავხედე კვამლში ჩამხრჩვალ ხევს, შეჯანღული ცა რომ დამხობოდა ზემოდან და მოლოდინმა დამაზაფრა, აი,

ახლა გამოჩნდება ცეცხლმოკიდებული-მეთქი. მაგრამ აღარსად ჩანდა. — ეს რა საშინელებაა! — თქვა მეჭეჭიანმა. იდგა, განძრევას არც აპირებდა.

ხმა არ გამიღია.

— ვერც მიეშველები. შეიძლება კვამლში ამოიხრჩო, — ისევ თქვა მეჭეჭიანმა. — საშინელებაა და საშინელებაც...

ფლატეზე ხალხი ჩამორბოდა, საკაცებს მოაფხოკიალებდნენ, თეთრხალათიანებიც ერიათ, აღჭურვილნი მენდიკამენტების ყუთებით, აირწინალებით. მეჭეჭიანმაც მათკენ გასწია.

ფეხები დაწყვეტაზე მქონდა. „რომ არ ვვარჯიშობ, იმიტომა ვარ მჩვარივით“, — გავიფიქრე ბრაზით. ირგვლივ მიმოვიხედე, იმ ჯუჯა ხეს დაეუწყე ძებნა, ჩამოსვლისას სანიშნედ რომ ამოვიჩიე. ისევ ძველ გზას უნდა აეყოლოდი უკან, რადგან სამგზავრო ჩანთა ფლატეზე, ძეძვეში მქონდა ჩამალული.

წინ და უკან ვეხეტე, სანამ ჯუჯა ხეს მივაგნებდი. ვილაცები ისევ ჩარბოდნენ ხევისკენ. მე კი ვტოვებდი იქაურობას, სიკვდილის სუნით შემღვრეულს. გული ყელში მებჯინა. როცა ტრასიდან საბოლოოდ გავხედე ხევს, თითქმის რომ აღარ ჩანდა კვამლში, მომეჩვენა, თვით ამდიოდა ის სუნი, ტუისისა და სიმყრალის ნაზავი და ეჭვი არ მეპარებოდა, პირდაპირ სიკვდილიდან მოვდიოდი. რატომღაც ვიფიქრე, უთუოდ მძლოლი იქნებოდა ის ცეცხლმოკიდებული მორბენალი-მეთქი. მართალია, არავითარი ბრალი არ მედო მისი ბედის უკუღმართობაში, მაგრამ მაინც უპატივცემლოდ განვეწყვე საკუთარი თავის მიმართ, საკუთარი სიცოცხლის მიმართ, რომელიც ამკარად გამოუფახურდა და შემთხვევითობას დაემსგავსა.

„ამის გაგება შეგიძლია, ელვირა?“

რატომ მაინცდამაინც შენ ამოვიჩიე? რად გიგზავნი ჩემს ფიქრებს, რო-

გორც წყალს გაყოლილ ბარათებს? არ ვიცი... თუმცა ის ბარმენიც ხომ ხშირად მახსენდება, მოსვლისთანავე რომ მიიქცია ჩემი ყურადღება. გიყურებს და თვალებით გეუბნება, თქვენს მოწყენილობას დიდ პატივს ვცემო. ერთი ზედმეტი სიტყვით არ შეგაწუხებს. ამდენსაც რომ არ მაგრძნობინებდეს, უფრო დახვეწილ ჟენტილმენად ჩავთვლიდი.

შიგ მუსიკაში იდგა იგი, ნომერი რომ ჩავიხარე და შხაპიც არ მიმიღია, ისე გავვარდი ვარეთ. მუსიკაში და ცარიელ ბარში იდგა, როცა მივხვდი, სამგზავრო ჩანთას გავექეცი, აღარ შემძლო მისი დანახვა. იდგა და მელოდა, რას ვთხოვდი. მაგრამ არაფერი მითხოვია. წოწოლა სკამზე შემოვჯექი და მეც იმ სიცარიელეს და ლოდინს მივემატე. ბარიტონი ღლინებდა რიტმულ მელოდიას. წამალი იყო ჩემთვის ის ღლინი და ყმაწვილი. ბარმენის დუმილი იმდენი სიკვდილის მერე, აბსურდულს რომ ხდიდა ყველაფერს.

შენ რომ შეგეძლოს, ელვირა, ეგ ჩაღისფერი თმა წააფარო ჩემს მეხსიერებას და დამვიწყო, რომ ლამის ვტიროდი არა სხვათა საცოდაობის, არამედ საკუთარ თავთანაც გაუმხელელი იმ სიხარულის გამო, რომ მათი ხვედრი არ მერგო, ცეცხლწაქიდებული არ ვეგდე სკამებს შორის და პატრონის გარეშე დარჩენილი ფეხი რკინის წვრილი ქუსლით არ მებჯინებოდა მკერდზე. არადა, ადვილად შეიძლებოდა ასე მომხდარიყო, ბედისწერას რომ ენებებინა... შენ რომ შეგეძლოს არაარობას ჩაუდგა სული... შენ რომ შეგეძლოს...

ელვირა კი მიდის. დაამთავრა ჭამა და მიდის.

რაც აქა ვარ, სიზმრებს აღარ ვხედავ. ჩემი დღე და მოსწრება სიზმრები მტანჯავდა. გავთავისუფლდი ამ სატანჯველისაგან და, წარმოიდგინეთ, არც მიხარია. ალბათ, იმიტომ, ცოცხლებში რომ აღარ ვწერივარ. ყველაფერი, რაც ჩემშია, რაც გამაჩნია და ჩემგან წარმოსდგება, იმქვეყნიური გახლავთ. იმ-

ქვეყნიდან ჩამოგართმევთ ხელს, იმ-ქვეყნიდან შევივრდომებ თქვენს ულ სხეულებს, თქვენს ღამეებს. იმქვეყნიდან შეგიკებთ გარდერობს, გემოვნებით რომ შეგიჩვენებთ. იმქვეყნიდან გააფრთხილებთ: ნუ მოიტყუებთ თავს, თქვენი არსებობის ყოველი წუთი შემთხვევითია!

საკმარისია ამ ვეება სასადილოში მჯდომთაგან რომელიმეს გავუმხილო ეს მოსაზრება, ამრუხით შემომხედავს იმის საუწყებლად, ჭკუაზე აფრაკად ხომ არა ხარო? ბუნებრივიც იქნება, ზედმიწევნით ბუნებრივი... მაგრამ ხომ არ გამოიჯავრდებით, ნაცვლად იმისა, ორ შაურად მიღირს თქვენი აზრი-მეთქი, გიპასუხოთ: მე თქვენზე ბედნიერი ვარ, რადგან ვიცი ის მთავარი, რაც იქნებ ვერასდროს შეიტყოთ საკუთარი თავის შესახებ. ჩვენი არსებობა სხვადასხვა განზომილებაში მოექცა. მე ლურჯი სიცილის მეუფებაში ვცხოვრობ უკვე და, საუბედუროდ თუ საბედნიეროდ, ვერ ვიტყვი, მსურს თუ არა გავთავისუფლდე მისი ცხადზე უცხადესი კომპარისაგან. იგი ისევე არსებობს ჩემში, როგორც დაბადება იგულისხმება ნებისმიერ მოკვდავში, ვითარც ბინდი ენაცვლება სინათლეს. აბა, რას ბრძანებთ, რომ ავდგე ახლა და განვაცხადო: ხალხო, პატიცემულო საზოგადოებავ! თქვენ გვერდით მიცვალე-ბულია! დაიჯერეთ! მერე რა, რომ ერთად ვსხედვართ ამ დიდებულ სასადილოში...

მართალი ვითხრათ, აქაური მზარეული გემრიელ გუფთას ამზადებს. ამ გახსენებაზე, რად არ შეგუფელი შთაბეჭდილების წიგნში მადლობის ჩასაწერად, მან ეს დაიმსახურა. მაგრამ მეზარება. მეზარება და, რა ვქნა! თქვენ მაინც გამოიჩინეთ კეთილშობილება, ბატონებო და ქალბატონებო, გემრიელი კერძების ტრფიალნო, წყალში ნუ გადაუყრით შრომას. მე რას მიყურებთ, ერთ უაკვარგო კაცს, ჩემთვის ახლა ყველაფერს ხომ ჩირის ფასი აქვს. არც



ემოციები გამაჩნია, არც სურვილები, არც მიზანი. მზარეულის სახატბოდ მტელა? გარდა ამისა, წესით, არც უნდა მიყვარდეს მასზე გული. როცა მისი კულინარული ნახელავით ვნებივრობ, ხარბად ვნთქავ ყველაფერს, რასაც მთავაზობენ, სწორედ მაშინ ვგრძნობ მძაფრად, რომ უსულოდ დარჩენილი, ლამის ცხოველად ვქცე. ნამეტანი რუდუნება ხომ არ გამომდის არაფრის-მაქნისი სხეულისათვის? უსულოდ დარჩენილი სხეული კი... ოჰ, კმარა!..

ისე, რა გგონიათ, ახლა ვფლობ ამდენ ცოდნას საკუთარ თავზე, თორემ აღრე ორი ბატი არ მომებარებოდა, ორივეს ნებაყოფლობით გავატანდი ვინმე მშვიერს, გაპუტე, შეწვი და მიირთვი-მეთქი.

უსულოდაც კარგად შეიძლება იგრძნო თავი აქ, პანსიონატის ვეება სასაღილოში, სადაც დამსვენებლები ორ წყებად მიირთმევენ საქმელს. მართალია, აგურისფერი უხეში პლუმის ფარდები ცივ განწყობილებას ქმნის, სამაგიეროდ, ჭერის მოჩუქურთმებული კესონი ქადაგებს, როგორ იზრუნეს შენზე და თითოეულ აქ მყოფზე, ვიზუალურად ესთეტიკური ფუფუნება შეეკმნათ. ქალებიც გემოვნებით შეურჩევიან. დანარჩენი შენზეა. შეიფერე და შეირგე. თანაც გამომართლა, მეორე წყებაში მოვხვდი, თქვენც, რალა თქმა უნდა, ბატონებო და ქალბატონებო!.. მომტანი ქალები არ შემოგვექერიან პირში, იქნებ მალე დაამთავრო ქამო, თვალუბით უსიტყვოდ არ გვეუბნებიან; მოიფიქრეთ ადგომა, თქვენ გარდა, 'სხვებიც არსებობენ, საკუთარ სახლში არ გგვონოთ თავიო. ასე რომ არა, ვინ დამაცდიდა ამდენ ფიქრს. ელვირაც კი წავიდა რა ხანია. ალბინოსების ოჯახიც საცაა გაიკრიბება, ბიჭის ბოლო ლუქმის გადაყლაპვას ელოდებიან. ეზარება და მშობლების ხათრით ქამს.

საჩხერელმა მძლოლმაც დაგვეტოვა. ეს აწოწილი კაცი დარბაზის შუაგულში ზის. ჩაით, კომპოტით, ასკილის ნაყე-

ნით, ოღონდ სითხე ესხას ჭიქაში. ლაფრით სადღეგრძელოებს, აწვევს ხელს, ალვის ხეავეით აეყულება, იყურება აქეთ-იქით, ვითომ, ყველას გეკუთვნით სადღეგრძელოო. ჭვინის ცენტროში მთლად წესრიგი ვერ უნდა ჰქონდეს. ანგლობს თავის ჭკუით, ტინგიცობს, კომუნიკაბელურობას იჩემებს, განსაკუთრებით ნაზი სქესის წარმომადგენლებთან. გამოაცხადა, საჩხერელი მძლოლი ვარ, ახალ ავტობუსს ველოდები, ცოტა ხანს შავ ზღვაში უნდა ვიქყუმპალაო, განა რამე მტკივა და სამყურნალო ვარო. ამასობაში ავტობუსიც ჩამომივა და მოვაჯდები ჩემს ბედაურსო.

ამ ხუშარას საქციელზე დარბაზს ტალასავით გადასდის ირონია.

კიდევ შემიძლია ვიჯდე და ვიფიქრო, ბევრი ვიფიქრო. აი, რამხელა უპირატესობა მაქვს პირველი წყების დამსვენებლებთან შედარებით.

მომტანმა აალავა ჩემი ორი თანამესუფრის ჭურჭელი. ერთი სკამი თავისუფალია. ნეტა ვინ მოვა? ვინ გაგვაბედნიერებს? უნდა ვალიარო, არავის მოსვლას არ ვანიჭებ მნიშვნელობას. ცარიელი სკამი მიჩვენია დასაკუთრებულს. ეს თქვენი სკამია, გეთაყვა, ეს ჩემი ადგილია! აქ შორეული ცურვის ყოფილი კაპიტანი ზის... — ასე თქვა დედაბერმა, როცა დეტექტანმა მაგიდასთან მიმიყვანა ახალმოსული. ეს იქნება თქვენი ადგილიო, მიმითითა. რა შესანიშნავად ეღერს, არა? შორეული ცურვის ყოფილი კაპიტანი... ფერფლისფერ კაცზე იყო ლაპარაკი, გვერდით რომ მიზის ხოლმე, მდუმარედ შეექცევა საქმელს. ალბათ, გრძნობს, მასლაათის გუნებაზე არა ვარ.

დედაბერიც არ მითმობს დიდ ყურადღებას. მოვა ბაკაბუკით, ხმაურით გასწევა მიძიმე სკამს, მოხერხებულად მოიკალათებს, დააწყობს სუფრაზე ლილისფერი ძარღვეებით აჭრელებულ ფუნთულა ხელებს, ბებრულ, დაღლილ მხერას მომიგებებს, ოდნავ დაიქნევს

თავს. ესაა მისი საღამო. მერე მისთვის განკუთვნილ ულუფას შეექცევა გულდასმით, აშკარა ნდომით. შუა ჭამაში ოფლი მოექალება დაღარულ სახეზე. თორ, მოქარგულ ცხვირსახოცს ამოიღებს და მზით გამოაშკარავებული პიგმენტებით აჭრელებულ დაწვისთავებზე იდებს.

დედაბერი ჭამის კულტურას კარგად ფლობს. მუდამ ადვილად დასაღებ კერძებს უკვეთავს, ჩანს, საძირე კბილები აკლია. სიმშვიდეს ასხივებს მთელი მისი გარეგნობა, გადამდებ, იშვიათ სიმშვიდეს. თანამედროვე პედაგოგებს ვერ შევადარებ, მაგრამ, მგონია, ასეთები ასწავლიდნენ ძველად გიმნაზიებში.

შორეული ცურვის ყოფილ კაპიტანს მარცხენა დაწვისთავი უხტის. როცა ვუტყერ, ვფიქრობ, რომ ეს შორეულ გზებზე დაღლილი მისი ნერვები სუნთქავს. ჩიტვიით იცივნება, ეტყობა, არ უყვარს ჭამა. ზოგჯერ თვალს შეაპარებს დედაბერს, გემრიელად რომ იცმუცნება, მერე დარბაზის ყასიდ თვალიერებაში განმუხტავს უნებლიე ინტერესს. მე მგონია, ამ დროს ფიქრობს, რომ კუჭ-ნაწლავი სრულიად ზედმეტი და პარაზიტული ორგანოებია ადამიანის სხეულის ცოტად თუ ბევრად კეთილშობილურად აწყობილი ორგანიზმის მთელ სისტემაში. ისევე შეუფერებელი და შეუხამებელი, როგორც ჩვენი დედაბრის ყელზე აქატის ფერადფერადი ქვების ორ წყებად ასხმული მძივები და ასეთივე სამაჯური მკლავზე. მის გარეგნობას იმდენად ემჩნევა მემკვიდრეობასავით შემორჩენილი კეკლუცობა, სერიოზულად რომ დაფიქრდე, გული დაგეთუთქება. ახლა კიდევ მარილები? დედაბერს მარილების დაგროვება ტანჯავს. შორეული ცურვის ყოფილ კაპიტანს შესჩვილა სუფრასთან, მარილები მაქვსო, სახსრებდაბერილი ფუნთულა ხელის მტევნები უჩვენა.

დროა უკვე, აქედან გავიდე, თორემ

სასადილოს მოსამსახურე პერსონალი სადაცაა ეჭვის თვალით დამიწყებდა რას.

სტენდზე ექსკურსიების განრიგია მიკრული, მაგრამ გასული თვის... ბიჭოს, ექსკურსიებს მონდომიან და ეგაა. ახალსა და სამომავლოს არაფერს იუწყებიან ჯერ. ვილაც გვერდით ამომიღვა, ყასიდად მისჩერებია, ალბათ, უამრავჯერ წაითხულს, თორემ, დავიჯერო, ჩემნაირი სხვაგაა პანსიონატში? ახლა ხომ პროცედურების დროა და სააბაზანოსკენ მიეჩქარება ყველას. შუახნის ქალია, მოწრუპულთვალეიანი.

ის-ისაა შეგბრუნდი, უნდა წავიდე, რომ ქალი მომმართავს:

— ბოდიშს ვიხდი, მაგრამ როგორი ტალონები გაქვთ?

ვიბნევი, არ ვიცი, რა ვუპასუხო.

— თქვენ როგორი გნებავთ... — ვამბობ მინც.

— იცით, ბედი არ მწყალობს, სულ ცუდი ნომრები მხვდება. არ მიყვარს აბაზანაში სხვასთან ერთად რომ შევდივარ, სიმარტოვეს ვარ დანატრული...

უბადრუკი არსებაა, ისეთი მარტოსული, მისმა სიმარტოვეზე ოცნებამ ღიმილი მომგვარა.

— გადაცვლა გინდოდათ?

— დიახ, თუ შეიძლება...

— სიამოვნებით, მაგრამ არ მიზრუნია ჯერ ამაზე. ვერ მოვიცალე... ვინ უნდა მომცეს ტალონები?

ქალს უკვე აღარ ვაინტერესებ, მინც არ მიმატოვა ერთბაშად.

— იცით, აბაზანაში რომ ჩავდივარ, ხმის ამოლება არ მინდა, ზოგი კი გაგიბამს საუბარს. მარტო სულ სხვაა...

თავს ვუქნევდი, გეთანხმები-მეთქი.

— როცა მომცემენ, რა თქმა უნდა, თუ ერთადგილიანი მარგუნა ბედმა, აუცილებლად გაგიცვლით.

— ძალიან დამავალბეთ, — მითხრა გახარებულმა, გაიღიმა, ერთმანეთზე შემჯდარი, ჭინაჭამი კბილები გამოაჩინა. — ნახვამდის.

ვესტიბიულის უკანა კარისაკენ გა-

ვეშურე, მერე პალმების ხეივანში აღ-
მოვჩნდი. მშვენიერი ხეივანი იყო,
მყუდრო, უკაცრიელი. ვისეირნებ აქ,
მერე ზღვაზე გავალ. პროცედურებზე
მეტად სიმშვიდე მჭირდება. აი, უკვე
თავზე ზრუნვას შევუღდექი. დღეს, ადამიანებისა და გარემოს აღქმა დავიწყე
თუ არა, საკუთარ თავთანაც შემეცვა-
ლა დამოკიდებულება. მთავარი კი არ
შეიცვლება, მაინც არარაობად დავრ-
ჩები.

მივუყვები ხეივანს და მახსენდება,
ერთ ოჯახში სტუმრად მისულმა, თოჯინების კოლექცია ვნახე. ყველგან თოჯინები — შემინულ კარადაში, ღია თაროებზე, ტახტებზე, ათსნაირნი, ფერად-ფერადნი. გოგონა კი არ თამაშობს თოჯინებით, აგროვებს მხოლოდ, კონტაქტი კი არ აქვს მათთან, ფუფუნების საგნად იხდის და უმოქმედო ტყვეების მდგომარეობაში ჰყავს. დღემდე არ ვიცი, რა ჰქვია ამას, რით შეიძლება აიხსნას ბავშვის მიდრეკილება კოლექციონერობისაკენ. მახსენდება ისიც, აქ წამოსვლამდე რამდენიმე დღით ადრე, შულამისას უცნაურმა ბრაგაბრუგმა რომ გამომავლიდა. აღმოჩნდა, რომ გაღეშილ ჯარისკაცთა ოცეული ცეკვავდა შუა ქუჩაში, ჩემი აივნის პირდაპირ. მოცეკვავენი ლამის ბორბლებქვეშ უცვიოდნენ მორიგე ტაქსებს, სვლა-შენელებულები მარცხის შიშით ძლივს-ძლივს რომ მიიკვლევდნენ გზას. ხმას არავინ იღებდა და ოცეულის მაყურებელს მექანიკური კაცუნების როკვა დაგიდგებოდა თვალწინ. მიკვირდა, სად უნდა ყოფილიყვნენ ამ შულამისას, ან ჩექმების ბრაგაბრუგით ასე რად იკლებდნენ ქუჩას?

ნეტა რამ მომაგონა ეს ამბები. ეშმაკიც ვერას გაუგებს ტვინის მუშაობას. მართლა მშვენიერი ხეივანია. ჩემს ამარა დარჩენილი, გაყუჩრებული, მაცდუნებლად მიტყუებს. მაგრამ უეცრად მოვბრუნდი. თვითონაც გამიკვირდა, რამ მაიძულა, შემეწყვიტა წინსვლა, რა დამრჩენოდა უკან? უაზრო ქცევის

უაზრო ანალიზი დავიწყე: ჩემთვის წინსვლასა და უკან დაბრუნებას ანალიზი ხომ არავითარი განსხვავება არაა, მას რა მაიძულებს გეზის შეცვლას, რა გარეშე ძალა მმართავს, რომელსაც ვემორჩილები? რა მელის უკან, საიბრუნებო? ჩემში მდგარი ენერჯისათვის, რომელზეც არასდროს მიფიქრია საგანგებოდ, ენერჯისათვის, სიცოცხლედ რომ გვაქვს მონათლული.

ისევ უკაცრიელი იყო ხეივანი, უჩქამო და მშვიდი. ან აქამდე რად არ ვაკვირდებოდი საკუთარ თავს? მხოლოდ იზეტა იყო ჩემი ფიქრის საგანი. რითი აღწევდა ამას? ნუთუ გულგრილობით? მაინც დამარწმუნა, შვილები უსიყვარულოდ რომ გააჩინა. საცოდავია, მაგრამ რად გათხოვდა. კალთები ნამდვილად არ დამიგლეჯია, წამომყვევი, თორემ უშენოდ ვერ ვიცოცხლებ-მეთქი. რამდენჯერ მინდოდა მერე მეთქვა: იმიტომ გათხოვდი, რომ შინაბერა არ დაგკმეოდა! გათხოვდი, რომ შვილები გაგჩინა და შენი ცარიელი ცხოვრება საზრუნავით შეგეცხო! ასე ცხოველებიც მრავლებიან!

მაგრამ არასდროს არ მიტყვამს... ვერაფერს შეცვლიდა სიტყვები, საკუთარ თავმოყვარეობას შეუტაცხვყოფდი მხოლოდ. სიმართლეს შიგ თვალეში ვუცქერდი, მაგრამ არც გავლოთებულვარ, არც გარყვნილების მორევში გადავშვებულვარ. ნუგეშად ისლა მქონდა. ყველა ადამიანს როდი აჯილდოებს ბუნება სიყვარულის ნიჭით, ზოგს ცხოველურ ინსტინქტებს დააყოლებს-მეთქი. ერთხელაც არ ვცდილვარ, საკუთარ თავშიც მომეძია ჩვენი არასრულფასოვანი ცოლქმრობის მიზეზი. ახლა ვხვდები, რომ არ ვცდილვარ. სიყვარულს ხომ ვერ ვაიძულებდი. ჰოდა, ნელ-ნელა გავცივდი მეც. ბავშვები მენანებოდა, მაგრამ მტკიცედ გადავწყვიტე. წერტილი დამესვა რეგისტრირებული სიყალბისათვის.



როცა გამოვეუსხადე. ჩვენ ერთად ცხოვრებას აზრი არა აქვს-მეთქი, მან თვალები დახარა, დამელოდა ბოლომდე მეთქვა, რის თქმასაც ვაპირებდი, მაგრამ ჩავთვალე, ყველაფერი ცხადი იყო და სიტყვაც აღარ დამიმატებია. მაშინ იზეტამ ნელა ასწია თვალები, უსიტყვო შვებით გაამჟღავნა სევდანარევი სიხარული.

„კიდევ კარგი, — გავიფიქრე, — დავაყენე საშველი საწყალს, ვინ იცის, რამდენი ხანია ამ სიტყვებს ელის.“

— ბავშვებზე ძველებურად ვიზრუნებ... — მეტის თქმა აღარც იყო საჭირო.

რას ვხედავდი! ნამდვილი „მონა ლიზას“ ღიმილი!.. ასეთი ნაზი არასდროს მეხილა ჩემი ცოლი, ასეთი მშვიდი და იღუმალი. „განა არ შეეძლო, თვითონვე ეთქვა იგივე, რაც ახლა ჩემგან მოისმინა? იქნებ ეშინოდა, არ დავეთანხმებოდი. იქნებ შეგუებულიც იყო ხვედრს?“

უეცრად გამიჩნდა მისი პატივისცემა. იგივე ვიგრძენი ჩემ მიმართაც იმ მზე-რასში, არასდროს რომ არ დამავიწყდება,

უცნაური იყო... სამუდამოდ ვშორდებოდი და ურთიერთპატივისცემის მიზეზიც ეს იყო. სიტყვა არ უთქვამს; ერთი სიტყვა... თავი დაიქნია მხოლოდ. აღარც მე მქონდა სალაპარაკო.

ახლაც არ ვიცოდი, რა ერქვა იმ ნაბიჯს, კეთილშობილება თუ სისულელე. ცოლის სათქმელი თვითონ ვთქვი და იქნებ მთელი ჩვენი ნაცნობობის განმავლობაში ერთადერთხელ შევეშველე მის ტვირთს, ერთადერთხელ ინება ჩვენმა აზრებმა ჰარმონიულ თანხმებებად სუფევა. რა კარგად გვესმოდა ერთმანეთის... მომეჩვენა, სწორედ აქედან შეიძლებოდა ყველაფრის დაწყება, რაც არ გვქონდა, რაც გვაკლდა და რის გამოც ვიყრებოდით.

მერე ის იყო, მაინც ვერ გავუძელო ცდუნებას, ვიფიქრე, ხომ არ ავჩქარადი, მოვლენებს წინ ხომ არ წავეუსწა-

რი-მეთქი? იზეტა შებრუნდა და გადაწყვეტილებაც ძალაში შევიდა.

მეცქერდი კარისკენ მიმავალს და ელვის სისწრაფით მეკარგებოდა წონასწორობა. მოულოდნელად აფუთფუთდა მყისიერად გაჩენილი ეჭვი, რისი წყალობითაც მომეჩვენა, რომ ვილაც მესამის დღესასწაული დგებოდა, უჩინარისა და ეგებ არარსებულის, მაინც ამ წუთების მონაწილის. რომელსაც მშვიდობიანად ვუთმობდი ჩემს კუთვნილს. მთელი შიგანი ამიჯანყდა. ამ დროს ტელეფონმაც დაიწყოჩიალა.

კარის ზღურბლს მიღწეული იზეტა შედგა, მობრუნდა და ტელეფონს გახედა. სწრაფად დაეწვდი ყურმილს. ჩემი დის ხმამ ჩამძახა მზიარულად:

— გამარჯობა, ჯოდორი! ხომ კარგადა ხართ? — პასუხს არც დალოდებია, ისე მიაყოლა, — მივდივარ, როგორც იქნა! წარმოგიდგენია? ტაჯ-მაჰალს ვნახავ!.. კიდევ...

— ნეტა რას დაწერიალემ! რა ტურნიზმი ავიტყდა! — შევაწყვეტინე სიტყვა, მთელი ხმით ვულრიალე: — ჩაბარდი პატრონს, მერე ვინდ ინდოეთში წადი, ვინდ კალიფორნიაში!

— რა დაგემართა, ჯოდორი!.. — სინანულით იკითხა. მაგრამ ყურმილი დავუხედე, მეტი ვერაფერი მოასწრო.

საკუთარმა ხმამ გამცა, დარღვეული წონასწორობა სულ გარეთ გამომიყარა სააშკარაოზე. როცა ერთ ადგილას გარინდული იზეტა კვლავ მიბრუნდა ზღურბლზე გადასაბიჯებლად, უკვე მტკიენეულად მოხვდა ჩემს მხერას მისი დატოვებული მშვიდი, გულგრილი ღიმილი. „პროვინციალიზმი...“ — თქვა იმ ღიმილმა. სამართლიანად თქვა, მაგრამ სამართლიანობისათვის აღარ მეცალა. უცებ მომინდა, დამენგრია სახელი ჩამომელო კედლები, სათითაოდ და გოროხებად მეტკია. მომინდა, გავვარდნილიყავი გარეთ, ყველა შემხედურისათვის სახეში მეფურთხებინა და

ლალი ბრეგვაძე
მხარავ რამბაიძე

მეყვირა: ესაა თქვენი მოგონილი ცხოვრება?! რას ჩირთიფირთობთ, რა თავი მოგაქვთ? ყველანი ერთნაირები ხართ! უგულო არამზადები! მიზანთროპები! მაგრამ იმასღა დავჯერდი, რომ ტელეფონის აპარატი დავახეთქე ძირს და ერთიანად დავფშვენი.

ო, როგორ მეზიზღებოდა საკუთარი თავი!.. ვიდექი გალენჩებულები და ვფიქრობდი: ნუთუ იმიტომ ვიცოცხლე აქამდე, მხოლოდ ეს ზიზღი შემრჩენოდა?.. უსაშველო სიცარიელე იყო ირგვლივ და ამ სიცარიელეში ვეკიდე. აი, ამ პალმის ჩამოხლეჩილი ტოტივით.

მართლაც როგორი მსგავსება იყო მაშინდელ ჩემს მდგომარეობასა და უკაცრიელ ხეივანში მდგარ პალმას შორის. იქითობას ისე გავიარე, არ შემიმჩნევია. არც ცოცხლებში წერია ტოტი, არც მკვდრებში. წყაბათი დაკიდებული, ველარ შეუხორცდება ძველ ადგილს, ჯობს ჩამოვავდო, რომ აღარ უცქიროს საკუთარ უბედურებას.

ვუახლოვდები, როგორც სულმდაფავ ახლობელს. ის-ისაა ხელი უნდა აეწიო, ვხედავ, ხეივნის სიღრმიდან ზედ პალმის ძირში ძლივშესამჩნევად ჩატკეპნილ ბილივზე ქალი გამოდის. მკვირტხლ, აწყლიანებულ თვალებს მათვლებს, მაშინვე წინ მიდგება. ზომაზე მეტად სქელი ტუჩები აქვს, ნაოპერაციებივით ნესტოებაარეხილი ცხვირი, წაბლისფერი ტენილი თმა, მხრებამდე ჩამოშლილი, ციკქნა ტანი, ორთავ ხელით ფერად-ფერადი ყვავილებითა და ბალახბულახით საესე ჭილის კალათი უკავია. უკან ვხევე, რომ თავისუფლად გამოსვლის საშუალება მიეცე. ახლა უკვე ცხადია, პალმის ტოტი საგანგებოდაა ჩამოხლეჩილი, როგორც დაბრკოლება ბილიკიდან გამომსვლელთათვის. იქნებ სულაც ამ ქალის ნახელავი იყოს...

ნახევრად წახრილმა გადმოაბიჯა ბილიკიდან, მხრით შეაშრილა პალმის ჩამოგლეჩილი ტოტი და შემომ-

ლიმა გულლიად, ისეთი უშუალოებით, თითქოს ყვავილების კრეფაზე წაშენს. როს და მინდვრის სილამაზით წვეულ სიხარულს მინაწილებდეს.

მეც ღიმილი შევაგებე, ბუნებრივად, უნებურად კალათაზე ვუტაცე ხელი. არ შემცბარა, კვლავ ისე შინაურულად მიღიმის, ლამის დავიჯერო, საგანგებოდ ვარ აქ მოსული, ვიცოდი, რომ სწორედ ამ წუთსა გამოვიდოდა იგი ბილიკიდან, რომ ისიც ელოდა შეხვედრას, რომელსაც სიტყვები არ სჭირდებოდა. მაინც დავხედე კალათს და ვთქვი:

— ჩანს, პირდაპირ ზღაპრიდან მობრძანდებით!

თავი დაიქნია, თან კალათიდან გადმოკიდული გვიმრის ფოთოლი შეასწორა, რომ არ გადმოვარდნილიყო.

— ყოველდღიურობად მექცა ეს ზღაპარი, — მომიგო ცოტა დახანების შემდეგ.

— როგორ?

— ჩვევად, ურომლისოდაც ველარ წარმომიდგენია...

— ოთახს რთავთ, ალბათ...

— არა, — თქვა ქალმა, — ათასნაირ კომპოზიციას ვქმნი, დეკორატიულ მოტივებს... იკებანა ხომ გაგიგონიათ? ყურმოკვრით ვიცოდი, ისე, ბევრი არა გამეგებოდა რა იკებანასი იმის გარდა, რომ იაპონურ ხელოვნებასთან იყო დაკავშირებული. მაინც დავუქნიე თავი.

— ჩემი ერთადერთი გატაცებაა! — აღსარებასავით მაუწყა.

— ერთადერთი? — გავიმეორე გაუაზრებლად, თან სინანულმა შემაწუნა, რად არ მქონდა საგანგებო ინფორმაცია იკებანას შესახებ, რომ საქმეში ჩახედული კაცის სითამამით შემძლებოდა გამება საუბარი, ორიოდ საკუთარი აზრიც გამომეთქვა. ეს იმიტომ კი არა, ქალის თვალში ღირსება შემმატებოდა, არამედ მისივე სიამოვნებისათვის. არ ვიცი, რად, მაგრამ საოცრად მომინდა მესიამოვნებინა.

ქალს აღარაფერი უთქვამს, როგორ-
ღაც წაჩქარდა წინ, ალბათ, იმ უხერ-
ხულობის დასაფარავად, სიცარიელესა-
ვით რომ გაჩნდა უპასუხოდ დატოვე-
ბული ჩემი შეკითხვის შემდეგ.

მივდევდი და ვფიქრობდი: რა კარ-
გი ვინმეა, ახლო გაცნობა არც გპირ-
დება ამისთანის ამოცანობად. ის კი
ოდნავ დაწინაურებული, ჩქარ-ჩქარა
დგამდა რბილ, სინთეტიკურ უძიროებ-
ში წადგმულ ფეხებს, მოკლე ნაბიჯე-
ბით მიდიოდა მსუბუქად და ვგრძნობ-
დი, რა სწრაფად ილეოდა გზა. დარწ-
მუნებული ვიყავი, ქალი ჩემზე არ ფიქ-
რობდა, კალათა მომანდო და მაშინვე
დამივიწყა, სრულებით არ ვაინტერე-
სებდი. მოკლედ, არ მოვუყვები თვალ-
ში.

„მაშინ რად შემომღიმა პირველი შე-
მთხედვისთანავე?“ არ ვიტყვხდი იბტი-
ბარს. „იმიტომ, რომ ქალური ინსტანქ-
ტი უკონტროლოდ დარჩა? იმიტომ,
რომ ჯერ ისევ მინდვრის განწყობილე-
ბით სუნთქავდა, აწყლიანებულ თვა-
ლებზე ყვავილთა ფერები გადასდიო-
და? იმიტომ, რომ არ იცის, არააოაბა
რომ ვარ? იმიტომ, რომ... იმიტომ...“

გზა კი თავდება, დრო იკუმშება აშ-
კარად, ამ გზის ჩვეულებრივი სვლით
დასაფარავად საჭირო დრო არ მეჩ-
ვენება, ნამდვილად ასეა. სადაცაა ჩამ-
თავრდება ხეივანი და პანაიონატის შე-
ნობას მივადგებით. მერედა რა მოხდა!
ისე აუღელურად მწყდება გული, თით-
ქოს დღედაღამ ამ ქალთან შეხვედრაზე
ვოცნებობდი. პალმის ტოტი ისევ თავ-
დაყირა დაკიდული დარჩა. იხეტაზე
ფიქრიც პალმისთან დაეტოვე, დამქან-
ცველი ტვირთივით. ახლა რომ იხეტამ
დამინახოს კალათით ხელში ქალს ად-
ევნებული, ნეტა ისევ „მონა ლიზას“
ღიმილს მომაფრქვევს? ოხ, შენი, მარ-
ცხენა ფეხსაცმელი უშნოდ მაქერს
ქუსლზე. ბიბლიოთეკა უნდა მოვძებნო
ერთი, იქნებ იკებანაზე რაიმე წავიკით-
ხო.

ქალი უცებ შემობრუნდა.

— ინებეთ! — მითხრა, ხელისგული
გამომიწვდინა, ზედ მარწყვებისა
ტულ ქალაღში კოხტად გამოკრული
ორი ფილა საღებო რეზინი ედო.

არ დავფიქრებულვარ, ისე დავწვდი.

— ეს ფეხის ქირაა ალბათ, —
ვთქვი, კალათა მკლავზე წამოვიცივი,
ხელი გავითავისუფლე, საღებუს სწრა-
ფად შემოვხსენი ქალაღი.

ცხოვრებაში არ მიღეჭია რეზინი,
ახლა კი წადიერად დავიწყე ცოხნა. მე-
გონა. ქალიც მომბახავდა, მაგრამ შეე-
ციდი.

— დაგვალეთ, — მომიბოდიშა. —
მომეციოთ, ახლა მე ვატარებ, — კალა-
თაზე მანიშნა.

— რას ბრძანებთ, — ვიუარე, თან
გავიფიქრე, დამცინის-მეთქი. ფარ-ხმა-
ლი მაინც არ დავყარე: — თქვენ თუ
ყოველდღე საცაე კალათს ეზიდებით,
მე რა მიჭირა ამ ერთხელ. — ავლულ-
ლულდი უშნოდ, — ყველაფერს ერთ-
დროულად აწერებთ — დასვენებას,
მუშაობას, მკურნალობას...

— არ ვმკურნალობ, — თქვა ქალ-
მა, — არაფერი მაწუხებს. საგზური
ჩამივარდა ხელთ და შემთხვევით მოე-
ხვდი აქ. ზღვა და ტროპიკული საფა-
რი... მეტი რა უნდა ინატროს ადამიან-
მა? კომფორტსაც არა უშვავს... შეიძ-
ლება ცხოვრება.

უუსმენდი და ვგრძნობდი, მშვიდი
სიცოცხლე იდგა ამ ციციქნა ქალში, რა-
ღაცით იაპონელს რომ მოჰკავდა, რო-
გორი თავისუფალი იყო ტვირთის ტყუე-
ტამდე მისული, ზედმეტად გართულე-
ბული ყოფითი წვრილმანებისაგან...
ქალის კვლობაზე, შესაშურად თავი-
სუფალი.

პანსიონატის უკანა შესასვლელს მც-
ვადექით. აი, ვესტიბიულის მთელ
სიგრძეზე გაფენილი ზოლიანი მწვანე
ფარდავიც გამოჩნდა ღია კარიდან.

— მომეციოთ, ახლა მართლა მომე-
ციოთ, — მითხრა ქალმა და კალათი ჩა-
მომართვა.

არც მადლობა გადაუხდია, არც დამ-

მშვიდობებია, ისე მიბრუნდა, კუსკუს-კუსკუსით გასწია ლიფტის მისასწრებად, საიდანაც ტყუპი დები გამოვიდნენ, თორმეტ-ცამეტი წლის გოგონები. სულ არ ჰგავდნენ ერთმანეთს. არაჩვეულებრივად მომხიბვლელნი იყვნენ. უპირატესობას კი ვერც ერთს ვერ მისცემდი. „ნამდვილად ინტელექტუალურად შექმნილი ტყუპები გაყავთ“, აი ასე უნდა ვუთხრა მათ დედას, თუ შეხვედრა მომიწია.

ზემოთ ასვლა მეც მინდა, მაგრამ შევიცადე, იკებანას არ ეფიქრა, გამომდიაო. მას უკვე იკებანა ჰქვია, ალბათ, თავისი საკუთარი სახელიც ვერ შეეხამებოდა ასე.

თვალს მიეფარა თუ არა, ცოხნა შევწყვიტე, იქვე მდგარ სანაგვე ურნაში მოვისროლე საღეჭი. ცოტა ხანს ამ სავარძელში ჩავეშევი...

ხალხი აბაზანებიდან ბრუნდება. რიგი დგება ლიფტთან. მოდიან დალილინი, დახაშმულნი, ქოშინით, სვენებით. მოდიან ვალმოხდილნი დღევანდელ დღესთან, თავიანთ ავადმყოფობასთან. მოდიან დასასვენებლად, მკურნალობის შესარგებად.

მე კი რა დამრჩენია ზემოთ, იმ ოთხ კედელში ლურჯ სიცილს რომ მახსენებს და მზარავს. სწორედ კედლიდან გადმოვიდა ხილვა, არც აივნის კარიდან შემოცურებულა, არც ფანჯრიდან, სწორედ კედლიდან, რომელზეც ვან-გოგის ბრტყელ-ბრტყელი და ხვეული მონასმებით შესრულებული პეიზაჟის მდარე რეპროდუქცია კიდია. ლევანზე ვფიქრობდი მაშინ, ზის ალბათ საკონსტრუქტორო დარბაზში, ნახაზს ჩაჰკირკიტებს თავის თავში ჩატრიალებული-მეთქი. ნეტა შემეძლოს, მის წინ გავჩნდე, გამოვაფხიზლო, ისევ ამოვებრუნო უკან, საამქვეყნო გავხადო, ანუ ჩემთვის მოვაცლევინო-მეთქი, აწვევს თავს, სიხარულით შემომხედავს და ალბათ მეტყვის, მოდი ერთი ისე ვიხმაუროთ, მთელმა ქვეყანამ გაიგოსო.

— ხმაურით რას გახდები? რას გახდები ხმაურით, ხედავ რა დროა? —

ვეტყვი კვლავინდებურად, სიგარეტს დავაძრობ კოლოფიდან, მუდამ წინსვლით რომ უდევს.

დაუსრულებლად შემიძლია დავებრუნო ის დღე, როცა ლევანი ადგა, წრიულად, დარბაზის კედელ-კედელ დაიწყო სიარული. დავითვალე, თოთხმეტჯერ შემოუარა. დავხედე მის მაგიდაზე გაშლილ წიგნს. „ალბათ თარგმნის, ვნახოთ, ვნახოთ, — რას?“ მარი მალღენ ლაფაეტი, „კლეველი პრინცესა“. ლევანი თარგმნაზეა გადაგებული. „რა უნდა ამ ნახაზებთან, ვეღარ წავიდა აქედან“. მილიონჯერ ვფიქრობდი ერთი და იგივეს, ერთი და იგივეს: „ადექი, სხვა სამსახური მოძებნე, რაიმე ისეთი, ცოტა შენს ბუნებასთან რომ იყოს ახლო და მთელი დრო ასე ღორულად არ შეგიჭამოს“. მაგრამ უმისობაც არ შემეძლო. მართლა რომ წავიდეს, მერე? ძლიერი აღმოჩნდა ეგონიზმი, მეგობრობაზეც ძლიერი. ლევანი ჩემი წონასწორობა იყო. უჩარჩოო ცხოვრებისათვის გაეჩინა ღმერთს, ყისმათს კი დაუფიქრებლად მიეყვანა პედანტურობამდე შემოსაზღვრულ, უზუსტეს სამყაროში, სადაც ტექნიკა თავისი უკანასკნელი სიტყვის თქმას ლამობდა, სადაც ერთადერთი მიზანია კონსტრუქციები... კონსტრუქციები...

ლევანი თავჩაქინდრული უვლიდა გარს ნერვული, სკრუპულოზურობით შეჭირვებული სუნთქვით დამძიმებულ დარბაზს. საიდანღაც უეცრად ბედურა შემოფრინდა. ერთბაშად აფუთფუთდა დარბაზი, ყველამ თავი ანება სამუშაოს. ჩიტის პაწაწა სხეულმა, მფრთხა-ლად რომ დაფარფატებდა ნეონის შუქით ფერწასულ ჰერკვეშ, ოცნებასავით შემოგვიტანა დრო, რომელიც შენობის კედლებს გარეთ უჩვენოდ მიედინებოდა, შემოგვიტანა ერთფეროვან დღეთა პროტესტის მსგავსი წუთიერი შეება და ლამაზი სევდა.

იმ საღამოს, სავანტოში გასვლისას საშვი რომ წარვადგინეთ და ბზრიალა რკინის კარი გავიარეთ, ლევანს ვუთხარი:



— ის ჩიტი შენთვის მოფრინდა. ნეტა თუ ვერ იგრძენი..

თვალი გამიშტერა. არაფერი უთქვამს, ისე მივხვდი, იგივეს ფიქრობდა.

მაგრამ ლურჯი სიცილი ჩიტი როდია. ლურჯი სიცილი ჩემ სატანჯველად მოვიდა. კედლიდან, სწორედ კედლიდან გამომეცხადა ანაფორასავეთ ჩამოგრძელებული მოჩვენება, რაღაც ფომფლო ნაქსოვივით დაქსელილი, მუქ ნაცრისფერი, ჰაერში გამოკიდული.

„ქსოვილის კაცი!“ — გავიფიქრე. შიში კი არა, უფრო ზიზღი ვიგრძენი, აუტანელი ზიზღი. მერე ქსოვილის აბლაბუდა გადალურჯდა, დაპატარავდა და ის საშინელი სიცილი გამიკრთა თვალწინ, ცეცხლმოკიდებული მორბენლის... დავაპირე, ეწვდომოდი, ხელით ჩავფრენოდი ამ უსახურ სიცხადეს, დამეფლითა, მაგრამ სხეული ვერ დავძარი, ერთ ადგილას ვიყავი ვამეშებული. მხრებშიც უხილავი მარწუხები ჩამჭეროდა და სულის ამოთქმის საშუალებას არ მაძლევდა. თვალის დახუჭვაც ვერ მოვიფიქრე, ისე დავიბენი. შეუნდე, — ვუთხარი საკუთარ თავს. — შეუნდე უგუნურსა და უბედურს! თვითონ დაიფერფლა, ეს საზოგადოარი სიცილი კი დატოვა ჩემდა ქირად.

რამდენიმე წამში დამთავრდა ყველაფერი, მაგრამ საუკუნის ჯოჯოხეთი ვერ შეედრებოდა. პირველი, რაც თავში მომივიდა, ის იყო, ვინატრე, რა მოხდებოდა, იზეტას ნახევრად კი არა, გატაცებით ვყვარებოდი, ბოლომდე, თავდავიწყებით, როგორც გულიან ქალებს სჩვევიათ. მაშინ ყველაფერი სხვაგვარად იქნებოდა.

გაყრის შემდეგ იმ დღეს მოვისაკლისე პირველად. ნეტა სად იყო? რას აკეთებდა? რას ფიქრობდა? ვახსოვდი თუ არა? არადა, სრულიად ბუნებრივი იქნებოდა, ალიმენტსა და ბავშვებისათვის გაგზავნილ დანაზოგებთან ვყოლოდი გათანაბრებული. იქნებ ნივთებიც კი აღიზიანებდა, რომელიც ჩემს თავს ახსენებდა.

იზეტაზე ფიქრიც ისევე ხანმოკლე იყო, როგორც ლურჯი სიცილის მოცხადება. არაფერი მყარი და მარადიული არ გამაჩნდა, მაგრამ ლევანი? გადავწყვიტე, ლევანთან დამერეკა. შევეთით ნომერში ლოდინს მაინც ტაქსოფონის რიგში დავიმა მიერჩია. მაგრამ დღემდე ვერ მოვახერხე დარეკვა.

პროცედურებიდან გამოსული ხალხის რიგი თანდათან შეთხელდა ლიფტთან. უკვე აიკრიბნენ სართულებზე. აი, ელვირაც მოზრძანდება! სპორტული ჩანთა გადუყილია მხარზე. მოქანცულა, ცოტა არ იყოს. ავა, ალბათ, შეგორდება ლოგინში, ცოტას გამოიძინებს, დაუმშვიდდება სახე, გაუმკრთალდება თვალითა ნაოჭები.

მასთან ერთად შევდივარ ლიფტში, ვაცდი, სანამ თავის სართულის ნომერს დააქერდეს თითს, მე უფრო ზემოთას ვაქერ. მივსრიალებთ ერთად, მაგრამ ეს არ კმარა, საუბრის საბაზს ვეძებ. ვპოულობ კიდევც.

— ქალები სუნამოს სურნელს ტოვებენ თავიანთ ნაკვალევზე, — ვხუმრობ უკბილოდ, მეძებარეით ვიყნოსავ ჰაერს.

— ეს არ ითვლება კარგ ტონად, — ცხვირს იბზუებს ელვირა. — ყველას ხომ არ სიამოვნებს... — ჩანს ვერ იტანს სუნამოს.

„გასაგებია. მაგრამ ძალზე პრეტენზიული ხარ, ელვირა!“ — ვფიქრობ, თან დიალოგის გაწყვეტის საშუალებას არ ვაძლევ.

— ბიბლიოთეკა ხომ არ იციოთ სადაა? — ვეკითხები.

— ჩემს სართულზე.

— რამდენი ვეძებე!.. — ნეტა რაში მჭირდება ტყუილი, ისედაც დაიჯერებს, დღედაღამ რომ ბიბლიოთეკის ძებნაში ვარ.

ლიფტი ჩერდება. ელვირას ვუთმობ გზას, მეც გამოვდივარ.

— აი, ბიბლიოთეკა, — კარის სახელურს ავლებს ხელს, შიგნით ეწევა, — დაკეტილია.

როგორ მიხარია, რომ დაკეტილია!

ყასიდად ვწუხდები მინც, თითქოს ქვეყანა იქცეოდეს უბიბლიოთეკოდ.

— გმადლობთ, — ამასაც ყასიდად ვამბობ მეჩე, ლიფტისკენ მივიწევ ნელა, ცალი თვალი კი ელვირასაკენ მიჰქრავს, ვნახოთ, რომელ ოთახში შევა. ყველაფერი რიგზეა. შემიძლია გზას გავუღებ.

ლიფტს ისევ დბლა მივყვები. ცოტას ვავივლი და სადილობის დროც მოვა.

სადილი საჩხერელი მძღოლის ანგლობით იწყება. რას ვაიგებ, რაებს ჩმახავს, ირგვლივ მსხდომნი კი სიცილით იფხრიწებიან. სიცილი კი არა, უფრო ირონიულ ხარხარს ჰგავს, ისეთივეს, შორეული ცურვის ყოფილი კაპიტნის კუშტ სახეში რომ ვხედავ ახლა. ჩასცქერის იგი წვნიან მათლაფას, წინ რომ დაუდგა მომტანმა. რატომღაც მგონია, აგერ ახლა გაიქნევს ხელს და ვალიპლიპებულ თეფშს კედელს მიაფშენის-მეთქი. მინდა ვთქვა:

— შესანიშნავ მაწვნის შეჭამანდს ამხადებენ, — რომ საჩხერელ მძღოლს მოვწყვიტო ფერფლისფერი კაცის ყურადღება.

— დიახ, ძალიან გემრიელია, — დამიდასტურებს დედაბერიც. — გამოგიტყდებით, შინ მგონია თავი!

შორეული ცურვის ყოფილი კაპიტანი უნდოდ შემოგვხედავს. მე გავყუჩდები, ვინანებ, ალბათ, რას ვტლიკინებ, როდის იყო წვნიანზე ვლაპარაკობდი, რას მივედ-მოვედები-მეთქი. დედაბერი კი კატასავით მილულავს თვალს. ჭარბადა აქვს ქალური ინსტინქტი — გულუბრყვილოდ, თვრამეტი წლის გოგოსავით სალი და ოდნავ დამფრთხალი გრძნობებით სავსე მოგაჩვენოს თავი. რას იზამ, ამას დიდ ნაკლად ვერ ჩაუთვლი, ოღონდ თუ თვალი არ მატყუებს, განსაკუთრებული ყურადღებით ექცევა შორეული ცურვის ყოფილ კაპიტანს. უდავოდ ხიბლავს ზღვის რომანტიკა, უკეთეს დროებს აგონებს, აბრუნებს გარდასულ ოცნებებთან, სადაც იმედ-

გაცრუებასაც უკვე თავისებური მანერა მათე ახლავს. წარსული გამოსყიდული წარსულში ყველაფერს თავისი წილი აქვს მიჩენილი. წარსულს შეიძლება უქცირო, როგორც ონავარ ბავშვს, კისრისტენით რომ გარბის, გეკარგება თვალთაგან და მინც ვახსოვებს თავს.

მაგრამ წარსულსაც განსაკუთრებულ ხარისხში გადასვლისას ეხსენება ყოველგვარი პასუხისმგებლობა დღევანდლობის წინაშე. გაუმტკივარებელი წარსულია ნამდვილი წარსული. ყოველი ადამიანი თავისი წარსულია, მეტი არაფერი. ყველა თავისი წარსულის ასლია. აგერ ეს ფერფლისფერი კაციც, ეს დედაბერიც...

ვიდრე ჩემთვის ვფიქრობ, დიეტექთანს კუბრისფერ ანაფორაში ჩამძვრალი მღვდელი მოჰყავს, თავისუფალ სკამს სთავაზობს, აი, აქ დაბრძანდითო.

მღვდელი ჩემ პირდაპირ ჯდება, შორეული ცურვის ყოფილ კაპიტანსა და დედაბერს შორის, დარბაზის სიღრმისაკენ ზურგშექცევით. შორეული ცურვის ყოფილი კაპიტანი ჭამას წყვეტს, ინტერესით შეჰყურებს სუფრის ახალ წევრს, ტუჩების ოდნავი თრთოლვით რალაცას რომ ბუტბუტებს გაურკვევლად, უხმოდ, მარჯვენა ხელის სამი თითი მკერდზე მსხვილი ოქროს ჯაჭვით დაკიდებულ ჯვარზე უდევს.

— კეთილი იყოს თქვენი მობრძანება, ბატონო ჩემო! — ამბობს დედაბერი.

მღვდელი თავს ანებებს ბუტბუტს, წამიერად თვალებს ალაპყრობს. — მამაო!.. — წარმოთქვამს ბოხი ხმით, მიმართვის ფორმას უსწორებს ქალს.

— უკაცრავად, მამაო... — მყისვე უყოყმანოდ დებულობს შენიშვნას. — ეტყობა, თვით ღმერთმა მოგვივლინა თქვენი თავი!.. — აშკარად ნასიამოვნები ჩანს. — მე დორა მქვია, ეს ბატონი კი ყოფილი კაპიტანია!.. შორეული ცურვის... — დაუმატა აჩქარებით შეეშინდა, ფერფლისფერი კაცის ტი-

ტულისათვის მისხალი არაფერი დაეკლო. მერე მე მომაშვირა ფუნთულა, სასწრებდაბერილი ხელის მტევანი, — უკაცრავად, — მომმართა შეცბუნებულმა. მაშინდა გამახსენდა, რომ ჩემ შესახებ არაფერი იცოდა. მისი მობოდიშება და მოლოდინი იმას ნიშნავდა, მღვდლისათვის საკუთარი პიროვნება უნდა წარმედგინა.

— ჯოდორი — ვთქვი უხალისოდ. — ჯოდორი მქვია.

მღვდელი დააკმაყოფილა პასუხმა. ქალის არამკითხეობა რომ არა, იქნებ ჩემი სახელითაც არ დაინტერესებულყო. ეტყობა, შიოდა, რადგან მომტანმა ხორცის რულები დაუდო წინ და წვნიანს აღარ დაუცადა, მაშინვე შეექცა.

„დორა... დორა... ახლა ვიცი, არც ისე საინტერესო ქალი იქნებოდა ახალგაზრდობაში“. მღვდელი კი გემრიელად ჭამს. რატომღაც ზიარების ცერემონიალი მახსენდება, ერთ კოვზს რომ ავლებენ ყველას პირში. ყოველთვის გულს მირევს ამის გახსენება. რუტინისა და ველურობის გადმონაშთად მიმაჩნია.

ჭამის სურვილს ვკარგავ უცებ. ფერფლისფერი კაცი ფანჯრისკენ იქიჩრება ჩაფიქრებული. ნეტა რას ფიქრობს?

სასადილოში რუპორი ახმიანდა. ბოხი, ომახიანი ხმა გვაუწყებს: დღეს თხუთმეტ საათსა და ოცდაათ წუთზე თბილისის დროით (დროის სადაურობას, ალბათ, იმიტომ აზუსტებს, რომ ჩრდილოეთიდან ჩამოსულებიც მრავლადაა დამსვენებელთა შორის), მოეწყობა ექსკურსია აქაურ ღირსშესანიშნაობათა გასაცნობად. გარწმუნებთ გზაში შესანიშნავი განწყობა დაგეუფლებათ. თქვენ გელით ჩვენებური ჰორტენზიები, გნებავთ, თეთრი, გნებავთ, ცისფერი... მთელი ეს სიამოვნება დაგიჯდებათ სამი მანეთი. მოგემსახურებათ ფოტოგრაფი. გზად საშუალება მოგეცემათ, შეიაროთ საკოლმეურნეო ბაზარში, სადაც კილოგრამ სულგუნს შეიძენთ

ათ მანეთად. მსურველებს ვთხოვთ, კულტმუშაკთან ჩაეწერონ სიაში, ტობუსი მთავარ შემოსასვლელთან დაგელოდებთ. დაგვიანება არ იყოს! გამადლობთ ყურადღებისათვის!

— ბიჭოს! — თქვა მღვდელმა და მოკლე წვერზე ხელი ჩამოისვა.

ფერფლისფერ კაცს არაფერი უთქვამს. დორას კი ინტერესით აუციმიცმიდა სასადილოს ბულისა და უპაერობისაგან აწყვლიანებული თვალები. მე კი ლევანი გამახსენდა. თუ დროზე წავალ, იქნებ დავურეკო ლევანს.

ტაქსოფონთან იმხელა რიგია, ხვალ დილაამდე არ მომიწევს დარეკვა. მოედანზე ნაყინი ვიყიდე, თან ჭრელაჭრულა აფიშები შევათვალიერე. ძველი აფიშები იყო. მხოლოდ ერთადერთი, სივასტროლოდ ჩამოსული ცირკის აფიშა იუწყებოდა მომავალი დღეების პროგრამას. გეთავაზობდნენ ველოფიგურისტების, ტანმოვარჯიშეების, მუშიათების, ეკვილიბრისტების, ცხენზე ყონგლიორების, აკრობატისტული ანსამბლის გამოსვლებს და საცირკო წარმოდგენის სხვა ნომრებს.

ავტობუსში ჩაჯდომა აღარ შემეძლო, უკან კი კარგა მანძილი მქონდა გასავლელი. ჩავეჭერი ზღვისკენ გამავალი გრძელი ჩიხი და ნაპირ-ნაპირ გავუბრუნე. გადავიარე ჭერებივით დაყრილ დამსვენებელთა სხეულებით გადაფარული კილომეტრები, შიგადაშიგ კი გაველურებული პლაჟები, სადაც შიშვლად ეყარნენ წყვილები თუ მარტოდ მოსული ეროტომანები, გულის არევაამდე გაცხოველებულნი. მარტო ოთხზე სიარულიდა რომ აკლდათ. ზარატუსტრას სიტყვები მახსენდებოდა — ადამიანი ყველაზე მამაცი ცხოველია, ამით სძლია მან ყველა მხედსო.

ეს მამაცი ცხოველები ჩემი ჩველისას თავსაც არ წამოსწევდნენ, თორემ სიშიშვლის დაფარვის ცდაზე ლაპარაკიც ზედმეტი იყო. მივდიოდი ბუზივით შეუმჩნეველი, დაღლილი და კი-

დევ უფრო დიდ არაარობად ქცეული, სასაცილო მდგომარეობაში ჩავარდნილი. ამათ რომ გავგოთ, ცოლს იმიტომ გავეყარე, ნახევარსიყვარულმა არ დამამყამაოფილი და ახლა ეულად დარჩენილი უაზროდ ვაწყდები ღობე-ყორეს, ერთბაშად წამოცვივდებოდნენ, ალბათ, ხარხართ დაიწყებდნენ ხტუნვას, ქვებსაც მკსროდნენ, დამეჭყანებოდნენ როგორც კელურს, მათ ცივილიზებულ სამყაროში ფეხის შედგმა რომ გაბედა. მე კი ვერას ვიღონებდი, კუდამოძუებული უნდა გავცლოდი დამფრთხალი პაპუასივით, რომ ნასროლი ქვა საფეთქელში არ მომხვედროდა.

ლამით ქალის კისკისი მესმოდა კედლიდან. ხმამაღლა, ისტერიულად კისკისებდა. რადიოს ავუწიე, მთელი პროგრამა ბოლომდე მოვისმინე. თუ ვინმეს დასწყევლი, ასეთი ღამე უნდა უსურვო. სად წახებტებულიყავი შუღლამისას. ბოლოს გადავწყვიტე, კედელზე ბრაზუნნი ამეტეხა. იქნებ ესინდისა იმ გახარებულს, მაგრამ ვერ ვიკადრე და უძილო დაერჩი. მესმოდა, ქიარი რომ აზუზუნდა. ზღვაც აჰყვა მერე, აბორგდა და აკრიალდა. რამსიგრძე ღამე იყო, საშველი აღარ დაადგა გათენებას.

ად ზიანად გავედი გარეთ, რეტინავით ვიყავა, მაგრამ დაძინებაც არ შემეძლო. გასაღები ადმინისტრატორს დაეუტოვე. რადგან უკვე რამდენიმეჯერ მივიღე შენიშვნა, როცა შენობიდან გადისართ, გასაღები უნდა ჩააბართოთ. გაკვირვებულმა შემომხედა, ნეტა, საით გაუტიეთო.

ვარდებით მორთული გავზონი გადავიარე, სანაპიროს ლაქაშებისაკენ გავწიე.

ლამის ქართ ერთბაშად აკრილი და დაჩხილი აყალოსფერი ტალღები ნავმისადგომის განიერ ბურჯებზე ემსხვრეოდა. ძლიერ მიმოქცევას ჩანჩქერად მოვარდნილი შენაკადისათვის გეზი ეცვალა, კალაპოტმორღვეული უწეს-

რიგოდ გაეფანტა ნავმისადგომთან და მისი მღვრიე ქაფი ქულეზად შექქონდა. ლაქაშებამდე ამოდიოდა სილა-სილა ამოპარული ტალღის კუდი. მხოლოდ ვიწრო ზოლად დარჩენილიყო სიმშრალე, სადაც შალის სპორტულ კოსტიუმიანი ბერიკაცი ჩაცუტქულიყო. „ესეც ადრიანად ამღგარა, ნეტა რას უიკრიტებს სილაში?“

მივედი და პაწაწკინტელა ზაზუნა დავინახე. უკანა ფეხებზე იჯდა, წინა თათები მაღლა აეშვირა, ერთ ისველებდა და სახეზე ისვამდა. პირს იბანდა თავის ჭკუით. შეუძლებელი იყო არ გავცინებოდა. ბერიკაცის გვერდით ჩავიმუხლე, მართლა გავმხიარულდი პატარა არსების გონიერების მაცქერალი. ბერიკაცმა შემომცინა იმის ნიშნად, ნახე რა მაიმუნია, რაებს სჩადისო.

— საიდან?.. — ვკითხე ინტერესით.

— წამოსვლისას ვიყიდე. დამტოვებელი არავინ მყავდა, თან წამოვიყვანე.

— მერე რას აჭმევთ?

— ჩემს ულუფას ვუყოფ. წუნია არ არის. ყველაფერს გეახლებათ. ცხოვრობს თავის ვალიაში და არის ბედნიერად.

ზაზუნა მართლა ბედნიერი იყო. მზრუნველი პატრონი იშოვა. მეტი რა უნდოდა... თუმცა თვითონაც თვინიერება არ აკლდა.

— იოლად შეიძლება გაწვრთნათ, — ვუთხარი ბერიკაცს. — ყველა მონაცემი აქვს.

— არ მიფიქრია მაგაზე.

— თქვენს ადგილას აუცილებლად ვიფიქრებდი.

ბერიკაცი გაჩუმდა, მგონი, ჭკუაში დაუჯდა რჩევა.

მერე გვირახის გათხრა დაიწყო ზაზუნამ, მარჯვედ ხმარობდა ციციქნა თათებს, საოცრად სხარტი იყო და ენერგიული.

წამოვედი ჩემი გზით და ვგრძნობდი, ბერიკაცს თავსამტვრევი გავუჩინე. არადა, მართლა საინტერესო იქნებოდა გაწ-

ერთილი ზაზუნა. იღებები მომდის, ნუ იტყვი!

ადმინისტრატორს გასაღები რომ ვთხოვე, რაღაც ფარატინას ჩახედა, ჩემი ოთახის ნომერი ეწერა ზედ.

— ექიმი გიბარებთ, — მითხრა კატეგორიულად.

— ექიმი?

— მეორე სართული, კიბიდან ხელმარცხნივ — მოკლედ, ყოველგვარი ზედმეტობის გარეშე ამიხსნა.

თავი დავუქნიე, მივალ-მეთქი, გამოწვდილი გასაღები გამოვართვი და ხელზე დავაქვრდი — მექექებით ჰქონდა სავსე. ბავშვობაში მექექი თუ გამიჩნდებოდა, ლედვის ფოთლის ყუნწიდან გამონაჟონ რძეს დავაწვეთებდი და ისე ვიჭრობდი. ამაზე ადვილი რა! გამიკვირდა, ნეტა თუ არ იცის, ლედვის რძე რომაა ამის წამალი?

ექიმის კაბინეტის კარი მორიდებით შევღე. პატარა კვადრატული ოთახი იყო. მაგიდასთან ქათქათა ჩაჩიანი ქალი იჯდა და უჯრაში რაღაცას ეძებდა, ჩაჩი ზედმეტად იყო გახამებული. ქალმა დამინახა თუ არა, უჯრის ქექვას თავი ანება, ყურადღებით მომაცქერდა, სალამზე მიპასუხა და მშვიდად მითხრა:

— მობრძანდით!

— თურმე ექიმი მიბარებს... — ავუხსენი, თან საფეთქელზე ჩამოვარდნილ ქერა კულულს მივაქციე ყურადღება. თეთრი ხალათიც ქათქათა და გახამებული იცევა, გულის ჯიბეში სტაფილოსფერი ცხვირსახოცის ყური მოუჩანდა.

— ექიმი? — გაიმეორა მან.

ამასობაში სკამს დავწვდი, დასაჯდომად მოვემზადე.

— ექიმი წავიდა, — თანაგრძნობა იყო მის ხმაში.

მე კი გავიფიქრე: არაფერი განსაკუთრებული არა აქვს, მაგრამ მშვენიერი ქალია.

— გელოდათ, გელოდათ და რომ აღარ გამოჩნდით, წავიდა.

— უკვე დამთავრდა სამუშაო საათები? — გამიკვირდა. — ცოტა ჩემს საქ-

მეებში გავერთე და... — ცერუობ, საქმეებით დაკავებულ კაცად მომჭყეტ თავი.

ქალი მიმტევებლურად იღიმება და ოდნავ ეჩვირტება მარცხენა ლოყა. მერე ეცვლება სახის გამომეტყველება, უჭრება ის ნაჩვირტი ლოყაზე, ხალათის ჯიბეებში იწყობს ხელებს, რაც შეიძლება დაბლა ექაჩება, თან კითხულობს:

— თქვენ აქ მკურნალობაზე მნიშვნელოვანი სხვა საქმეც გაქვთ?

მეცინება, პასუხს ზედმეტად ვთვლი. ის კაცი რომ ვიყო, ვინც ყოველგვარ სიტუაციაში ფლირტის საბაბს ეძებს, უკეთეს შანსს ვერ ვინატრებდი. ძალიან სასიამოვნო ქალია, მაგრამ მაინც არა მაქვს სურვილი, ზომიერების ზღვარს გადავავიჯო, ენად გავიკრიბო შემდგომი ნაცნობობის საფუძვლის ჩასაყრელად, ტყუილ-მართლის ისეთი კორიანტელი დავაყენო, ამ კულულებიანმა ანგელოზმა შენობითაც კი მომმართოს. მაგრამ, სხვათა შორის, ვამბობ:

— საქმეს რა გამოლევს... — ფეხზე ვდგები, მდაბლად ვუკრავ თავს უკვე ფანჯრის ცალ მხარეზე გადაწეულ ზოლიან შტორს აკრულ ქალს, — კარგად ბრძანდებოდეთ! — და საბოლოოდ ისე ვავლებ თვალს, თითქოს ქათქათა ჩაჩიდან საფეთქელზე ჩამოცურებული კულულის სამუდამოდ დამახსოვრებას ვლამობდე.

— ხვალ შემოგვიარეთ, — მადვენებს სიტყვას.

მივიღვარ მერე დერეფანში, მივდეგ ფარდაგის შინდისფერ ზოლს და ვფიქრობ: ამ ანგელოზივით ქალს სალაპარაკოდაც არ გავუჩერდი, ელვირას კი ლიტტში ვდიე. ნეტა რა ხდება?.. ექიმმა გაიგო, რომ აბაზანებზე არ დავდივარ. მერე რა? მაიძულებს, გინდა თუ არა, იარეო? მოვიჩვენე თუ არა რადიკულიტს, ჩემი ნება!

მაინც რამხელა შენობაა, ხალვათად თავსდება მრავალრიცხოვანი დამსვენებელი. ერთმანეთს არაფერში უშლიან ხელს.

ნომერში შესვლისთანავე საწოლზე მივეგდე და დავიძინე. თვალი რომ გავახილე, საათს დავხედე. უკვე ვახშობის დრო იყო. ჩავალ, ჩაის დავლევ. მერე? რა მერე? ვანა ველი რამეს? მომწონს კიდევ, არაფერს რომ არ ველი. სამაგიეროდ, მშვენიერი აივანი მაქვს, პანსიონატის ვეება ტერიტორიის თითქმის ორ მესამედს დაცეკერი. ყურნალ-ვაზეთებს ქუჩის გადაღმა ვყიდულობ, ლუდსაც იქვე ვსვამ, ტყის პირას ჩადგმულ სალუდებში, ზოგჯერ რადიოს ვუსმენ, მაგრამ ისე წკიაზე ჰკიდია კედელზე, ყოველი მიკარებისას ვშიშობ, დაბლა არ მოადინოს ზღართან. ოთახის თერმომეტრიც ავსებს ჩემს კომფორტს. ამ გახსენებაზე ვნახო ერთი, რა ტემპერატურაა!

ვერ ვასწრებ ჩანაფიქრის განხორციელებას, რომ კარზე მიკაყუნებენ.

დამლაგებელი გამომეცხადა ვედროთი და ცოცხით.

— შეიძლება დავალაგო? — მეკითხება. — დილით მოგიკაყუნეთ, მაგრამ არ იყავით.

— მობრძანდით! — გზას ვუთმობ.

ამ ქალს, ეტყობა, მილიონერი ვგონივარ, უჩემოდ არ შემოდის ოთახში. სულ ათიოდ წუთს უნდება საქმეს — პირსაბანის ნიჟარას მორეცხავს, უნიტაზში წყალს ჩაუშვებს, ოთახს ფაცხაფუცხით გვის, მაგიდაზე და ტუმბოზე ჩვარს გადაუსვამს, საწოლთან დაგდებულ ციდა გობელენს დერეფანში მიფერთხ-მოფერთხავს ცოცხით და ეგაა. უსიტყვოდ დამიჩვენებს თავს დამშვიდობების ნიშნად და წაეა.

ახლა კი არ წასულა. შუა ოთახში დადგა, ფეხი ფეხს მიატყუბა, საწყლად აიწურა და მობოლიშება დამიწყო:

— არ გეწყინოთ, ყოველდღე რომ ვერ გილაგებთ. რა ვქნა, მიჭირს აქ შემოსვლა.

თვალები გამიფართოვდა.

— რატომ?

— ამ ოთახში თქვენ მოსვლამდე ხომ კაცი მოკვდა..

— რას ამბობთ!

— კი, — თქვა ქალმა. — აი, იქ ეგდო, — იატაკზე, მაგიდის ფეხთან. — აშვირა ხელი. — ხედავთ, ახლაც ატყვია სისხლის ლაქა. რამდენი ვხეხე, მაინც ვერ მოვაცილე.

სისხლის ლაქა ვერ დავინახე, მაგრამ გაოცება კი გამოვხატე:

— არ ვიცოდით!.. — თითქოს ამის ცოდნით რაიმე შეიცვლებოდა.

— კარი რომ გავაღე, ელდა მეცა! ვხედავ, პირქვე გდია საცოდავი, სახე ლეკერტიანი სისხლის ტბორში უდევს! მივედი და წვრევა დავუწყე, მაგრამ არ გეტყინოთ არაფერი... — ქალმა ხელი ჩაიქნია. — ჩემი ქმარი მეუბნება, როგორ მიეკარე, ხომ შეიძლებოდა, გული გაგხეთქოდა შიშითო! რა მექნა, ვიფიქრე, იქნებ ჯერ გონსაა და წამოვაცუნებ-მეთქი. ძვრა ვერ ვუყავი. ექიმთან გავვარდი, მეტი რა შემეძლო.. ამ ლაქას რომ ვუყურებ, ცუდად ვხდები.

დავაშტერდი იატაკს, მაგრამ ვერ გავარჩიე ლაქა, სუფთა იყო პარკეტი. ქალი კი დაუინებით ახსენებდა იმ უხილავ ლაქას, მივხვდი, ნამდვილად ხედავდა. იმას კი არ უწევდა ანგარიშს, რომ მე ამ ოთახში ვცხოვრობდი. მისმა შემყურემ კინაღამ იან-პუსივით ამოვიძახე: ო, წმინდა გულუბრყვილობაე!

— მანამდე მიცვალებული ახლო არც მენახა, ამას კი ხელით შევხე... ვერც დავიჯერე... აბა, როგორი დასაჯერებელია!.. — არ მაინტერესებდა, მაგრამ მაინც განაგრძობდა ქალი.

— ცოცხალი მიცვალებული თუ გინახავთ? — შევაწყვეტინე, — ფეხზე მოსიარულე, მოლაპარაკე, რომ ჰამს, პერანგებს იცვლის, ვარდის შამპუნით იბანს, წიგნებს კითხულობს, ტელევიზორს უცქერის...

— ნუ მაშინებთ, გეხვეწებით! მიცვალებულებმა თუ სიარული დაიწყეს, კარგად ყოფილა საქმე! ისედაც გული საგულეს არა მაქვს!..

— მოკლედ, ძალიან შეუშინებიახართ ამ ოთახს.

— დიახ, რალა დაგიმალოთ... ასე



მგონია, ყოველ შემოსვლაზე მიცვალებული დამხვდება.

— შესანიშნავი პროგნოზია! ვერაფერს იტყვი!

— მე კი ჩემი მემართება და...

— სულ რომ გაგათავისუფლოთ? ვეცდები, სუფთად ვიქონიო ოთახი. მოდიოთ, ნუ დალაგებთ, სანამ აქ ვიქნები, ამ ტვორთისაგან გიხსნით. წამდაუწყებელ ჩემი მტერი ელოდოს მიცვალებულს... ასე ჯობს, ჩავთვლი, რომ ალაგებთ.

— არა, როგორ შეიძლება! ზოგჯერ, ზოგჯერ შემოგივლით. — აშკარად შვება ეუფლება ქალს, კმაყოფილია, ჭირველი რომ არ გამოვდები. მიბრუნდა, ჩქარა გასწია კარისკენ. დამშვიდებული მივა შინ, ქმარს ახარებს, შეგნებული დამსვენებელი ცხოვრობს იმ ოთახში, ადამიანურად გამიგო გაჭირვება, თანახმაა, სულ არ დავალაგო.

ის იყო, კარი უნდა გაეხურა, უცებ მივაძახე:

— ერთი წუთით, თუ შეიძლება, ერთი წუთით...

ქალი კარებში გახვედა, მოაბრუნა თავი, უკანვე შემოსვლას, რა თქმა უნდა, აღარ აპირებდა. მეც იძულებული გავხდი, ახლო მივსულიყავი კართან და ხმადაბლა, ისე რომ დერეფანში ვინმე შემთხვევით მყოფს არ გაეგონა, საგანგებოდ ხმადაბლა ვკითხე:

— გვერდით ოთახში ვინ ცხოვრობს?

— გვერდით ოთახში? — მიხვდა, რასაც ვეუბნებოდი, მაინც გამეორა კითხვა, მერე ისევ უკან გადმოაბიჯა ზღურბლს, კარი მიხურა და ინტერესით, ლამის ჩურჩულით თქვა:

— რატომ მეკითხებით?

დავიბენი, ასეთ ჩაძიებას არ ველოდი. სხვათა შორის ვკითხე და მეგონა, პასუხსაც სასხვათაშორისოდ მივიღებდი, მაგრამ მივხვდი, თუ ქალის ინტერესს ცოტათი მაინც არ დავაკმაყოფილებდი, არავითარი ინფორმაციის იმედი არ უნდა მქონოდა.

— გასაკვირი რა არის! — როგორ-

ღაც თავისთავად მოვიდა სიტყვები: ბევრიც მეფიქრა, უკეთესს რას მეფიქრებდი. — ადამიანს ყოველთვის გაინტერესებს, ვინ ცხოვრობს შენ გვერდით.

ქალმა უცნაურად გაიქნია თავი, შიშისმაგვარი გაუქრთა სახეზე.

— ეს დაუჯერებელია! წარმოუდგენლად დაუჯერებელი, — აბუტბუტდა თავისთვის. მეგონა, თვალები საცაა ამოუტყვივდებოდა.

— რა დავემართათ? — გაცეცხულმა ვკითხე, რადგან ქალი გადაფითრდა, ცოცხიანი ვედრო ძირს დადგა, ორივე ხელის მტევანი ერთ მჭილად შეაერთა და გულთან მიიკრა... ისე ჩამშტერებოდა სახეში, თითქოს შემზარავი საოცრების მომსწრე გამხდარიყოს. ვიფიქრე, სარკეში ხომ არ ჩამეხედამეთქი, რომ ქალმაც ამოთქვა:

— შეიძლება გავგიყდე!.. — მერე ვედროს ხელი წამოავლო, კარის გამოსაღებად შებრუნდა.

მაგრამ დავასწარი, სახელური არ დავანებე.

— მითხარით, რასაც ახლა ფიქრობდით, თორემ ვერ გავიშვებთ!..

საცოდავად აიწურა, შევატყვე, შიშმა შეიპყრო. შემეცოდა და მერე ნახევარხუმრობით დავუმატე:

— ანდა გაიძულებთ, ყოველდღე მოხვიდეთ ოთახის დასალაგებლად!..

გაჭრა მუქარამ, უცებ ალაპარაკდა:

— იცით, იმ კაცმაც ზუსტად თქვენსავით მკითხა, გვერდით ოთახში ვინ ცხოვრობსო?

— რომელმაც კაცმა? — ვერ მივუხვდი, ისევ ჩავკითხე.

— იმან, ამ ოთახში რომ გარდაიცვალა.

— მერე აქ რაა განსაკუთრებული?

— ის, რომ თურმე ქალის სიცილი აწუხებდა. იქ კი კაცი ცხოვრობს.

ახლა მე ვედარ გავხდი კარგად. ქალს მზერა მოვარიდე, არ მინდოდა, რაიმე ეგრძნო. აღარ ვიცოდი, თვალები სად წამელო, დაბნეულმა ხელებზე დავი-

ხედ. ფრჩხილებში ჭუჭყი ჩამდგომოდა. ქალს თითქოს კიდევ ჰქონდა რაღაც სათქმელი, მაგრამ დავემშვიდობე მოულოდნელად, კარგად ბრძანდებოდეთ-მეთქი, ვუთხარი. ისიც მიბრუნდა და წავიდა. ვიდექი და კვლავ ჭუჭყიან ფრჩხილებს დავცქეროდი. იზეტას რომ ვენახე ასეთი ფრჩხილებით, ცხვირს აიბზეკდა. ვერ იტანს, ბავშვებს მუდამ იმას ეუბნებოდა, შინაგანი სინათლე გარეგნულ სისუფთავეზეც ეტყობა ადამიანსო. მე ასე სულაც არ ვფიქრობ. იზეტას შეგონებები კი იმიტომ იყო ასატანი, მთავარია, სული გქონდეთ სუფთაო, სასკოლო სახელმძღვანელო-სავით ეჩიჩინებოდა ბავშვებს, თორემ კაპიკად არ ივარგებთო, და ასე შემდეგ, და ასე შემდეგ...

საშინელ გუნებაზე ვიყავი. ლამის გულ-ღვიძლი ამომიბრუნდა. ერთი სული მქონდა, გავსულიყავი გარეთ. საათს დავხედე. მეორე ცვლის ხალხი უკვე შესული იქნება ვახშამზე. ჩვეულებისამებრ, კიბით კი არ დავშვებულვარ, ლიფტს ჩავყევი დაბლა.

სასადილოში ფანჯრები გაულიათ, თავისუფლად შეიძლება სუნთქვა. დორა და შორეული ცურვის ყოფილი კაპიტანი მაგიდასთან დამხვდნენ, მღვდელი კი ჩემ შემდეგ მოფლატუნდა. წითელ ანაფორაზე ჯვარი აღარ უკეთია. მომტანი რატომღაც აგვიანებს, მგონი, დავავიწყდით. საჩხერელ მძღოლს გავხედე. აღარ ანგლობს. ქარიყლაპიას მიუგავს სიფათი, უაზროდ მიშტერებია გვერდით მაგიდასთან მჯდარ მანდილოსანს, მოხარულ კვერცხს რომ შეექცევა. იქნებ მისი ბოშური საყურე აოცებს! ელვირაც აქაა. ალბინოსები ოჯახის მამის გარეშე ვახშობენ.

— რატომ არ ბრძანდებოდით ექსკურსიაზე? — ზოგად კითხვას სვამს დორა, ყველას გვეხება... თვალში მხვდება მის ყელზე დაკიდებული დაღესტნური ვერცხლის სევადიანი გულქანდა. აქატი მობეზრდა დორას. ვერცხლისფერივე აბრეშუმის კაბა აცვია.

ჰოდა, გვეკითხება, ექსკურსიაზე არ ვბრძანდებოდით.

ერთმანეთს ვუყურებთ მე და შორეული ცურვის ყოფილი კაპიტანი. მღვდელი, როგორც ჩანს, არაფერ შუაშია.

— უდიდესი სიამოვნება დაკარგეთ... — ისევ ამბობს დორა.

ისევ ერთმანეთს ვუყურებთ მე და შორეული ცურვის ყოფილი კაპიტანი. მომტანი ქალი ბრინჯის ფაფას ალაგებს მაგიდაზე.

— მე არ მინდა, — ვეუბნები და თეფშს უკან ვაძლევ.

— მაგრამ შიშაც ვჭამეთ! — ფაფას კოვზით ურევს დორა, შიგ ცენტრში ჩაკოსებული კარაქის გასაღობად. — ხედავთ, რა მოწყენილია? — საჩხერელ მძღოლზე გვითითებს, — ხიდიდან გადაგვივარდა. ერთიც ვნახოთ, შემოსკუბებულია ოცდაოთხმეტრიანი სიმაღლის ხიდის მოაჯირზე, გაიძახის, ყველამ ლაღად უნდა ისუნთქოს, იმიტომ ვართ გაჩენილები, ბევრი ჰაერი უნდა ვყლაპოთო. ვერც გაიგო, ალბათ, ისე გადაეშვა ძირს. კი დავინახეთ, მაგრამ რას წარმოვიდგენდით, ცურვა თუ არ იცოდა. აქაური მარჯვე ბიჭები რომ არა, ცულად დამთავრდებოდა საქმე. ესაა, შავ ზღვაში უნდა ვიჭყუმპალო ავტობუსის მოსვლამდეო? — ხუმრობდა მერე ვიღაც.

— კი, მაგრამ, ასე მალე გაშრა? — იხუმრა შორეული ცურვის ყოფილმა კაპიტანმა, — არ ეტყობა, წყალში ნამყოფი თუა!

გაგვეცინა. ისევ გავხედეთ საჩხერელ მძღოლს. მართლა ვერ გახლდათ გუნებაზე.

— ეჰ, რომ გენახათ... ადამიანის ფერი აღარ ედო... მოკლედ, ღმერთმა გადაარჩინა.

— დიახ, ღმერთმა! — კვერი დაუქრა მღვდელმა და პირჯვარი გადაიწერა — ეშმაკი რომ შეუჯდება ადამიანს, მაშინ მხოლოდ ღმერთი თუ იხსნის. რად ხარშავენ ასე მაგრად კვერცხებს! — მიმართა ახლა მომტანს, რო-

მელსაც ჩვენს მაგიდასთან უნდა ჩავე-
ლო. ვერ გაიგო, რა უთხრა მღვდელ-
მა. გაჩერდა და დაელოდა, იქნებ კი-
დევ გაიმეოროსო. — ცოტა თოხლოდ
არ შეიძლება? — გაფცქვნილი და თავ-
მოქმული კვერცხი უჩვენა

ქალს უხერხულად გაეღიმა და წა-
ვიდა.

მერე ბრინჯის ფაფას შეექცევა ჩვე-
ნი მღვდელი. ჭამის მადას არ უნდა
უჩიოდეს.

„იმიტომ კი არ მიყვარხარ, რომ
კარგი ხარ, არამედ იმიტომ ხარ კარგი,
რომ მიყვარხარ“.

ასე მითხრა სრულიად ყმაწვილს
ქალმა, რომელსაც მაშინ სათანადოდ
ვერ ვაფასებდი. მომაგონდა მისი სიტყ-
ვები. აღრევ მომაგონებია ხოლმე, სხვა-
დასხვა დროს, უადგილოდაც, ზოგჯერ
სიტუაციასთან არავითარი კავშირი რომ
არ ჰქონია... ხმაამლდა რომ გამემეო-
რებინა, დორას უთუოდ მოეწონებო-
და. ნეტა ფერფლისფერი კაცი რას იტ-
ყოდა?

ალბინოსმა ბიჭუნამ ჩავვირბინა. ჩა-
იდნის საშოვნელად მიიჩქარის.

— ამინდი გაფუჭდება, — წუხს
მღვდელი, — სახსრებმა დამიწყო ტიხა,
— სამწუხაროა, — ეპასუხება დო-
რა. — სინანული ეხატება სახეზე, ვერ
მიხვდები, მღვდელს თანაუგრძობს
თუ ამინდის გაფუჭებას ჩივის.

შორეული ცურვის ყოფილი კაპიტა-
ნი კი თევზზე თხლად ჭრის მოხარშულ
კვერცხს, არაუანს ავლებს და ისე შე-
ექცევა. „რა ნერვები ექნებოდა თავის
დროზე!“ ერთადერთი, რაც შეიძლება
ვინმესი შემშურდეს, სიმშვიდეა და წო-
ნასწორობა.

— ისე, თავმოყვარეობა რომ გვქონ-
დეს, კვერცხს არც უნდა ვჭამდეთ, —
ქირქილებს მღვდელი, თან ალბინოს
ბიჭუნას წაეტანება მკლავზე, ჩაიდანი
რომ მოაქვს ფრთხილად. აჩერებს, ჭი-
ქას უწვდის. — ერთი დაასხი, შენ
გაზრდას!

ბიჭუნა გადათეთრებულ სახეს

მფრთხალად შეანათებს მღვდელს, — მა-
შინვე უვსებს ჭიქას და მიდის.

„ყოჩაღ! აი, სათნოების საუკეთესო
მაგალითი“. დანარჩენი სამი ჭიქა ცა-
რიელი დგას.

— ჩაის გარდა, ყველაფერია! — ორი
ყლუბის შემდეგ ზიზლით აცხადებს
მღვდელი.

დორას ლუკმა უჩერდება პირში.
„კარგ ვინმეს გადავეყარეთ, — ვფიქ-
რობ, — მგონი, საინტერესო ხდება
ცხოვრება!“ შორეული ცურვის ყოფი-
ლი კაპიტნის რეაქცია მაინტერესებს
ახლა, ჩემის აზრით, დუმილს არჩევს...
მაგრამ ვცდები.

— ოჰ, მამაო, თქვენ, შემთხვევით,
მსოფლიოს მერვე საოცრება ხომ არა
ხართ? — ამბობს და ძლივს იკავებს
სიცილს.

— როგორ? — უკვირს მღვდელს. ჩა-
ის ხვრებას წყვეტს, თვალებს წკუ-
რავს, — მერვე?

შორეული ცურვის ყოფილი კაპიტა-
ნი თავს უქნევს.

— მე თუ მერვედ ჩამთვლით, მაშა-
სადამე, შვიდი სხვა არსებობს.

— რა თქმა უნდა, — ეცინება შო-
რეული ცურვის ყოფილ კაპიტანს. —
ოლონდ იმ განსხვავებით, რომ ისინი
ადამიანის ხელითაა შექმნილი, თქვენი
თავი კი პირდაპირ მამაზეციერმა მოგ-
ვიქმინა.

— რა საოცრებებია ასეთი? ხუმ-
რობა იქით იყოს, მითხარი...

„ვატყობ, ეს აქ განათლებასაც მიი-
ღებს“. მგონია, ახლა კი აღარ უბასუ-
ხებს ფერფლისფერი კაცი, ანდა, ნუთუ
პირველად გესმისო? — ეტყვის, —
ნუთუ „ლოცვანის“ იქით არასდროს
გაგიხედავსო? მაგრამ ისევ ვცდები.
არც ახლა ღალატობს მას ზომიერების
გრძნობა.

— აბა, დათვალე, მამაო! — ყურად-
ღებით დათვალე! — და მსოფლიოს
შვიდ საოცრებათა ჩამოთვლას იწყებს.
მღვდელი მარცხენა ხელის თითებს
მარჯვენას საჩვენებლით კეცავს. მარჯ-

ვენას ნეკა თითზე უწყდება თვლა. გავ-
ვირვებულო, თანაც უკვე დაინტერე-
სებული ამბობს:

— ექვსია, ერთი დაგვაკლდა რაღაც...

— ექვსი? — უკვირს ფერფლისფერ
კაცსაც. ხელთავიდან იწყებს ჩამოთვ-
ლას.

ყურადღებით ვუსმენ. ვძაბავ მეხსი-
ერებას.

— ისევ ექვსია, — მოკეცილ თი-
თებს შლის მღვდელი, — რაღაც გვა-
ვიწყდება.

— როდოსის კოლოსი, ვამბობ მე.

— მართალია! — უხარია შორეული
ცურვის ყოფილ კაპიტანს.

მე კი დორას მოწიწებულ მზერას
ვგრძნობ.

— ეგ რაღაა? — კითხულობს მღვდე-
ლი.

— კუნძულ როდოსის მფარველი
მზის ღმერთის — ჰელიოსის ქანდაკე-
ბა. მთელს ქვეყნიერებაზე არსებულ
ყველა ქანდაკებაზე მალალი.

— ღმერთის ქანდაკება? — იცინის
მღვდელი. — მართლა საოცრება მეგო-
ნა!..

— როგორ, აბა, საოცრება, თქვენი
აზრით, რას შეიძლება ერქვას? —
დორაც ველარ ითმენს, საუბარში ერევა.

— სხვისი არ ვიცი და, მე თუ მკით-
ხავთ, — ოდნავ პაუზას აკეთებს მღვდე-
ლი, წარბებს ძვიბავს, თვლებს უშ-
ნოდ აბეცებს. — ნამდვილ საოცრე-
ბად, რაღა დაგიმალთ და, კუჭი მი-
მაჩნია, სტომაქს რომ ეტყვიან ჩვენე-
ბურად, რის გამოც უთვალავი ცოდვა
ტრიალებს ქვეყანაზე. ა, ბატონო, აქა
საოცრება! ყველა ჩვენგანში ბუ-
დობს! — მუცელზე იბარტყუნებს
ხელს.

— ეგ საოცრება როდია, მამაო! ეგ
ხორცის ხუშტურია, ადამიანის ბუნე-
ბის ყველაზე სამარცხვინო გამოვლენა,
რომელსაც ვერსად გაექცევი, გინდ
ანაფორა ჩაიკვი, გინდ კოსმონავტი
გახდი, გინდ დალაქობას დასჯერდი და
გინდ ბალეტმაისტერად მოეწყვე დიდ
თეატრში, — ასკვნის შორეული ცურვის

ყოფილი კაპიტანი.

— როგორც გინდა თქვი, ასე უნდა
და... — ისევ ბურტყუნებს მღვდელი
ახლა უფრო ვალის მოსახდელად, თო-
რემ უკვე ეტყობა, აღარ აინტერესებს
დაწყებულ თემაზე საუბარი, კარაქია-
ნი პურით ამოუტენია პირი

აღარ შემიძლია მისი ცქერა. ვდგები.
ერთი პირობა დავაპირე, ჩაიდანს ვიშო-
ვი, დორას და ფერფლისფერ კაცს ჩაის
მოვართმევ-მეთქი, მაგრამ გადაჭიფიქრე,
ზედმეტ ფამილარობად ჩავთვალე.

ამ ღამეს ელვირასთან გავატარებ...
ეს სულ იოლად მოხერხდა. ავდექი და
კარზე მივუჯაკუნე, თუ შეიძლება, თქვე-
ნი აივნიდან გადავიხედო-მეთქი? რა-
საკვირველიაო.

აივანზე გავედი. ჩემზე სამი სართუ-
ლით მაღლა ცხოვრობდა. ზღვა აქედან
უკეთესად მოჩანდა. პარკის სიმწვანე
დაბლა დარჩენილიყო, ყველაფერს
ზემოდან დაჰყურებდი.

— შესანიშნავი ნომერი გაქვთ, —
ვუთხარი ელვირას. — რომ არ მეუ-
ხერხულეობდეს, სიამოვნებით დავჯ-
დებოდი ამ აივანზე ნახევარი საათით.
იცი, პეიზაჟებს ვიმახსოვრებ, სისუს-
ტე მჭირს ასეთი...

— დაბრძანდით, — მაშინვე შემომ-
თავაზა. — შემიძლია ხილითაც გაგი-
მასპინძლდეთ.

სხვა ქალი იკითხავდა, ალბათ, მხატ-
ვარი ხართო? ან თქვენი აივანი საი-
თააო? ან, ბიბლიოთეკიდან გამოიტანეთ
რაიმე წიგნიო? და ამდაგვარ სისულე-
ლებს. ელვირა კი, უკაცრავად, დაბ-
ვეწილია და ჰკუადამჯდარი.

ჰოდა, დაგბრძანდი აივანზე. ხილიც
მივართვი. ზღვასაც ვუცქირე. ელვირას
მოუუშინაურდი, ერთი-ორი თავსგადამ-
ხდარი ამბავი ვუამბე, ვაცინე, დავლა-
ლე სიცილით. მერე ღამის სუსხმა შეგ-
ვაწუხა და ოთახში გადავიწაცვლეთ.
წასვლას აღარ ვაპირებ. აღარც ელვი-
რას ვეთმობი. შუალამე კი მოვიდა —
მშვიდი, უმფოთველი, მსუბუქი... ვი-
ცი, დილაჯ აქ მომისწრებს.

დილით თვალი რომ გავახილე, ელვი-
რამ ბალიში შემისწორა და მითხრა:

— ძილში კენესოდი, გტკიოდა რამე?
თავი გვაქნე.

— მაშინ ცუდ სიზმრებს ხედავდი...

— სიზმრებს არ ვნახულობ.

— წარმოუდგენელია! — გაცეცხე-
ლი მიტყერდა. ნეტა ერთი ღამე გამა-
თენებინა უსიზმროდ.

დილას წუხანდელი სიმშვიდისა და
სიმყუდროვის აღარაფერი შერჩენოდა.
ელვირას ოთახის კედელზე შიშკინის
ზამთრის პეიზაჟი დაეკიდათ.

ვიცვამდი, თან სურათს ვუყურებდი.
კიდევ მინდოდა ძილი. ჩავიდოდი, ალ-
ბათ, ჩემს ნომერში, შხაპს გადავიე-
ლებდი და ძილს გავაგრძელებდი. აუცი-
ლებლად ასე მოვიტყეოდი. ელვირას
კი ვუთხარი, გადაუდებელი საქმე მაქვს,
გული მწყდება, მაგრამ უნდა დატოვო,
აი, პირსაც ვერ ვიბან-მეთქი.

ადამიანი თუ უფრო ჭკვიანად არ გაჩ-
ვენებს თავს, ვიდრე არის, ალბათ, და-
ფასების ღირსია. როგორ გინდა იტანო
უმეცარი ბრძენის ნიღაბში! ჩვენი
მღვდელი მღლის, თორემ სულაც არ
მალბიზანებს. ნამდვილად ასეა.

ვიზივარ კეგლბარში, რიგს ველოდე-
ბი, ვიზოგავ საწრუბი ჩხირით ლამის
ფსკერამდე დასულ მანდარინის წვესს
და ვფიქრობ.

ერთი ავტომატი მუშაობს მხოლოდ,
დანარჩენი ორი მწყობრიდანაა გამოსუ-
ლი. ბიჭების მთელი ჯგუფი ისვრის მო-
რიგეობით. მათ შემდეგ ყვითელშარ-
ვლიანი ქალია. არ ვიცი, რამდენი წუთი-
სა აქვს გადახდილი, დიდი-დიდი, ნა-
ხევარი საათი შეძლოს თამაში. მერე კი
მე... აქ მოლოდინი ძნელი არაა. უყუ-
რებ თამაშს და თითქოს მონაწილე ხარ.
რადიკულიტის ჯიბრზე უნდა ვაგორო
კეგლი.

ყვითელშარვლიან ქალს ორი ფინჯანი
ყავა მოაქვს, მეზობელ მაგიდასთან ჯდე-
ბა. ეს იმას ნიშნავს, ბიჭები კარგა ხანს
არ დაამთავრებენ თამაშს. რას უზამ...
ფული აქვთ გადახდილი. მისწრებაზეა

თამაში. შეგიძლია მთელი დღის გადაი-
ხადო, უბერე და უბერე!.. არავინ გტკი-
ვის, სხვასაც ხომ უნდა გაუწიო ანგარი-
შით, თუ იმ სხვამ არ ატეხა ხმაური და
ისიც ამოოდ, ნერვებს დაიგლიჯავს მხო-
ლოდ.

სჯობს, ნაკლებად ვიფიქრო ახლა ამე-
ებზე. სულაც წავალ, იქნებ ლევანს და-
ვურეკო. მართლა კარგი აზრი მომივიდა,
ფოსტამდე ავტობუსის სამი გაჩერებაა.
არ ვიცი, ყვითელშარვლიანი ქალი გა-
ვაფრთხილო თუ არა, თქვენს შემდეგ
ჩემი რიგია, წავალ და ისევ დაებრუნ-
დები-მეთქი, რომ აწი მოსულებმა პრე-
ტენზია არ განაცხადონ.

წელს ყვითლის წელიწადი კია, მაგრამ
მაინც მალბიზანებს ეს ფერი. ნეტა ვინ
ჭკუათმყოფელმა დაარქვა თბილი ფე-
რი. ყვითელი სიგიჟის სპექტრული გარ-
დასახვის შედეგი მგონია. ყველა ჩემი
დადებითი იმოციის საპირისპიროდ არ-
სებობს ეგი. ამ ქალისათვის, ალბათ,
ძნელი წარმოსადგენია, რა მემართება,
როგორ მემღვრევა სული მისი შარვ-
ლის შემყურეს. ძლივს ვხვდები, დასა-
რკეად წასვლის მიზეზი ლევანზე უფ-
რო ეს მყვირალა შარვალია, რომლი-
თაც ქალს იქნებ თავიც კი მოაქვს. სა-
ერთოდაც ვერ ახდენს კარგ შთაბეჭ-
დილებას მოდური ფერად-ფერადი „ბა-
ნანები“, იმეათად უხდება ვინმეს.

კეგლბარის ეზოში საქანელა სკამებს
აჭრიჭინებენ. დიდხანს რომ უსმინო,
შეიძლება მზეზე დადებული ყინული-
ვით გაგელიოს გული, ირგვლივ კი
სიმშვიანეა. მოდი, დავადგები გზას, ფე-
ხით მივალ ფოსტამდე.

ტაქსოფონთან სულ რიგია. ადამია-
ნები უერთმანეთოდ ვერ ძლევენ, გა-
მუდმებული კავშირი აქვთ, აგვარებენ
საქმეებს, იკლავენ მონატრების უნს,
ზოგი მოვალეობას იხდის, ფორმალუ-
რი ყურადღების გამოჩენა არცთუ ძვი-
რი ჯდება. ჰოდა, გაუთავებელი რიგიც
კანონზომიერია. დგახარ ღია ჭიხურის
წინ სხვებთან ერთად და ძალაუვნებურად
უსმენ უცნობთა საუბარს. რატომ არა-

ვის მოუვიდა აზრად, კარი აება ჯიხუ-
რისათვის?

ვიკაეებ რიგს, განზე ვდგები და სი-
გარეტს უყვილებ. აკაციების ძირში
სკამები ცარიელია. თანდათან ვიწყებ
ყველაფრის აღქმას.

ჯიხურთან კაცი დგას, შემსვლელ-
გამომსვლელს ფეხებში ებლანდება,
როგორღაც გამოირჩევა სხვათაგან. ყვე-
ლას აკვირდება, ყველას უსმენს. თით-
ქოს სადღაც მინახავს. სად? სად? მახ-
სენდება, წინა მოსვლაზეც აქ იდგა,
ზუსტად ამ ადგილას, ფეხს არ იცვლი-
და.

კაცს ვათვალიერებ: ველვეტის ძვე-
ლი ფეხსაცმელი აცვია და ნაცრისფე-
რი ბუკლეს კოსტიუმი, გაქეპილი, უშ-
ნოდ დამოკლებული. კოკარდიანი ძვე-
ლებური ქუდი დაუხურავს. ნაყვავი-
ლარ, დაეწკილ შევყვითელა სახეს ხან
ვის მიაპყრობს, ხან ვის. ყურადღებას
არავინ აქცევს.

ვიღაც ყმაწვილი მოვიდა, იკითხა,
ბოლო ვინ არისო? მხრები აიჩეჩეს.
მე ვარ-მეთქი, დაეუძახე, მაგრამ ვერ
გაიგონა. ცოტა ნასვამია, თანაც მოწ-
ყენილი. დადგა თავისთვის.

მივედი. — მე ვარ ბოლო, — ვუთხა-
რი.

თავი დამიქნია. — ხომ ვერ მომაწე-
ვინებთ? — მკითხა მერე.

სიგარეტის კოლოფი გავუწოდე. ერ-
თი ღერი ამოიღო. ახლა ასანთის ძებ-
ნას მოჰყვა, ყველა ჯიბე მოიქეჭა, შარვ-
ლისაც, ლაბადის თხელი ნაჭრის უსა-
ხელო თეთრი კურტაკისაც, შიშველ
ტანზე რომ ეცვა. მორიდებული იყო,
მეტი აღარ უნდოდა შევეწუხებინე.
სანთებელას ცეცხლი მივაშველე მის
სიგარეტს. კიდევ დაიქნია თავი, ახლა
მადლობის ნიშნად. სიგარეტი მოქაჩა,
სევდიანი თვალებით ამომხედა ერთი,
გაბრუნდა და აკაციის ძირას მდგარი
სკამისკენ გასწია ოღნავ არეული ნაბი-
ჯით.

თვალი გავაყოლე. რაღაც ჰქონდა
ძალიან კარგი. ალბათ, იმ მზერაში ჩამ-

წყვდეული სევდით მომხიბლა, რომელ-
საც თავს შეაჭმევინებდა, მაგრამ
ვის გაუმხელდა.

სახენაყვავილარი ჯიხურს მოსცილ-
და, ოღნავ გამოუნაპირდა რიგს, სკა-
მისკენ მიმავალ თეთრკურტაკიანს გა-
ხედა.

— მთვრალია! — თქვა ყველას გა-
საგონად.

ნელ-ნელა მიატრიალეს მისკენ თა-
ვები, ბევრი ვერ მიუხვდა ნათქვამს.

— ხომ ხედავთ! ნამდვილად მთვრა-
ლია! — ბოროტმა ღიმილმა გადაუარა
გადაზინთულ სახეზე, ზედ წამოწვე-
ტებული ცხვირი რომ აჯდა და ვიწრო,
ჩხაკა თვალებით ხალხის მხარდაჭერას
თხოულობდა.

ამასობაში თეთრკურტაკიანი ყმაწ-
ვილი სკამზე დაჯდა, ეწეოდა სიგარეტს
და დასცქეროდა მიწას ფიქრში წასუ-
ლი.

— აჰა, — ხელები გაშალა სახენა-
ყვავილარმა. — ესეც შენი კანონი. ვინ
ასრულებს!.. ფული თუ გაქვს, კანონი
რას გახდება! კონტროლი! კონტროლი!
არ არის!

— რაშია საქმე? — იკითხა წინ
მდგომმა, ინტელიგენტური გარეგნობის
კაცმა, რომლის რიგიც ის-ის იყო, მო-
ვიდოდა.

— რა ბრძანეთ? — გაღიზიანებული
ირონიით შეუბრუნა კითხვა სახენაყვა-
ვილარმა.

— რატომ ღელავთ-მეთქი, გეკითხე-
ბით, — კვლავ მშვიდად სცადა სიტუა-
ციაში გარკვევა ინტელიგენტმა, თან
აშკარად ღირსების უპირატესობა შეი-
ნარჩუნა, უფრო სწორად, ხაზი გაუსვა.

— ველავ? სულაც არ ველავ, —
ყრის დორბლებს სახენაყვავილარი. —
რა მაქვს ასაღლევებელი! ამისთანებმა
იკითხონ! — ხელი მიაშვირა ყმაწვილს,
ახლაც რომ არ აუწევია თავი, წამითაც
არ გაყრია თავის საფიქრალს. — ყვე-
ლანი დგახართ, დღისით, მზისით და არ-
აფერს ხედავთ, არა? არაფერს ხედავთ,
ხომ? მარტო ჩემთვისაა ეს ქვეყანა სა-
დარდელი? აი, აქ მოსვლამდე იგივე

იყო! — ახლა ოდნავ დაუწია ხმას, როგვ კვლავ მიუახლოვდა, სმენადქცეული ხალხიდან შუახნის ქალი ამოარჩია და მოყოლა დაუწყო:

— ერთი საათის წინ, შეიძლება ცოტა მეტისადაც, ავტობუსში ვზვიარ. ვხედავ, გაჩერებაზე დედაბერი ამოდის. ცალი ფეხი სამარეში აქვს უკვე, ძლივს მოათრევს ჩანთას. ჩემ გვერდით, ახალგაზრდა ქალი ადგილს უთმობს. ესეც მოკალათდა კოხტად, შეიფერა პატივისცემა. ვიდაც ბილეთსაც სთავაზობს, მაგრამ, სამგზავრო მაქვსო, უარზეა, პენსიონერების, რაღა, მუქთად რომ არიგებენ!.. აბა უყურეთ, მგზავრობა უფასო, ადგილი სხვისი, თანაც პირი რომ გააღო, ყველა კბილი ოქროსი ჰქონდა. ვიფიქრე, რომ მოკვდება, უთუოდ საფლავიდან ამოთხრიან-მეთქი. ზის არხეინად, იცქირება ფანჯარაში. არ ვიცი, შენიშნული გაქვთ თუ არა, მეორე გადასახვევთან ბიბლიოთეკის შენობა დამთავრდა, სულ ტუფის ქვით მოაპირკეთეს, საშვილიშვილო ნახელავია. იცქირება ეს ქალბატონი ფანჯარაში და ამ ახალ შენობას რომ გავუსწორდით, უცებ იკითხა: ეს რა, ციხეა? დაუკვირდით! კარგად დაუკვირდით, რა მურდალი ნათქვამია!

ბიბლიოთეკა და, მგონი, არქივიც იქნებაო, უპასუხა ახალგაზრდა ქალმა.

— ოო, — თქვა დედაბერმა.

— რა ოო-მეთქი!

გაკვირებული მიყურებს.

— სად ცხოვრობ, თუ იცი, ან რას როშავ, გესმის? დაბერებულხარ და თვალში ვერ გამოგიხედა! ახლა ციხეებს აშენებენ? ჰა? ნუთუ აზრზე არა ხარ-მეთქი?

წარმოიდგინეთ, ქალარა ზოგს ჰქუას უპატარავეებს, თავში სიცარიელეს უჩ-

ენს. ასე დამართონდა იმ დედაბერსაც, მაგრამ რად გინდა, ვის აინტერესებს შენი სიმართლე! ადგნენ და გამოქცა-მაგნენ, დამქაშები გაუჩნდა უცებ. რას კადრებ ადამიანსო, რა მოხდა, იკითხა, დაიქცა ქვეყანაო? ციხე ჯერჯერობით საჭიროა და, ალბათ, შენდება კიდევო. ეს იმ ახალგაზრდა ქალბატონმა ბრძანა. კი გავეცი საკადრისი პასუხი... შანტაჟს აწყობ და დემაგოგიას ეწევიო. გაუგია სიტყვები და ისერის უადგილოდ. მე ისეთ ადგილებზე ვარ ნამუშევარი, ისეთ საქმეებს გაუგლია ჩემს ხელში, სხვა ვერც იოცნებებს! მაშინ სიტყვას წონა ჰქონდა. რომ იტყოდო, ეს კაცი საზოგადოებისათვის არ ვარგაო, მორჩა, ხელი უნდა დაექნია ყველაფერისათვის.

ფუჰ, რა საზიზღარი იყო, ბინძურა, გაბოროტებული. ადამიანთა სიმშვიდეს ვერ ეგუებოდა, უსპარეზოდ დარჩენილიყო და შხამიანი საცეცები აღარ იცოდა, სად ჩაეცალა.

ინტელიგენტის როგმა მოაწია და ჯიხურში შევიდა. სახენაყავილარი ისევ თავისას ერეკებოდა, მაგრამ აღარაფერი მესმოდა. ჩემ წინ მდგარი ქალის ზურგს უცებ ლურჯი სიცილი აეფარა, ქსოვილივით აბლაბუდა. „ოხ, შენი!..“ მინდოდა შემეკურთხებინა ამ უადგილოდ მოხეტებული მოჩვენებისათვის, მაგრამ ხმაც წართმეული მქონდა და სმენაც. მხრებში ჩაჰერილი მარწუხები მეგონა, სულს ამომხდიდა.

ყველაფერმა რომ გაიარა და აზრზე მოვედი, პირველი, რაც აღვიქვი, გოგონას თვალები იყო.

— დაგივარდათ, — მითხრა და მზის სათვალე გამომიწოდა.

უსიტყვოდ გამოვართვი, მადლობის თქმაც კი დამავიწყდა.

ლალი ზრევაძე
ვუპარავ რამბანის

სახენაყავილარი ისევ არ აჩუმებდა ენას. ინტელიგენტს დაემთავრებინა ტელეფონზე საუბარი, იდგა ჯიბეებში ხელბეზარსა და აწილს, აშკარად გაბეზრებულ რიგს განაპირებული და დაძაბულად ფიქრობდა.

უცებ ვილაცამ იყვირა:

— გაუშვით, ურიგოდ გაუშვით ეს კაცი!

— მიდი, დარეკე! — სახენაყავილარს ახლა სხვამ მიმართა ბრძანებასავით.

ხელიც კი უჭიკავეს, დარეკე და წაიდა, მოცილდი აქაურობასო. ის კი ფეხს არ დგამდა ჯიბურისაკენ. მივხვდი, ტელეფონთან არაფერი ესაქმებოდა. ხალხმრავალ ადგილს ეტანებოდა მხოლოდ, საციგნოსა და სამამაძალღოს ეძებდა.

— კაცო, ხომ გინდა დარეკვა! მიდი, დარეკე! — ყასიდად დაუყვავა ინტელიგენტმა.

თავი გააქნია სახენაყავილარმა. — თქვენ არავინ გეკითხებათ, დავრეკავ თუ არა! — ამოთქვა უტიფრად.

— ჩვენ არ გვეკითხება. თქვენ კი ყველაფერი გეკითხებათ, ასეა, არა? — კიდევ უფრო ყასიდად რბილი გახდა ინტელიგენტი. კარგად მოეხსენებოდა, ვისთან ჰქონდა საქმე.

— ჰა, მოდის თუ არა? — იკითხა მოთმინებადაკარგულმა ქალმა. მისი ჯერი იყო მოსული და ჩქარობდა. რახან ვერ მიიღო პასუხი, ჯიბურში შევიდა.

რიგი ისევ ძველი თანმიმდევრობით მიდის, არ წყდება სატელეფონო კავშირი. ეს არამზადა კი დგას უსაქმურად.

— წადი აქედან! — კბილებში გაბოვცარი ბრაზით. — სანამ მთელი ხარ, წადი, შე ცოდვიანო!

— შენ ანგელოზი ჩანხარ!.. — უკან არ იხევს, თავს იცავს სახენაყავილარის მიმართ.

— ეგ საიქიოში გაირკვევა! — ვუყვირო, — მაგრამ თუ ერთად მოვხვდით სამოთხეში, კარგ დროს გაგატარებინებ!

წვიმის წვეთები აქამდეც მოცივოდა. ახლა ერთბაშად დაუშვა.

— აი, შენი სამოთხე... — თქვა სახენაყავილარმა, — იდექით აქ, ხელს აღარ შეგიშლით, — ჯირკებივით ფეხებით გააბოტა და გაგვეცალა.

კინალამ გადავიფიქრე დარეკვა. უკვე ვყოყმანობდი ტაქსოფონის მოპირდაპირედ პატარა გასტრონომის ფასადს შეფარებული, ფეხს კი მინც არ ვიცვლიდი ადგილიდან. ან სად უნდა წავსულიყავი ასეთ თავსხმაში. რიგით ჩემ წინ მდგომი ქალი აფთიაქის შესასვლელთან იცდიდა. ყველა სადღაც-სადღაც მიიყუთა, მაგრამ იცოდნენ, ვინ ვის შემდეგ იყო. ახალი კი არავინ გვემატებოდა.

ერთადერთი, ვისაც ერთბაშად წამოსული თქეში არ აფრთხობდა, აკაციის ძირას, გალუმბულ სკამზე მჯდომი თეთრკურტაკიანი ყმაწვილი იყო. ისევ ძველებურად ჩაეკიდა თავი.

ნეტა დავუკავშირდე ლევანს. ჩვენი მინიატურული მალეძარას ბედს შევიტყობ. თუმცა ვიცი, ნახაზი არაფერ შუაშია, ტექნოლოგებმა ვერ განახორციელეს ჩანაფიქრი, მასალაში გადატანისას შესცოდეს რაღაც. მთავარი შეცდომა კი ის იყო, საცდელი ეტაპები არ ჩატარდა. სიჩქარის გამო დეტალის პირდაპირ მასობრივ დამზადებას შეუდგნენ. წარმოებამ იზარალა და გვიანდა აღმოჩნდა. ცუდად მომივიდა. წამოვედი და ლევანს შევატოვე თავსატეხი. ერთად იქნებ უფრო ადვილად გაგვერკვია რამე.

იკლო წვიმამ. მერე ერთბაშად გა-
დიდარა. ისევ ჭიხურთან იკრიბება
დაშლილი რიგი. სამი ადამიანილა ჩემ
წინ.

ვიღაცები მოდიან, ბოლო ვინ არი-
სო, კითხულობენ. თეთრკურტაკიანზე
ვანიშნებ.

რა კარგი ტიპია! — ვფიქრობ თან, —
არაფერში ერევა, არის თავის ფიქრებ-
ში ჩაყურსული და უცდის, როდის მო-
უწყვეს რიგი. სახენაყვავილარის არსე-
ბობა არც შეხებია.

აღვა. ჩვენკენ მოდის. მთლად გასა-
წურია, მაგრამ არც ამას აგდებს აინუნ-
ში. ახალმოსული ქალები ჩქარ მეგ-
რულს აფრქვევენ, ერთმანეთს პირი-
დან აცლიან სიტყვას. ოპ, რა ტემპერა-
მენტია აქეთ, რა მოუთოკავი ენერგია!
ბედად, რიგმა მომიწია უკვე.

ჭიხურში შევდივარ. ნამდვილად ლე-
ვანთან სალაპარაკოდ მოვედი აქ, მაგ-
რამ, ჩემდა გასაოცრად, იზეტას ნო-
მერს კრებს თითი. არ მიფიქრია იზე-
ტასთან დარეკვა, მაინც ვემორჩილები
ბრმა ძალას, უნებლევ ქმედებას კვალ-
დაკვალ მივდევ. ზუმერში კაცის ხმა
მესმის: ალო! ალო! — იმეორებს მშვი-
დად.

არ ვბასუხობ. ვკიდებ ყურმილს და
იგივე ნომერს ვკრებ. ხმაც იგივე მპა-
სუხობს: ალო! ალო!

— ალო!.. — ვამბობ მეც, დაბნეუ-
ლობა რომ შევნიღბო, დრო მოვიგო
სათქმელის შესარჩევად.

— დიას,.. გისმენთ!.. — შემზარა-
ვად მშვიდია ეს ხმა.

ვებლაუჭები იმედს, რომ ნამდვილად
სხვაგან მოვხვდი, მეორედაც სხვაგან
მოვხვდი, ჩვენი ტელეფონების გადამ-
კიდეს შეიძლება შეათედაც იგივე და-
გემართოს.

— რა ნომერია? — ვკითხულობ. —
მაპატიეთ, რა ნომერზე მოვხვდი?

მშვიდი ხმა ჩემს ყოფილ ნომერს
მეუბნება, უფრო სწორად იზეტას ნო-
მერს.

— ბოდიში... — ვლულულუღებ დაბ-
ნეული, ყურმილს ვკიდებ და ჭიხური-
დან გამოვდივარ.

ლევანთან დარეკვის აღარც თავი
მაქვს, აღარც სურვილი. რამ ამაკრე-
ბინა ის ნომერი... რა ეშმაკი შემომიჩნ-
და... ვინ იყო ასე მოშინაურებული კა-
ცი, მასპინძლის მაგიერ რომ იღებდა
ყურმილს? იქნებ!.. არა, შეუძლებე-
ლია! მაგრამ რატომაა შეუძლებელი...
განათვითონვე არ მივეცი იზეტას უფ-
ლება, რომელიც ჩემთვის არ მოვიტო-
ვე? აღარაფერი მეკუთვნოდა სახლში,
სადაც დამრჩა ორი შვილი და კიდევ
ტანისამოსის ის ნაწილი, იშვიათად
რომ ვხმარობდი, ანდა სულაც აღ-
არ ვხმარობდი. შვილებზე, კანო-
ნის ძალით, მხოლოდ მატერია-
ლური ზრუნვა მეკისრა, ერთსისხლ
და ერთხორც კავშირი იურიდი-
ულ უფლებათა ჩარჩოში იყო მოქცეუ-
ლი და უფროსების ჩადენილ შეცდო-
მათა გამართლებას ცდილობდა ბავშ-
ვების წინაშე. მხოლოდ და მხოლოდ
მოვალეობა!.. სხვა არაფერი... რაც
ნიშნავდა, შვილებს ვედარასოდეს და-
ვიბრუნებდი. ვერ იკმარებდა გაგზავ-
ნილი ალიმენტები და დაბადების დღის
საჩუქრები. დაბრუნება არ არსებობს!
არავინ არავისთან არ ბრუნდება! ვერ
ბრუნდება!..

საკუთარმა ყვირილმა შემძრა. ზღვის
პირას ვიდექი უკაცრიელ პლაჟზე, უკ-
ან ჩამავალმა ტალღამ წაიღო ჩემი
ხმა, იქვე დაბლა-დაბლა მფრინავი თო-
ლიას ფრთის ფათქუნადაც რომ არ
ულირდა გაშლილ სივრცეს, დასალიე-
რიდან გამოწეილი ჯანღისფერი
ღრუბლის მომლოდინეს.

ვუცქერ თოლიას, ჯერ სრიალით რომ

გადაუვლის შორიდან დაძრული ტალღის ამოკუზულ თხემს, აიჭრება მერე მალა, რათა ისევ შურდულივით დაეშვას, ვუცქერ და კიდევ ერთხელ ვგრძნობ, არარაობა ვარ. თოლია არ არის თეთრი ოცნება, თოლია სევდაა აუხდენიელზე, წუხილია.

დედაჩემი, რაც თავი მახსოვს, ჩიტებს აფრთხობდა, ქათმის საკენკზე შემოჩვეულთ. მამაჩემი კი სხეპდა ხეებს, ერთ თავისუფლად ამოზრდილ ყლორტსაც არ უტოვებდა, ალვასავით უშვებდა სიმადლეში. ალბათ, ამიტომ დამჩემდა წუხილი ხეთა და ფრინველთა გამო. ამ თოლიამ საიდან უნდა იცოდეს ეს... მე კი ვიცი, თოლია ჩემთვისაა მოსული, ჩემთვის დაფრინავს. ჯონათან ლივინგსტონ! — მინდა დავეუძახო! — მინდა დავეუძახო, — ჯონათან ლივინგსტონ! მაგრამ ვერ ვახერხებ და როგორღაც მთრგუნავს ამოუთქმელი ძახილი, მკაცრი მასწავლებელივით უსიტყვოდ რომ მეუბნება: მხოლოდ არსებობისათვის როდი უნდა იცხოვრო!..

ვნანობ, რად არ დავურეკე ლევანს. მივდივარ აბორგებულ ზღვის ნაპირ-ნაპირ და ლევანზე ვფიქრობ. მას არსებობისათვის ზრუნვის ტვირთს ცოტათი მაინც უმსუბუქებს თავისი გატაცება. თუმცა, რაც თარგმნა, ეცოტავება, არ აკმაყოფილებს. ამას მაშინ ვგრძნობ, როცა ლევანი თითქოს უადგილოდ, დაუოკებელი ენით იტყვის: იცი, რას ნიშნავს, რომ პრუსტის თარგმნა შეძლო?! აი, მისი ოცნება, მისი იდეა ფიქსი. მაინც მგონია, სამარის კარამდე ოცნებადვე წაიყოლიებს ვერახდენილ საწადელს, რადგან არ გააჩნია გამბედაობის თავხედობა, პატიოსნება უფლებას არ მისცემს ნაოცნებარი მარტივ სინამდვილემდე დაიყვანოს.

არადა, გამოხტება ვინმე ქიბროწავსილი, ორი კაკალი ფრანგული რბილი წავლია, გადმოაქოთებს ამ შენს პრუსტს, გადმოაცოდვილებს თავის ენაზე დ ნაღდ ოქროდ შემოგასალებს, განმკითხავი კი არავინ იქნება ასეა, მაგრამ ამას ახლა რა მნიშვნელობა აქვს, როცა კბილი ამტკივდა. უნდა ავჩქარდე. იქნებ სტომატოლოგი მოვძებნო საადმე.

პანსიონატის ზონის ნავსადგომთან ბიჭები დგანან, ზღვას გასცქერიან. ერთი ხელს იშვერს და ხმამალა ყვირის: დელფინია!

მღვრიე ზღვაში რაღაც მიცურავს. ვაკვირდები, ძლივს ჩანს აჭრილ-აჩეხილ ტალღებზე. „ნუთუ მართლა!.. ნუთუ მართლა დელფინია!“

ვილაცები ჩნდებიან ნაპირზე, მერე ელვის სისწრაფით მატულობს ინტერესით შეპყრობილთა რიცხვი.

— დელფინი! დელფინი! — ისმის შეძახილები.

მორკალა სავალი და განივად გაუყვა წყალს.

— ნაპირისკენ აპირებს გამოცურვას!

— დურბინდი მაინც მქონდეს!

— რა საოცარია!

— გამოიწიოთ, დიდი ტალღა მოდის, არ გადაგიყოლოთ!

ის კი მართლა ნაპირისაკენ მოიწევს, თანდათან ადვილად გასარჩევი ხდება.

— ძაღლია! — ვამბობ ხმადაბლა.

ვილაცა მაშინვე ისაკუთრებს ჩემს ნათქვამს:

— ძაღლი ყოფილა! — გაჰკივის გაწბილებული ხმით.

— ძაღლი ყოფილა! — ექოსავით გადადის ნაპირზე.

ხუთასი-ექვსასი მეტრის მოშორებით აპირებს ძაღლი გამოსვლას. ახლა უფრო ნელა მოცურავს, დაღლილია, უჭირს...



ხალხი წყნარდება, დუნდება ინტერესი, აქამდე აცივლებულნი ინტერტულნი ხდებიან. ძალი აღარავის აინტერესებს. ნეტა გადამაფრინა ამ ღვარცოფად მოვარდნილ შენაკადზე, პლავის მთელ სიგრძეზე რომ კეტავს გზას, დამახვედრა ტალღებთან ნაომარ ძალს, თვლებში შემახედა, გამაზიარებინა მისი სიმარტოვე...

კბილის ტყეილი მიმატებს. შიგ ტვინში მირტყამს. ლაქაშებში დატანებული ბილიკი გავიარე. ჩოგბურთის მოედნისკენ გამავალ ხეივანში ვარ უკვე. სკამზე ვილაც ორნი სხედან, ქალები. ერთი ქსოვა, მეორე მღერის. ამათ ვყოთხავ, იქნებ სტომატოლოგს მიმაკვლევინონ. ვუახლოვდები. მომღერალი უკვე ნაცნობი ქალია — შინაბერა მასწავლებელი, ტალონის გაცვლა რომ მთხოვა, სიმარტოვისაკენ რომ ისწრაფვის. ელვირამ მითხრა იმ ღამით, შინაბერა მასწავლებელიაო, ბობი ფიშერი დასიზმრებია, სიგითემდე უყვარდა თურმე სიზმარშიო. ბევრი რამ მითხრა კიდევ ელვირამ, ჭკვიანურიც, სულელურიც...

შინაბერა მასწავლებელს ისედაც წვრილი, ნაოქასხმული თვალები მთლად მოუწყურავს, „ღამეს სიმწუხარე უფრო ემატება...“ აი, ამ სიტყვების ამოთქმა მოვამთავრებინე და მივედი. შეწყვიტა სიმღერა, შემომხედა გრძნობათა ავონით გათანგულმა. „რა ემღერება ამ გატანჯული სახის პატრონს“, — გავიფიქრე.

მიღიმის, როგორც ძველ ნაცნობს, ჭიანჭამ კბილებს მიჩვენებს.

— ბოდიშს ვიხდი, — ვთქვი და ხნიერი ქალის ხელებში შერჩენილ საქსოვს დავხედე. — სტომატოლოგს ვერ მიმასწავლით?

— როგორ არა! — სხაპასხუპით მო-

მიგო შინაბერა მასწავლებელმა, პირდაპირ ივლით სულ ბოლომდე ერთსართულიან პატარა შენობაში. თუ იჩქარებთ, მიუსწრებთ.

ჩქარა გავსწიე, მეტი რომ აღარ გავგრძელებინა, თორემ ვიცი, ტალონზეც მკითხავდა.

სტომატოლოგს მივუსწარი. პანსიონატი კი არა, სამოთხეა, ყოველგვარი დახმარება შეიძლება მიიღო. რის შენობა, ერთადერთი პატარა ოთახია, ფიჭვებითა და ველური ვარდით შემობურთული. კართან კაცი დგას და ოთახში ვილაცას ელაპარაკება, ხელებს იქნევს, შიგადაშიგ გულიანად ხარხარებს. მივუახლოვდი თუ არა, მაშინვე მოტრიალდა, გაჩუმდა, შემომაცქერდა დაკვირვებით და ნახევრად სერიოზულად, ნახევრად ხუმრობით მომმართა:

— თქვენმა კბილმა სამუშაო საათები არ იცის? ხალათი უკვე გავიხადე. მაშასადამე, ექიმი აღარა ვარ!

სიმწრით გავიღიმე.

ისევ დამაკვირდა, თავი გადააქნია, მერე საჩვენებელი თითი მბრძანებლურად გაიშვირა ოთახისაკენ. წინ შემიძღვა, კედლის საკიდიდან თეთრი ხალათი ჩამოხსნა და ფაშფაშა ქალს, ხელებს რომ იბანდა, მიმართა:

— საბოლოოდ გაფრთხილებ, სიმა, მომაშორე, რად მომისაჯე ამის ცქერა! — კედელზე გაკრულ სურათზე უთითებდა. ტანჯული სიცილით სახედამეჭილი კლოუნი იყო.

— რას აშავებს, — მშვიდად თქვა ქალმა. — მე ძალიან მომწონს — ხელები ისევ აიჭაფა საპნით.

— ხედავთ? — შემომჩივლა უკვე თეთრ ხალათში გამოწყობილმა ექიმმა. — აი, ასეთ დღეში ვყავარ! —

დაბრძანდით! — სტომატოლოგიურ სკამზე მიმითითა: თვითონაც დაჯდა, თულებში ჩამაშტერდა და ვიდრე პირს გამაღებინებდა, მკითხა:

— ამოვგლიჯოთ?

მხრები ავიჩიქე.

— ხედავთ? გტანჯავთ, მაგრამ მაინც გენანებათ... სიმაც ასეა. განა მოსწონს ამ დაღრეჯილი კაცის სურათი, უბრალოდ, შეეჩვია და ველარ ელევა. გააღეთ პირი! ასე არაა, სიმა? ოჰ, შესანიშნავი პირის ღრუ გაქვთ! — საჩვენებელი და ცერა თითი ჭერ ზემო ყბის ძვლებზე შემომიტარა, მერე ქვედაზე. — ასეთი რამ იშვიათია!.. სიმა, რად არ მპასუხობ? ოღონდ კლოუნზე ცუდს ნურაფერს ეტყვი!.. ვერ გამიგია, რამ შეაყვარა! — თვალი ჩამიკრა ეშმაკურად, თან მტკივან კბილს მიაგნო, წვეტიანი იარაღით მომიჩხრიკა. — მე კი ამ კაცს რომ ვუყურობ, ჭამის მადა მეკარგება. გინდაც შემწვარი ბატი დამიღო წინ, ლუქმას ვერ მოვციცქნი, — თვალებით ჩაიღიმა. — ჰო, მართლა, სიმა, იცი, რა ვქნათ, შობა რომ მოვა, საზიაროდ ვიყიდოთ ბატი და ვაშლებთან ერთად შეეწვათ. მე ვიყიდი ვაშლს, შენ იყიდე ბატი. ხომ კარგი აზრი მომივიდა?

— ვაშლი იაფია, ბატი კი ძვირი, — თქვა ქალმა. — მე ვაშლს ვიყიდი.

ექიმი ბურღში ნემსს ამაგრებდა. მეც დრო ვიხელთე, ოდნავ წამოვწიე თავი, რათა ქალისათვის შემეხედა. ფანჯრიდან გაჰყურებდა ზღვას.

— კარგი, მაშინ შენ იყიდე ბატი, მე ვიყიდი ვაშლს, — შეაბრუნა ახლა ექიმმა წინადადება. ბურღი პირთან მომიტანა და დაუმატა: — ვნახოთ, ვნახოთ, სიმა, ჩვენც პაციენტი არისტოკრატია თუ არა! ჭერჭერობთი ფით-

რდება, არისტოკრატის თვისებას აქვს ელავნებს. პლებები ამ დროს უფრო დებიან. არ მიყვარს გაწითლებული პაციენტი.

ეს კი ხუმრობს, მაგრამ მე ჩემი მემართება. ბურღის ტრიალილა მაკლდა! შიგ ტუნიში მირტყამს. ლამის გული შემიღონდეს. წარბს არ ვიხრი მაინც. რატომ, რატომ ვითმენ! მართლა ვთამაშობ არისტოკრატობას? რად არ ვეტყვი, ამოვლიჯე, მაგის ყოფაც ვატირე! მომაშორე! დამპალ კბილსაც ვეფერო? მაინც არ ვიღებ ხმას. ბოლომდე ვითმენ... როგორც იქნა, მთავრდება, საზარელი ხრჭიალი.

— სულ ეს იყო, — ამბობს ექიმი, — აშკარად იგრძნო, ძვირად დამიჯდა დაბრალებული არისტოკრატობა.

სიმა წასასვლელად გამზადებულია, შავი ლაქის რედიკული გულზე მიუხუტებია და მაინც დგას. ექიმი ღიმილს ვერ იკავებს.

— მიდიხარ და ამ საფრთხობელასთან მართო მტოვებ? — კლოუნის სურათისაკენ შოლტივით მოიქნევს მზერას

— კარგი, რახან ასეა, ჭერ იყოს, მოვიფიქრებ რამეს, — შემრიგებლურ პოზიციას ირჩევს სიმა.

ფუჰ, რა საძაგელი გემო აქვს დარიშხანს!.. ალბათ, სახეზე მახატია უსიამო შეგრძნება, რადგან ექიმი მამშვიდებს:

— რას იზამთ, უნდა აიტანოთ, ნერვი უნდა მოკვდეს. ზეგ მობრძანდებით.

სასაცილოა, ერთ პაწაწა ნერვს ჩავუსაფრდით, შხამით უნდა მოვსპოთ. სიმამ კიდევ ისე საგულდაგულოდ ჩარეცხა წელან საფურთხებელი, გადმონერწყვა მეხათრება, იძულებული ვარ, ჩავყლაპო. ზიზლით მაქრიალებს.

ექიმი პატარა მაგიდასთან ჯდება,

მეკითხება გვარს, სახელს, მამის სახელს, საკანცელარიო ყურნალში იწერს.

— ჩვენი ხართ, ხომ? — ელიმება — პანსიონატის დამსვენებელი, უმატებს მერე.

— დიახ, — ვპასუხობ მაშინვე. რა კარგი მოსასმენია „ჩვენი ხართ“.

პატარა, საგანგებო ზომაზე დაჭრილ ქალადს იმარჯვებს, თან ისევ ქალის მისამართით ამბობს:

— მოკლედ, ვერ შევთანხმდით. მე კი ძალიან მინდოდა შემწვარი ბატი ვაშლთან ერთად.

— გინდოდათ და გექნებათ, — უყვავებს ქალი.

— მოკლედ, ვაშლი ჩემზე იყოს. — თვალს მიკრავს ექიმი ისევ ეშმაკურად.

— არა, მასე არ მინდა... ორივეს მე ვიყიდი და დაგვატოებთ.

ექიმი ხარხარს ვეღარ იკავებს. მეც გულიანად ვიცინი.

— მაგრამ ამას რა მოვუხერხობ? — კითხულობს სიცილით გულნაჯერები, კლოუნისკენ იშვერს ხელს. — ეს კი თქვენ, — ქალადს მიწვდის. — მეორედ მოსვლის თარიღი და საათი წერია ზედ.

— მაგასაც მოვუხერხებთ რამეს, — მშვიდად ამბობს ქალი.

გამოვდივარ ერთი ციდა ოთახიდან პირგამოშუშხული, საგრძნობლად გაყრუებულ ტკივილზე ყურადღებაგამახვილებული, მომყვება იმ ორ შეხმატკბილებულ ადამიანზე ფიქრი, ხუმრობა-ხუმრობით რომ აძლებინებენ ერთმანეთს. კეთილი შურით შემშურს მათი სიმშვიდე, ისიც, მათი ერთადერთი ფანჯრიდან მხოლოდ ზღვა რომ ჩანს, ისე ახლოს, თითქოს შიგ წყალზე იდგეს ციდა კაბინეტი — მოწყალებისა და სათნოების ქოხი, რომლის კედლიდან გაცინებული კლოუნი იცქირება.

ისეთ გუნებაზე ვარ, სიამოვნებით დავთანხმდებოდი იმ კლოუნის ფტოლად ყოფნას, ოღონდ თუ არ ჩამომხსნიდნენ. უაზროდ დავებეტები სანაპიროზე, დაუსრულებლად ვმოძრაობ.

ბავშვები ისევ აქ არიან. იქითობას გვერდით გავუარე, არც შემოუხედავთ, თხუნელებივით იჩიჩქნებოდნენ. ვეება პირამიდას აგებდნენ. მოუმთავრებიათ, გარს უვლიან, შეჭხარაინ.

— მშვიდობით! ხვალ მოგაკითხავთ! — იძახის ერთი.

— მშვიდობით! მშვიდობით! — ხელებს მხედრულად სწევენ. მალა დანარჩენებიც, რადგან მზე სანახევროდ ჩამალულა მეწამულისფერ დასალიერში და გაყრის დროც დამდგარა.

ტოვებენ ხალისიანი შრომით შექმნილს. გზადაგზა რომელიმე ისევ შედეგება წამიერად, გამოხედავს სილის პირამიდას, დასატოვებლად არ ეთმობა.

ლაქაშებზე გამავალ გზამდე თვალით მივაცილებ პატარებს — ათი-თორმეტიოდე წლის ბიჭუნები არიან. მერე მზის ჩასვლას გავცქერი, ყოველდღიურ შეჩვეულ სასწაულს და ვგრძნობ, ისეთ სიმარტოვეში შევდივარ, როცა აღარავინ გქირდება. ლევანი არ ითვლება... ლევანი ერთადერთი გამონაკლისია. კარგია, რომ მან ეს არ იცის და შეუზღუდელი ვარ ჩემს გრძნობებში.

მაინც ვინ იყო ის კაცი, იხეტას მაგიერ რომ გამაგონა ტელეფონზე? ფიქრიც კი მზარავს... ვუცქერ ბოლოვით გაწეილ ღრუბლებზე უკვე ჩაწრტილი მზის შეტოვებულ ათინათს და მახსენდება, ერთ ადგილას დგახარ დ საწვავს წვავმეთქი, ქალს რომ ვუთხარი და მომეწონა ჩემივე გამონათქვამი, რომლითაც ბრონიულად შევუქე თავშეკავება, ქალურ სევდას გულშივე რომ აკვლევინებდა, რათა ავეცილებინე ზედმეტ სი-



ტყეებს, მაინც ვერაფერს რომ ვერ შეგვიცვლიდა, ვერ გავვიუმჯობესებდა ურთიერთობას.

ახლა თვითონვე ვიყავი იგივე მდგომარეობაში, იმ განსხვავებით, ჩემი წვა უმიზნო იყო, მექანიკური, არავის სჭირდებოდა... მეც კი არა!..

ლაქაშებიდან ბიჭუნა გამოვარდა, ერთი იმათგანი, სულ ათიოდე წუთის წინ ერთად რომ დატოვეს სანაპიროზე თავიანთი ნახელავი. ბიჭუნამ პირამიდისაკენ აიღო გეზი. ცისფერი მაისური ეცვა, მკერდზე და ზურგზე თითო-თითო თეთრი თევზი ეხატა. სილაში ფეხი ეფლოზობდა, მაინც სწრაფად გარბოდა. მიუახლოვდა პირამიდას, დაეძგერა, ორთავე ხელით უფუფულროებდა გვერდს. საყრდენ სარამდე შეუწია მკლავი, მთელი ძალით დაუწყო რყევა. პირამიდამაც თანდათან დაკარგა ფორმა, ჩამოიშალა.

ბიჭუნას აღარ დაუყოვნებია, მალევე გაბრუნდა უკან, ისევე სირბილით მიაშურა ლაქაშებს.

რომ შემძლებოდა გამეჩერებინა და მეკითხა, რად ჩაიდინე ეგ, შენც ხომ სხვებთან ერთად მონაწილეობდი მის აგებაში-მეთქი, ნეტა რას მეტყობა? მთელი საღამო არ მომცილებია ბიჭუნაზე ფიქრი. კბილი კი მღრღნიდა. ეტყობა, საწამლავი არ სჭირს ჩემზე, ერთ პატარა ნერვსაც ვერ მიკლავს.

არასდროს მქონია ამდენი დრო საკუთარ თავზე ფიქრის, საკუთარ სულსა და სხეულზე კირკიტის, არც სხვებზე დაკვირვების. მაგრამ რა შეიცვლება ერთ ადგილას დგომით და საწვავის წვით?

ბიჭუნამ ჩემს შვილებზე სევდა მოიტანა. არარაობა მათ წინაშე ვერ გამამართლებს, თავდებად ვერ დამიდგება, შესანიშნავად ვიცი ეს! დაკარგულებს ვეღარ დავიბრუნებ!..

ადგილს ვერ ვპოულობ. სიარულმა დამქანცა, ნომერში დაბრუნება კი შეზარება.

კინოდარბაზის შესასვლელ კართან რიგია.

— რა გადის? — დავინტერესდები ბურად.

— „ლამაზი მეგობარი“, — მპასუხობს ცისფერთვალა გოგონა, — მაგრამ თექვსმეტ წლამდე ბავშვებს არ უშვებენ. ღმერთო, როგორ წყდება გული, ჯერ თექვსმეტი რომ არ შესრულებია!

რიგთან შინაბერა მასწავლებელი დგას. დამინახა და ხელი დამიქნია.

ესლა მეჭირვებოდა? საშინლად მალე-ზიანებს... ყველგანაა, სადაც გინდა გაიხედო, ყველაფერში მონაწილეობს, მაინც ვერ გადის უბადრუკი მარტოობის რკალიდან. მერედა, ჩემთან რა უნდა! აჰა, მიახლოვდება უკვე.

— შემოდინხართ? — მეკითხება.

— არა, — ვპასუხობ შვებით, — ბილეთი არა მაქვს, — როგორ მიხარია, რომ ბილეთი არა მაქვს.

— აი, — ამბობს, — ზედმეტი ავიღე ერთი, ყოველ შემთხვევისათვის... თქვენი იყოს! — ბილეთს მაჩეჩებს.

რალა ვქნა! ან ამის გვერდით რა გაძლებს, ან იმ კინოფილმს რა უყურებს. ალფონსის ფორსები მინდა ახლა?

ბილეთს ვართმევ, მადლობას ვუხდის შინაბერა მასწავლებელს. მადლობას ვუხდის ავანსად, უსიამო საღამოსათვის, მოჩვენებითი სიამოვნებისათვის, მასთან დძულებითი დაახლოებისათვის.

უნებლიეთ დავცქერი შინაბერა მასწავლებლის მკლავზე ოქროს სამაჯურიან საათს. ჩვენ შორის გაჩენილი ვაკუუმის შევსებას ვლამობ.

— ათი წუთი დაგვრჩა დაწყებამდე, — მოქნეული მჭრელი იარაღით აგებებს პასუხს ჩემს ისედაც დაძაბულ ნერვებს.

ჰაერი იქნებ არც ისე შეხუთულია, როგორც მეჩვენება, თუმცა სასევო კია დარბაზი. იდიოტურად ვათვალისწინებ ახალშემოსულებს, რომ ამ ჩემი წყვილის ცანისკენ არ გაიხედო, კიდევ რაიმეს თქმის საბაბი არ მივცე.

„ათი წუთი დაგვრჩა!“ როგორია?!

ცოტაა ათი წუთი და ბევრიცაა. გააჩნია, როგორ ემოციებს მიიღებ. რამდენი წუთი და საათი გაივლის ჩემს

გამოცარიელებულ სხეთლში უკვალოდ, რომ არც ჩამაფიქრებს.

— თქვენ აქ მარტო ხართ? — მეკითხება შინაბერა მასწავლებელი.

უცებ ვერ ვხვდები, რა სიმარტოვეზეა ლაპარაკი, მაგრამ ქალი ალღოიანია, — მარტო ისვენებთ თუ მეუღლესთან ერთად? — უმატებს გარკვეულობისათვის.

— მარტო... დიახ, რა თქმა უნდა...

— აქ ისეთი მოწყენილობაა — ლამის გული ამოატანა სიტყვებს, როგორც მაშინ, სიმღერის დროს...

— და თქვენ გიკვირთ, როგორ გამიმეტეს მოწყენილობისათვის?

იცინის. მე კი ვფიქრობ, ამ ქალს, ალბათ, სარკე არა აქვს, თორემ თავის დღეში არ გახსნიდა პირს-მეთქი.

შუქი ქრება. უაზრო სიბნელე ენაცვლება ჩემს ფიქრს ტიტრების გამოჩენამდე. შინაბერა მასწავლებლის გვერდით მძულს საკუთარი თავი. სიძულვილში გადის საათ-ნახევარი.

ფილმის შემდეგ კიდევ ერთხელ ვიხდი მადლობას ბილეთისათვის. ქალს ვუხსნი, უნდა ავჩქარდე, გადაუდებელი საქმე მაქვს, საშუალება არ მეძლევა, შინამდე მიგაცილო-მეთქი.

თავს მიქნევს, გასაგებიაო, თვალებით კი ჩემს არაჯენტლმენურ საქციელს დასცინის. იქნებ იმასაც ფიქრობს, მაინც არ გაგაცილებინებდი თავს შინამდე, ეგრე ნუ მიყურებ, ქალწული ვარო. ეჭვიც არ მეპარება ამაში.

— ღამე მშვიდობის... — ვამბობ, თითქმის სირბილით მივარდევ მერე დარბაზიდან ტალღა-ტალღად გამოშლილ მაყურებელთა ნაკადებს.

ცარიელ ლიფტს მივუსწარი. ჩემი ოთახი სამოთხედ მეჩვენება. დავეგდები და დავიძინებ. ძილის წინ კი აბებს მივიღებ, რომ მეზობელი ოთახიდან ქალის კისკისი არ ვისმინო.

ნეტა სად ხედავს დამლაგებელი სისხლის ლაქას? ვაფაციცებით დავშტერებოვარ იატაკს. ახლა უკეთესი ადგილი რომ მეგულბოდეს, სადაც შედარებით მშვიდად დავიძინებდი, სიამოვნებით

წავალ... ელვირასათვის ხომ არა შეკითხვა? აბა ცოტა ვიფიქრო? არ ვადავიფიქრე.

სიზმრებს არ ენახულობ, მაგრამ დილით მაინც დაქანცული ვიღვიძებ. ისეთი გრძნობა მაქვს, ყველა სახილველი ჩემს სასიცოცხლო ენერჯის ხარჯზე კვდება და ძალას მაცლის, რომ თვით ვარ იმ სიზმართა ასლი, ოღონდ სახე-დაკარგულთა, უშინაარსოთა, ისტერიაში გადასულთა, რომ ცხადში ვუერთდები ყველა სიზმარეულ ჩვენებას.

ბობი ფიშერი... ბობი ფიშერი... ალბათ, რამდენი ქალის ფიქრთა თანამგზავრია!..

ლევანს უნდა დავურეკო დღეს... აუცილებლად..

ზღვა ოდნავ ირწყევა ნაპირთან, თითქოს სუნთქავს... ფრთიანი ჭიანჭველები ჰკესავით მოსდებია. ჩანს, უამინდობისას დაიღუპნენ. ეს ნაპირი მათი მშვიდი სამარეა. მთელი ჯარია აქ მიხიცილი, ქალაქი ან სულაც სახელმწიფო.

შორიახლო ვარჯიშითა და სირბილით გახვითქული კაცი გაჩერებულა.

— ფუჰ, — ამბობს ჩემს გასაგონად, — ძლივს დამშვიდდა ზღვა, ეს ნავივი კი რა არის! შესვლა დაგეზარება!..

კაცს ბანაობა სურს დილის სუფთა წყალში, ფეხშეუკარებელში, ამიტომ წუხს. ეტყობა, პანსიონატიდან არ არის, პანსიონატის დამსვენებლებს ასეთი რამ ნაკლებად აღეგებთ. მათი სხეულისათვის ჭაობისფერი ბალნეოლოგიური წყალი უფრო სასარგებლოა.

კაცი შედის ზღვაში, ხელებით ფანტავს ჭიანჭველებს, ერთი-ორი მოსმა მხარულით გააღწევს მერე მათ სასაფლაოს და უკვე სუფთა წყალშია.

რატომ მაინცდამაინც ბობი ფიშერი?.. თითქოს მისი სხეულით გაჭრილი წყლის ნაკვალევიდან მესმის უხმოდ. საოცარი ძალით შევიგრძნობ დაკარგულ დროს, უქმად ჩავლილს, ბერწს...

ზოგჯერ ქარი რომ ააჭრიჭინებს კარს, შენ კი ადგომა გეზარება, რათა ჩარაზო,

ტან-ფეხი ვერ დაგიმორჩილება უძრაობით შეპყრობილს, აი ისეთივე პასიურობიდან მოდის ახლა ყველა ფიქრი... ყველა შეგარძნება...

ამასობაში დრო გადის, სტომატოლოგს უნდა მივკითხო, აღარ შემიძლია ამ შხამის ტარება, თუ მოსაკლავი იყო, მოკვდებოდა.

ავტობუსი ჩერდება პანსიონატის მთავარ შესასვლელთან. აბაზანებიდან ბრუნდება ხალხი. კუტები და დაცვენილები ხელით ჩამოკაყვით კართან მიდგმულ ორსაფეხურიან ხის კიბეზე. ავტობუსის ფანჯრიდან დორა იცქირება დაღლილი თვალებით.

ნომერში შევდივარ და კბილებს საგანგებოდ ვიხეხავ, სტომატოლოგთან წსასვლელად ვემზადები.

კარზე მიკაკუნებენ. დამლაგებელმა მომაკითხა, ალბათ. ნეტა გამესწრო! არ შემოვუშვებ, არ მინდა დალაგება. ახლა იმის დაფეთებულ თვალებს უყურე კიდევ!

მაგრამ კართან საფეთქელზე კულულებჩამოყრილი ექთანს დგას, ისევ ქათქათა, გახამებული ჩაჩი ახურავს, ხალათის ჯიბეში ლურჯარშიაშემოვლებული ვერცხლისფერი ცხვირსახოცი უღევს. თვალებს ვერ ვუჭერებ, მაგრამ ისა!

— შეიძლება? — მეკითხება ზრდილობის გულსათვის, თორემ პასუხის მიღებამდე შემოდის მალალი ქუსლების ბაკუნით.

კარს ვხურავ, უკან მივყვები. ოთახს ათვლიერებს, აივანზე გასასვლელ კარში ჩერდება.

— ხომ კარგად მოეწყვეთ? — ისე მეკითხება, თითქოს ჩემი პრეტენზიის შემთხვევაში, რაიმეს შეცვლა შეეძლოს. აივნის ჭერის ლავგარდანს აკვირდება. — ო, ისევ დაუწყიათ ბუღის შენება! ჩანს, დამლაგებელი ყოველდღე არ შემოდის! — თავს უკმაყოფილოდ აქნევს.

— დაბრძანდით, — სავარძელზე ვანიშნებ. — ზღურბლზე დგომამ ვალები იცის.

ეცინება, — არც მე მიყვარს ვალი...

— ჯდება სავარძელში. — ექიმი გელოდებოდათ, რატომ არ გამოჩნდით? კითხვას კი არა, საყვედურს ჰგავს.

— რა ვიცი, — ვერც ვიმართლებ თავს.

— ჩანს, არაფერი გაწუხებთ.

— თითქმის არაფერი.

— ძილი როგორი გაქვთ?

— არა უშავს.

— ჩვენ მაინც ვალდებულნი ვართ, მკურნალობის კურსი დაგინიშნოთ. მონაცემების მიხედვით, რადიკულიტს უჩივით, ასეა, არა?

სულაც არ უხდება მშვენიერ მანდილოსანს ოფიციალური იერი.

— მოკლედ, მობრძანდით ექიმთან!

— ფეხზე დგება. ფარული გაღიზიანება იგრძნობა მის მკვეთრ მოძრაობაში. წასვლას ეპირება და მაინც ფეხს ითრევს, თითქოს რაღაც დარჩა სათქმელი, რაღაც მთავარი.

ამის გაფიქრება და კულულებიანმა ექთანმა თქვა:

— დამლაგებელს შეახსენეთ, აივნის ჭერი ჩამოასუფთაოს! კიდევ მოვალ და შევამოწმებ.

— რას ერჩით ამ მერცხლებს!.. არ მესმის... — მხრებს ვიჩეჩავ.

— არ შეიძლება! — თავს ჯიუტად აქნევს აქეთ-იქით, საფეთქელზე ოღნავ ერხევა კულულო. — ამაზე პასუხს გეტხოვენ!..

— ახლავე წამოგყვით თუ მერე?..

უცებ ვერ ხვდება, რას ვეკითხები. ნუთუ აღარ ახსოვს, რისთვის მოვიდა? გაოცებული მიყურებს.

— ექიმზე მოგახსენებთ... რადიკულიტთან დაკავშირებით..

— ჰო, ჰო, — ახსენდება, — როცა გინდათ, ოღონდ აუცილებლად... — მიდის.

ფიქრობ, თუ ჩემს ჯანმრთელობაზე ასე ზრუნავენ, მე რალა თავს ვიდებ. ესეც არ იყოს, მკურნალობის ფული სახელმწიფომ გადაიხადა პროფკავშირების მეშვეობით. მეც ვალდებული ვარ, გაწეული ხარჯები ქარს არ გა-

ვატანო! ნამეტანი ჭკვიანურად ვაზროვნებ ზოგჯერ, პირდაპირ ეპიგრაშებად გამოსაღვგი აზრები მომდის.

ვესტიბიულში ვილაც მიბრძანდება. ნახევრად გაღებული კარისკენ არც მოუხედავს. თვალს ვაყოლებ, კულტმუშაკი ყოფილა. შარვალი ჩაძრომაზე აქვს, ეტყობა, წონაში დაიკლო, ტანსაცმლის გადაკეთებაზე კი არ იზრუნა. მაგიდის ჩოგბურთის რაკეტას იტყაპუნებს ბარძაყზე და მიდის. რაიმე სპორტულ ღონისძიების გეგმას თუ აწყობს...

სტომატოლოგიური კაბინეტის კარებში ვილაც ახმახ ქალს შევეყევი ფეხდაფეხ. მუშაობით გართულმა ექიმმა ცალი თვალით გამოგვხედა. საღმის ნიშნად თავი დაგვიქნია, — დაბრძანდით, ყველას ერთად მიგიღებთ, — გაუტრია თავისებური. — ახლავე... ყველა ჩვენი ხარტ, ჩვენი... — ჩაიღიღინასავით ბოლო სიტყვა. ხელოვნურ კბილს უდგამდა პაციენტ მანდილოსანს მარჯვენა ზემო ყბაზე.

ახმახი ქალი ექიმისკენ ახლოს მდგარ სკამზე დაჯდა. რატომღაც გავღიზიანდი, ნუთუ ექვი შეეპარა, რომ რიგით მას გაფუშვებდი პირველს? მეც დავჯექი და უცრად ფეხზე წამოჭრილ ექიმს შევხედე. მან ორივე ხელით თავი დაუჭირა პაციენტ მანდილოსანს, სახეში ჩააშტერდა და უბრძანა:

— გაიღიმეთ!

პაციენტს, რომლის სახესაც ვერ ვხედავდი, ჩანს, გაეღიმა. ექიმი მრავალმნიშვნელოვნად ჩაფიქრდა, წარბები აზიდა, ხელები სწრაფად მოაშორა პაციენტის თავს, ხელის მკვეთრი მოძრაობით მარცხენა ყბისკენ მიუთითა და ისევ უბრძანა:

— გაიღიმეთ მხოლოდ ამ მხარეს! — თვითონაც ველარ შეიკავა სიცილი, დანარჩენებიც აგვიყოლია.

სიმა არა ჩანს. კინაღამ ვიკითხე, სიმა სად არის-მეთქი? ახმახი ქალის სახემ დამაღუმა. საშინელი შიში ეხატა ზედ. ექიმმა კი უკვე მოიხმო, რევერანსის მსგავსი მოძრაობით. ვფიქრობ: ხომ არ

გავიდე გარეთ, რომ ამის საცოდნობას არ ვუცქირო?

ახმახი ქალი ჯდება სტომატოლოგიურ სკამზე და ექიმიც იწყებს ჩემს საყურადღებოდ:

— თქვენ ახლა ჰიპნოზური სენსის მოწმე ვახდებით. — სამუშაო მაგიდაზე რალაცას ეძებს. — ამ ქალბატონს ხომ ხედავთ!.. არ ამყლავნებს, თორემ შიშითაა შეპყრობილი. სინამდვილეში ტყუილად იწუხებს თავს. გაუმტყივარება ჰიპნოზით! დააღეთ პირი! — ახლა ქალს მიმართავს, — მიყურეთ, აი, აქ, — საჩვენებელ თითს წარბების შეერთების ადგილას იღებს, ცერა და შუათითით პინცეტის მსგავსი რალაც უჭირავს. მერე სწრაფად შეაქვს იგი ქალის პირის ღრუში და სწრაფადვე გამოაქვს უკან.

— აი, ეს იყო სულ! — გარქოვანებულ ფესვს ლამის ცხვირზე ადებს, — რა ვქნათ, თავგებს გადავუგდოთ თუ სახსოვრად შეინახათ?

ქალი გაცეცხისაგან ხმას ვერ იღებს. ექიმი საფურთხებლისაკენ იწვდის იარაღიან ხელს და მსუბუქი რაწყუნით წერტილს უსვამს ახმახი ქალის შიშს.

ჩემი რიგია. ნაცვლად იმისა, მომიხმოს, ექიმი კლოუნს ახედავს კედელზე, თავს მოისაწყულებს და შემომჩივის:

— ისევ აქაა! ხომ ხედავთ, ვერაფერი გავაწყვე!

ვჯდები სტომატოლოგიურ სკამზე და ის-ისაა მინდა ვკითხო: სადაა სიმა? ექიმი მასწრებს:

— იცით, სიმა ავად გამოხდა. მგონი, იდარდა, სურათის ჩამოხსნა რომ მოვთხოვე.

— კი მაგრამ, თქვენ ხომ ხუმრობთ...

— სიმა ძალიან მგრძნობიარეა, — თქვა ექიმმა. — სულაც აღარ ხუმრობდა უკვე. — თქვენ სიმას არ იცნობთ...

— სიტყვა აღარ დასცდენია მეტი. მუშაობდა თავისთვის. მისუფთავებდა ნერვოკლული კბილის არხებს, მონდომებით მიხრახნიდა შიგ სხვადასხვა ზომის ნემსს. საქმეს რომ მორჩა, კბილი კბილზე დამაჭერინა, ნახე, პლომზე რა-

იმე ზედმეტი ზომ არ არისო, თან ინტერესით ჩამკითხა:

— გიყვართ პოლიტიკა?

თავი გავაქნიე, არა-მეთქი. — პოლიტიკასა და სპორტსმენ ქალებს ვერ ვიტან.

მეგონა, გაცინებოდა, მაგრამ მსგავსი არაფერი... გულზე ხელები დაიქლო და დამელოდა, რომ წამოვმდგარიყავი.

— ორი საათი არაფერი ჩაუშვათ პირში! — მომადხა გამოსვლისას.

მამასადამე, სადილს დავემშვიდობე საბილიარდოში მაინც შევალ! ცოტა თავს შევიქცევ.

საბილიარდოში შინაბერა მასწავლებელი დამხვდა. მომესალმა თუ არა, მაშინვე შემომჩივლა, თამაში მინდა, პარტნიორი კი არა მყავსო. კი, ბატონო, სიამოვნებით გავიწევთ პარტნიორობას, ოღონდ დიდი ვერაფერი შვილი მოთამაშე გახლავართ-მეთქი.

ის-ის იყო საქმეს შევუდექით, ორი-ორი ხელი გვექონდა გაგორებული, რომ საბილიარდოს ზედამხედველი მოვარდა. შეწყვიტეთ, შეწყვიტეთ, უყვიროდა ჩემს პარტნიორს, ხელში სწვდა და საბილიარდოზელი ჯოხი გამოჰგლიჯა.

— აქ სასწავლო კურსები კი არაა! თუ თამაში არ იცით, ნუ შემოხვალთ! გუშინ მოვრჩი ამ ოხერი მაგიდის გადაკვრას... მაინცდამაინც უნდა გაფხრიწოთ? როგორ უქლასუნებთ ჯოხს!

შინაბერა მასწავლებელი დადუმებული იდგა. ცხადია, გამოქომაგებას ელოდა, მაგრამ მეც ვავრინდდი. სხვა დროს მსგავს შემთხვევაში ქვეყანას დავაქცევდი, სეირს ვუჩვენებდი ამ წვრილკისერა, გარუჯულ კაცს, თვალებს რომ ქაჩავს სიბრაზისაგან. არ ვიცი, რად, ხმის ამოღების სურვილი მეკარგება, მამაკაცური ეთიკის ელემენტარული ნორმის შესრულებაზეც არ ვზრუნავ. აი, რა ჭეშმარიტ არაობად ჩამოვყალიბდი!.. მომეჩვენა, თითქოს ზედამხედველიც იგივეს ფიქრობდა, ჯოხი ორთავ ხელით ჩაებლუჯა და შემომყურებდა გაღმობრაზული თვალებით.

შინაბერა მასწავლებელმაც შემომხე-

და, უმწეობა და ზიზღი ერთდროულად მომაფრქვია, გაბრუნდა, სწრაფად წაიქარისაყენ. ასეთ დროს ცხვირსაშრის ამოღება მოგიწევს კაცს, რომ სახიდან ფურთხი მოიწმინდო. არავითარი განსხვავება არ იყო... რა საშინლად ვეჯავრებოდი ახლა ქალს, რომელიც სიზმრად ბობი ფიშერს ნახულობდა. ვეჯავრებოდი იქნებ უფრო იმიტომ, მისი დამცირების მოწმე რომ გავხდი.

ზღვა მშვიდია და ბავშვების ანაბარა მითრევებული. ისინი არიან!.. პირამიდის ამგებნი. ზოგი ნაპირზე გამოსულა, ზოგი წყალშია მამაძალღები!.. კარგად ცურავენ. ისიც აქ იქნება უთუოდ, მათ შორის უკვე გამორჩეული, უცოდველი ბავშვობიდან ადრინად გამოტყორცნილი, საკუთარი თავისთვისაც ჯერ გაურკვეველი. სხვებთან ერთად ლაღობს, ერთობა. რომელია? აბა, კარგად დავაკვირდე! რომ ჩაიცვამენ, მისიურით ვიცნობ.

ზღვიდან გამორიყულ ნახშირივით შავ, კუს ფორმის კუნძუზე ვჯდები. ამ ონაერების წასვლამდე ფეხის მომცვლელი არა ვარ აქედან.

ერთმა ბიჭუნამ ფრანი აუშვა და ჩემ შორიახლო იწყო ტრიალი. დანარჩენების ყურადღებაც მაშინვე მიიპყრო, აიშალნენ, ფრანის მოძრაობის მიმართულებით გარბოდნენ და გამორბოდნენ. უსტვენდნენ. მიჰკიოდნენ.

„ნეტა რომელია!“ ვფიქრობ ჩემთვის. დანარჩენებიც გამოიკრიბნენ წყლიდან. ყველა აქაა. ვაკვირდები თითოეულ მათგანს, იქნებ შევიცნო. ამაოდ... როგორღაც ერთმანეთს ჰგვანან... რა ამსგავსებთ ასე, სიშიშველ თუ ასაკი?..

ერთმა პირდაპირ ჩემკენ აიღო გეზი, მაგრამ ვიღრე ჩამიქროლებდა, ხმა მივაწვდინე:

— ბიჭიკო!..

მომეჩვენა, უდიერად მომხედა. მაინც შეანელა სიბილი. ხელი დავუქნიე, აქ მოდი-მეთქი. მოხმობისთანავე გამოენთო ისეთი ხალისით, გეგონებოდა, კანფეტებით უნდა დამესაჩუქრებინა.

— ეგენი შენი ამხანაგებია? — ვკითხე ბიჭუნას. მეტი ვერაფერი მოვიფიქრე უცებ, რაღაცით ხომ უნდა დამეწყო...

თავი დამიქნია, ისეთი ინტერესიანი მოლოდინით შემომამცქერდა, თითქოს რაღაც მნიშვნელოვანი უნდა გავგო.

— აქაურები ხართ? — ვკითხე.

ისევ დამიქნია თავი.

— ახლოს ცხოვრობთ, ალბათ...

— არა, — თქვა ბიჭუნამ, — საიდანაც ა, ეს წყალი მოდის, — ძველ კალაპოტში დაბრუნებული შესართავისაკენ გაიშვირა ხელი, — იმას ცოტა ქვემოთ სოფელში. ჩვენთან სულ თეთრია, აქ კიდევ ყვითელი... — გულდაწყვეტილმა გაიღიმა.

— ო, მდინარე თქვენებური ყოფილა... ამიტომ აირჩიეთ ეს ადგილი საბანაოდ?

— კი, — თქვა ბიჭუნამ, — და კიდევ იმიტომ, აქ პანაიონატის ზონაა. ავადმყოფები ვერ ბანაობენ და მუდამ თავისუფლებათ. აბა სხვაგან, უპ!.. — ხელი აიქნია, ჭედვით, მიმხვედრა უსიტყვოდ.

— ყოველდღე ჩამოდინხართ?

— არა, ყოველდღე ვინ გამოგვიშვებს!

— კარგი აბა, გაიქეცი! — ვუთხარი.

გაოცება ჩაუდგა თვალებში, ამისთვის დამიძახეთო? — ამბობდა იმ გაოცებით.

ფრანი კი მიჭრი-მოჭროდა აღმა-დაღმა, მშვენივრად მართავდნენ. ეგზოტიკურ კუდიან ფრინველს ჰგავდა, სულ რომ არ გდომიყო ცქერა, მაინც გტაცებდა თვალს.

ლეკანთან დღესაც ვერ დავრეკე... შემომალამდა უკვე... ვახშამზე მომეჩვენა, ელვირამ როგორღაც განაწყენებით გამომხედა, უყურადღებო ყოფილხართ, მითხრა, ალბათ. ამალამაც არ მოვიანახულებ ელვირას. აი, ამ საძილე აბებს გადავყლაპავ და საკუთარ საწოლში დავიძინებ.

მაგრამ ნამეტანი ადრე იწყებს ეს შობელძალი კისკისს. აბები ასე უცებ არ მომეკიდება.

სამჯერ ვურტყამ მუშტს კედელს. რაღაც ნიშნავს, „გაჩუმდით!“ ან „ცოტა დაბლა!“

კედლიდან კაკუნითვე მიბრუნდება პასუხი — „შენ არავინ გეკითხება!“

ისევ მე — „არ გამაგიჟოთ, თორემ!..“

პასუხი — „ფეხებსაც ვერ მოგვკვამ!“

მე დასაბრაგუნებლად აწეული მუშტი ჰაერშივე მიშვდება. კედელზე ფეხსაცმლის ნაკვალევი, განა ერთი და ორი... ისე აშკარად აჩნია ლიმონისფერ საღებავზე, გეგონება, ზედ უვლიათო. კაცის ფეხსაცმელია, ასე, ორმოცდასამი ზომა... კვალი ალაგ-ალაგ ჩემი მუშტების ბრახუნით გაბაცებულა...

აქ ახლა აღარც კაკუნს აქვს აზრი, აღარც ჩუმად ყოფნას. გარეთ გავალ, სუფთა ჰაერზე.

შენობაში ჩამიჩუმი აღარ ისმოდა. დერეფნებში შუქი გამოერთოთ, სეფე კარიც ჩაეტილი იყო. ვესტიბიულში უაზროდ დავიწყე წინ და უკან სიარული. მორიგე ადმინისტრატორი, ჯაგარათმიანი ბერიკაცი, თეჯირს მიღმა რომ ყვინთავდა, ჩემს ფეხის ხმაზე მოფიზილდა, სანახევროდ წამოიწია.

— გნებავდათ რამე? — ისეთი ხმით გამომძახა, თითქოს ღამის საათებში ლაპარაკი მკრეხლობად ყოფილიყოს აქ მიჩნეული.

— ძილი გამიტყდა, ვიფიქრე, ჰაერზე გავალ-მეთქი. არ მეგონა, ღამით შემოსასვლელი თუ იკეტებოდა.

— აბა როგორ! ჩაუკეტაობა იქნება? — მთლად გაიშალა წელში. — გარეთ გაშვების უფლება კი არა მაქვს. — თეჯირში ჩატანებული კარი გამოაღო და ვესტიბიულში გამოვიდა. — ეხ, ნეტა ახლა ლოგინში — გამაგორა!. ვინ მამაძაღლი...

— ერთად ხომ არ გაგვევლო ჰაერზე? — შევთავაზე უარით დაბნეულმა. — ცოტა დროს მაინც მოკლავთ...

— აჰ, ამ კარის გაღება არ იქნება! ტყუილად ნუ მეტყვიეთ!..

— ნუთუ ასე გვიანია? საათი არა გაქვთ?

— საათი სადღა მაქვს, მომპარეს. ვი-
ლაც მამაძაღლმა მატარებელში ამცან-
ცლა მძინარეს. ვერ ვიციდღე მაგიერი. ეპ,
რა საათი იყო! თავისი ძეწკვით... ყვე-
ლას თვალი ზედ რჩებოდა. მუშა, მუშა,
ნუ იტყვით!.. გერმანელების ნახელავი
გახლდათ. დღედღამ წყალში რომ გდე-
ბულიყო, წვეთი არ შეუვიდოდა. იმის
შემდეგ რა საათში შეიძლება ფული
გაიძებო. ახლანდელი არ მწამს, რა
ქნა...

— რატომ, თანამედროვე საათები
ძველებს ბევრად აღარ ჩამოუვარ-
დება.

— რა ვიცი, — თქვა მორიგე ადმი-
ნისტრატორმა. — ახლა ყველაფერი
გაიოლდა. განა ახლანდლებს არ შეს-
დით წყალი?

— ზოგს არა.

ბოლომდე მაინც ვერ დაიჯერა ჩემი
ნათქვამი.

ვესტიბიულის მასიურ დედაბოძების
ირგვლივ შემოყოლებულ მოზაიკის სა-
ყვავილეებში ჭორიკანას მსგავსი, წვ-
რილ-წვრილად ჩაკბილულ-ჩახვეული
დეკორატიული მცენარე ხასხასებდა.
ვუტყვირე ერთხანს, მერე მორიგე ადმი-
ნისტრატორს დავემშვიდობე და ზემოთ
აებრუნდი ჩაბნელებულ კიბეზე.

მივდიოდი ბოშასავით და თანდათან
მეკიდებოდა ძილი. როგორ მინდოდა
აქვე, კიბის საფეხურზე მგზავრის დამ-
ძიმებულ გულსავით დამეგდო სხეული,
მომემშორებინა ეს არაფრისმაქნისი
ტვირთი, ანდა სულაც რომელიმე სარ-
თულის ნახევარკედელში ჩატანებული
კუტიფანჯრიდან შემძლებოდა გავფრე-
ნილიყავი, მსუბუქი, სიზმარეული ნე-
ტარების მსგავსად. გაუტევედი მაშინ
ზღვისკენ ისე, რომ მორიგე ადმინის-
ტრატორის კარის გაღება სულაც არ
დამჭირდებოდა. იქნებ იმ თოლიასაც გა-
დავწყდომოდი სადმე, ჯონათან ლივინ-
გსტოსად რომ მოვნათლევ...

ოცნებობდა ნახევარდ დაბინდული
გონება. მე კი ნელ-ნელა ვუახლოვდე-
ბოდა ჩემს რეალურ შესაძლებლობას,
რაც იმით ამოიწურებოდა, რომ შევა-

ლებდი კარს, რამდენიმე ნაბიჯით გავე-
ვლიდი ვიწრო ჰოლს. შუქსაც ვერ ვხედავ-
რთავდი, ისე გავიხდიდი ტანსაცმელს
და პირდაპირ ლოგინში შევძვრებოდი.

დერეფანში ბნელოდა, ასანთიც არა
მქონდა და საკეტის ნახვრეტში გასაღე-
ბის მორგება გამიჭირდა.

ჩემს ჩხაკუნზე მეზობელი ოთახის კა-
რი გააღეს. ჯერ სინათლის ქავლი გა-
მოსხლტა სიბნელეში, მერე ზღურბლზე
მდგომი კაცი დაეინახე. „მოკისკისე სა-
მოთხის ჩიტს აცილებს, ალბათ“, — გა-
მიელვა. მაგრამ კაცმა მე მომართა:

— დახმარება ხომ არ გჭირდებათ?

— ბნელა და კარს ვერ ვაღებ, — ჩა-
ვილაპარაკე არამკითხვ მობმის პასუ-
ხად, ისევე განვაგრძე ხლაფორთი.

— თუ ნებას მომცემთ, მოგინათებთ,
— ჯიბეში ჩაიყო ხელი, ეტყობა, ასან-
თის მოსაძებნად. — მაგრამ იქნებ ცო-
ტა ნანს სულაც მე მწვეოლით. მომკლა
უძილობამ...

ამას არ ველოდი... ყველაფერს ვე-
ლოდი და ამას არა.

— კეთილი, — ვთქვი მაშინვე, კარს
თავი ვანებე. — რახან ასეა...

ერთი სული მქონდა, თავით ფეხე-
ბამდე გვარიანად შემეთვალყურებინა
ეს ბედნიერი კაცი, ღამის უძილობას
ქალის კისკისით რომ ივსებდა. „ნეტა
ერთი და იგივე ქალი ჰყავს ხოლმე, თუ
სხვადასხვა? ხმა თითქოს ერთი და იგი-
ვესა ჰგავს“. ჩემი სმენის პატრონს ზუს-
ტად უნდა სცოდნოდა ეს, მაგრამ კის-
კისი იმდენად შემაწუნებლად, ღამის
ძალადობასავით მომეჭრებოდა ხოლმე
ღამეებში, იმდენად თავსმოხვეულ ზედ-
მეტობად, უკვე ქალთან კი არა, უფრო
რალაც სატანურ სპექტრთან იყო დაკავ-
შირებული, დახუჭული თვალების წყე-
დიადში რომ გადაივლიდა და ლურჯი
სიცილის მოლოდინით მზაფრავდა.

აი, რაზე ვფიქრობდი, როცა ღამის
სანათურით ნახევრად განათებულ ოთ-
ახში შევყევი მეზობელს. ზუსტად ჩემ-
ნაირი ოთახი იყო, ოღონდ მომეჩვენა,
ავეჯიც მეტი იდგა და სიმყუდროვეც.

კედლები ქალის ფოტოებით აეჭრელე-
ბნა.

— ჩემი აწ გარდაცვლილი მეუღლე
გახლავთ, — ამიხსნა მოკლედ, — არ
გაგიკვირდეთ, ყველგან თან დამაქვს ეს
სახსოვრები, სხვა აღარა დამჩარა. —
კედლებისაკენ მოატარა მხერა — აი,
როგორი ბედნიერი ვიყავი! — ერთ, შე-
დარებით დიდი ზომის ფოტოზე მიმი-
თითა — თვითონ იჯდა, ქალი კი უკნი-
დან მოხვევოდა და იცინოდა. — ასეთი
იყო ჩემი იუნონა... დაბრძანდით! —
თვითონაც დაჯდა, ფიქრიანად დამიწყო
ცქერა. აი, მისი ხმა. — და მაგიდაზე
დახვავებულ კასეტებზე მიაშვირა ხელი.
— მე კი მეგონა!.. — ამოვღერლე,
საკუთარმა ხმამ უზომოდ გამახარა, მე-
გონა, ენა გადამეყლაპა-მეთქი.

— კედელზე რომ მიბრახუნებდით,
მივხვდი, რაც გეგონათ... ჩემი სახელი
დომიტრი გახლავთ. თქვენი ვიცი. ყო-
ველთვის ვგებულობ მეზობლის სა-
ხელს, ჩვევა მაქვს ასეთი, რაიმე განსა-
კუთრებულობად არ მიიღოთ. თქვენ
წინ რომ იყო, იმას იროდიონი ერქვა.

— რომ გარდაიცვალა?

— ჰო, რომ გარდაიცვალა. იცით ეგ
ამბავი? კეთილშობილი კაცი იყო, გო-
ნიერი.

უცებ მომინდა, ავმდგარიყავი, ბოდი-
ში მომეხადა და გავცლოდი, მაგრამ იგი
განაგრძობდა:

— ისეთი აზრები ჰქონდა, თან გი-
კვირდა, თან იძულებულს გზდიდა, და-
თანხმებოდი. ამტკიცებდა, ფრენოლო-
გია ტყუილად მიიჩნის ცრუ მოძღვრე-
ბადო. ადამიანის შინაგანი ღირებულე-
ბის გამოცნობა ნამდვილად შეიძლება
თავის ქალის მოყვანილობის მიხედვი-
თო, ისევე, როგორც ჰაბიტუსია ყოვე-
ლი ჩვენგანის მამხილებელიო.

— ჰაბიტუსის საკითხში ნამდვილად
დავეთანხმებოდი, — ვთქვი და მივხვდი,
საუბარი გაგვიგრძელდებოდა. მე კი
თანდათან მერეოდა ძილი, აბებს შე-
ესრულებინა თავისი დანიშნულება.

— ზედმიწევნით მგრძობობიარე კაცი
იყო იროდიონი... იუნონაზე ვუყვებო-

დი ბევრს. ისიც მისმენდა, ბავშვებით
მოერეოდა ხოლმე ცრემლი... იუნონა
ხომ მუსიკოსი იყო... იროდიონსაც უყ-
ვარდა მუსიკა. მაქვს აქ ჩანაწერები
იუნონას შესრულებით. მოსმენის კულ-
ტურა ჰქონდა იროდიონს, შეგშურდე-
ბოდა! ვთქვათ, რამეს უამბობდი, ისიც
ბოლომდე შენთან იყო, მოგყვებოდა
თვინიერად. ყინულზე რომ ბავშვს წაი-
ყოლებ და ხელს ჩაგჭიდებს, ისე. იმას
რომ იუნონას ბგერა მოესმინა! იცით,
რა ბგერას ფლობდა იუნონა? ტექნიკა
დიდი არაფერი, იმიტომ, რომ პატარა
მტევანი ჰქონდა, ოქტავას ძლივს აწვე-
დენდა. ბგერა კი... ნუ იტყვიოთ, შეგა-
ყრყოლებდათ... პოეტად იყო დაბადე-
ბული. ოჰ, როგორ მაკლია! როცა კარგ
მუსიკას ვისმენ, მაშინ განსაკუთრებით
ვგრძნობ, რომ მაკლია. მის გვერდით
ყველაფერს სხვა ფასი ჰქონდა!.. ახლა
კი რა?.. — მაგნიტოფონსა და ერთმა-
ნეთზე დახვავებულ კასეტებს გახედა.

მამსადაამე, ღამლამობით ვიღაცის
ინტიმურ რიტუალს კი არ გავუზბოდი
საძილე აბების შემწეობით, არამედ საი-
ქიოდან მოხმობილი სულის ხელმეო-
რედ მოკვლას ვცდილობდი. საშინელი
გრძნობა იყო... ვერც გამერკვია, უნდა
მეთანაგრძნო ამ ფანტიზმით შეპყრო-
ბილი კაცისთვის, წარმავლობას უსუსუ-
რი, ღამაზი ტყუილით რომ ებრძოდა,
თუ პირიქით, შემეგონებინა, ბუნების
კანონზომიერებას ვერავინ შეცვლის-
მეთქი, მიცვალებულის კისკისი ვერა-
ფერიშვილი მოსასმენია გამუდმებით,
მით უმეტეს, ეს ოხერი კედლებიც ასე
ფარატინა რომ აავეს, ერთი გაფაჩუნე-
ბა და, უკვე მეზობელთან ისმის-მეთქი.
მაგრამ ხმას ვერ ვიღებდი მხოლოდ
იმიტომ, აბებით მოხმობილმა ბანგმა
დამაზნატა, ცოტაც და, თვალები დამე-
ხუჭებოდა.

იმან კი წყნარად იკითხა:

— რას ამბობენ? რითი მოკვდა
იროდიონი?

თავი გავიქნიე. არ ვიცი, არაფერი არ
ვიცი-მეთქი, წამოდგომა დავაპირე, წა-
ვალ, აქ მეორედ ფენის შემომდგმელის

ასე და ისე-მეთქი, ვიკურობდები გულში. მაშინვე ლურჯი სიცილის აბლაბულა აეფარა დიმიტრის, ჩემკენ გამოცურდა

თვალეები დაეხუტე, სავარძლის ზურგს მივეყრდენ ნამდვილად ვერ ვიტყვოდი, მიცვალებული ქალის კისკისის მოსმენა მერჩია მთელი ღამით თუ ეს წამიერი ჯოჯოხეთი, ჰოდა, დაეხუტე თვალი და აღარც გამიხელია. დაეხუტე თვალი და თან წავიღე უტყუარი დიაგნოზი:

ზედმიწვევით მგრძნობიარე კაცი ეყო იროლიონი...

ცალი ხელით მივები ვილაცას თუთის მოკლედ შეჭრილ ტოტზე და თოკივით ვკონწილობდი. ჩვენი ეზოს თუთა იყო, ზედ შემოჩვეულ ჩიტებს რომ აფრთხოვდა დედაჩემი. ახლა არც ერთი ჩიტი არ ჰაჰანებდა, ოღონდ ფოთლებს დაეწყო ცვენა. ბზრილით მოფრინავდნენ დაბლა, ზედ ცხვირთან ჩამომიფარფატებოდნენ. „შემოდგომა დამდგარა, — ვფიქრობდი. — ბავშვებიასათვის კი თბილი ბათინკები ჯერ არ მიყლია“.

დაბლა თმაგათეთრებული დედაჩემი იდგა, წითელი კაბა ეცვა (წითელი მისი საყვარელი ფერია) და რაღაცას მიყვებოდა მონოტონურად. ერთი სიტყვაც არ მესმოდა... კონწილობდი საცოდავად, თან მიკვირდა, ნუთუ ვერ ხვდება, რომ უნდა მიშველოს, რას დამდგარა და ლაქლაქებს, გავიდეს, ვინმეს დაუძახოს. ქათამი რომ ჰყავდეს დასაკვლელი, ხომ გაუდარაჯდება გზაზე გამვლელს, ლამის ჰირს მოსჭამს, მეცი პატივიო. ახლა კი!..

ქათმების კვერცხის დადების დრო იყო, ერთბაშად რომ იწყებენ კრიახს. გულის შეღონებამდე მივყავდი ხოლმე ამ კაჟფონიას, დედაჩემს კი სასაცილოდ არ ჰყოფნიდა, მე მსიამოვნებს, რა ცუდი მოსამენი ეგააო.

„ნეტა გაუქშიაო, მოაშოროს აქედან ეს ქათმები, ისედაც სული ბეწვზე მიკიდა“. — ვფიქრობდი და ვიცოდი,

დედაჩემამდე ვერ მიადგე და ფოთლები კი ცვიოდა. მშურდა ლეპის, რბილ ტკაპანს რომ გამოსცემდნენ მიწასთან შეხებისას.

მთელი ხელი წამერთვა. გადამწყდებოდეს მაინც მაჯაში! — ესლა დამრჩენოდა სანატრულად, — თოკი ჩამჭრიდეს-მეთქი!

ფოთლებთან ერთად დავეშვებოდი, ფეხწინ დავუფარდებოდი დედაჩემს, მაშინ იქნებ მიხვედრილიყო რამეს. მაინც-ღამაინც პირდაპირ უნდა მეთქვა: — აჰა, ძე შენი... რაც ნიშნავდა: თუ მეტი გაგების თავი არ გქონდა, რაღად მაჩენდი! რა უფლებით მაჩენდი!

ის კი დგას, თხილს იღებს წითელი კაბის ჯიბიდან, კბილით ამტვრევს და იღმურძლება.

საკუთარი კენესა მზარავს, უხმო, გვამში აბორგებული კენესა. ცოფიანს ვემსგავსები და ვყვირო:

— წადი, იქით წადი, რომ კნატაკნუტი მაინც არ ვისმინო! გაოცებული ამოცქერის.

— ნეტა, რა გიკვირს! ყველაფერი შენი ბრალია და თანაც გიკვირს!..

— რატომაა ჩემი ბრალი?

— იმიტომ, რომ ჩიტებს აფრთხოვდი! რაც თავი მახსოვს, სულ ჩიტებს აფრთხოვდი!

უჩუმრად შეტრიალდა. აღარ ჰკამს თხილს. ხელები ჩამოუშვია, დატუქსული ბავშვივით მიდის. საშინლად მეცოდება, იმიტომ, რომ ბნელია, იმიტომ, რომ ინსტინქტების მეტი არა გააჩნია რა. თუ არ მოაბრუნებ, ასე ივლის დაუსრულებლად, სანამ ძალა არ გამოეცლება. სანამ გული არ გაუჩერდება. არადა, ბებერია. აწი ველარაფერს ისწავლის.

შენდობის სურვილი მიპყრობს. თუ არა მე, აბა სხვა ვინ შეუნდობს მის სიბეცეს, თუ არა მე, სხვამ ვინ დაიტეროს სიგლახაყე მისი, სიბრყვე და სიმარტივე მისი.

უცებ ვიგრძენი შეებაც, რაღაც სასწაულებრივი ძალით ავეხსენ ტოტს და მსუბუქად ვკიდივარ ჰაერში.

... დამლაგებელს კი დაფეთებული სახე აქვს. ჩემ წინ ჩაჩოქილა და სახეში ჩამშტერება.

— გული გამისკდა ლამის, — მეუბნება ხმაყანკალბებული, ტირილმომდგარი, — ვიფიქრე... მტრისას, რაც ვიფიქრე. გილაწუნეთ და გილაწუნეთ ლოყებში, — დაწითლებულ ხელისგულებს მიჩვენებს. — თქვენ რომ... — ვერ ახერხებს ბოლომდე, შაგრამ ვიცი, რისი თქმაც უნდა. — რა დაგემართათ, აქამდე მოსულხართ და კარის გაღება ველარ შეძელით? — მხარში მიღება, ცდილობს წამომამყენოს.

— როგორ გრძნობთ თავს? — მეკითხება, როცა ოთახში შევდივართ.

— შესანიშნავად.

ფარდას ვწევ ფანჯარაზე, რომ მეტი ნათელი შემოვიდეს. არ ვიცი, რად ვიქცევი ასე, სხვა დროს, პირიქით, ვაბნელებ ხოლმე ოთახს. მერე ვამბობ:

— მართლა ზედმიწევნით მგრძნობია რე კაცი იყო იროდიონი?

— თქვენ საიდან იცით? — უკვირს ქალს.

არ ვპასუხობ. სამაგიეროდ ერთი სული მაქვს, ვუყვირო:

— კი, მაგრამ, სად ხედავთ აქ სისხლის ლაქას?

მერე მახსენდება სიზმარი და დედაჩემივით მებრალება ეს უცხო ქალი, დილაადრიახად ანგელოზები რომ დავუფრთხე. „წარმოიდგინეთ, სიზმარი ვნახე“, — მინდა ვუთხრა. — რაც აქა ვარ...

ქალი უკვე წასულა. მართო ვდგავარ ოთახში. დღეს ექიმს უნდა შევუარო, თორემ სინდისიც კარგი საქონელია. გარდა ამისა, თეთრკულულებიანი ექთანის ნახვა მომიწინა. მის ქათქათა იერში რაღაც არის დამამშვიდებელი. ცხოვრებაშიც რომ ამ ქალის გარეგნობასავით იყოს მოწესრიგებული ყველაფერი... ცოტას წაუფიქრებ, ვისაუბრებ და მივალ ექიმთან. ასეც ვიქცევი.

— ბოლოს და ბოლოს ინებეთ მობრძანება! — ექიმის ხაზგასმულ თავა-

ზიანობაში ირონიას უფრო ვგრძნობ. ჩემი ავადმყოფობის შეუესებელ ისტორიას შლის, არაფერს არ მეკითხება, რაღაცას წერს.

ქალარა, დატალღულთმიანი კაცია, გული არ უნდა ჰქონდეს ჯანსაღი, ღრმად სუნთქავს, მძიმე-მძიმედ, ცხვირთან ოფლი ასხამს. ნეტავ შემძლოს, სიამოვნებით გამოვაჯანმრთლებდი. თეთრკულულებიანი ექთანის კი არსად ჩანს. ალბათ, მოვა.

წნევა გამისინჯა ექიმმა, გული გამისინჯა, პულსი დამითვალა, ერთი-ორი კითხვა დამისვა, მერე წიგნაკი შემეღვსო, აბაზანის ტალონებს დაბლა მიიღებთო და გამომიშვა. სულ ეს იყო... თეთრკულულებიანი ექთანის კი არ მოვიდა.

ტალონები უკაცრავად, არ მომცეს. დღეს უკვე გვიანაა, რაც გვქონდა, გავეცი, ხვალისათვის მობრძანდითო. ძალიან კარგი. ამაზე ნამდვილად არ ვიღარდებ.

საბილიარდოში შესვლის მეშინია. მგონია, შინაბერა მასწავლებელი დამხვდება და ზუსტად განმეორდება ყველაფერი. აი, ამ მალაზიაში შევივლი, დამსვენებლებისათვის რომ გაუხსნიათ. ყველაფერი ქალებისათვის — საბანაო კოსტიუმებიდან დაწყებული, ფრჩხილის ათასნაირი ლაქით დამთავრებული. მაგრამ არც მთლად ასეა საქმე. საპანის ასაქაფებელი ფუნჯი აღმოვაჩინე, საკმაოდ დეფიციტური საქონელი, რომელსაც დაუყოვნებლივ ვიყიდი.

საფოსტო სტენდზე ალფაბეტის მიხედვით მიკრულ პარკებში ძველი წერილებიც დევს. ადრესატებს ვერ მოუხსრებს. ნეტა, რა ბედი ეწევათ ამ წერილებს? საშინელი გრძნობაა, რომ წარმოიდგენ, შენი წერილი სხვამ გახსნა. კიდევ კარგი, არავინ მწერს. ლევანის წერილს სიამოვნებით წავიკითხავდი! ნეტა რა ქნა იმ საათის, გადააკეთა თუ თავიდან მოიფიქრა ზომები? ჰკვიანური გამოგონებაა საათი? დრო ხომ უმი-

ლალი ბრეზჰავაძე
ვპარავ რამბაიუსს

სოდაც გადის. შენ რომ წამოხომები
სდო, გააჩერებ, დაეწევი, ოდნავ მაინც
შეაფერხებ? მაგრამ თვისება გვაქვს
ჩვენ — ბუნების მიერ გაჩენილ ცხო-
ველთა სამყაროს მეფეებს — ყველა-
ფერში ცხვირი ჩაყვით.

აქ ჩემთვის დღის ყველა დრო ერთ-
ნაირია. სხვებს, ალბათ, შედარებით, სა-
ლამოს გაყვანა უჭირთ. პროცედურები
მომთავრებული, წყნარი საათი მომთავ-
რებული, ჭამა-სმა მომთავრებული...
რალა უნდა გააკეთონ? მუდამდღე ჩემმა
მტერმა უცქირა, აქ რომ ფილმებს უჩ-
ვენებენ!

სალამოა. უკანა მხრიდან მოვუარე
პანსიონატის შენობას. მწვანეში ჩა-
დგმულ ქვის მაგიდასთან დომინოს მო-
თამაშენი მიმსხდარან. ერთობა ხალხი,
რა ქნან... როგორც ახერხებენ, რამდენ-
ზეც ხელი მიუწვდებათ...

ფიჭვებთან კი სულ ბებრები შეკრე-
ბილან, ქალებიც, კაცებიც, სიცილი და
გნასია. თურმე ნუ იტყვი, ფანტს თა-
მაშობენ, ჩვენი დორაც აქ მობრძანე-
ბულა.

— ამის პატრონმა რა ქნას? — კი-
თხულობს ფანტის ამომღები ხმელ-
ხმელი შავი ქალი.

— მაგის პატრონმა რა ქნას და... —
აჭიანურებს პასუხს ულვაშებგაფუებუ-
ლი ჩიფჩიფა ბერიკაცი.

— ოლონდ ძნელი არაფერი თქვათ!..
იცეკვოსო, ხეზე აძვრესო, მალაყს გა-
დავიდესო, შეგვიბრალეთ, დაცვენილი
ხალხი ვართ... — ხუმრობს ღიბიანი
კაცი.

— მშვიდად ბრძანდებოდეთ! — ჩიფ-
ჩიფებს ულვაშებგაფუებული, — ჩვენ-
თვის ახლა მთავარია სიმშვიდე და და-
დებითი ემოციები. ამიტომ მაგის პატ-
რონმა აგერ, ქალბატონ თამარს აკო-
ცოს.

ჩხიკენისკარტცხვირიანი ქალარა მან-
დილოსანი უმწეოდ ასავსაუებს ხე-
ლებს. ატეხილ გნასში მას აღარავინ
აქცევს ყურადღებას.

— ვისია! ვისი! — იძახის ფანტის

ამომღები, ორი თითით აფრიალებს
ლურჯუჯრედებიან, დაკეცილ ცხვირს
სახოცს.

— ვისია! ვისია! — კითხულობენ
აქეთ-იქით.

— ჩემია, — აცხადებს ყავარჯნიანი
მოხუცი კაცი, წამოდგომას ლამობს,
გვერდით მსხდომნი ეხმარებიან. ძლივს
სწორდება, ჩოჩილით მიდის.

— ქალბატონო თამარ, ცოტა თქვენც
მიეხმარეთ, ნახევარ გზაზე მაინც... —
ციგნობს ვილაც. მაგრამ ქალი აწურული
ზის, არ აპირებს განძრევას. ხეიბარი
თანდათან უახლოვდება. ყიფინა მატუ-
ლობს.

მებზრდება ბრიყველი თამაშის ცქე-
რა, გზას ვაგრძელებ. ხეიბრის საცოდაო-
ბით აღარა ვარ. ძვირად დაუჯდა ერთი
კოცნა. აი, ამათი სექსი — ამის პატრონმა
ამას აკოცოს, ამის პატრონს იმან აკო-
ცოს... სექსი? ჯგუფური ხომ არა, შემ-
თხვევით? მეცინება.

უაზროდ მიყვები გრძელ გაზონს.
უცებ წარმოვიდგინე, იმ გაბავშვებულ
მოხუცთა შორის რომ მენახა შორეული
ცურვის ყოფილი კაპიტანი, კაცი, რო-
მელსაც თეთრი ვეშაპებისათვის, ალ-
ბათ, შიგ თვალბში უცქერია...

აი, ისიც... მართლა რა ფერფლის-
ფერია. ზის დაშრეტილ შადრევანთან,
წოპწოპაქუდიან თათარს ესაუბრება.
შემამჩნია და ხელი დამიქნია. ნეტა ეს
ფერფლისფერი კაცი როგორ მოიქცეო-
და, ცეცხლმოკიდებული რომ გამოკი-
დებოდა? აი, რის გაფიქრება მოვასწა-
რი მასთან მისვლამდე.

თათარი რალაც საგანგებოდ დამა-
კვირდა, როცა შორეული ცურვის ყო-
ფილი კაპიტანი ჩაიწია და ადგილი გა-
მითავისუფლა სკამზე. ახლა, ალბათ, თა-
თარს გამაცნობს. ხელი უნდა ჩამოვარ-
თვა? მერე დაიწყება კითხვა: რას უჩი-
ვი? საიდანა ხარ? ვინა ხარ?

მაგრამ თათარი მოულოდნელად ადგა
და წავიდა.

— ამ თათარმა გახსენათ სწორედ ამ
ცოტა ხნის წინ, — მითხრა ფერფლის-
ფერმა კაცმა.

— რაო, თათარმა? — ვკითხე სხვათა შორის.

— მგონი, თქვენი გაცნობა უნდოდა, — ისე ჩაფიქრდა ამის თქმაზე, თითქოს საკუთარ მეხსიერებას ამოწმებდა.

მივხვდი, რაც აოცებდა. თუ ჩემი გაცნობა უნდოდა თათარს, რას წამოხატა და გაუტია..

— კაცი დავებრდი და რამდენი რამ არ მესმის, — ჩაილაპარაკა ცოტა ხნის დუმილის შემდეგ შორეული ცურვის ყოფილმა კაპიტანმა. მარცხენა ლაწვის-თავი შეუტოკდა.

ძალმა ჩაგვიძუნძულა წინ და იმაზე გადავიტანეთ ყურადღება, შავხალეებიანი თეთრი ძალი იყო.

— მზარეულს ჰყავს მოჩვეული, — თქვა ფერფლისფერმა კაცმა. — მთელი ღამე ყმურს. არ გაგივიათ?

თავი გავიქნიე.

— ბედნიერებაა ღრმა ძილი... მე კი გალაში დამწყვედიული მგელივით დავდივარ შუალამედე. დაბლა სართულიდან შენიშნავ მომცეს, ფეხის ხმა გვაწუხებსო. ძაღლის ყმუილი არ გაწუხებთ-მეთქი? ამხანაგო, ეგ ჩვენს უფლებებში შედის, ძაღლს გვინდა ავიტანო, გვინდა არაო. თქვენ კი ვალდებული ხართ, სხვებს ანგარიში გაუწიოთ, ღამით არ იმოძრაოთო! რას ეტყვი...

— ვინ არიან? — დავინტერესდი.

— მაგას რა მნიშვნელობა აქვს, ჩვეულებრივი ადამიანები არიან, როგორც ყველა... — ისევ შეუტოკდა მარცხენა ლაწვისთავი.

ფანტის მოთამაშენი აშლილიყვნენ, მათ ასაკს შეუფერებელი ჟივილ-ხივილით გადადიოდნენ დაყვავილებადწყებულნი მაგნოლიით თეთრად მოპენტელ მოლზე. მოკლეზე აპირებდნენ ზღვისკენ ჩასვლას.

— შესანიშნავად ერთობიან, — თქვა შორეული ცურვის ყოფილმა კაპიტანმა. — როცა მარცხენა ლაწვისთავი უტოკავს, გეგონება, თუალს მიკრავსო. — ყოველთვის მშურდა ასეთი ადამიანების... და კიდევ იმათი, ვისაც თქვენსავით ჩუმად ყოფნა ეხერხება. ან

გართობა უნდა შეგეძლოს, ან დუმილი ასე არაა? — სახეში ჩამაშტერდა უხერხულობა ვიგრძენი, არ ვიცოდი, რა მეპასუხა, ან საერთოდ, უნდა მეპასუხა თუ არა.

— მეგობარი მყავდა ახალგაზრდობაში, ჰირიც და ლხინიც ერთი გვექონდა. უთქმელი კაცი იყო... დღე ისე წავიდოდა, ორ სიტყვას ზედიზედ არ გადააბამდა. ერთთავად ფიქრობდა, თავისი თავიდან ვერ გამოიყვანდი. რომ გიყურებო, ის მაგონდება. თქვენ ჯვარი გწერიათ, ომში დაიღუპა. ამბობენ, თავი მოიკლაო. მჯერა, რომ ასე იქნებოდა. თქვენნაირებს ომში ტყვია არ უნდა მისცე! კი, ასეა... გინდ დამეთანხმეთ, გინდ არა, ასეა!

მდუმარედ შევეცქეროდი და ძალიან მომწონდა, მგრძნობიარე იყო... არც ცდილობდა დამაღვას.

— იქნებ ბევრის უფლებას ვაძლევ თავს, — ბოდიშვით თქვა მერე, რადგან ერთი სიტყვაც არ დამიძრავს მისი აზრის არც საწინააღმდეგოდ, არც დასადასტურებლად. — კოსტა კი უქველად გავცნობათ. თათარს ჰქვია კოსტა. ახლა წავალ, ცოტას ზღვისკენ გავუყვები.

კოსტამ ღამით მომაკითხა.

— ჩემნაირი ავეჯი გიდგას, — ძველი ნაცნობივით ფამილარულად დაიწყო შემოსვლისთანავე. მოხერხებული სავარძლებია, თუ გინდა, შიგვე დაიძინებ. მაგრამ რა, ხავერდს ვერ ვეკარები. ბუსუსები მაყრის. ატამზეც ასე მემართება. ვინმემ თუ არ გამოთალა, ხელს ვერ ვახლებ.

ტაბტიც ხავერდგადაკრული იყო და აღარ ვიცოდი, დაჯდომა როგორ შემეთავაზებინა. გამახსენდა, აივანზე მოწული სკამები. რომ იდგა. შემოვიტანე, უსიტყვოდ დავუდგი. ისიც დაჯდა.

— პატარა საქმე მაქვს, — თქვა, წოპწოპა ქული შეისწორა, — შენ ფეხზე იდგომები? — მკითხა თან შეწუხებულმა.

სავარძელში ჩავჯექი და სმენად ვი-
ქეც:

— ხალთა ხომ არ გინდა შეიძინო? —
საქმიანი, ძალზე საქმიანი კითხვით მომ-
მართა.

უარს ნიშნად თავი გავუქნე.

— ვიფიქრე, იქნებ მეც რამეში გამო-
გდგომოდი... — ისევ შეისწორა წოპ-
წოპა ქული. — ისე კი ჩემთვის სულ
ერთია, ნაღდ ფულს ჩავითვლი...

ვერ მოვიტოვებ, არ მესმის, რას ლა-
პარაკობ-მეთქი, ვაწყვეტინებ სიტყვას.
„კომერციონერი ვგონივარ“, — ვფიქ-
რობ თან ჩემთვის.

— თავისფერი პიჯაკი რომ გაქვს,
იმაზე... — ჩემს ერთადერთ პიჯაკზე
მეუბნება, — რამდენი ხანია, სწორედ
მასეთს დავეძებ, ვერა და ვერსად წა-
ვაწყვიდი. ადრე მქონდა... ახალი დაქორ-
წინებული რომ ვიყავი პირველ ცოლ-
თან, ოდნაში გემზე ვიყავი ვიღაც
მოგზაურისაგან. რაც იმ პიჯაკში ბედ-
ნიერი დღეები გავატარე!.. — ხელი
ჩაიქნია იმის ნიშნად. ამაზე ლაპარა-
კი შორს წავიყვანსო.

— ახლა რამდენი ცოლი გყავს? —
საშუალება მომეცა საუბრის თემა
შემეცვალა.

მარჯვენა ხელის ცერი და საჩვენებ-
ელი თითი ჩაეცა, დანარჩენი მალლა
ასწია. ისეთ უმნიშვნელო კითხვად მი-
იღო, სიტყვების დახარჯვადაც არ უღ-
ირდა.

— კაციც შენ ყოფილხარ! — ვთქვი
და თვალი ავარიდე მის შეეყვითლებულ
სახეს. „ციროზი ხომ არ სჭირს ამ სა-
ცოდავს?“ — გავიფიქრე.

— ეგ რა დიდი კაცობაა... არიან ერ-
თად, ქსოვენ ხალიჩებს. ჰოდა, ბოლოს
ესაა!.. — ცერი და საჩვენებელი თითი
ერთმანეთს გაუქლასუნა, ფულიო.

— მოკლედ, ცხოვრობ ღმერთივით.

— არა უშავს! — კმაყოფილებით
ამოიქშინა, — ვერ დავემდურები
ბედს... ოღონდ ეგ პიჯაკი რომ მომ-
ცა!.. გაიმეტე და მომყიდე, რა მოხ-
დება!..

— ვერ გავყიდი, — ვთქვი გადაჭ-

რით. — მე მაგაში ფულს ვერ ავიღებ.

— ვითომ რადა?

— იმიტომ, რომ მუქთადა მაქვს ნა-
შოვნი.

თვალეები გაუფართოვდა. — ეგ რო-
გორ!..

ეგონა, ალბათ, ვეტყოდი, კარტში
მოვიგე-მეთქი ან საჩუქრად მივიღე, ან
სულაც ვიპოვე-მეთქი, მაგრამ ჩემდა
გასაკვირადაც, ისეთი რამ მოვროშე,
მილიონში ერთი კაციც ვერ მოიფიქ-
რებს.

— გულახდილად გეტყვი. — საკუ-
თარი ხმა ველარ ვიცან. — სამსახური
მაქვს ისეთი, ტანსაცმელს იოლად
ვშოულობ. კრემატორიუმი გაგიგია?

— მიცვალებულებს რომ წვავენ?

— გცოდნია და ეგაა! სწორედ მა-
საქმე მ.ბარია. შეევასვენებ გვამს და
გამოვიღებ ფერფლს. ერთი მითხარი,
აქვს რაიმე მნიშვნელობა, მკვდარი ტა-
ნსაცმლით დაიწვება თუ შიშველი?
არაფერი, ხომ? — გამომეტყველებაზე
ვამჩნევ, მეთანხმება. — ჰოდა, გახდა-
საც რაღა დიდი საქმე უნდა!.. მთავარ-
ია, თვალში მომივიდეს.. მიმიხვდი?

ოდნავ ჩაიღიმა, მოსწონდა ჩემი სა-
ზრიანობა. არ დააყოვნა, მაშინვე შე-
მომნატრა:

— ეგ რა კარგი ხელობისთვის მიგ-
ივნია?

— თავისფერი პიჯაკიც იქაურია...
მიცვალებულს მოვპარე. ახლა რა სინ-
დისით გავყიდი? აბა, დაფიქრდი, ხომ
უკადრისი საქციელი იქნება, ჩემი
მხრიდან ფულის აღება?

ჩაფიქრდა. — მართლაც ვერ გამო-
დის ლამაზი... — დაასვენა მერე. ოღ-
ონდ წყალი როდი გადაუწურავს, —
თუ ანაა, აწიც ხომ იშოვიო...

— ეგ უკვე სხვა საქმეა.

— ოღონდ ზუსტად ასეთი... ორი
ერთნაირი შენ რად გინდა?

— არც არაფრად. უთუოდ დაგით-
მობ... ფულზე ლაპარაკი კი არ გამაგ-
ონო... სახსოვრად მოგართმევე.

— რას ამბობ, კაცო! — უხარია, ლა-
მის ცას ეწიოს.

სიცრუის აზარტი საშინელ დაღლილ-ობაში ვაღამეზარდა. ავდექი, სიარული დავიწყე ოთახში. ის კი თავით ფეხამდე მათვალაიერებს.

— ეგ ფეხსაცმელიც იქიდანაა? — მკითხა მერე.

— რასაკვირველია.

ქვედა ტუჩი გამობერა მოწონებისა და განცვიფრების გამოსახატავად.

— რატომ არ გინდა ხალიჩა? — ისე მკითხა, მივხვდი, მარტო პიჯაკი ეცოტავებოდა, მაგრამ მეტის თხოვნას როგორღა გაბედავდა.

— ხალიჩას ვერ ვიტან! — ვთქვი ზიზლით, თითქოს ქვეწარმავალი მეხსენებინოს. — გულს მირევს ჭრელჭრულლები!.. — ვიცოდი, არ ეპიტანავებოდა ასეთი განცხადება, მაგრამ უკან დამხვევი აღარ ვიყავი, ვუსპობდი სამაგიეროს შემოთავაზების ყოველგვარ საშუალებას, ბოლომდე მინდოდა დამერწმუნებინა, რომ მუქთად მოპოვებულნი მუქთადვე შემეძლო გამეცა. — მოკლედ, როგორც დაგპირდი, ისე იქნება!

— ზუსტად შენნაირი... ორ ღილზე... ვიწრობორტიანი.

— გასაგებია! — უკვე თავს ძალა ვატან, ვაღიზიანება არ დამეტყოს.

— მაშინ მისამართი დაიტოვე, თორემ სად მომავნებ, — ცმუკავდა, ვეღარ ჩერდებოდა ერთ ადგილას.

უბის წიგნაკი გადავშალე, ავტოკალამთან ერთად გავუწოდე თათარს და ვუთხარი:

— შენი ხელით ჩაწერე.

მუხლისთავზე დაიდო უბის წიგნაკი, ლამის ხატავდა ყოველ ასოს, ისეთი მონდომებით გამოჰყავდა, ზედ აყვდებოდა, ცდილობდა გარკვევით დაეწერა.

— კეთილი და პატიოსანი... — ვთქვი ბოლოს, წიგნაკი რომ დამიბრუნა და მეც ფეხზე წამოვდექი ნიშნად იმისა, ვიზიტი დამთავრებულად ჩავთვალეთ-მეთქი.

მიხვედრილობა არ აკლდა. მაშინვე წასასვლელად გაემზადა.

— სწორად მოვიქეცი, რომ მოვედი, — მითხრა კარებში გასვლისას. მერე რალაც მოაგონდა, შეცბა:

— გამოგზავნის ფული?..

ხელი ჩავიქნე, ეგ რა სალაპარაკოა-მეთქი. კაპიკების ამბავია...

— კარგი, კარგი, გნახავ, — ჯერ ხომ აქა ვართ, — თქვა ისე, კიდეც უნდა მქონოდა მასთან შეხვედრის ბედნიერება.

მეგონა, მარტო რომ დავრჩები, გულიანად ვინარხარებ, კარგა გავერთობი მეთქი, მაგრამ უკაცრავად, საშინლად გამფუჭებოდა გუნება. არ ვიცოდი, თათარი უფრო იდიოტურ მდგომარეობაში აღმოჩნდა, თუ მე. მაგრამ ორი დოზა საძილე აბი დაველიე და მალე ღამეძინა.

ღილით, ის იყო ოთახიდან გასვლას ვეპირებოდი, კარის სახელური ვიღაცამ მოსინჯა. აშკარად დავინახე, როგორ წელა დაიწია დაბლა სახელური და კვლავ პირვანდელ მდგომარეობას დაუბრუნდა. მაშინვე გასაღები გადავატრიალე და გამოღებულ კარიდან გახვდენ კაცს, რომელიც აუჩქარებლად მიამჩივებდა ფარდაზე, თან უკან უკან იცქირებოდა.

— შინ ყოფილხართ? — მკითხა უცერემონიოდ და უკანვე მობრუნდა. — ვიფიქრე, უკვე საუზმეზე წახვედით. დაკაქუნება კი გადავწყვიტე, მაგრამ, რა ვიცი, თავი შევიკავე მაინც.

— გნებავდათ რამე?

— მეც ამ სართულზე ვცხოვრობ... ვიფიქრე, დაველაპარაკები-მეთქი. დაკაქუნება რალაც ძალიან საგანგებო რამ არის. — უკვე კართანაა. ერთი შემოპატიყებალა აკლია.

— მობრძანდით, — ვამბობ იძულებით.

— აქა მშვიდობა, — ილოცება ფეხის შემოდგმისთანავე. უშნოდ იკრიჭება, მტყუანივით, მთლად ჭკუადაწყობილს არ უნდა ჰგავდეს.

— ხომ არ აჯობებდა, ბარემ საუზმეზე წავსულიყავით? — ძველი ძმაკაცვით მიცხადებს.

განა ძნელი მისახვედრია, საუზმეზე წამსვლელი კაცი უჩემოდაც რომ წავიდოდა? სხვა რამ აწუხებს.

— ბრძანეთ, რალაცის თქმა გინდათ, გგონი...

იმშუშნება, ხან ოთახს ათვალეობებს, ხან მე.

— იქნებ გზადაგზა გველაპარაკა, თან გავიცნობდით ერთმანეთს... დავახლოვდებოდით.

— მითხარიო! — მოთმინება აღარ მყოფნის. ამასთან დაახლოებალა მაქლია! „დიმიტრის მოგზავნილია ნამდვილად. ეტყობა, კისკისით პირთამდე სავსე ღამე ჰქონდა. მე კი არაფერი გამოგია. დიმიტრიმ ხომ არ იცის, რომ არ გამოგია. თავს მოვიჭრი, თუ ასე არ იყოს!“ — უფრო მიმძაფრდება ინტერესი. — დაახლოების იმედად ნუ დავრჩებით, თორემ შეიძლება დავგვიანდეს, — ვამბობ უკვე გაღიზიანებული. კაცი ახლა ვან-გოგის ნახატის რეპროდუქციას უყურებს, თითქოს ის, რაც უნდა მითხრას, სულაც არაა პირველხარისხოვანი და სასწრაფო. მართლა რა უშნოდ იკრიბება...

— ჩემთან, იცით, რა კილია? მოცეკვავე ქალები. ფეხის წვერებზე დგანან გამპვიკრვალე კაბებში გამოწყობილნი. შეხედავ და გგონია, უნდა გადმოფრინდნენო. ყველა ოთახში სხვადასხვა სურათი კილია...

— ეს იმიტომ, რომ ესთეტიკური სიამოვნება მიიღოთ, მაგრამ თქვენ ხომ ახლა ეგ სურათები არ გაინტერესებთ...

— ერთი სული მაქვს უკვე, როდის წავა, იტყვის თუ არა სათქმელს, ფეხებზე მკილია. ისეთი დაბალი შუბლი აქვს, ისე ერთმანეთთან ახლო მიმჯდარი თვალები, ტვინის ნატამალი არ უნდა გააჩნდეს. კი მაგრამ, ასეთი პრიმიტივი მომიგზავნა დიმიტრიმ? ამან რა პასუხი შეიძლება მიუტანოს?

საათს დავჩერებივარ, აშკარად ვაგრძნობინებ, შენი დრო არ მაქვს, ამოდერღე თუ რამეს აპირებ და მოუსვი-მეთქი.

— წავიდეთ საუზმეზე, — არ იბნევა პრიმიტივი.

— მე მეორე წყებაზე შევდივარ, მანამდე კი ცოტა ხანს უნდა ვგავიდეთ შენობიდან, საქმე მაქვს... — აშკარა უპატივცემლობა იგრძნობა ნათქვამში, მიმხვედრი მიხვდება. — იქნებ დრო აღარ დავგვეკარგა? — ვუმატებ მაინც.

— დრო... — თქვა კაცმა, — დრო დაკარგულია და ეგაა!.. დროს რაღას უშველი, როცა ნახევარი სიცოცხლე გაფრინდა...

შეიძლება გული შემიღონდეს... ახლა ამან თუ ფილოსოფია დამიწყოს!.. რა ვუპასუხო? — ვფიქრობ საგონებელში ჩავარდნილი. „იქნებ არც არაფერი არ უნდა ვუპასუხო!“ მას კი სულ არ ენადვლება ეს, ფეხებზე დამჩერებია.

— შესანიშნავი ფესაცმელი გაცვი-ათ... იქაურია? — მეკითხები კვლავ კრეკით. თვალები თითქოს უფრო ახლო მიუდის ერთმანეთთან.

ახრზე ვერ მოვდივარ, რა იქაური, რას გულისხმობს.

— არამკითხაობაში ნუ ჩამითვლით, — ბოდიშობს უკვე. — ჩემი გასაჭირი მაქვს, ეს იმიტომ... რა ხანია, სალამანდრებს დავეძებ, ვერ ვშოულობ, რა ვქნა!..

ყველაფერს მიხვდით. დიმიტრი არაფერ შუაშია.

— როგორ თუ ვერ შოულობ! — აყვევი პრიმიტივს. — სალამანდრების შოვნას რა უნდა!..

— ეგ თქვენთვის. თქვენთვისაა ადვილი. მე მხოლოდ ერთადერთხელ მქონდა ცხოვრებაში ბედნიერება, როცა ფესაცმელი პოდაგრის ძვლებს არ მტკენდა. ეჰ, ნეტა მეღირსება კიდევ?.. ღია აგურისფერი იყო, თევზის ახეულ ლაყუჩს უგავდა უკანიდან ქუსლი, თასმებით იკვრებოდა და ერთ ნაკერსაც ვერსად უნახავდი. რბილები... რბილები... ის იყო და ის... მსგავსი აღარაფერი მცმია. თუ მოისხამ მაღლს და მათოვნინებ, ასე ვთქვათ...

თავს ვუქნევ, მიგიხვდი-მეთქი, სიმწრით მეღიმება.

— მერე მიცვალებულის ნაქონს ჩაიცვამ? — ვეკითხები.

— გინდაც თვით საიქიოდან იყოს

წამოღებულნი, ოღონდ ისეთივე... რბი-
ლი... ნამდვილი სალამანდრები... რაც
ელირება... მზადა ვარ, ყველაფერი გავ-
ყიდო და ის ერთადერთი სალამანდრე-
ბი ვიყიდო!..

— ფულზე ნუ ვილაპარაკებთ! — ვუ-
ცხადებ კატეგორიულად, — მიცვალე-
ბულის ქონება მხოლოდ ქველმოქმედე-
ბას შეიძლება მოხმარდეს.

— აგაშენა... კაციც შენ ყოფილხარ!
აი, მისამართი. წინასწარვე გავამზადე,
გულმა მიგრძნო, უარით არ გამისტუმ-
რებდი. — იხრება, ოთხად გაკეცილ
ქალაქს დებს საწოლთან მდგარ ტუმ-
ბოზე. — წავალ აბა საუზმეზე, გვიან-
დება... — თავს მიკრავს. ახლა ორმა-
გად აუტანელია მისი კრეჭა.

ღმერთო ჩემო... ღმერთ... ლურჯი
სიცილი მოდის და სათქმელს პირიდან
მაცლის... საზიზღარი აბლაბუდა... ვას-
წრებ თვალის დახუჭვას, ვირინდები.
თვალის დახუჭვა ოღონდ მშველის.

საუზმეზე მღვდელი ბუზღუნებს, რად
აგვიანებს მომტანი, პროცედურა დრო-
ზე უნდა მივიღო, მერე, შვილოსა, ნათ-
ლობა მაქვს, ამდენი ლოდინისათვის
სადა მცალიაო.

— როგორ, მამაო, აქაც გყავთ მრევ-
ლი? — ეკითხება შორეული ცურვის
ყოფილი კაპიტანი.

— მაშ, როგორ, მაშ როგორ, — თან
საჩხერელ მძღოლს გასცქერის, სიცი-
ლით რომ ხოცავს ირგვლივ მსხდომთ.
ალბათ ფიქრობს, რით ველარ ჩამოუ-
ვიდა თავისი ავტობუსიო.

— კომუნისტებელური კაცია, — ამ-
ბობს დორა. — ისიც საჩხერელ მძღოლს
გულისხმობს, რა თქმა უნდა.

მღვდელი ახლა ჭიქებს დასჩერება.
— ერთი დიდი, გემრიელი ფინჯნით
დამალევიანა ეს მდუღარე... — ბურტყუ-
ნებს.

— მაშინ ფინჯნის თან ტარება მოგი-
წევთ, მამაო, — აფრთხილებს ფერ-
ფლისფერი კაცი.

— მომიწევს და ძალიანაც კარგი!..
ბოტკინიანის ნატუჩარს მაინც ავცდები.

— ბოტკინი რა შუაშია? — უკიდურ
რესად გაოცდა დორა.

— აი, იქ, წითელმოსასხამიანნი...
ხომ ხედავთ, — მღვდელი ელვირაზე
ანიშნებს, — ბოტკინი სჭირს.

დორას თვალები უფართოვდება, მაგ-
რამ მისი თვალები ჩემსასთან, ალბათ,
რა მოსატანია. თავში რომ მარტყამს,
ფეხებამდე გამდის.

— დიეტქთან კართან რისთვის
დგას? — განაგრძობს მღვდელი მშვი-
ლად, — გავა თუ არა, შესამოწმებლად
წაიყვანს, მერე გულა-ნაბადასაც აუკრა-
ვენ! მითქვამს და დაიხსომეთ! — აქ
შეიძლება ისეთმა ეპიდემიამ იფეთქოს,
სუყველა ერთიანად გადაეყვიოთღეთ.
წარმოგიდგენიათ, რა სერი იქნება?!

ხმა არც ერთს არ ამოგვიღია. მერე,
როცა დიეტქთანმა ელვირა მართლა
გააჩერა კარებში, შეშფოთებული რომ
ჩაჰკირკიტებდა თვლებში და რალაცას
უხსნიდა, ვიგრძენი, მთელ ტანზე რო-
გორ გამომოქონა ცივმა ოფლმა. ამას
ნამდვილად ლურჯი სიცილის გამოცხა-
დება მერჩია. პირი მიშრება, ბრაზი ლა-
მის სასუნთქი გზების სპაზმებად გადა-
მეზარდოს.

— თქვენ რა, ცუდად ხართ? — მე-
კითხება დორა.

— წყალი!.. — ამომშრალი ხორხი-
დან ძლივს ამომაქვს ერთადერთი სი-
ტყვა. დორა წყალს მისხამს.

სადაც სარკე შემხვდება, ყველაში
ვიცქირები შეშინებული, ვაითუ ვყვიო-
ლდები. თვალთა სადაფი ჯერჯერობით
კრიალა მაქვს. ეს დალოცვილი სარკე-
ებიც რომ ყველგან კილია — ვესტიბი-
ულებში, კიბეთა საქცევებზე, ლიფ-
ტში, სასადილოსკენ მიმავალი ფლიგე-
ლის ყოველ ნიშთან, ნომრის ჰოლში,
აბაზანაში, კაფე-ბარის კართან. გამიჩ-
ნდა თავსამტკრევი...

ტალონებს ავიღებ, პროცედურაზე
წავალ, იქნებ უფრო მალე გავიდეს
დრო, სადილობისას ზუსტად გაირკვე-
ვა ყველაფერი. ვნახოთ ელვირა მოვა
თუ არა სადილზე!

არ შემხვდა ერთადგილიანი აბაზანის ტალონები. შინაბერა მასწავლებელს ვერ გავახარებ. რა გავწყობა...

ვზივარ სხვებთან ერთად კაბინების წინ გამწვრივებულ რიგში და უმწიფარ ბუშმალას შევექცევი. რამდენიმე დღეა ვიყიდე და ჭიბეში ჩამრჩენია ცოტად დენი.

მღვდელმა ჩავვიარა. ვილაცას ექებდა მგონი, აქეთ-იქით აცეცებდა თვალს. ისევ მობრუნდა უკან. სპორტული მაისურის ყელზე აქაჩული ელვა-შესაკრავი ხელის ერთი ჩამოკვრით ბოლომდე ჩაიხსნა. მოუსვენრობისაგან ეტყობოდა, პაერი არ ყოფნიდა. ვილაც კიბოსავით გაწითლებულ ზორბა ქალს მიესალმა. მერე გამისწორდა თუ არა, შემამჩნია:

— აქ ყოფილხარ?.. — როგორღაც სიხარული გამოხატა შეკითხვით. გვერდით მომიჯდა. — ხედავ რა ხდება? თორმეტის ნახევარიანები შემოვიდნენ უკვე, ჩვენ კი, თერთმეტის ტალონებით ისევ აქა ვსხედვართ! შენ რომლის გაქვს?

— თორმეტის, — ვუთხარი სხვათა ზორის, თან იმ ზორბა, კიბოსავით გაწითლებულ ქალს გავცქეროდი, საცაა დერეფნის ბოლოში რომ მიეფარებოდა თვალს.

— პროკურორია, — თქვა მღვდელმა. — ვაუკაცი ვერ შეედრება. ჩვენთან გამძლეობა სინდისიერების უკუპროპორციულიაო, მიძიევა დამნაშავეთა სამყაროში მუშაობაო. თქვენთან როგორ არისო, მკითხა ამას წინათ.

— იმედი მაქვს, ტყუილს არ იკადრებდით, მამაო?

— რასაკვირველია.

— გაჩუმდით, ხომ?

— სიჩუმე, შვილო ჩემო, აუწონავი ოქროა.

კაცმა ჩავვიარა, უშნოდ მიალაჯებდა.

— ბრტყელტერფაა, — თქვა მღვდელმა.

— მასადადამე, ჯარში არ უმსახურია... — დააზუსტა მღვდლის გვერდით მჯდარმა ჰორფლიანმა, ცნობის-

მოყვარე მოხუცმა, ჩვენი საუბრიდან ალბათ, ერთი სიტყვაც რომ არ გამოსვს პარვია.

აჰა, ხელს მიქნევს კაბინის კართან მღვარი თეთრხალათიანი სანიტარი, აქვე ახლო დაჯექი სადმე და მალე გაგიშვებო, ათი წუთის უკან რომ მითხრა.

— ჩემი რიგი მოვიდა, მამაო, — ვამბობ და ვდგები.

— იცი, რა? — ნერვული მოძრაობით კვლავ ზემოთ სწევს საყელოს ელვა-შესაკრავს მღვდელი. — მოდი, მოველაპარაკოთ, შენთან ერთად შემომიშვას, ეს კი, ლუქსია თუ რაღაც ჯანდაბა, ვისაც უნდა, მისცეს! როდემდე ვიყურეუტო აქ! — გაღიზიანებულნი აფრიალებს ტალონს.

დაბნეული შევცქერი. რამ დამაბნია, მღვდელიც ხომ ჩვეულებრივი ადამიანია. სანიტარი ქალი ისევ იქნევს ხელს. აღარ ვაყოვნებ, მუდარით ვამბობ:

— ღვთის გულისათვის, მამაო, ნუ მიზამ მაგ საქმეს!.. არ მინდა შიშველი მღვდელი ვნახო!.. — სწრაფად მივდივარ.

— აქეთ მობრძანდით! — მეუბნება სანიტარი ქალი, შიდა ყრუ დერეფანში გავყავარ და ეზოს მხრიდან პირველი კაბინის გასახდელის კარს მიღებს. — ტალონი მომეცი! — მტოვებს მერე გასახდელში, თვითონ სააბაზანოში გადის.

— მოითმინეთ, ჯერ ნუ ჩახვალთ! — უხეშად აფრთხილებს ვილაცას, — წყალი ხომ უნდა გავაზავო!

თან გახდას ვიწყებ, თან ღრიჭოდ დარჩენილი კარიდან სააბაზანოს შევჩერებვარ. ჰაობისფერი წყლით გატივტივებულ აბაზანასთან შიშველი კაცი დგას. სანიტარი ქალი კი ჯიბიდან თერმომეტრს იღებს, წყალში დებს, აქეთ-იქით აქნევს. მეორე ხელით ონკანს ხსნის. „კაცის ნაწილ წყალში არ უნდოდა ხელის ჩაყოფა. მერე რა, რომ ასეთი პროფესია აქვს... თუმცა სჯობს, ჩემს საქმეს მივხედო“. შიგ შებრძანებულ ბატონს ორივე საკიდი

დაუყავებია. იძულებული ვარ, ერთზე გადავიტანო მისი ტანსაცმელი. აი, რა წვრილმანებში კლინდება ადამიანის ბუნება. ხომ იცოდა, მეორე აუცილებლად რომ შემოვიდოდა.

სააბაზანოდან წყლის გაძლიერებული ჩხრიალი მოისმის.

ისევ ვიციკირები ღრიტოში. სანიტარი ქალი ახლა ჩემს აბაზანას ავსებს. უპ, რა გიგანტური ნაკადებია!

— ჩაღით! — ეუბნება იგი ჯიუტად აწურულ კაცს. — ონკანს უკეტავს. — ასეა წესი! თქვენ კი გადანელებას არ გვაცდით, მერე აგიწევთ წნევა და ვინ ავებს პასუხს?

შევედი, მაგრამ სანიტარ ქალს არც გამოუხედავს ჩემკენ, ონკანები დაკეტა, სილის საათი გადააბრუნა და უკანა კარიდან გავიდა. ჰაობისფერ წყალში გაუჩნებულმა კაცმა ერთი კი ამომხედა, მერე დახუჭა თვალი და მგონი, დაიძინა.

ეუციკერი კაბინის თავლია ჰერს და ვფიქრობ, რომ ეს ჩემი მეზობელი ნამდვილად მუდოდა. ასეთს უნდა ადგე და უთხრა: თქვენი შარვალი თქვენივე საკიდზე უნდა ჩამოახრჩოთ! უპ, მეც რა მვგარი ვარ! რას ვერჩი, ბაყაყივით წევს მღვრიე წყალში, თავისი გაჭირვება აქვს... იქ კიდევ მღვდელს ვაწყენინე.

ფანჯრიდან ყვითლად მოყვავილე პალმის წვერები მოჩანს. სილის საათი — უჩინარი დროის მოძრაობის გრაფიკული სურათხატი — იფრქვევა, სინჯარიდან სინჯარაში იცლება დრო. კედელზე წერია: „იწეკით მშვიდად!“ ვგრძნობ, წყალში ძალიან სწრაფად გადის დრო. სულ მალე ჩამოიცილა სინჯარა. სანიტარი შუშის კედლიდან იძახის, ამოსვლის დროაო.

ჩემს მეზობელს თეთრი, აკრეფილი ტანი აქვს. ფლოსტების თლახუნით მიეშურება გასახდელისაკენ. ნეტა ჩაიცვას და მერე გამოიყვანა, მაგრამ ვინ დაგაცდის. აქ ყოველი წუთი ოქროდ ფასობს. ამიტომ ერთი ბეწო გასახ-

დელში გვერდიგვერდ ვდგავართ, შენლა ვიმშრალებ, ის უკვე იცვლება მეორე გასახდელში ქალები შემოუშვით. ხმამაღლა საუბრობენ, თან, რასაკვირველია, იხდიან.

— ან უნდა გავყროდი, ან უნდა მომეთმინა. ასეთი ალტერნატივის წინაშე დამაყენა. როგორი საქმეა ლალატის მოთმენა! ავედექი და გავეყარე. ძვირად დამიჯდა, მაგრამ გავეყარე, — ამბობდა ერთი.

მეორე დუმდა. ვინ იცის, რას ფიქრობდა, რას მარხავდა დუმილში.

რა ბანჯგვლიანი მკერდი მაქვს, ფეხებზე ლაპარაკიც ზედმეტია... ნამდვილად მაიმუნის მირევია რაღაც გენებში. ისე კი, ვიცი, გარკვეული კატეგორიის ქალებს სწორედ ბანჯგვლიანი მამაკაცი მოსწონთ. ამ ჩემი მეზობელივით უთმოს და ნახკანას არც გაეკარებოდა.

მაინც რას ვემართლები საწყალ კაცს, თითქოს რამე წაერთმინოს ჩემთვის. იცვამს პატიოსნად, მაგრამ ეტყობა, ნამეტანი პატივმოყვარე უნდა იყოს. ესე იგი, ფროიდს თუ დაკუჯერებთ, შარდის შეკავების უნარი დაქვეითებული აქვს.

ქალები უკვე გავიდნენ სააბაზანოში, ახლა იქიდან ისმის მათი ხმა, წყლის ჩხრიალიც ვერ ახშობს. სიგარეტი ნეტა სად წვაილე? მღვდელთან დამრჩა სკამზე.

— სიგარეტი ხომ არ გექნებათ? — ვეკითხები ჩემს მდუმარე მეზობელს, თმას რომ ივარცხნის წმინდა სივარცხლით.

შავი ცელოფანის პარკიდან იღებს განახევრებულ კოლოფს და მაწვდის. ერთ ღერს, მხოლოდ ერთ ღერს ვამჩნობ.

— გქონდეთ, — მეუბნება, — თქვენი იყოს. საკუთარი ფულით მაქვს ნაყიდი.

— ვერ მიგიხვდით, რას გულისხმობთ? — გავლიზიანდი, ამ მუდოსათვის რამ მათხონინა სიგარეტი-მეთქი.

— მისახვედრი რაა! მით უმეტეს,

თქვენი ხელობის კაცისათვის!.. — როგორი მოსასმენია ახლა ეს?

ვხვდები! მთელი პანსიონატი მიცნობს უკვე.

— ჩემი ხელობა ხომ გამორჩენას გამორიცხავს, — ვეუბნები ამ პირქუს მორალისტს, — ან იქნებ გგონიათ!..

— არაფერი არ გგონია! მაგრამ მაინც არ შემიძლია, გულგრილად შევხედო... სამოქალაქო კოდექსის ენაზე, მაინც ძაბრევა ჰქვია ამას...

— თქვენ თვლით, რომ დანაშაულია ცოცხალს მოახმარო ის, რაც მიცვალებულთან ერთად უაზროდ უნდა დაიფერვლოს?

— არ ვიცი... ეგ ისეთი საკითხია, ასე იოლად ვერ გადაჭრი. კოდექსებს რომ თავი ვანებოთ, ზნეობას სად მიუღიხართ! იმას, რაც აი, აქ არის! — მკერდზე იბჯენს ხელის გაშლილ მტევანს.

არ ვეშვები საცოდავს, ღდინამდე ჩავდე. — მე კი შესანიშნავი ინგლისური პალტოს შემოთავაზებას ვიპირებდით. ზუსტად თქვენი ზომაა, უკეთესს ვერას ინატრებთ...

დაფიქრდა. ცოტა არ იყოს, დაიბნა კიდევ. მაგრამ დუმილის ოსტატია. ვერაფერს შეედავები. მხოლოდ გისმენს.

— იცით, ისე გამეწაფა თვალი, შევხედავ ადამიანს და კარგი მკერავივით ვხვდები, რა მოუხდება, როგორი ფერი... ის პალტო კი, უელსის პრინცი რომ ჩაიცვამს, სწორედ ისეთია.

ცელოფანი მოქექა, სიგარეტის გაუხსნელი კოლოფი ამოიღო, ნელა შემოხსნა გაწვებილი ლენტი. ეს უმნიშვნელო მოძრაობა დაძაბული ფიქრის შესანიშნავად სჭირდებოდა. უნდა მივეშველო, სხვა გზა არაა! პატიემოყვარეობა უნდა დავაძლეინო.

— გშველით მაინც ეს აბაზანები? — ვეკითხები, თან დერეფნისკენ მივდივარ.

— როგორ გითხრათ, დიდ ხეირს ვერ ვატყობ, — მპასუხობს და გვერდით მომდევს.

— ზოგი ამტკიცებს, სასწაულომტკმედი წყალიაო. ზოგი... — სიტყვები ჩერდება, მღვდელი ისევ აქ ყურყურტობს. არ მინდა დავენახო. საათს დავყურებ. — უკაცრავად, მეჩქარება... თქვენ, ალბათ, ცოტას დაისვენებთ, მერე კი ნელ-ნელა გაუყვებით.

თავს მიქნევს, ასე ვაპირებო, თანაც, ეტყობა, ასე უეცრად არ სურს დამცილდეს.

— ჰო, მართლა, პალტოზე რა მოიფიქრეთ. გამოგიგზავნოთ? — სხვათა შორის ვუგდებ სიტყვას.

— სად გამოგიგზავნოთ? ჩემი გზა არ იცით და კვალი.

— მისამართი რისთვის არსებობს...

— მაშინ დაგიწერო.

— ეგრე აჯობებს...

სიგარეტის კოლოფს სიხურავს აგლეჯს, ჭიბიდან ავტოკალამს იღებს და მისამართს წერს.

ვღგავარ და ველოდები. ვღგავარ გარგანტუხასავით დაბნეული, რომელსაც გარდაცვლილი მეუღლე და ახლადშობილი ვაჟი ერთნაირად უფორიაქებდა კაცთმოყვარე გულს და არ იცოდა, რა ელონა, თავის თავს ეკითხებოდა, რა ვქნა, ვიტყვი თუ ვიცინო.

სადილზე შესვლისთანვე ელვირას მაგიდისკენ გამექცა თვალი და გულზე შემომეყარა, ელვირას ადგილას ვილაც სამხედრო რომ იჯდა. კინალამ უკან გავბრუნდი, ერთი სული მქონდა, სარკეში ჩამეხედა. უხალისოდ მივუჭექე სუფრას. დორა და შორეული ცურვის ყოფილი კაპიტანი უკვე შეექცეოდნენ წვნიანს. მღვდელი არ მოსულა.

შხამივით გადამდიოდა ყოველი ლუქმა. როგორ მშურდა ახლა იმ ტვინნარბობი საჩხერელი მძღოლის სილადის, დორას სიმშვიდის, ალბინოსების, მათ გვერდით მჭდარი იმ ახალი დამსვენებლის, ოქროსფერი ლამპასები რომ ჰქონდა დაყოლებული შარვალზე, ყველასი, ვინც გაყვითლებას არ ელოდა.

— ჩვენს მღვდელს, ეტყობა, გაუგრ-

ძელდა ნათლობა, — თქვა შორეული ცურვის ყოფილმა კაპიტანმა.

— გავანაწყენე დღეს, — დანანებით ჩაველაპარაკე საპასუხოდ.

— როგორ მოახერხეთ?

— უარი ვუთხარი აბაზანაში ერთად შესვლაზე.

ფერფლისფერი კაცი კინალამ ჩაბყირდა. დორამაც სიცილით მომდგარი ცრემლების წმენდა დაიწყო.

— სალამოს ბარში ვიჯდები, — მითხრა ფერფლისფერმა კაცმა, ჭამა რომ მოვამთავრეთ.

გვიან მივედი, მაგრამ იქვე იჯდა, კუთხის მაგიდასთან. ყავა დაელია, თავჩაქინდრული ეწეოდა სიგარეტს. რომ მიეუახლოვდი, ოდნავ აიქნია ფერფლისფერი თავი, დაჯექო, მერე ბარმენს ანიშნა, ერთი კიდევო, და იმანაც ფინჯნით ყავა მოიტანა.

უცებ მივხვდი, სალამოებს აქ ატარებდა, ალბათ, ამ კუთხის მაგიდასთან. გული დამწყდა, რად არ შემოვდიოდე, არ ვჯდებოდი მასთან ერთად, თუნდაც ასე ჩუმიად, უსიტყვოდ.

— რა ვქნა, არ მჯერა, რასაც შენზე ამბობენ, — მოულოდნელად თქვა შორეული ცურვის ყოფილმა კაპიტანმა. გამეცინა.

— მართალი ვარ თუ არა, რომ არ მჯერა?

— რახან ეგ კითხვა გიჩნდებათ, მაშასადამე, მართალი ხართ.

— რად დაგპირდით ასეთი ტყუილი?

— შემთხვევით მოხდა. მერე ინსტინქტმა იაქტიურა, ალბათ, იმიტომ, საკუთარი თავისათვის დამემტკიცებინა, სხვებზე უარესი რომ არა ვარ.

— გაგიჭირდება ცხოვრება... ძალიან გაგიჭირდება... — მერე ისევ დუმდა, უსიტყვოდ მეუბნებოდა, მაგის მეტი რა მინახავსო, გასაჭირის მეტიო.. კი არ მიკვირს, მეცოდებო.

დაძინებამდე ვილაცამ მომიკაყუნა კარზე. წითლური ტიპი იყო. ძალიან

გვიან ხომ არ შეგაწყუბეთო? არა უშვავს მეთქი. მივხვდი, თავისი მისამართი უნდა შემოეთავაზებინა.

— რას ინებებთ? — ვკითხე კარებშივე, არც შემიბატიყნია. — მისამართი და საქონლის დასახელება ერთად დამიწერეთ.

— აი, აქაა ყველაფერი... — ქალაღი გამომიწოდა.

გულმა ვერ გამიძლო, მაშინვე გავხსენი.

— სამეფო მოპეროს შარფი, რასაკვირველია, მამაკაცის, — დამასწრო, სანამ მის აჩხაბაჩხა ნაწერს ჩავეკითხავდი.

— კეთილი, — ვუთხარი წითურს. — ეს ადვილი საქმეა. ოღონდ თქვენთანაც მაქვს სათხოვარი.

თვალები გაუფართოვდა.

— ისეთი არაფერია... გადაეცით თქვენსავით მსურველებს, კარზე ნულარ მომიკაყუნებენ, ნურც გზაში გამაჩიერებენ. ამ საქმეს ლაპარაკი რად სჭირდება... ასევე დაწერონ, — ქალაღი ცხვირწინ ავუფრიალე, — და აი აქ... — კარს ვხურავ, ქვემოდან ვაცურებ ქალაღს იატაკზე. — ხომ ასე აჯობებს?

თვალებით მეთანხმება. განა ტყუილად... ორ დღეში ოთხმოცდახუთი მისამართი შემიგროვდა, უბის წიგნაკში ვაწყობ ყველას ფურცლებშუა. სამაგიეროდ, მეზობელი ოთახიდან ქალის კისკისი აღარ მესმის, არ ვიცი, საძილე აბების ბრალია, თუ დიმიტრი შემოსწყრა იუნონას, რომელმაც უძილობისა და სიმარტოვისათვის გაიმეტა.

ზღვა არის თავისთვის, მიდი-მოდის წინ და უკან, დუდუნებს გაუცხოებულს. მე კი წამდაუნუნე სარკეს ჩავეჩერებივარ. ჭერ არაფერი მეტყობა სიყვითლის.

დღეს საინტერესო რამ მოხდა. მორიგე ადმინისტრატორმა ოთახის გასაღები რომ გამოვართვი, ნახევრად საიდუმლოდ მითხრა:

— მაშინდელივით თუ უძილობამ შეგაწყუბოთ, მითხარით, ნუ მოგერიდობათ.

— თქვენ წარმოიდგინეთ, მომიწესრიგდა ძილი! — მივხვდი ესეც ჩემი ერთ-ერთი აღრესატი იყო.

ლევანს მაინც ვერ დავურეკე.

აბაზანის შემდეგ კარგია დასვენება. წევხარ ერთიანად მოშვებული, ყოველ წუთს შეიძლება თვალი წაგედოს და ნატრობ, ნეტა დამლაგებელი არ მომიკაკუნებდეს კარზე, სადილობამდე ასე გაუნძრევლად მამყოფაო.

მაგრამ დამლაგებლმა მაინც მომიკაკუნა ნასადილევს.

— არაფერი გაგიგიათ? — მკითხა საიდუმლო შეცხადებით.

— რა მოხდა? შემობრძანდით, შემობრძანდით! — ბეჭისთავზე ოდნე შევახე ხელი. ვაფთრებული იყო, სახეშეშლილი მიცქერდა. იქვე, ჰოლში აეკრა კედელს და ჩურჩულით გამიმხილა:

— თქვენი მეზობელი წაასვენეს. მომკვდარა.

უცებ დავაპირე მეკითხა: მოკვდა თუ თავი მოიკლა? მაგრამ მივხვდი, ქალი ჩემს ყოველ სიტყვას დიდ მნიშვნელობას აძლევდა.

— რომ გაინტერესებდათ, ვინ ცხოვრობს ჩემ გვერდითო, აი, ის, — დაუმატა, ვიდრე შეკითხვას მოვიფიქრებდი.

— ცუდი ამბავია... — ვთქვი და ქალს ჭიქით წყალი მივუტანე. — დალიეთ, ცოტა გულზე მოგეშვებათ.

ორი ყლუპი მოსვა. ჭიქა უკანვე დამიბრუნა და მკითხა:

— თქვენ რას იტყვით?

— რა უნდა ვთქვა... ფაქტი ფაქტად რჩება! რაღას ვააწყობ... — კარადის კარი გამოვალე, პიჯაკი ჩამოგხსენი და ჩაცმა დავიწყე, გავდივარ-მეთქი, ვაგრძნობინე ქალს უცებ საშინლად მომბეზვრდა ყველაფერი, რაც ირგვლივ ხდებოდა. ავდგები და ხვალვე წავალ, მოვშორდები აქაურობას, თორემ ვატყობ, დეტაქტივის მონაწილედ გამხდლან.

ვახშამზე მთელი შემადგენლობით

გსხედვართ. მღვდელი სულ დარბაზისკენ აცეცებს თვალებს. მეგონა, მან დილოსნებს ათვალერებს ეს შეჩვენებული. მეც გამექცევა ხოლმე მზერა ალბინოსებთან მღუმარედ მჯდარი სამხედრო პირის ოქროსფერ ლამპასებისკენ. დიმიტრის შესახებ კრინტს არავინ ძრავს. ალბათ, არაფერი იცინა.

— კაცი მომკვდარა... — ვამბობ.

— მერამდენე დღეა უკვე, — მპასუხობს დორა. — დღეს წაასვენეს.

მღვდელი რაღაცას ჩუმად ბუტბუტებს. ფერფლისფერი კაცი კი ზის მღუმარედ, შემწვარ თევზს შეექცევა, მარცხენა დაწვისთავი უხტის. მერე ვხვდები, წვრილ-წვრილი ფხების გამო ჯავრობს ჩვენი მღვდელი, ცოტა აკლია, შეიგინოს.

ფერფლისფერ კაცს ღიმილი გადაუვლის სახეზე. უცებ შეუთამამდება მღვდელს:

— მამაო, — ეუბნება, — პოკერი თუ გითამაშია?

მღვდელი ჭამას წყვეტს, წამიერად ფიქრობს, ვთქვა თუ არაო. მერე ისეთი აზრტული უნით პასუხობს: — კი, ოხრად!... — ყველას სიცილი გვიტყდება.

ბოლოს დორა გვიცხადებს, ნავახშმებს დიდი ზეიმი ეწყობა, დამსვენებლების მონაწილეობითო.

სცენა ღია ცის ქვეშ გაუმართავთ სახელდახელოდ, როიალიც აქვე მოუგორებიათ. კლუბიდან გამოხილულ სკამებზე რომ ვერ დატეულა მაყურებელი, ზოგი მოლზე დამჯდარა, ზოგი ფეხზე დგას. ზეიმობს პანსიონატი. პროგრამა წინასწარაა მომზადებული, თვით კულტმუშაკია კონფერანსიე. ყველაფერს ასწრებენ — ჯანმრთელობაზე ზრუნვასაც, კულტმასობრივი ღონისძიებების მოწყობასაც. აი, როგორ უნდა ცხოვრება. მაყურებელთა შორის უმეტესობა ნაცნობია, ბევრი მათგანის, ალბათ, მისამართიც მიღვეს აგერ, უბის წიგნაკში. კოსტა უკანა რიგებისაკენ, კიდეში ზის. ორი საათი

მაინც გაგრძელდება ზეიმი, ამ ხნის განმავლობაში დაავიწყდებათ, ჩემი ადრესატები რომ არიან. როგორღაც მებრალებიან... იქნებ იმიტომ ვერთობოდი სულელური ტყუილით, რომ ეს შებრალების წუთი განმეცადა, წუთი, რომელიც მაპატიებს ყველაფერს.

სცენაზე ქამარშემოჭერილი შარვლის ფართხუნით მოდის კულტმუშაკი.

— რა ხალსიანი კაცია! — ამბობს ვილაც.

— თანაც ოთხ შვილს ზრდის, — აქვე ეპასუხება მეორე.

კონფერანსიე-კულტმუშაკი სადამოს გახსნილად აცხადებს. მე კი ვფიქრობ: „აი, ვისთვისაა მაღლი ერთი წესიერი კოსტიუმის გაგზავნა!“

იწყება სკეტჩი, რომელშიც პანსიონატში მკურნალობა-ცხოვრების ღრმადმნიშვნელოვანი ნიუანსებია წარმოდგენილი. ვუსმენ და მარცხს ადამიანთა ინფანტილიზმი... „ღროღრო ვუბრუნდებით ბავშვობის ასაკს თუ საერთოდ ვერ ვალწევთ თავს?“ — ვფიქრობ. სიგარეტს ვუკიდებ, ვღვავარ და თითქმის აღარ ვუსმენ. ტაში კი გრიალებს, მოწონების შეძახილთა ნიაღვარია... შემსრულებელთა ნაცვლად გახარებული კონფერანსიე იხდის მაღლობას, ტირიფივით იღრიკება წინ. მერე ახალ ნომერს აცხადებს. მისი ხმა ჯერაც მიუნელებელ ყოიანში ინთქმება. ოჰ, ამას ვის ვხედავ! სცენაზე შინაბერა მასწავლებელი გამოგვეცხადა. ვარდისფერი ფუშფუშებიანი კაბა ჩაუცვამს, გიტარამომარჯვებული მიკროფონთან ჩერდება. მცირე არბეჯიოსებრი შესავალი და, შინაბერა მასწავლებელი აკნავლდა. ამოაქვს, გული ამოაქვს, თვლებს ხუჭავს, აჯღაბაჯღა კბილები უჩიანს. არ შემოიძლია მოსმენა, ვშორდები მაყურებელს, როზმარინის ბუჩქებისაკენ მივდივარ, ვიღრე გაწეღავდეს ფრაზას: „ღამეს სიმწუხარე უფრო ემატება...“ თავის სიმარტოვეს სიმღერას აპკიდებდეს ტვირთად.

რა სიმშვიდეა როზმარინის ბუჩქებ-

თან, შეუმღვრევი და უბიწო. აღმინებს რომ ამ ბუჩქებივით ბუნებრივად შექმნილი ყოფნა... მიწაზე ვეშვებ და ვხვდები, მართალია, არაფერი გამაჩინია, მაგრამ უფლება მაინც დავიტოვე, მოვიტხოვო, ოღონაც უკეთესნი ვიყოთ, ვიღრე ვართ.

უბის წიგნაკიდან მისამართებს ვიღებ, ყოველ მათგანს ქვეშ ვაწერ: მიცვალებულები არაფერს გამოგიგზავნია!

ისევე ვინახავ მისამართებს, ვღვებ. ჯერ იქვე დავბორიალებ. მერე მოზეი-მე დამსვენებელთა კრებულისაკენ მივეშურები. მაყურებლის წინაშე შუახანს გადასული, მუქყავისფერ გამოტკეცილ კაბაში მოპრანჭული ქალი დგას და უსტვენს, რომელიღაც ფრინველს ჰბაძავს, თვითონაც ფრინველს წააგავს. დაამთავრა სტვენა და ავანსცენაზე გამოვიდა, ეტყობოდა, კმაყოფილი იყო შესრულებით.

— როგორც უკვე მოგახსენეთ, — მიმართა მან მაყურებელს, — არაერთ ქვეყანაში ვყოფილვარ და ყველგან დიდ ინტერესს იჩენდნენ მხატვრული სტვენის ოსტატობის მიმართ. გერმანიაში სპეციალური პრიზით დამაჯილდოვეს. მაგრამ ეს იყო ადრე. მერე სამი შვილი გავზარდე და ჩამოვიცილდი ამ საქმეს... — სინანული ისმოდა სტვენისა ქალის ხმაში. — ახლა შევასრულებ კიდევ ერთ ნაწარმოებს...

კოსტას მივაშტერე თვალი, ვიღრე არ იგრძნო დაფინებული მხერა და არ მოიხედა. თითი დავუქნიე, აქეთ გამოდი-მეთქი. მაშინვე მისწი-მოსწია ხალხი და გამოვიდა.

გვერდზე გავიყვანე.

— სათხოვარი მაქვს და უნდა შემისრულო, — ვუთხარი, ჯიბიდან მისამართების დასტა ამოვიღე. — შენ ამ ხალხს ხომ ყველას იცნობ?

— თითქმის...

— ჰოდა, ეს ქაღალდები თავ-თავიანთ პატრონებს უნდა ჩამოუტრიგო ახლავე,

აქვე სხედან, ძებნა არ დაგვირდება. შენ კი, რასაც დაგვირდი, მიიღებ.

შეცბა, არ იცოდა, რა ეპასუხა. მაინც გამომართვა ფურცლები, მიბრუნდა, თავისი ადგილისაკენ გაძვრა და შეუდგა საქმეს. ვხედავდი, როგორ არჩევდა სათითაოდ, როგორ ძებნიდა თვალებით რიგებში ვილა-ვილა-ცებს, როგორ სთხოვდა ახლო მჯდომთ, დაკეცილი ქაღალდები გადაეწოდებინათ. ქალი კი უსტვენდა გრძელ, რალაც თანამედროვე კლასიკურ ნაწარმოებს, სადაც პირველი და მეორე ხმის ხშირი მონაცვლეობით მიიღწეოდა ეფექტი. უსტვენდა მთელი მონდომებით, კისრის ძარღვები ებერებოდა, თვალები უშტერდებოდა, მკერდი მძიმედ აუღჩაუდიოდა, ნაბიჯს ხან წინ წადგამდა, ხან უკან. ხელებს სასოებით იშვერდა მაყურებლისაკენ.

— სამი შვილის პატრონს რა სტვენა აუტყდა!.. — თქვა ვილაკამ.

დაიღალა მსმენელი. აქა-იქ აჩოჩქოლდნენ, კოსტამაც შეუწყო ხელი ყურადღების გაფანტვას. აგზავნიდა ქაღალდებს, აგზავნიდა ყველა მიმართულებით.

მე კი მახსენდება ის საღამო, როცა ზეიმისმამავარი მოეუწყვე იზეტას. სწორედ მაშინ გაფუჭდა ჩემს სიყვარულში რალაც დიდი, ვერაფრითღა რომ ვერ გამოვასწორე.

— ყოველივე ისეა, როგორც ძველ-მოდურ რომანებში, — თქვა იზეტამ, თვალი მოავლო სტუმრებს, რომელთა შორის მეგობრები ნაკლებად ერივნენ. ამ ხარვეზის შევსება ეკისრა მოაგარაკეთა გასართობად თავგადადებულ, ადგილობრივი მნიშვნელობის ქალთა ტრიოს, ტკბილად რომ ღიღინებდა. დღესაც არ ვიცი, რად დავდგი ის სპექტაკლი, რად შევეყარე ხალხი, იმიტომ ხომ არა, მამრის მესაკუთრულმა ბუნებამ მძლია, რომ მაშინ ჩემთვის ტყუილ-მართალსა და ცოდვა-მადლს შორის ზღვარს კი არ ჰქონდა იმდენად მნიშვნელობა, რამდენადაც განკითხვის

ფაქტს და კიდევ თვითშთაგონებას, რომ რასაც ვიკვლევდი, რის ნამდვილობა არსსა და ქვეშაობობას ვეძიებდი, იქნებ არასდროს არსებობდა, იქნებ ყველაფერი თვით გამოვიგონე საკუთარი თავის საჩიჯგნად. ასე ვფიქრობდი ხოლმე მაშინაც, როცა დავცქეროდი მძინარე ცოლის ხორბლისფერ სახეს, უშფოთველ, უძრავ სხეულს, ვაყურადებდი მის სუნთქვას, უხინჯო, მყუდრო წიაღში რომ მიხმობდა, დასციონოდა ჩემს ეჭვს, შემთხვევითობამ რომ მარგუნა სატანჯველად.

...იზეტა იჯდა ღია კარისკენ ზურგით მღგარ სავარძელში და ტელეფონზე საუბრობდა. არ გაუგია, როგორ გავჩერდი ზღურბლთან, კარის პორტიერს ავეკარი იმ უსასტიკესი წინათგრძნობით შეპყრობილი, რაც შემდეგ მოვისმინე.

— არა, — ამბობდა იზეტა. — ეს სულ სხვა რამ იყო, არც სიყვარული, არც გატაცება, რალაც უფრო მნიშვნელოვანი, ყველაფერზე აღმატებული, სახელი ვერ დამირქმევია. მოვიდა და კალთაში ჩამიდო თავი, მორჩილად, უსიტყვოდ. დღესაც არ ვიცი, იმ მორჩილებაში მამაკაცური ძალა სჭარბობდა თუ სინაზე. ერთიც იყო და მეორეც. საოცარი რამ დამემართა. არც სინარული მიგრძენია, არც ნეტარება, მტანჯველი განცხრომა დამეუფლა, უღმერთოდ მენატრებოდა, რაც ჩემ ხელთ იყო და მხოლოდ მე მეკუთვნოდა... მენატრებოდა, როგორც ოდესღაც განცდილი, გარდასული და არა იმწუთიერი. წარმოიდგინე, სხედხართ აყრილი, დროუამისაგან ნამუსრევი ნასოფლარის ორწოხს ჩაკიდებულ ბილიკისპირა ვეება სიპზე, დაბლა მდინარე მიქშინავს, კალთაში კი მამაკაცის თავი კი არ გიდევეს მხოლოდ, არამედ დედაკაცობის აუწონავი მადლი. როცა ამას იგრძნობ, მისმენ? ჰო, როცა ამას იგრძნობ-მეთქი, შეგიძლია, არ შეგრცხვეს, მთელ ცისქვეშეთს უხმოდ და ეჩვენო ასე დაჩოქილი, უზომოდ ამა-

ყი ლამაზი დამარცხებით, და არ ინაღვლო, თუ ოდესმე ამისათვის პასუხს მოგთხოვს ვინმე. მისმენ, ხომ? გელაპარაკები ახლა და მგონია, მარადისობაში ვგზავნი უმისამართო ბარათს. რატომ? იმიტომ, რომ წარსული შეკვარნი დროა, მასთან კავშირს ველარ დაამყარებ. გახსოვს რექტიანი? იმისადმი მიძღვნილი... მოგწონს? მთიდან დაბრუნებულმჭკ პირველი, რაც მოვიმოქმედე, ის იყო, რომ ინსტრუმენტს მივუჭექე და თავიდან ბოლომდე დავუქარი, თითქოს ერთბაშად კი არ შემეთხზას, უკვე ზეპირად მცოდნოდეს, იმიტომ გამომდიოდა ერთი ამოსუნთქვისათვის, მსუბუქ მინორში, ცრემლგარეული ღიმილივით... მთელი უბედურება კი, იცო, რა არის? ქმართან ვიცურე მერე, შენ გეკუთვნის, შენთვის დავწერე-მეთქი რექტიანი.

რა უსაშველოდ გრძელი მონოლოგი იყო, რა დაუნდობლად მართალი, იოტისოდენა იმედის ღვეღფსაც აღარ მიტოვებდა ჩემი ქცევის გასამართლებლად. არ უნდა დავმდგარიყავი, ასე ქურდულად არ უნდა მესმინა. ისიც აღარ ვიცოდი, გამემჟღავნებია თავი თუ უჩუმრად გავცლოდი შეჩვენებასავით სიმართლეს, ნაცარი შემეყარა ლიბომორყეული პატივმოყვარეობისათვის და არაფერი სხვა, მხოლოდ ქმარი გადამერჩინა ჩემში. კი, ამისათვის ზრუნავდა მაშინ ბრმა, მაგრამ მაინც შეუმცდარი ინსტინქტი, რომელმაც გამაპარა ოთახიდან.

მერე რამდენჯერ მიფიქრია, იზეტას გულახდილად, სხვათა შორის რომ ეამბნა იგივე ამბავი, მივანიჭებდი თუ არა ამდენ მნიშვნელობას-მეთქი? სულითხორცამდე აზიელი კი ვარ, მაგრამ ხომ არ შეიძლება აღამიანს წარსული წაართვა! ვიცოდი, არ ვიყავი მართალი, როცა ცოლის წარსულს ჩემდამი შეთქმულებად მივიჩნევდი, ოღონდ შემძლებოდა, ძველი სკივრივით ამოგქექავდი, ხელისგულზე დავილაგებდი მისი ქალღობის ყველა განცდას ისე

რომ უფლებებზე არც ვიფიქრებდი. ქმრის პატივმოყვარეობა არც უფლებობას არ სცნობს. რაღაცას ხომ უნდა ჩაეჭიდო, სადღაც ხომ უნდა ჩაღვა ფეხი მყარად, მით უმეტეს, როცა საკაცობრიო პატრიარქატი გიმაგრებს ზურგს.

და არ ვიცოდი, რას ელოდა ჩემი დაუსრულებელი ღუმელი, ცოლს უკვე საყვარელ ქალად კი არა, ამოუხსნელ დილემად რომ წარმომიდგენდა... იქნებ განკითხვისა თუ განწმენდის დღეს, ერთბაშად რომ მიზღავდა, დამიბრუნებდა სიმშვიდეს. მოვიდოდა, დაიხოქებდა ექვიანი წარსული და პატიებას ითხოვდა თავისი არსებობის გამო, იმის გამო, რომ წარმავლობა და სიკვდილი ერთი და იგივე სულაც არაა, რომ ქალის ფიზიკური ფლობა ჯერ კიდევ არ ნიშნავს მასზე მეუფებას. მეხსიერებას შანთით ვერ ამოწვავ, რაც ერთხელ უკვე იყო, იგი უკვდავია. ჩვენ მხოლოდ თვალები უნდა დავხუჭოთ, დაუსრულებლივ ვიმეოროთ თავდასაცავად: არა! არა! არა! აი, მთელი შესაძლებლობა.

სწორედ ეს ერთადერთი „არა“ მიტრიალებდა ხოლმე თავში, როცა თვალელებში ჩაგხედავდი იზეტას და აღარც იმ თვალელებიდან ამოცილებული სიალალის მჭეროდა, აღარც საკუთარი სიყვარულის.

მერე ის საღამო მოვაწყვე აგარაკზე. დარბაზი საგანგებოდ დავიჭირავე, ფარდებიც კი დავაცვლევი, ჩავთვალე, რომ ჩალისფერი აბრეშუმის ფარდები ერთდროულად საზეიმო განწყობასაც ქმნიდა და სიმყუდროვესაც. მაგიდაზე მინდვრის ყვავილები ჩავალაგებინე. ყველამ იცოდა, საღამო იზეტას ეკუთვნოდა.

და ისიც მეჯდა გვერდით, მშვენიერი, მოღიმარი, ოღნავ გაფითრებული, თითქოს მეტისმეტი სიხარულისაგან მსუბუქი სევდაც კი შეჰპარვოდა. აქაიქ ჩუმ-ჩუმად ისიც იკითხეს, ფეხშიმედ ხომ არააო. ქალთა ვოკალური

ტრიო თავის მისიას პირნათლად ასრულებდა, ტკბილად აღიღინებდა ნაირ-ნაირ „პოპურებს“, მერე შეასრულა „მშვენიერო მალვინა“, ისეთი სინატიფით, ისეთი გრძობით, ყველა საკუთარ ინტიმს შეატოვა, რაც განსაკუთრებულად ქალებს ემჩნეოდათ, სასმელი და ტკბილი ნაღველი ცრემლის კურცხალივით რომ მოსძაღებოდათ გამოხედვაში. გვიანი იყო, მაგრამ არავინ ჩქარობდა. სმოკინგვიანმა წითურმა, ვისთვისაც მქონდა მინდობილი მთელი ორგანიზაცია, მაინც გამოაცხადა:

— ძვირფასო მეგობრებო! მასპინძლის თხოვნაა, რომ ეს მშვენიერი ღამე გავათენოთ! ღამე, რომელიც ქალბატონ იზეტასთან ერთად ეკუთვნის ყოველ თქვენგანს, დახუჭეთ თვალები და მიიღეთ, რასაც გიწილადებთ ღამის სასწაული. მსურველებს ვთხოვთ, ღიმილით გვიპასუხონ!

ღმილმა გადაუარა სუფრას, ტაშიც დაუტრეს სმოკინგვიანი წითურის პლასტიკური აზროვნების ჯილდოდ.

ვიჩქეი და ვფიქრობდი: ნეტა მას, ვისაც არ უფიქრია განკითხვის დღეზე და მოლოდინის უაზრობას არ გაუუკეთურებია ლხინი მისი. არც როდის დასჭირდება მას, მღუმარების ექსტაზისაგან ცნობაწარეცხილს, მისნის ენაზე წარმოთქვამდეს საიდუმლო ლიტანიას. ნეტა მას, ვისაც ძალუქს, მშვიდად და გულლიად მიიღოს ბედისწერა, როგორც უდროოდ დროს კარზე მომდგარი უცხო სტუმარი.

ვიჩქეი და ვფიქრობდი, რომ ვერ ვმონაწილეობდი ზეიმში, რადგან ქალტურ აზრთა კორიანტელი მახრჩობდა. ეს აზრები რაიმე ჭეშმარიტების დასადგენად კი არ მჭირდებოდა, არამედ ჯავშანივით წამომესხა, შიგ შეყუყულო, ჩემივე შეკოწიწებული, დღესასწაულის ღამეს ვემალეობდი. ვილაც არგენტინული ტანგოს მოტივს ღიღინებდა...

ვილაც იზეტას ეპატივებოდა სპილოს ძვლის ქათქათა პიანინოსაკენ, ვიცით,

რომ მუსიკოსი ხართ, უარს ნუ ვითო.

არა, არ უთქვამს უარი.

და როცა კლავიშებმა ამოიღა ენა და პირველივე პასაჟები სინარულად წაეკიდა დაბაზს, მომინდა მიგსულიყავი იზეტასთან ახლოს, რაც შეიძლება ახლოს და, სიტყვებით კი არა, როგორღაც შინაგანი იმპულსით, უტყუარი და ახლობლობის იმპულსით მეგრძნობინებინა: „ოლონდ ეგ არა! ოლონდ ეგ რექტაიმი არა და სხვა რაც გინდა.. გემუღარები...“

იზეტა კი უკრავდა რექტაიმს და მე ვიცოდი, არ მოიპოვებოდა ძალა ჩვენი კავშირის გადასარჩენად. ამის შემდეგ არავითარი აზრი აღარ ჰქონდა ხელზე ამბორს, თვალთა ყუყუნს, აპლოდისმენტს, იმასაც, რომ იზეტა უკვე ჩემკენ მოდიოდა, ოდნავ დაწვებშეფაკლულს შვენოდა კრემისფერი, თავიდან ბოლომდე გოფირებული კრების კაბა, თმა, როგორც ყოველთვის, ბიჭურად ჰქონდა აჭრილი და უკან გადავარცხნილი. ეს სისადავე ახლა უფრო მხვდებოდა თვალში და ისიც ჩემდა საწინააღმდეგოდ მიმაჩნდა. იზეტა არასდროს ცდილა, ჩემთვის თავი მოეწონებინა. ვნანობდი, ბოლომდე რად დავარწმუნე სიყვარულში. ხოლო როცა გვერდით მომიჯდა, მხარზე გადავდე ხელი, რითაც, ჩანს, კვლავ მესაქუთრული უპირატესობა გავხაზე სხვათა თვალში და ვუთხარი:

— ხედავ, როგორი პროფესიული მსმენელი გყავს! არ მოველოდი... რაც გინდა იყოს, მაინც პროვინცია...

აზრად არ მომსვლია მსგავსი რამის თქმა, ან აქაურთა შეურაცხყოფა, სხვისი დამციარების ხარჯზე თავის უშნოდ მოწონება. მერე ისეთი აზრების ძებნა დავიწყე, ნათქვამი ოდნავ მაინც გამომესწორებინა, მაგრამ იზეტამ დამასწრო:

— ასეთი მუსიკის აღქმას პროფესიონალიზმი არ სჭირდება... როგორც სიყ-

ვარულის განცდას არ სჭირდება ენათა მსგავსება.

ყოველგვარი ქმედების ხარისხი შედეგით განისაზღვრება — ტყუილს ტყუილი მოჰყვება, მსგავსი მსგავსს შობს...

უცებ ვიჯერებ, რომ პანსიონატის დამსვენებელთა ეს საღამო როგორღაც აგრძელებდა იმ შორეულ, ჯოჯოხეთურ ზეიმს. სცენაზე კულტმუშაკი იდგა, რაღაცის თქმა სურდა, მაგრამ აპლოდისმენტი არ წყდებოდა. მაყურებელი უკანვე იხმობდა სცენის მიღმა მიმაღულ კაცს, რომელმაც გაწვრთნილი ზაზუნა აცეკვა ბურთზე.

კოსტამ გამომხედა, მზერაზე შევატყჳე, დავალება შეესრულებინა. სცენის კუთხეში უფუნქციოდ იდგა როიალი, ჯერაც თავაუხდელი.

კულტმუშაკმა ორივე ხელი მაღლა აღმართა, დაწყნარდით, მათქმევინეთ სათქმელიო. ოდნავ ჩაცხრა ხმაური და მანაც დრო იხელთა, ხმამაღლა დაიყვირა: — ანტრაქტი!

არ ვიცი, რა ჰქუაზე დავდექი. სწრაფად გავიჭერი წინ, ვიდრე მაყურებელი აჩოჩქოლდებოდა, წინიდან ავბტი შემალღებულ სცენაზე. კულტმუშაკით ავწიე ხელები და დავიძახე: ანტრაქტი არ იქნება!

მოულოდნელობის დუმილმა გადაუარა მაყურებელს. შემეშინდა, ხმა არ ჩამწყვეტოდა, არ დავეთრგუნე ბრმა ძალას, რომელმაც აქ გამომისროლა და ჯერაც ვერ გამეგო, რას ჩამადენინებდა. ამიტომ კვლავ გავიმეორე აჩქარებით:

— ანტრაქტი არ იქნება, რადგან თქვენ თავდავიწყება უფრო გჭირდებათ, ვიდრე ფიქრი. აი, ამ ზაზუნამ, ახლახან რომ იხილეთ, სულ ცოტა ხნის წინ საკუთარი ნერწყვით პირის დაბანა და ჩიჩქნა იცოდა, მეტი არაფერი. ახლა კი ხედავთ, როგორ ცეკვავს? მერე კიდევ რაიმეს ისწავლის და მეტად დასცილდება თავის ცხოველურ ბუნებას.

ადამიანებმა კი, პირიქით, რაც შეიძლება ბევრი უნდა ისწავლონ, რომ გორამე მიუახლოვდნენ ადამიანურ ბუნებას. არ ვიცი, რა უნდა ვისწავლოთ, ის ერთადერთი მაინც — გავხდეთ ოდნავ უკეთესნი, ვიდრე ვართ!

ამის თქმა და სცენაზე ვილაც შემობტა, მთელი ხმით ღრიალებს:

— თვითონ მიცვალებულებს ძარცვავს, ჩვენ კი აქ ჰქუას გვასწავლის!

ვიცანი, საღამანდრას ფირმის რბილ ფეხსაცმელზე რომ ოცნებობს, ისაა, კრეჭია კაცი. მომერადა, პიჯაკის საყელოზე დამეჭაჩა. ფეხის წვერებზე იწვევს, მეორე ხელით პერანგის გულისპირი ჩამომბლუჯა.

— ჰკითხეთ, ჰკითხეთ, საიდანა აქვს ეს ტანსაცმელი! — ჩამოიჭნია მკლავი, ფხრიწინით ჩამოიყოლა ჩემი გულისპირიც.

ახლა სხვა ამოვარდა სცენაზე, თვალებიდან ლამის ნაპერწკლებს ყრის:

— ყველაფერი ნაქურდალი აცვია! — ყვირილით აუწყებს ხალხს, შარვლის ჯიბეში მიყოფს ხელებს, აქეთ-იქით ჰჩავს და შარვლის ტოტს გვერდითა ნაკერზე მიხევს. მეორე მხრიდან სხვა მომადგა. გამხადეს პიჯაკი, სახელოებით გაქაჩეს, სწევენ მონდომებით. კოსტაც აქაა. კოსტა ცდილობს, პიჯაკი უვნებლად დაისაკუთროს, მაგრამ ამაოდ. მერე ძირს ვგდევარ, ვილაც ფეხსაცმელს მხდის, შურდულივით ისვრის შორს, მაყურებლის მიღმა. ხელს არ ვანძრევ, აბსოლუტური თავისუფლება მივეცი შურისმაძიებელთ, ზღვარი მაინტერესებს... სადამდე... სადამდე... ხალხი ჩუმდაა, ხალხი მაყურებლად დარჩა.

მხოლოდ მაშინ მანებებენ თავს, როცა უკვე დედიშობილა ვდგავარ. სრულიად არ მრცხენია სიშიშვლის. ხელებს განზე ვწევ, მშვიდად ვკითხულობ: ძელი ხომ არ გექნებათ და სამი ლურსმანი?

ლალა ზამბაკიძე
მუარავ რეჟისორი

არავინ მეპასუხება. მარტო მტოვებენ სცენაზე, მაყურებელს უერთდებიან. ვიღაც გამორბის უჩინდნ. იკებანა! ეს იკებანა! ყვაილები ვეება გვირგვინები მოაქვს. ოდნავ ვიდრიკები და გვირგვინებს კისერზე მკიდებს ისე მორგებულად, თითქოს წინასწარ ყოფილიყოს ყველაფერი გათვალისწინებული. ყვაილების სამოსი მაცვია ტანთ და ის ბრმა ძალაც, რომელმაც აქამდე მომათმენინა, საბოლოოდ მაწონასწორებს. „გათავდა...“ — ვფიქრობ შვებით, ქალს ვუღიმი და ვეუბნები: თქვენთვის და ყველა აქ მყოფისათვის (მაყურებლისაყენ ვიშვერ ხელს) შესრულდება რექტაიმი. იგი დიდი ხნის წინათ მიუძღვნეს მამაკაცს, რომელსაც შეუძლია, ქალს ერთხელ ჩაუღოს თავი კალთაში და მთელი სიცოცხლე დაამახსოვროს.

მაშ ასე, ვუკრავ რექტაიმს! როიალისაყენ მივდივარ, ვხდი თავს, ვჯდები და დაკვრას ვიწყებ. მიკროფონი კარგად მუშაობს, ვგრძნობ, მსმენელამდე დაუკარგავად მიაქვს ყოველი ბგერა. ვარ ჩამძვრალი ყვაილთა სურნელოვან ფერადოვნებაში, იქვე, როიალის გვერდით, ოდნავ თავდახრილ იკებანას ვუცქერ, ნაზს, საოცრად ნაზს, ყოველგვარი სანტიმენტალიზმისაყენ თავისუფალს, იმიტომ, რომ ჯანსაღია, იმიტომ, რომ ესმის, ცრემლგარეულ ღიმილს ჰგავს ეს მუსიკა.

დაკვრას ვამთავრებ, ვდგები, ვხუროვ როიალს. იკებანას მაჯაზე ვკიდებ ხელს, უკანა გასასვლელისაყენ მიმყავს. ერთხელაც არ გამიხედავს მაყურებლისაყენ, გარინდული რომ ზის, ტაშის დაკვრა ვერ გაუბედავს, ოღონდ დაავიწყდა, ანტრაქტი რომაა.

როზმარინის ბუჩქთან, ბიჭუნებთან ახლოს, მღვდელი დგას, ლამის გადმოუცვივდეს თვალები. ბიჭუნები ეშმაკურად იცინიან.

— ზღვაში ვერ შედიან, კონცერტებს კი მართავენ...

რომ დამინახეს, გაისუსნენ, გაშტე-

რებულნი შემომცქერიან. მიანლოვების მღვდელს წავულაპარკე: „მეტი ვიცი ილოცე ჩემთვის!“ თავი დაიქნია, ჯვარზე მიიღო სამი თითი. იკებანა ისევ გვერდით მომდევდა.

— ჰო, მართლა, ეს გვირგვინები... — ტანზე დავიხედე.

— არა, მაგიტომ არა... როგორღაც ველარ მიგატოვებ... — შედგა.

— მაღლობელი ვარ... — არ ვიცოდი, სხვა რა მეთქვა.

— ნახვამდის! — დამემშვიდობა, იგრძნო, თავისი ყველა შესაძლებლობა უკვე ამოწურა.

ბიჭუნებს გავხედე. კვლავ მიცქერდნენ. უცებ მეცნო ერთი — ის იყო, პირამიდა რომ დანაგრია. ხელი დავუქნე. ჯერ გაუკვირდა, მაგრამ ისევ მოვიხმე და სირბილით მეახლა.

— რამდენს გეძებდი, — ვუთხარი გულწრფელად. — რაღა ახლა შემხვდები, ამ სულელურ მდგომარეობაში... — ტანზე დავიხედე. იმანაც თავიდან ფეხამდე დამათვალიერა ერთხელ კიდევ. — მაგრამ ნუ მიაქცევ ყურადღებას. რაღაც მინდა გკითხო. ავალ, გადავიცვამ, ადამიანს დავემსგავსები. ჯერ ხომ აქ იქნები?

თავი დამიქნია.

— ან თუ არ გეზარება, ამომყევი ნომერში.

ამხანაგებს გახედა. მივხვდი, შეეშინდა, არ დამეკარგონო.

— კარგი, კარგი, მე თვითონ მოვალ აი, იქ, სუროშემოხვეულ წითელი ტყემლის ხეზე ვანიშნე და გავჩქარდი.

ეზოც და პანსიონატის შენობაც ცარიელი იყო. ადმინისტრატორიც არ იჯდა ადგილზე, ჩამოვხსენი გასაღები და ლიფტში შესულმა სარკეში რომ ჩავიხედე, სიყვითლის შიშით კი აღარ დამიწყია საყუთარი ფიზიონომიის კირკიტი, ხარხარი ამიტყდა გიყვივით.

ბიჭუნა მართლაც მელოდა სუროშემოხვეულ ტყემლის ხესთან.

— წელან ხომ არ შეგაშინე? — ვკითხე სიცილით.

— არა, — თქვა მორცხვად, — მაგრამ ასეთი ნომერი პირველად ვნახე... კაცს რომ აშიშვლებდნენ!..

— ნომერი არ ყოფილა... გაუთვალისწინებლად მოხდა... — სხვაგვარად როგორ ამეხსნა.

ამხანაგები შორიხლო ელოდნენ. ჩქარობდა ბიჭუნა... სოფელში იყვნენ ასსვლელები... არ მინდოდა ასე მოუხერხებლად, ნაჩქარევად მასთან საუბარი, მაგრამ ვიცოდი, ველარ შევხვდებოდი.

— გულწრფელი ხარ? — ვკითხე, — ტყუილები ხომ არ გიყვარს?

გაეღიმა, უხერხულად შეიშოშუნა.

— ერთხელ ზღვის პირას გიყურეთ, პირამიდა რომ ააგეთ ყველამ, — ფუ, რა არასაინტერესოდ დავიწყე!

მისმენს.

— მერე ერთად წახვედით.

მთლად სმენად იქცა.

— ცოტა ხანში შენ მართო მობრუნდი და პირამიდა დაანგრეე. გახსოვს?

შხერით მემოწმება.

— შეგიძლია მითხრა, რად დაანგრეე? ისე მიცქერს, თითქოს ახლა უფრო საოცრებას ვგავარ, ვიდრე წელან — შიშველ-ტიტველი.

— ოღონდ, გეხვეწები, ნუ იცრუებ, თუ სიმართლის გამჟღავნება არ გინდა, ტყუილს მაინც ნუ მეტყვი.

— ტყუილი რად მჭირდება! — თქვა ბიჭუნამ, — მოსატყუებელი რა მაქვს...

— მაშინ გისმენ, — ტყემლის ხეს მივეყრდენ, გულზე ხელი დავიჭდე, უცნაურად შიშვარეული მოლოდინი დამეუფლა.

— თქვენ გგონიათ, ამხანაგებს მოვატყუე? — მიმიხვდა ექვს. — სულაც არა. ხომ ვიცოდი, ჩვენ მოსვლამდე ვილაც აუცილებლად დაანგრევდა... ყოველთვის გვინგრევენ. ამიტომ ავდექი და თვითონვე...

— როცა შენვე ანგრევ, უფრო ადვილი ასატანია? — არ ვაცდი დამთავრებას.

— ვერ გეტყვი... მაგრამ განსხვავება მაინც არის... მეორე დღემდე აღარ ფიქრობ, შეიძლება ახლა ანგრევენ შენს აშენებულს, შეიძლება ახლო, — გაჩუმდა, მეტის ახსნა არც შეეძლო, არც მოეთხოვებოდა.

— გიკვირს, ალბათ, როგორ დავიმასხოვრე... აი, ამ თევზით... — მაისურზე ხელი დავუსვი ძვლებამოჩრილ მკერდთან და გავიფიქრე: „შენც ხომ დამიმასხოვრებ, რომ გაიზრდები, მაშინაც გამიხსენებ...“ — აბა, ახლა გაიქეცი, ამხანაგები გელოდებიან!

ბიჭუნა მაშინვე შებრუნდა, — ნახვამდის... — ჩაილაპარაკა ისე, თითქოს ჩემთვის არც უთქვამს და გავარდა.

ზღვაზე გავედი. უნდა გამოვემშვიდობო. ამალამვე დავტოვებ აქაურობას. დავტოვებ ყვავილების გვირგვინთა სურნელებაში, მთელი სიცოხლე რომ შემასხოვრება.

ნახევრად ცარიელ ტრამვაიში ვჯდები. ისევ ის დამტვერილი ქუჩები, შენობები, მაღაზიები, მოდების ატელიე, კინო, საკოლმეურნეო ბაზარი, საპარიკმახერო, საყვავილე; ადრიაანი, გამოუძინებელი მგზავრები... ყველაფერი ისე ნაცნობია, იმდენად ახლობელი, შეიძლება ხელი ჩამოართვა. აქ დაფრინავენ ჩემს აივანზე გაზრდილი მტრედები, ლევანი... და ის ქალიც აქ ცხოვრობს, ერთ დროს რომ მიყვარდა.

შინ მისულს საფოსტო ყუთი გაზეთებით ამოტენილი მხვდება, აქვეა რადიოქსელიდან გაფრთხილების ორი ბარათი და საქალაქთაშორისო საუბრის გადასახდელი ქვითრებიც. წერილი კი არც ერთი... ქვეყნიერებაზე არავინ მწერს წერილს.

ნაჩქარევი შხაპი... საუზმეზე ბოდიში... არა უშავს, სადმე კაფეში გავალიოლად.

ცხრის ნახევარი არცაა, უკვე ნაცნობ კართან ვდგავარ. მარჯვენა ხელს მაღლა ვწევ, ვაკაუნებ სამკერ ზედი-

ზედ, ძველებურად, ინსტინქტური სი-
ზუსტით.

იზეტამ გამიღო კარი, მიყურებს გა-
ოცებულნი. მე კი ვფიქრობ, ალბათ,
დროდადრო ასე გვაკითხავენ ჩვენი
საყვარელი მიცვალებულები-მეთქი,
მაგრამ აღარაფერი გვესმის მათი, რად-
გან გარდასულთა ენა სხვა ენაა...

ნაცნობ, ათასგზის ნაცნობ სახეს მო-
ვატარე მზერა, უკვე იმაზეც აღარ
ვფიქრობ, ნეტა თუ შემიპატიყებს?
რალაც იყო არაბუნებრივი ამ შეხვედ-
რაში, უხერხულობის მსგავსი, რაც არც
ერთი ჩვენგანიდან არ მომდინარეობდა.
მომბეზრდა გაურკვეველ მდგომა-
რეობაში ყოფნა, ის იყო, დაეპირე მე-
თქვა სიმართლე, რაც თვითონვე ამ
წუთებში აღმოვაჩინე, და აღმომჩენის
გულწრფელი სიხარულით მინდოდა
მეხარებინა: „მე ისევ შემეყვარდა ჩე-
მი თავი! და მოვედი...“ რომ ბინის ინ-
ტერიერიდან მამაკაცის ხმა მოისმა: ვინ
არის? — ეტყობოდა ლუკმა ედო პირ-
ში.

იზეტას მზერას ნაღველი გაერია,
ისეთი კი არა, ერთხელ რომ მიაშობ-

და, თუ როგორ დაკარგა ზედამისის
ახალგაზრდობის ყველა სურათი. ფო-
ტოგრაფთან მიჰქონდა გასამრავლებ-
ლად, ვიღაცამ ხელჩანთიდან ამოაცალა
წიგნაკიანად. თავს იკლავდა, როგორ
ვერ გავიგე, რა დამემართაო.

ასე თუ ისე, ვიცნობდი იზეტას და
მიხვდები, მაშინდებური, ყველაზე ძვირ-
ფასის დაკარგვის ნაღველი კი არ ერია
მის მზერას, რისი გაზიარება იქნებ
მეც შემძლებოდა, არამედ, ეს იყო საყ-
ვარელი მიცვალებულის გამოცხადების
ზარი — შიში, გაცემა, უნდობლო-
ბა — ყველაფერი ერთად და, რაც მთა-
ვარია, ურვა! ურვა! ურვა!

ხოლო როცა ჰოლში გამოჩენილი
კაცის დიდმა, თაფლისფერმა თვალებმა
ფიზიკური ტკივილივით შემოაღწია
ჩემში და გატანჯული მოთმინებით და-
ველოდე, სადაცაა ისევ იკითხავს იგი,
ვინ არისო, იზეტამ მშვიდად თქვა: სარ-
თული შეეშალათ, ძვირფასო!

ცხვირწინ ნელა მომიხურა კარი და
იხსნა კაცი, რომლის დიდი, თაფლის-
ფერი თვალები რატომღაც სიკეთის ნიშ-
ნად მივიჩნიე.



მე და კავკასიონი

მე ყოველდღე ვხედავ
კავკასიის ქედებს,
მიწას ჩაფესვილს და
ღრუბლით გადაბელტილს.

დილით, როცა ვდგები
ადგებიან მთებიც,
და მწუხრამდე ერთად
მზის ყუღროზე ვთბებით.

მე ყოველდღე ვხედავ
ამაყ კავკასიონს,
ლაგამმიშვებულს და
ქართან მოკენწლავეს.
ფუძეშეურყვევლად
ცად რომ ალაპარულა.

და მზის დასამხრისად
როცა ყოველ სულდგმულს,



თუმც გასულდგმულდა
კორომი, კორდი,
ვიცი, იები
არ მოვლენ დრომდი.
მაგრამ, იები
ვიცი, რომ მოვლენ,
გამოფხიზლდება
ძილისგან ოლეც,
კვლავ სანადიროდ
გამოვა სვავი,
მაგრამ შენ ჯნდა
გეძებ: ააით,
მარტის თვალეზე



არწივს ყვავ-ყორნებით
მონადიმეს,
არ ესვრის
ნამდვილი მონადირე,

ძირისძირობამდე
გულის ძილით სძინავს.
მეც მივლულავ თვალეებს
რადგან მაღლა მხედი
კავკასიის მთები
მეგულება მცველად.

დილით როცა ვდგები
და მზე ოქროს ფუნჯით
დაასურათხატებს
ცხადლივ გარეშემოს
ჩემსკენ მომზირალი
ადგებიან მთებიც,
ასე ვდგავართ ლაღად
გაფრენილი ფრთებით,
გულმარგალიტ ცის და
მიწის მოყურადედ.
მე და ჩემი დიდი
კავკასიის მთები.

ცრემლები გოგავს,
მეც გულზე ვიხვევ
წვიმების გორგალს.
და დამდურული
შევეყურებ ცარგვალს,
დღე გუშინდელი
დღევანდელს არ გავს.
გადავეჩვიე
მწყერივით გოგმანს.
ვიცი, შენ არც დღეს
არც ხვალზეგ მოხვალ
და სიყვარული
დამრჩება ოხრად!

არც ბუღბულს
საგალობლად ყელადერილს.
არ გაბლდენის
ალალი ხელადებით

ლაქაშში, სალამურად
გაზრდილ ლერწამს,
ქარი არ დაღეწავს
თვალიერწამ.
არც ლოდებს
გაჩენიდან ძილისგულებს
გულში შიშს
ვერავენ ჩავუბუდებთ.
რადგან ბედი
გულზე აწერიათ,

ქვედრულა
ეწერი თუ
ქვაწერია —
უნდა მოვიხადოთ
კაცის ვალი,
რადგან საიმქვეენო
საფიცარი,
არის სულ სხვა გზა და
სხვა ფიცარი!

არ ვიცი ღღიდან
ვინ უნდა
მიყვარდეს,
ან ვინღა მომიტანს
ბაზრიდან მიხაკებს.

ჩვენს შორის
ჩამდგარან
გულცივი კედლები,
ღლითიღღე ვშორდებით
და ვცალვცალცკევდებით!

ეს შენი ბრაღია
ტირილით თუ ვკვდები,
თუ უკან გიბრუნებ
ყვავილებს უკლებლივ:
გვირილებს,
შროშანებს,
ენძელებს
მიხაკებს...

და უკვე არ ვიცი
ვინ უნდა მიყვარდეს!

ღღეები მიდიან უღიმღამოდ
სამარეს გიმშვენებს
სურა ვარდით,
ჩემი გატეხილი
უღლის გამო,
შემყრია ტირილის
სურავანდი.
სახლში შემოვდივარ
ფეხათრევით,
შენს სურათს
წმინდანვით ვეხათრები,
მე ვიცი რას ნიშნავს
ჩელოს გლოვა,
რას ნიშნავს
ფოთლებისთვის შემოდგომა.
და როცა
საიმქვეენო ზიგზაგებით,

შენს გზას გამიყენებს
გზის გამგნები.
იწვები მღუმარე ქვაშაგებში
ჩემს შესაგებებულად
ვერ ადგები.
მე კარს შემოგიღებ
მოწიწებით,
გვერდით პირუჩუმრად
მოგიწვები:
შენ თვალებს მომაპყრობ
ფიქრიანად
ჯავრით გალეულს და
სიფრიფანას,
და გთხოვ პატიებას
დარდიან
გზაზე ამდენ ხანს რომ
დავგვიანდი!



ავტოპორტრეტი. 1984.

მთელი ქვეყნის პირისპირ რომ დგას,
ამ ძველისძველი
ქვეყნის პირისპირ —
მთელი ქვეყნის პირისპირ რომ დგას,
ხანდახან კვესა რომ აღმოხდება
და დაღარულ პირისახეზე
ტკივილის ფოთლები რომ გამოაყრის...
და უამიყამ
რომ ირგება ჯამბაზივით,
ხელებს ცარიელ ჯიბეებში რომ იფათურებს...
გზად უცხო მანდილოსანს
რომ უმიჯნურდება —
და ჰიქებს რომ ცლის,
ნუნუას რომ ეალერსება —
ვინ არის ეს გაღლეტილი შარახვეტია,
ეს ურწმუნო შარლატანი,
სხვათა ოცნებებში მოხეტიალე,
ვინ არის ეს გაღლეტილი შარახვეტია, —
ჩემს სხეულში რომ წვალობს,
ჩემს სულში რომ დულს,
ჩემს ფიქრში რომ ბოლავს...
და წინ რომ მიდის ის
ამღვრეულ მდინარეთა საპირისპიროდ.

კოსმოსი

მარცვალში
შემკვრივებული სიცოცხლე.
წვეთში
შემკვრივებული ოკეანე,
სხივში
შემკვრივებული სამყარო.

სიტყვაში
შემკვრივებული წარსული...
და ყველა ერთად
ისე მცირეა
ლამის ცრემლის წვეთშიც მოთავსდეს!

მიტევებისა

ადამიანს ყველაფერი ეპატიება...

ეპატიება
ის მეორე ლოყას რომ უშვერს,
ეპატიება
საუკუნეებში განთქმული უნარი —
ქედისმოხრის უნარი რომ არ დაჰკარგვია...

ადამიანს ყველაფერი ეპატიება...
რადგან
ის არის ყველაზე მერყევი ფოთოლი,

რადგან
ის არის ყველაზე მყიფე ფირფიტა,
რადგან

ის არის ყველაზე დაბნეული ფრინველი,
რომელმაც დაჰკარგა ფრენის უნარი,
რომელმაც დაჰკარგა საკუთარი ცა...

და მიწაზეც ველარ ეტევა...

ადამიანს ყველაფერი ეპატიება —
რადგან

ის არის ყველაზე დაღლილი ფრინველი,
რადგან,

ის არის ყველაზე დაბნეული ფრინველი,
რომელმაც დაჰკარგა საკუთარი ცა...

ყველაფერი შეუმჩნევლად მოხდა

შექმნას არავინ უთვალთვალვდა.

ყველაფერი ზედამხედველის გარეშე მოხდა...

ისე დაღამდა პირველი დღე,

ისე დაღამდა მეორე დღე,

ისე დაღამდა მესამე დღე,

ისე დაღამდა მეოთხე დღე,

ისე დაღამდა მეხუთე დღე,

ისე დაღამდა მეექვსე დღე —

რომ არავინ გამოჩენილა,

და გარშემო არ შემორტყმია

ცნობისმოყვარე რეპორტიორების გუნდი,

არ აჩხაკუნებულა ფოტოაპარატები,

არ გადაუციათ პირდაპირი ტრანსილაციით,

არ დარჩეულა აქ დიქტორის ჩახლეჩილი ზმა...

ისე დაიბადა ცა.

ისე დაიბადა მიწა.

ისე დაღამდა პირველი დღე.

ისე დაიბადა მზე და მთვარე.

ისე დაღამდა მეორე დღე.

ისე დაიბადა ზღვა და მდინარე.

ისე დაღამდა მესამე დღე.

ისე დაიბადა ქარი.

ისე დაღამდა მეოთხე დღე.

ისე დაიბადა ტყე და ბალახი,

ისე დაღამდა მეხუთე დღე.

ისე დაეიბადეთ მე და შენ.

ისე დაღამდა მეექვსე დღე...

ხოლო მეშვიდე დღეს ეს ლექსი იწერება.
ხოლო მეშვიდე დღეს აურზაურია.
ყველაფერს ნათელი უნდა მოეფინოს.

პრესკონფერენციები.
შეკითხვები...
რედაქციები. აკადემიები. ინსტიტუტები...
ყველაფერს ნათელი უნდა მოეფინოს...
კვამლი
და ქვარტლი
და ღრუბლები...
და ხმაური,
სულ რომ ფარავს იმ დღეთა კვალს,
მ-წაში რომ აუჩინარებს...

ღამის ფოთოლი

დილის ტყეში დარჩენილი
ღამის ფოთოლი.

ღამის ფოთოლი.

გალობს შაოსანი შაშვი.
მოთქვამს მონაზონი ჩიტი.
მღერის
ღამის ნათესავი ფრინველი.

ტირის ღამეს,
მზის ხვრელში რომ გაუჩინარდა...
პრეისტორიულ მღვიმეში
რომ გადაიხაფრა...

ქახჭახებს ის —
დილის ტყეში დარჩენილი

ტირის ტყეში დარჩენილი
ღამის ფოთოლი.

წვიმა

წვიმამ შემოიხსნა ცისარტყელის ქამარი.
წვიმამ გაიხადა ღრუბლის სამოსელი.
წვიმამ გაიხადა ქოშები...
წვიმა წამოვიდა შენთან შესახვედრად.

მოაბიჯებს ნაზამთრალ ველებზე...
მუხლები ეკაწრება ჩირგვებზე გადმოსვლისას,
ნაკაწრებიდან მოყონავს ბალახი,
ნაკაწრებიდან მოყონავს სიმწვანე...
წვიმა მოდის შენთან შესახვედრად...

წვიმა მოდის,
რომ განკურნოს მიწის კრილობები,
წვიმა მოდის,
რომ განკურნოს ნაპარლები ამქვეყნიურში,
წვიმა მოდის,
რომ განკურნოს შენი წყურვილი...
წვიმა მოდის შენთან შესახვედრად...

როცა გაზაფხულის მზე დაბრუნდება
და გაადნობს ჩემი ფიქრის ყინულის კოშკებს
და ჩემს კვალზე
ხავს დააფენს დავიწყებისას —

მაშინ შემობრალე მე,
მსაჯულო ჩემო...

შეიბრალე შენ ის წვიმა,
ჩემს კვალს რომ შლის შავეთის გზაზე...

შეიბრალე ის მებაღე,
ჩემს უდაბურ ნასახლარში ხეს რომ ახარებს...

შეიბრალე ის ფურცელი,
რომ ინახავს ანაბეჭდებს ჩემი ხელისას...

ველის ბალახი
შეიბრალე
ჩემს სამარეზე...



ღამის ქალაქში დადის სხივი და ის ბავშვია...

ის ბრმა სიზმრებს გზას უნათებს,
ის ფსკერის კვამლს გზას უნათებს,
ის მდინარეს გზას უნათებს,
ის ჩემს წუხილს გზას უნათებს,
ის ჩემს სტრიქონს გზას უნათებს,
ის შოლოდინს გზას უნათებს,
ის სიმღერას გზას უნათებს,
ის სიყვარულს გზას უნათებს
ბნელ ღამეში
გულებისაკენ...



ჩემი შიში
გვერდითა მყავს,
ჩემი შიში,
ეს რამდენი წელიწადია...

ჩემი შიში
ერთი წამით არა მტოვებს,

რომ არა ვთქვა მეც სხვებივით,
რომ არა ვთქვა
სისხლის თქრიალით,
რომ არა ვთქვა საშინელი —

აჰა, მარტო ვარ!

და ტირიან ჩვენი დედები...

და ცრემლის წყალში ამოწებულ ბალახის ფურცლებს
გაფენენ ხოლმე ძველ კრილობებზე...
ცრემლებით ბანენ
ჩვენს ძველისძველ წყლულებს ისინი...

და ტირიან ჩვენი დედები
ჩვენს დაკარგულ ფრთებს,
დაკარგულ ცას,
დაკარგულ სიზმრებს...
ჩვენს ნაღვლიან გზას,
რომ მიცოცავს ღამის მიწაზე,
ხმელი ყვავილის ეკლებით სავსე...

და ტირიან ჩვენი დედები...
ცრემლებით რწყავენ იმ ყვავილებს,
რომ ამოვა ჩვენს საფლავებზე...

და ტირიან ჩვენი დედები...

და მიწიდან თავს წამოსწევს
ქარდაკრული ჩემი ცხოვრება —

რომ საბოლოო მადლობა უთხრას
გაზაფხულის წვიმას,
გუბებში რომ ჩქაფუნობს,
გზაზე რომ გადარბის ასკინკილით...

რომ საბოლოო მადლობა უთხრას

ამ უსმინარი ხმებისათვის,
ამ უკვდავი მუსიკისათვის...

რომ საბოლოო მადლობა უთხრას
მიწის მაგიერ —
ჯერ ენა რომ არ აუდგია,
ტყის მაგიერ —
ჯერ ენა რომ არ აუდგია...
რომ საბოლოო მადლობა უთხრას...

ამ გაზაფხულმა
ჩემს სიყვარულს
მოუტანა
ცრემლის შხეფი...

მოუტანა
მერცხლის შავი მოსასხამი...
მოუტანა
ოთხი ლურსმანი...

დიდგორის უიმოდგომა

გულზე ატყვია დიდგორის ტყეს,
ყვითლად მოთოვლილს,
გადარჩენილი სისხლის შხეფი:
თრემლის ფოთოლი...

ბაე

ხეები დააბრმავა შემოდგომის სუსხმა:
დასცვივდათ ფოთოლი...

და ველარ ხედავენ,
ფანტელი რომ ეცემათ,
მაგრამ გრძნობენ ზეშეში ქერქით,
რომ რალაც ციური,
ანგელოზის თმებივით ფაფუქი
აცვივა მალა აშვერილ ხელბზე...

და მთელი ზამთარი
უსინათლოდ...

და მთელი ზამთარი
ბნელში ხეტიალი...

და მთელი ზამთარი
ანგელოზის თმების სიგრილე..

ოპტიმისტური პოემა

თავისი რიგით ყველაფერი:	ჯოჯოხეთის შემდეგ წარღვნა...
ჯერ უდაბნო.	წარღვნის შემდეგ ცეცხლის ენები...
მერე სამოთხე.	ცეცხლის შემდეგ გამყინვარება...
მერე ისევ ჯოჯოხეთი...	ბოლოს ისევ ჩვენი ჩურჩული...
მერე ისევ ჩვენი ჩურჩული,	
თავისი რიგით ყველაფერი:	



უცნაურია:
როცა გლოცავენ —
სიტყვა ღიმილს გამოასხივებს...

როცა გწყევლიან —
ის შხამიან ყვავილებს ისხამს.



„გაღაგითილის სისხლი“

ნოველა

ავთანდილ, იცი, რისთვის დაგიბარებ? იქნებ გაგიკვირდეს კიდევაც! როგორც ხედავ, მაგნიტოფონი ჩართულია და, რასაც გელაპარაკები, ყველაფერი იწერება...

მომავალი იურისტი ამ საქმემ, წესით, უნდა დაგაინტერესოს! რა საქმემო? გეტყვი, აგერ! ჩემს საყვარელ ძმისწულს ყველაფერი გულახდილად უნდა გაუწყო და გაგიზიარო! როგორც იცი, შარშან ა-იქ, სოფელ ხარიაულში სააგარაკო სახლის მშენებლობა წამოვიწყე... გასრულებას ბევრი აღარაფერი აკლდა, მაგრამ... ამ ორი კვირის წინ ისეთი რამ მოხდა, ყველაფერი თავდაყირა დააყენა! ყამარი... გადამიდგა! ცოცხალი თავით მანდაურობას აღარ გავეკარებო! მე კი იქაურობა მარტო ჩემთვის არ მიწოდდა. სასიძოც ხომ ხარიაულში ცხოვრობს. ჰოდა, ერთი სიტყვით, ჩემს გუნებაში ვაწყობდი გეგმებს, მაგრამ თურმე — კაცი ბჭობს, ღმერთი იცინისო, — ცარიელი ანდაზა არ ყოფილა! სწორედ ორიოდ კვირის წინ იყო, ერთხელაც რომ მივაკითხე მშენებლობას ხარიაულში... ყამარიც თან მახლდა. რომ იცოდე, როგორ დაჰყავს მანქანა... ჰოდა, ესტატეც მშენებლობაზე დამხვდა. ისე რომელ ნათესავს გაეხარდება ახლობელის ნახვაც კი... ალალი კაცია. ზოგი რაა მიინც! ანგელოზი რომ უწოდო, ისიც გეცოტავება! ესტატეც ნამდვილად ანგელოზივით აღამიანია. ხელობას ნულარ იკითხავ, თურმე ხუროდაც კი უნდა დაიბადო! აი, მე, პედიატრს, იქნებ ჩემი საქმე ისე არ მიყვარდეს, როგორც მა-

გას ხურობა. და ამას იცი, ყველაფერზე ატყობ... გამომეტყველებაზე, ხელის მოძრაობაზე, სიმარჯვეზე, სიბეჯითეზე! ჰოდა, იმ დღეს საქმეზე საუბარს შევეყვით, ყამარს კი ვუთხარი, შენ აქ რაზე უნდა მოიწყინო, წადი, მზიასა და რატის დახედე, მეც ამ ერთ-ორ საათში ჩამოგივლით-მეთქი. ამას წინათ რომ მითხრა დღეის დღეზე, შენა და შენი მშენებლები უნდა დაგპატივოთო, ხომ არ გადათქვამს, ის, ალბათ, უკვე სამზადისშია. ჩემს ქალიშვილს რომ გული ფარულად საქმროსაკენ მიუწყევდა, ამას რა მიხვედრა უნდოდა. ყამარმა ერთი შემომხედა, დახარა თავი და უხმოდ გაგვეცალა. ფერდობი სწრაფად ჩაირბინა და თვალს მიეფარა. ასე, ალბათ, ოც, ოცდახუთ წუთსაც არ გაველო, რომ... ვხედავ, ყამარი ისე ამორბის ფერდობზე, თითქოს ვინმე მოსდევსო!.. ერთხელ კიდევაც წაიფორხილა. გული გადამიქანდა, ხარიხიდან ძირს ფაცხაფუტხით ჩამოვედი და ქალიშვილს შევეგებე... ჩაკვითხავ — რა მოხდა, რა ამბავია-მეთქი! ხმას არ იღებს. მკლავით ჩემ კისერზე ჩამოკიდებულს, თავი მკერდზე აქვს მობჯენილი და გამალებით, პირლია სუნთქავს. მისი გულისცემა გარკვევით მესმის, მეც ეს ოხერი გული ამოვარდნაზე მაქვს. აღარაფერს ვეკითხები. ვფიქრობ, სული მოითქვას და მერე... იტყვის, აბა რა იქნება-მეთქი. რამდენიმე წუთის შემდეგ, ეტყობა, ცოტა გონი რომ მოიკრიბა, ყამარმა ჩემს კისერზე შემოხვეული მკლავი მომაცილა, ორივე ხელისგული სახეზე აიფარა

და ასე, ძლიერ შეშფოთებულივით დგას და, რაღაცას ფიქრობს. მერე ისევ სახეზე ხელაფარებული, ვედრების კილოთი მეუბნება: — მამი, ახლავე წავიდეთ აქედან, ახლავე, — ხმას უფრო უწევს. — გესმის, ახლავე!

მე წყნარად, თითქმის ჩურჩულით ვეკითხები: — რა მოხდა, გამაგებინე... წასვლას რა უნდა — მაგრამ, მშენებლობა, ესტატე... რას იტყვის ის კაცი!

— მერე გეტყვი, ახლა ამისი დრო არ არის... ვერც გაიგებ... შინ თბილისში, დალაგებით, ყველაფერს გაიბზობ, აგინსნი...

შენც იცი, ავთანდილ, ყამარი ცოტა ფიცხია, ნერვიული... ჯიუტიც! აღარ ჩავძიებდევარ. ესტატეს ვუთხარი, ქალიშვილი შეუძლოდ არის, უნდა დაგტოვო, ხელ-ზეგ ჩემს ჩამოსვლამდე, ხომ იცი, რაც უნდა გააკეთო და... წავედითქი. მანქანას ვეცი, ავამუშავე... ჰო, ყამარმა ისიც მითხრა, საჭესთან შენ დაჯექი, მე მანქანის წაყვანა ახლა არ შემიძლიაო. ჩემს გვერდითაც კი არ დაჯდა, როგორც ვმგზავრობთ ხოლმე. უკანა სავარძელზე, კუთხეში, სწორედ ჩემს ზურგს მოფარებული ისე მიიყუჟა, თითქოს აქაც ვინმეს ემალებო. ცალი ხელი ისევ სახეზე აქვს აფარებული... თითქოს სინათლეც კი აღიზიანებდეს. ხმასაც არ იღებს. მის შემხედვარეს გულისცემაც აღარ მიწყნარდება. არ ვიცი, რა დამემართება. გაურკვევლობაზე უარესი თუ არის რამე? უხმოდ, ჩემს თავს, ვითომ დასამშვიდებლად, რაღაცას ვეჩურჩულები... მაგრამ რა დაგაწყნარებს! ასეთი შემთხვევა ჯერ არ მახსოვს. აღმართს რომ შევუდექი და სოფელს გადავხედე, მოულოდნელად გავოცდი. ვიფიქრე, მეჩვენება, თუ მართლა მომესმის-მეთქი! იქ, ქვემოთ, ასე ოთხასიოდ ნაბიჯზე, მანსურაშვილის ეზოში ვილაც ბალახზე გორაობს და მჭახედ იცინის, თან რაღაცას გაიძახის, საკმაოდ ხმამაღლა, მაგრამ სიტყვების გარჩევა ძნელია... არა, ერთი სიტყვა მაინც მკა-

ფიოდ ისმის დროდადრო — „წასვლია“... ამ ერთი სიტყვით კი რა უნდა გაიგო?.. ყამარს ვკითხე: ვინ არის ბალახში რომ გორაობს და კისკისით იქაურობას აყრუებს-მეთქი. ყამარმაც გაიხედა და გაკვირვებულს ერთი წამით ყველაფერი დაავიწყდა... მანქანა გაუჩიერე. ვადმოსვლას ვაპირებდი. ყამარმა არ დამანება, — ჩქარა წადი, ვინც გინდა, იყოსო... როცა მანქანა დავძარი, ხმადალა დაუმატა ნათქვამს, — ვინ არის, ვერა სცნობ? „გადამთიელის სისხლია“, სხვა ვინ იქნებაო...

გამახსენდა, ვილაცამ რომ მითხრა იმ წინებებზე — როცა რამე უხარია, „გადამთიელის სისხლი“ ეგრე ეზოში, ბალახზე გორაობს აქეთ-იქით ოც-ოცდახუთ ნაბიჯზე და გიყვივით იცინისო!..

ამის თაობაზე, მე, ავთანდილ, მეტს არაფერს გეტყვი. დანარჩენი ყამარს ჰკითხე. ის ყველაფერს დაწვრილებით გაიბზობს, რის თქმასაც საჭიროდ სცნობს!.. შემდეგ... თუ დამავალებ და... სხვების ნაამბობსაც ჩაიწერ... ვის ნაამბობს? ამას ყამართან საუბრის შემდეგ დააზუსტებ!.. არის რამდენიმე ადამიანი... მათთან საუბარი მარტო მე კი არა, შენც გამოგადგება, როგორც მომავალ იურისტს!... თუ გინდა, მეც გეტყვი... ხარიაულში თუ ჩახვალ, ინახულე რატი, ჩემი ყამარის საქმრო, მისი და — მზია, ხურო ესტატე... თუ მუსავირთან გასაუბრებასაც მოახერხებ, ხომ კარგი, თუ არა და, ესეც იკმარებს: თანახმა ხარ? შენც დაინტერესდი? ძალიან კარგი! მუსავირი ვინ არისო? „გადამთიელის სისხლის“ მამაა... „გადამთიელის სისხლი“ უცნაურად უღერსო? გეთანხმები, მაგრამ იმ ხალხთან გასაუბრების შემდეგ ყველაფერი ნათელი იქნება შენთვის. „გადამთიელის სისხლთან“ გასაუბრება იმიტომ არ დამივალვია, ის გოგო... ამ ორი კვირის წინ... უეცრად ვარდაიცვალა! ახლა შენც დაინტერესდი? ძალიან კარგი. მაღლობე-



ლი ვიქნები. დავეუცადოთ, ავთანდილ, ყამარი ნახევარ საათში უნდა მოვიდეს ინსტიტუტიდან... ჰო, როგორც გაგეხარდება, გადაქექე ე-მაგ თაროზე. მე აგერ, კლინიკაში დავრეკავ... დღეს მისვლას არ ვაპირებ და, უნდა შევატყობინო. ყამარი რომ მოვა, ერთად ვისადილოთ... ამდენი წიგნები ისტორიაზე რატომ გაქვსო? გიკვირს?: რა მაგის პასუხია და, მე პედიატრი კი არა, ისტორიკოსი უნდა ვყოფილიყავი, ესუბრები ჩვენი სამშობლოს ისტორიას? მართლადამთიელთა შემოსევების ჩამოთვლაც კი თავზარს დაგცემს!.. წარმოგიდგენია, რას გადავეურჩით?! ვის არ გადაუთარეშებია ამ ჩვენს ხელისგულისოდენა მიწა-წყალზე, რომაელთა ლეგიონებით, არაბებით — ოთხასი წელიწადი აღმოსავლეთ საქართველოს რომ ამტუტებდნენ, და არც დასავლეთისათვის დაუყრიათ ხეირი. მერე მონგოლები, თურქები, სპარსელების გამაჩანაგებელი ბატონობა, ერთიანად აჭრილი ვაზი და ძირფესვიანად ამოგდებული თუთის ხეები, ასიათასობით ტყვედ წასხმული ქართველობა, ქალი, ბავშვი!... ღამეები არ მძინავს... ხანდახან ვსინჯავ ბავშვს და ჩემს თავს უნებლიედ ვიჭერ იმაზე, რომ ამ დროს გონება თურმე აქეთ ჰქრის!.. ჯერ არაფერი ამის შესახებ ყამარისთვის არ გამიმხელია... პალუცინაციად ჩამითვლის!..

ავთანდილ, აბა შენ იცი, როგორ ჩაატარებ ამ „პირველ სენსს“... ღმერთი არ გაგიწყრეს და არ წამოგცდეს, რომ ეს ჩემი დავალებაა! ხომ იცი, შენს საქმიანობაში, პროფესიაში სწორედ ანალიზის უნართან ერთად, მიამიტობით შეფერილი უშუალობა და უბრალობა აუცილებელი პირობაა წარმატებასათვის. ადამიანები ყველაზე მეტად გულწრფელებსა და გულუბრყვილოებს ენდობიან... არ იცოდი? არა, მაგაში მართალი ხარ — ზოგი რომ არავის და არაფერს ენდობა ამ ქვეყანაზე, ზოგი კი ყველას და ყველაფერს; მაგრამ ახლა დოკლაპიებთან ხომ არა

გვაქვს საქმე... ყამარს შენც ეცნობდა... იქნებ ცოტა თამაშიც, გარდასვაც მოგიხდეს!.. თამაში რომ გდომებოდა, სამსახიობოზე შეხვიდოდი?.. რა გულიანად გამაციენე!.. ის სულ სხვაა, ეს თამაში კი სულ სხვა! შენაგგონია, რაკი საქმე თამაშს ეხება, რომელიმე დიდი მსახიობიც კი იური-სტად ივარგებდა, ან რომელიმე დიდი იურისტი სცენაზედაც დიდი აღმოჩნდებოდა? სრულიადაც არა! ამაშია მოწოდების საიდუმლოება! რისი უნარით გაჯილდოებს ღმერთი! ავთანდილ, ამ ლაპარაკში, ეგერ ყამარიც არ გამოჩნდა!..

ხარიაულში რა მოხდაო?.. ხომ ვუთხარი მამაჩემს, ამის შესახებ არაფერი ეთქვა ნათესავებისთვისაც კი!.. ეს ჩემი ცხოვრების ინტიმური მხარეა და ვცდილობ არავინ ჩაერიო, მე თვითონვე ვავუძლავდე ყველაფერს!.. არა, რასაკვირველია, ასე ნუ გამოიგებ... საიდუმლოების რანგში სულაც არ ამყავს, რაც იქ მოხდა და... რამაც ასე შეძრა მთელი ჩემი არსება! ეს, მე მგონია, შენთვისაც გასაგებია, მაგრამ, გამოტყდი... ო, ეს პროფესიული ცნობისმოყვარეობა! საიდუმლოებაო? საიდუმლოება, რასაკვირველია, თუნდაც იმიტომ აღარ არის, რომ ორმა ადამიანმა უკვე იცის ყველაფერი... დაწვრილებით ვუამბე მამაჩემს და ჩემი ყოფილი... საქმროს დას — მზიას. ავთანდილ, დაიცა! მამაჩემს, მართალია, ნასადილეგს თვალის მოტყუება სჩვევია, მაგრამ ახლა თავი განგებ ხომ არ მოიძინარა?.. არა, მართლა სძინავს. განვაგრძოთ ჩვენი საუბარი... სხვათა შორის, მზია ერთი იმ უიშვიათესი ადამიანთაგანია, რომელსაც შეიძლება ენდო! იცი, ეს რა არის?! და რომელმაც შეიძლება გაგიგოს! იცი, ავთანდილ, ან ეს რა არის?! გზა გაიკვლიო ადამიანის სულის ლაბირინთებში! ასეთია მზია! მესამე შენა ხარ, ავთანდილ, ვისაც უნდა გავანდო ჩემი, როგორც ვითხარი, უკვე



გამხელილი საიდუმლო. და შენ იქნები, ალბათ... უკანასკნელი. მე ამის შესახებ აღარავისთან კრინტს აღარ დავძრავ, უბრალოდ, მარტო იმიტომ კი არა, ჭო-რაობა და ლაყობა არ მიყვარს, მხო-ლოდ იმიტომ და კიდევ, კიდევ იმიტომ, რომ... თუ რასაკვირველია, ამას შზიას მეტი გამიგებს ვინმე... იმ ამბავზე ლა-პარაკი ზოგიერთივეთ შეგებას კი არა მგვრის, ფიზიკურ ტკივილს მაყენებს, აი ისე, მკერდზე რომ ვინმემ პირბასრი, წვეტიანი დანა მოგაბჯინოს! ავთან-დილ, გახსოვს, რუსთაველის ნათქვა-მი — თავსა ახლად ვერვინ იშობსო! გახსოვს, არა? ძალიან კარგი. ადამიან-ნის სულისა და ჯერაც ბოლომდე შე-უცნობელი მისი ბუნების ამ მესაიდუმ-ლეს რამ ათქმევინა ასეთი რამ, ჯერ კი-დევე როდის, ჰაჰ! პირდაპირ გაკვირვე-ბასა ხარ ადამიანი! ახლა ეს ყველა-ფერი შედარებით, მეცნიერების წყა-ლობით უკვე ისე ნათელი და აშკარაა! თავსა ახლად ვერვინ იშობსო!!! წარმო-გიდგენია? რაშია საქმე!!! რატომ ვერ იშობს... და რას ვერჩი მაშინ იმ რატის, იმ „გადამთიელის სისხლს“, იმ მუსა-ვირს?!. იცი, რა არის ქრომოსომი? არა? ქრომოსომი არის ჩვენი სხეულის იმ უჯრედის სულ ქვედა შრე, სადაც ძვეს... გენეტიკური კოდი. ეს იმას ნიშ-ნავს, რომ უჯრედის ამ ქვედა შრის წყალობით, თუ ნება-სურვილით გან-პირობებულია ჩვენი რაობის უმთავრე-სი შინაარსი. ჩვენი ქცევის, ჩვენი ხასი-ათის, ჩვენი ბუნების მთავარი მი-მართულება, შორეული წინაპრიდან მომდინარეც კი, ეს თავისებურება მემ-კვიდრეებში აუცილებლად იჩენს თავს და, ვაი შენი ბრალო, თუ რაიმე ავ საწყისთან ვაქვს საქმე!.. ერთი შეხედ-ვით წესიერი, კარგად აღზრდილი ოჯა-ხიშვილის არსებაში მოულოდნელად ისეთ გამოვლინებას ვაწყდებით, თავ-ზარი გვეცემა. ერთ ასეთ სასტიკ გა-მოცდას თურმე მეც უნდა წავწყდომო-დი სწორედ იმ ჩემი ახლობელი ადამი-ანის სახით! შევხვდი... გავიცანი ერთი

ფრიალ მომხიბლავი ჭაბუკი, ავთანდილი ზენ კი არა, იმას უნდა რქმეოდეს, არ გეწყინოს, კი არ დაგცინი, წარმო-სადევობას ვგულისხმობ. რომ შეხე-დავ, შეუძლებელია, არ გაიფიქრო — „ვეფხისტყაოსანის“ ავთანდილიაო! რა თქმა უნდა, მომეწონა... ისე მომეწონა, რომ გული გადამიქანდა, ასეთი რამ მანამდე არ მომსვლია. სირცხვილი რომ არ ყოფილიყო, მასპინძელს წყალს ვთხოვდი გულის მოსაბრუნებლად. ვერ წარმოიღებარ, რა ცუდად გავხდი! ხე-დავ, რაებს გიამბობ, ჩემო ბიძაშვილო! იმ წუთიდან დაუფიქრებლად გადავ-წყვიტე — ჩემი ცხოვრების თანამჯავ-რი ვიპოვე-მეთქი! და ამის მერე არსად ისე არ მიმიხაროდა, როგორც ხარია-ულში. იქაურია რატი, ავთანდილი რომ მეგონა. იმ ხანებში მამაჩემმა იყნოსა „რალაც“, და ხარიაულში საავარაკო სახლის მშენებლობა წამოიწყო. რა იცოდა, თურმე, რა სიძნელეებს წააწყ-დებოდა, ვისა და რას ეუბირისპირდე-ბოლით იმ ჩემი არჩევანით!.. ჯერ იყო და, საძირკველი იმ საავარაკო სახლისა ამოყვანისთანავე მიუწვრიეს. ესტატეს უთხრა, გაცეცხლება აქ საქმეს არ უშვე-ლის. ხმა, კრინტი არ დასძრა, თითქოს სულაც არაფერი მომხდარიყო... მიზე-ზი უფრო რთულია, ვიდრე ერთი შე-ხედვითა ჩანსო! რამდენჯერაც უნდა დავგინჯრიონ, იმდენჯერ ხელახლა უნ-და ავაშენოთ სახლიც, ქვეყანაც!.. ასე-თი იყო თავიდანვე საქართველოს ბე-დიც და, მაშასადამე, ქართველისაცო. კეთილმან სძლია ბოროტსა — შემთხვე-ვით ნათქვამი და ცარიელი სიტყვები არ გეგონოსო. მართლაც გაჭრა სიკე-თემ, სიჯიუტემ და სიბეჯითემ. კედლე-ბი აშენდა... ჩასვეს კარ-ფანჯრებიც. მერე შუშებიც და.. მორე თუ მესამე დღეს თითქმის ყველა ფანჯრის შუშა ქვედა სართულზე ჩამსხვრეული დაგ-ვხვდა. ისეე ამოატანინა, და ისეე ჩაას-მევინა შუშები მამაჩემმა. ესტატე აღა-რაფერს ამბობდა, მხოლოდ თავს იქ-ნევდა წარამარა აქეთ-იქით. ისეე ჩაამ-

სხვრიც, მაგრამ ახლა უკვე ყველა არა, მხოლოდ ერთ მხარეს. ისევ ამო-
ზიდა და ჩასმევირა მამაჩემმა ჩამსხვრე-
ული შუშები. ერთხელ კი მაინც ვერ
შეიკავა თავი ესტატემ და გამომწვე-
ვად ჩაულაპარაკა მამაჩემს: — შენა,
სულხან, იძახე — ილია ჭავჭავაძემ
თქვა — სიკეთით სძლიე შენს მტერ-
სო და, მაგათ კი გამსხვრიონ და გამ-
სხვრიონ შუშები თავზედა! მამაჩემმა
სიცილით მიუგო.. მაშ, რა, ილია ჭავ-
ჭავაძისაც აღარ გეჭეროდეს?!. რადაც
უნდა დამიჯდეს, უნდა მივიყვანო სინა-
ნულამდე ის ჩვენი უხილავი მტრე-
ბი!.. — ელოდე შენა! — მოკლედ მოუჭ-
რა მამას ესტატემ. სოფელში სკა არ იც-
ოდნენ რა იყო. მამაჩემმა იმ არემარეზე
ფუტკარიც მოაშენა. ათი ოჯახი გაამ-
წკრივა ეზოში სახლიდან დასაველეთით.
გავიდა ხანი. ფიჭები თაფლით აავსო
ფუტკარმა და.. ერთ „მშვენიერ“ დღეს
მამაჩემს ათიდან მარტო სამი სკა-ლა
დახვდა. ისევ შეავსო ათამდე. მერე
კიდევ ორიც დაუმატა. ისევ მოპარეს
ნახევარი.. ორი სკა კი იქვე სულ მი-
ელეწ-მოელეწათ. ეს უკვე მარტო ქურ-
დობა აღარ იყო. რა სიძულვილის, რა
ველურობის ელფერი ედო ამას ყველა-
ფერს, თუ შენი თვლით არ ნახავდი,
ვერ წარმოიდგენდი. მაგრამ ეს საქმის
სხვა მხარეა. შორს წავედით. შენ კი
სხვა რამ გაინტერესებს. კონფლიქტი
იმ ჭაბუკთან..

ხარიაულში მორიგ ასვლაზე, მამა
მშენებლობაზე დავტოვე, ესტატესთან,
მე კი მზიასა და რატის სახლს მივამუ-
რე, ქვემოთ ცხოვრობენ. სოფელი
გზის გადღმა, მოპირდაპირე ფერდობ-
ზეა გაშენებული, აქეთაც ცხოვრობენ,
მაგრამ, ცოტანი. ეზოში რატის მეზობ-
ლის ბიჭი შემხვდა, ასე, შვიდი-რვა
წლისა. ჩემს საყვარელ ბატკანს, ამას
წინათ მზიას ნებართვით წითელი ბაფ-
თი რომ გავუკეთე, თოკით მიათრევდა.
ბატკანი კიდევ უფრო გაუძლიანდა,
მე რომ დამინახა. ბუჩქს წნელი წავა-
ტებე და ბატკანს გავუშვირე. ფოთოლი

დაყნოსა, მაგრამ არ მოუწიწიწია. ბიჭ-
ვუთხარი — სად მიეჩაჩები, ხომ ხე-
დავ, არ მოგყვება-მეთქი. მაგის ნებას
უკანა ეზოში უნდა გადავაბა, მითხრეს,
აქ ბალახს აფუჭებსო. მაინც ისეთი
რა უნდა გაეფუჭებინა? რა მეთქვა..
მე აქ ჯერ არაფერზე ჩემს უფლებას
არ ვაცხადებდი. ავედი მეორე სართულ-
ზე, ვეძახი რატის, მზიას. ხმას არავინ
მცემს. შევედი დიდ ოთახში — აქ ზა-
ლას რომ ეძახიან. ეს სტუმრის მისაღე-
ბი და სასაღილაოა. დარაბები მოხუ-
რულია. თითქმის ბნელა, ღრიჭობში
ძლივს ატანს სინათლე. გავედი უკანა
აივანზე. მინდოდა მოაჯირს გადავყუ-
დებოდი და რატისთვის მეხმო, მაგრამ
ერთბაშად შეეცბი. აივნის ბოძს მო-
ვეფარე, მგონია, არავის დაუენახივარ.
პირზე ხელი ვიტაცე, რომ არაფერი
წამომეყვირა... ის ჩემი საყვარელი
წითელბაბთიანი ბატკანი რატის უკანა
ფეხებით მკერდის სიმაღლეზე ეჭირა.
თავდაყირა დაკიდებული ბატკანი თავს
იჩნევდა, წინა ფეხებს აფხარკალეზდა
და უმწეო, საცოდავის წვრილი ხმით
ბლაოდა. ხელის ერთი გაკვრით რატიმ
ბატკანს ბაფთა წააგლიჯა, თითქოს უნ-
დოდა ეთქვა — ეს რაღა ჯანდაბაო
და.. მოისროლა. მერე ბატკანი მოს-
ხლეტით მიწას დაანარცხა, წახრილმა
თავში ხელი წაავლო, განზე გადაუწია
და ისე ნელა, რადაც ენით უთქმელი
სიამოვნებითაც კი გამოუსვა ყელში
დანა, რომ რა ვთქვა.. ახლაც ამას რომ
ვლაპარაკობ და ყველაფერს ცხადლივ
ვისენებ, ტანში მაქრიალებს... ხელის
იმ მოძრაობაში იყო რადაც მეტი და
უარესი, თითქმის შემზარავი, ვიდრე
უმწეო ცხოველის დაკვლა... ხელის
მოძრაობაზე ადამიანს ხომ ეტყობა —
სიამოვნებს თუ არა, რასაც აკეთებს!..
სხვა არაფერი მახსოვს.. ეტყობა,
მაშინვე გული წამსვლია და წაგქეულ-
ვარ... სახეზე ნასხურებმა წყალმა გა-
მომამხიზლა, გონს მომიყვანა. თვალი

ლადო ავალიანი

„ბადაშთილის სისხლი“

რომ გავახილე, პირველად გასისხლი-
ანებული ხელი დავინახე... რატის ის
ხელი ისე ეჭირა, თითქოს უნდა მომე-
ფეროსო... თავს ძალა დავატანე, წა-
მოვდექი და... გამოვიქეცი. იქ რალა და-
მაკავებდა... მიკვირს, რომ მზიამ ვერა-
ფერი შეიტყო იმ წუთას... სულ ამისი
მეშინოდა, რომ მოვრბოდი... კიდევ
კარგი...

შეიძლება ვინმემ თქვას — მერე რა
მოხდაო! გააჩნია ვისთვის!.. იცი, ავ-
თანდილ, შეუძლებელია ვიგუო ადამიან-
ი, — დაუნდობელი და, ადამიანი —
ცივისისხლიანი! იმ დღეს ასეთად მომე-
ჩვენა რატი. და ამიტომაც სამუდამოდ
გამოვეთხოვე გარეგნობით ასე წარმო-
სადგე, ასე მომხიბლავ ჭაბუკს! მეტი
რა გითხრა, ავთანდილ! რა მკითხე,
მარტო იყოო? არა, იქვე ორი მეზო-
ბელი იდგა. ერთი — მისი თანატოლი,
მეორე, უფროსი, თითქმის შუახნისა.
ის მეორე რალაცას ლაზღანდარობდა და
თან საშამფურე ჩხირებს ასუფთავებ-
და. რა იქნებოდა, რატის ან ერთისა-
თვის, ან მეორისათვის ეთხოვნა —
ბატკანს მე ნუ დამაკვლევინებთო,
მაგრამ არა... დაკვლის სიამოვნება
თვითონ უნდოდა მიეღო, „ივაჟაკა“
იმათ თვალში. იმასაც არ მოერიდა,
ბატკანს ჩემად თვლიდა, თვითონ არ
იყო, ისე მოგეჩვია, სულ უკან დაგდექს
გამოჩნდები თუ არა, შენი იყოსო!..
და ამის მერე... შენ რას იტყვი? ხომ
ვარ მართალი, ავთანდილ! როგორც
წელან გითხარი, თუ რამე მძულს, თუ
ვინმე მძულს — პირველ რიგში — აი
ასეთი დაუნდობელი და ცივისისხლიანი
ადამიანი... გარეგნობით, წელან რომ
გითხარი, თუ გინდა ავთანდილსაც
ჰგავდეს... მაგრამ რა ქნან დაუნდობ-
ლებმა და „ცივისისხლიანებმა?“ თუ
ქრომოსომში ჩასახლებულ მთავარ დამ-
ნაშავესთან გამკლავება არ ხერხდება..
და, რა ვქნათ ჩვენ...

ღიახ, რატი გახლავარ. აგერ დაბრძან-
დით, გნებავთ, მამაპაპურ ტახტზე, ეს

პაპაჩემის დროინდელი ფარდაგი და/
მუთაქაა!... მაგნიტოფონი? რა...
გსურთ, მაგნიტოფონთან ახლოს მე
ჩამოვჯდები, აგერ, მაგიდასთან... თქვე-
ნი სახელი? ავთანდილ! კეთილია, ბრძა-
ნეთ. ყამარი? ჩემმა დაიკომ, მზიამ გა-
მაცნო. მზია და ყამარი, იცით, ალბათ,
ერთ კურსზე, ერთ ფაკულტეტზე სწავ-
ლობენ უცხო ენათა ინსტიტუტში.
ღიახ, ფრანგულზე. მე? ბოტანიკოსი
ვარ. ინსტიტუტი წელს დავამთავრე,
გაზაფხულზე... თუ მე და ყამარი... ვი-
ქორწინებდით, მაშინ, ასპირანტურაში
გავაგრძელებდი სწავლას, თუ არა და,
როგორც იტყვიან... სოფელი დიდია,
რა მოხდაო, გაინტერესებთ... თქვენ,
როგორც წელან გამაცანით თავი, ყა-
მარის ბიძაშვილი ხართ. ძალიან კარგი.
ნათესავს შეიძლება უფრო მეტი უთხ-
რა, ვიდრე ვარეშეს. აპა, იურისტი,
იურიდიული ფაკულტეტის მესამე
კურსის სტუდენტი. ბატონმა სულხანმა
გთხოვათ, ერთმანეთს გავსაუბრებო-
დით. მამა და ჯერ კიდევ არ კარგავს
იმედს... გასაგებია. ყამარმა იცის რამე
ამის შესახებ? არა, დასამალავი რა
იყო? საჭიროდ არ ჩათვალეთ მისი ინ-
ფორმირება! არა, უბრალოდ მიანტე-
რესებს, ის რას ფიქრობს. ვიცი, ტაქ-
ტიანი გოგოა და არა სჩვევია ყველა-
ფერში უხეშად ჩარევა. მაგრამ, მე
მგონია, დაინტერესდებოდა... რასაკვირ-
ველია, ახლა ეს საკითხი არ დგას
„ღლის წესრიგში“, როგორც თქვენ
ბრძანებთ. მე ყველაფერს შეძლების-
დაგვარად გულახდილად და დალაგებით
გიაშობთ.. თუმცა ეს „ყველაფერი“
ისეთ სფეროს განეკუთვნება, ვინ დაა-
ლაგებს და რა დაალაგებს!.. რა თქმა
უნდა, ჯერჯერობით ზოგ რამეში თვი-
თონაც ვერ გავრკვეულვარ, მაგრამ,
იცით... ვიყოთ გულახდილი... ყამარმა,
ცოტა არ იყოს, შემაშინა.. თავისი ქცე-
ვით!.. მე ძლიერი ნებისყოფის, გაწო-
ნასწორებული, ნორმალური ადამიანი
მჭირდება ცხოვრების თანამგზავრად!
როგორ გეკადრებათ... ჯერ ამ ერთი

უცნაური შემთხვევის გამო როგორ შე-
მიძლია ასეთ გოგოზე უარი ვთქვა!.. მე
სხვა რამის თქმა მსურდა... თქვენ ცო-
ტა ჩქარობთ, მომავალ... იურისტო!
სრულებითაც არა?! ბოდიში, აგრე
იყოს! იცით, ჩვენი ოჯახი ისედაც ტრავ-
მირებულია და... მე ახლა იქნებ უფ-
რო ადვილად მადიზიანებდეს სულ უბ-
რალო რამეც კი... დიახ, ტრავმირებუ-
ლი... ამ ოთხიოდე წლის წინ მე და
მზიას დედ-მამა დაგვეღუპა. ავტობუსის
ავარია მოხდა. ნაწვიმარზე, უმოაჯირო
ქვის ხიდიდან ასხლეტილი ავტობუსი
ხრამში გადავარდა. დიახ, ძველისძვე-
ლი ხიდი. აგერ, სოფლის ბოლოს. არც
წყალაა ღრმა, არც ხევი, მაგრამ...
თოთხმეტი მგზავრიდან მარტო ხუთი
გადარჩა... სწავლა არც მე, არც ჩემს
დას არ მიგვიტოვებია, მაშინ ის ჯერ კი-
დეც საშუალოში სწავლობდა... ბიძები
ამოგვიდგნენ მხარში. ჩემი — დედის
ძმა, მზიასი კი, მამის ძმა... მერე კიდეც
ბავშვობიდან თითქმის ერთად გაზრდილ
მეზობლის გოგოსთან მომიხდა უსია-
მოვნება. გეტყოდნენ, ალბათ... სამიო-
დე კვირის წინ ისე უცნაურად რომ
დაიღუპა! მეტსახელად „გადამთიელის
სისხლს“ ეძახდნენ. აშურად მარტო მა-
მა უხმობდა. სოფლისთვის კი, როგორც
გიოთხარით, ის დიდი ხანია „გადამთიე-
ლის სისხლი“ იყო. ნულარ იტყვიოთ,
უცნაურზე უცნაური! ახლა მე და თქვენ
თითქმის ტოლები ვართ. რა დასამა-
ლია, ამ ასაკში რა გასაკვირველია ჭა-
ბუქს სისხლი ზედმეტად უღუღღესი..
ის კი ძალიან თამამი, უცნაური იყო.
მოგვწონდა ერთმანეთი. ის კი არა, ერ-
თი სული მქონდა, როდის დავიმორჩი-
ლებდი... ამის სურვილს ის ბუნებრი-
ვად ბადებდა... ეგეთი აწყვეტილი რომ
შენს ნებას დაუთმორჩილო, თვლი, რომ
ბიჭობაც ეს არის და, მაშინ ხარ ვაჟკა-
ცი! რას გედიმება, ცოტა რადაც...
შემპარავად? გენიშნა რამე, შენცა
გქონდა ასეთი შემთხვევა, არა? ჰო, ეგე-
თი გოგო იშვიათობაა!.. ერთხელ, ლა-
მით, შარაზე რომ მოვდიოდით.. მეზო-

ბელ სოფელში კინოს ატრიალებდნენ...
რომ ვბრუნდებოდით, ის იყო...
ეზოს ვუახლოვდებოდით, რომ ერთხან-
შიად მეცა, ტუჩებში რომ ვერ გამიბე-
და, აი, ეგრე მოვდილ მკერდზე მაკო-
ცა და... მიკბინა. მერე რა მწარედ! მე
მოულოდნელობისაგან შეგვევირე კიდე-
ვაც!.. ის გაიქცა. ერთხანს გაოგნებული
ვიდექი შარაზე... მთელი ღამე არ მძი-
ნებია. ან კი რა დამაძინებდა. ამ გამოწ-
ვევამ ისე იმოქმედა... ძილი კი არა,
თავიც დამავიწყა... ნაკბენი მიფეთქა-
და. გამომიზუნდა. დილით მედუბუნქტიმი
გავიბარე. მზიასთვისაც არაფერი მით-
ქვამს. ნემსები დამჭირდა. კარგად დამ-
ჩხვლიტეს. ამის მერე, რამდენიმე დღე
ის „გადამთიელის სისხლი“ ეზოშიაც
აღარ გამოჩენილა. შორიდან მალულად
მითვალთვალებდა ხოლმე. ვერ მოვი-
ხელთე, გამირბოდა... ალბათ, უფრო
მეტად რომ მომნატრებოდა და მეც რა-
მე, უფრო დიდი სისულელე ჩამედინა.
გარეგნულადა? გარეგნულად ეგეთი
იყო... ვერ დაიწუნებდი. თანაც, ალბათ,
უცნაური. მალალი არ ეთქმოდა, მაგ-
რამ მოხდენილი გოგო კი იყო. თავი
ეგერ, იმ მსხლის მოყვანილობისა ჭქონ-
და. ნიკაბი ზომიერად ბრტყელი, ოდნავ
გაყოფილი და რაღაცნაირად ლამაზი,
მოგვწონებოდა. შავი, შავი თმა, ფოლა-
დივით ოდნავ აქა-იქ მოლურჯოდ მზი-
ნავი. ასეთივე შავი წარბები, სწორი,
გაფრენილივითა. ესევე შავი წამწამები,
თანაც ისე გრძელი, შეგაეჭვებდათ,
ხელოვნურად წაგრძელებული ხომ არ
არისო... კიდეც უფრო შავი თვლები,
თანაც შუშის ნატეხივით სხივს რომ
ირეკლავს, იგეთი. ერთი სიტყვით, ძნე-
ლი იყო, არ მოგწონებოდა, მაგრამ გა-
გოცებდათ ერთი რამე... ოდნავ მოყვი-
თალოსავით და, ცოტა გამჭვირვალესა-
ვით მოთეთრო სახის კანი, ერთხანში
რომ გადაუფიორდებოდა ხოლმე, თუ
რამე ეწყინებოდა, ნაცრისფერი დაედ-
ბოდა და მარტო ეს შეგაკრთობდა. ეს
მკვდრის ფერი უსიამოვნო გრძნობას
ადვილებდა!..



სწორედ იმ ხანებში მზიამ თბილის-
ში, ჩვენი უფროსი ბიძის ოჯახში ყაპა-
რი გამაცნო. ძალიან მომეწონა. მაგის-
თანა გოგოს სიზმარშიაც ვერ ნახავს
კაცი. გადავწყვიტე — როგორმე ჩამოვ-
შორებოდი „გადამთიელის სისხლსა“ და
დავახლოვებოდი ყაპარს. ჩემს დასაც
ეს უნდოდა. დები საერთოდ ძალიან გა-
ნიცდიან, თუ ვის უახლოვდება იმათი
ძმა. მზია ყაპარს, რა თქმა უნდა, ჩემზე
უკეთესად იცნობს. ერთ კურსზე არიან.
ორი წლის ახლო ნაცნობობა, მეგობ-
რობა ბევრსა ნიშნავს! საქმე ის იყო,
მე მოვეწონებოდი თუ არა ყაპარს. სა-
ბედნიეროდ, მოვეწონებოდა. ეს რომ
ბატონ სულხანს შეუტყვიდა, მე და მზია
ოჯახში მიგვიწვია. გაგვეცნო, გაგვიც-
ნო, უფრო სწორად, მე გამიცნო, მზიას
უკვე იცნობდა, რასაკვირველია. მერე
ისე მოხდა რომ ხარიაულში აგარაკის
აშენებაც კი მოისურვა. მაგის დედის
დედა, ხარიაულიდან ყოფილა. სწორედ
ბებიის რა ხნის დაქვეშულ ნაფუძვარზე
გადაწყვიტა სააგარაკო სახლის აშენე-
ბა. სოფლის თავაკებებს გაეხარდათ,
ბატონი სულხანი ხომ ბავშვების ექი-
მია. ჩვენს შვილებსა და შვილიშვილებ-
საც ხანდახან მიხედავსო. გამოუჩანეს
საუკეთესო ოსტატები. დაიწყო მშე-
ნებლობა. ხშირად მეც იქ ვიყავი. ბა-
ტონ სულხანისა და ყაპარის გვერდით.
ახლა რაკი სახლის მიზეზით ბატონ
სულხანს ხშირად უხდებოდა ხარია-
ულში ჩამოსვლა, ყაპარიც თან ახლდა
ყოველთვის. ყაპარი ხომ დედით ობო-
ლია, და ბატონი სულხანი მისთვის
მამაც არის და დედაც. თუ მე მშე-
ნებლობაზე არ დავხვდებოდი, ყაპარი
მაშინვე ჩვენთან ჩამოირბენდა ხოლმე...
ჩვენს ურთიერთობაში შეიძლება ზედმე-
ტად თავშეკაგებულიც ვიყავით. ყაპარი
მეტისმეტად ამყიციდა. უბრალოდ, უმი-
ზეზოდ თითს არავის შეახებინებს. მე
ეს მომწონდა. ასეთი ქალები ახლა
იშვიათობაა. მხოლოდ ძველ წიგნებში
თუ იპოვი ამათ პროტოტიპებს. და
უცებ ასეთი მოულოდნელი ამბავი...

ჩემი დანახვა, ჩემი ხმის გაგონებაც
ალარ სურს თურმე!!! სამი კვირაა...
რიაულში ალარ გამოჩენილა. იმ ნაცსიან
დღეს ვერ გავბედე მშენებლობაზე
ასვლა, მეკითხა მაინც, რა მოხდა ისე-
თ... მივხვდი, როგორ არ მივხვდი...
ჩვენი სახლის უკანა აივნებიდან, მგო-
ნია, თვალი მოუკრავს როგორ დავკალი
ბატკანი. უნდა ვალიარო, შევცდი,
ალბათ, მაგის საყვარელი ბატკანი რომ
დავკალი. კაცებს ხშირად მოსდით ასე-
თი შეცდომა!.. არასგზით ისეთ შედეგს
არ მოელი, როგორც მოჰყვება ხოლ-
მე!.. ნაცნობი შემპირდა და მომატყუა,
იმ დღისათვის ისეთივე ბატკანის ჩა-
მოყვანას, მე რომ ყაპარს ვაჩუქე. იღბ-
ლად მზიაც რომ არ იყო შინა, ქვე-
ვით, ბოსტანში საქმიანობდა. ყაპარს
სახლში ვერავინ უბოვია და ბოლოს,
უკანა აივანზე გამოსულა. იმ მეზობ-
ლის ბიჭმაც რომ არაფერი მითხრა,
წინა ეზოში ის ქალაქელი ქალიშვილი
შემხვდაო... ეგრე ყველაფერი როგორ
აეწყობა ხოლმე ხან საწაღმართოდ,
ხან საუკუღმართოდ. გამოსულა ყაპარი
და ყველაფერი დაუნახავს. გავიგონე
აივანზე რალაცამ ბრავგანი რომ მოა-
დინა, ჯერ ვიფიქრე — ასე ჩუმად მზიამ
გვერდი როგორ აგვიარა და შინ ავიდა-
მეთქი, ერთი გავძახე, პასუხი რომ არა-
ვინ გამცა, მეზობელმა მითხრა — კატა
თუ იყო. მეც ვიფიქრე, იმ გაგარეუ-
ლებულმა კატამ თუ ჩამოაგდო რამე-
მეთქი, ავეარდი წამში, გასისხლიანებუ-
ლი ხელის ჩვარზე გაშენდაც ვერ მო-
ვასწარი, რას ვიფიქრებდი... ვხედავ,
რის კატა, რა კატა, აივნის იტაკზე ყა-
პარი არ გაშხლართულა! გულწასულ-
სა ჰგავს, გადაფითრებულია. პეშვზე
წყალი დავისხი დოქიდან, ცოტა მე-
ტიც მომივიდა, სულ ჩამოვიდვარე...
ვასხურე ყაპარს. უმალ გონს მოვიდა,
ჯერ აახამხამა, შემდეგ ფართოდ გახე-
ლილი თვალები შემომაფეთა და ზეზე
წამოიჭრა. ხელი მკრა და ოთახში შე-
ვარდა. მეც, რასაკვირველია, გავდევე-
ნი... კიბეზე რომ ჩარბოდა, დავეწიე...

ერთი ამომხედა რაღაც გაგულისებით და ხმადაბლა, მაგრამ ისეთი კილოთი მითხრა — არ მომეკაროო, სულ მთლად მოვიშალე, უტყაბედად სისხლიან ხელზე დავიხედე.... ცოტა ხნის შემდეგ გონს რომ მოვედი, მაშინაც აღარ გავდევნებოვარ... ერთი კი გავიფიქრე, ხომ არ გავიყებულა-მეთქი. სხვა რა უნდა მეფიქრა. მერე ეზოში ჩავედი. მეც არ ვიცი რატომ, მუსავირის მხარეს დობესთან მივედი, მუსავირი ეზოში მიდი-მოდიოდა, იმათ ხომ სულ ჩვენი ეზოსაკენ უჭირავთ თვალი! გადარაჯებულებივით არიან. დამიძახა — რა მოხდაო! გამიკვირდა. რა ხანია ხმა აღარ გაუცია. არაფერი-მეთქი, მერე მაინც გავეპასუხე სიცილით, — ყამარს მგონია დაუნახავს, ბატკანს როგორ ვკლავდი და გული წასვლია-მეთქი. მუსავირის გვერდით როდის, როგორ აიტუზა ლანდივით „გადამთიელის სისხლი“ არ შემინიშნავს. მუსავირმა, ეტყობა, ჩუმად გადაუჩურჩულა ქალიშვილს ჩემი ნათქვამი... „გადამთიელის სისხლმა“ კი უეცრად რაღაც ველური შეიკვლევით შეასაყვავა ჰაერში მკლავები, გაირბინა ეზოში და ხმამაღალი ძახილით ბატკანის დაკვლაზე გული წასვლიაო, გაგორდა და გამოგორდა ბალახზე. მუსავირმა ერთი გახედა ქალიშვილს რაღაც გამოუცნობი მზერით, და კიბეს აუყვა. „გადამთიელის სისხლი“ კი გორავს ბალახზე და თან კივის, იცინის — გული წასვლია, გული წასვლიაო... და რა მოჰყვა ამას ყველაფერს, თუ იცით?! გეტყოდნენ, აბა რა იქნებოდა... კვილ-სიცილში, სულ რამდენიმე წუთს რომ გავგრძელდა, „გადამთიელის სისხლს“ გულიც... ვასკდომია... გესმით?! სიხარული თუ კაცს მოკლავდა, არ ვიცოდი!.. ეგონა, ალბათ, მეტოქე ჩამოვიცილე, რატის ასეთი ქალი რაში გამოადგება, ბიჭი ისევ მე დამჩხებაო!.. რა თქმა უნდა, ასეც რომ მომხდარიყო, და ყამარზე მართლა უარი მეთქვა, მაგათი ოჯახის სიძეობაზე, ალბათ, სიკვდილის შიში-

თაც ვერ დამიყოლიებდნენ!.. რატომ? თუ ის გოგო ადრე მომწონდა?.. რატომ და შენ შეხვიდოდი იმ ოჯახში, რომელსაც მთელი სოფელი სძულს და სოფელს კიდევ ისა? იმ ოჯახში, რომლის უფროსიც სოფელ-სოფელ ძაღლებს დასდევს, ბადით იჭერს, პუნქტში ჩასაბარებლად და თავს ამით ირჩენს! იმის ფასად ძაღლებს ტყავი რომ ცოცხლად გააძრონ... რა სიცოცხლეა ეს სიცოცხლე. ეგ არაფერი. მერედა, რა სიამოვნებით აკეთებს ამას, ნეტავი გაყურებინა! საბარგო მანქანის დაბალ ძარაზე გალიაში გამომწყვდეულ, თითქოს ტრაგიკული წინათგრძნობით საშინლად დანაღვლიანებულ ძაღლებს გისოსებიდან აქა-იქ დრუნჩი რომ გამოუყვიათ და ხმადაბლა წკავწყავებენ, თითქოს ქვითინით მოთქვამენო, მუსავირი გვერდით მისდევს და თვალეში დროდადრო ხშიერად აფურთხებს საცოდავებს! სხვისი ტანჯვა, ცხოველიც რომ იყოს, ადამიანს სიამოვნებას უნდა ჰგვირდეს?.. გამოგიტყდები და, იმ ბატკანის დაკვლის შემდეგ ბევრი რამ რაღაც უფრო მწყვედ ვიგრძენი. სწორედ ყამარის წყალობით... მაგ მუსავირის წამხედურობით კი სოფელში რამდენმა ისწავლა არაადამიანურად ქათმის დაკვლა!.. როგორ? როგორ და, ქათამს კისრის ძირში წაუჭერს ხელს. აფართხალებულ ფრინველს კისრის ზედა ნაწილს მეორე ხელით გადაუგრებს და თვალის დახამხამებაში თავი წაგლეჯილია. ახლა, გზაზე რომ მიდის... თუ რამე სულიერს წამოეწია, ბაყაყი იქნება, ხოჭო თუ ლოკოკინა, თავისი რეზინის სქელლანჩიანი ფეხსაცმლით ისე გასრესს, თვალს არ გაახამხამებს!.. რა გინდა, რას ერჩი — იყოს, იაროს! თუ სადმე შორს არ არის წახეტებული, დღისით, ჩვეულებრივ, უფრო ხშირად სძინავს, ღამით კი, სოფელს რომ სძინავს, ეგ ფხიზლობს, სულ ერთია მთვარიანია, უმთვარო, წვიმიანი, ქარიანი. დაბორიალებს ეზოში, ვითომ რაღაცას ასწორებს, რაღაცას ეძებს...

მერე დაადგება სოფლის შარას... იქნებ სასაფლაოზედაც ავიდეს... მე შენ გეტყვი, რამის შეეშინდება! იქ რას აკეთებს, რა ესაქმება, კაციშვილმა არ იცის... იმ უდროო დროს იქაურობას მის მეტი ვინ გიყი გაეკარება. ერთი ჩვენი გამწარებული ქვრივი დედაკაცი იმასაც აბრალებდა — მკვდრებსა... ძარცვავესო, ახალ დასაფლავებულ მკვდრებს ტანსაცმელსა ხდისო!.. კაცი გაგიყვლება ამნაირ ლაპარაკს რომ ყური უგდო! მე მგონია, ზოგ რამეს უგონებენ... ყველა კატას მაგასა ჰკიდებენ... მთავარი ეს კი არა, მაინც ის არის, რომ რაღაც თითქოს ჩვენც ვადმოგვედო... რამდენი ჰბაძავს უკვე ხან რაში, ხან რაში!.. დიდი მიხვედრა, ალბათ, არ სჭირდება კაცს, ბატონ სულხანის საგარაკო სახლს რომ დროდადრო აოხრებდა, ფანჯრის შუშებს უმსხვრევდა, სკასა ჰპარავდა, სულ ალბათ, მაგისი და სამიოდე მაგის ამყოლის ოინებია. ისე გაძლება არ შეუძლია...

ღიახ, მზია ვარ. რაღას მიცნობდით... სულ ერთხელ განახეთ. შარა შანწინ ყამარმა ავტობუსის გაჩერებასთან რომ გამაცნო თქვენი თავი. ვიცი, მივხვდი, რაც უნდა იყოს შეხვედრის მიზანი და... საუბრის თემა. წინასწარ უნდა ვითხრაოთ, ძალიან გამიჭირდება, მაგრამ „ხელცარიელს“ ხომ ვერ გავიშვებთ. ეს მაგნიტოფონი, მგონია, ბატონი სულხანისაა, აგერ ჩემი ხელით არის მიწერილი ფლომასტერით „ყა-მა-რი“. წინააღმდეგი რატომ ვიქნები? ისე, უბრალოდ, გამიკვირდა. კი ბატონო, დარჩეს ჩემი ნათქვამის ჩანაწერი. მართო მე ხომ არ ვიქნები... ჩემს ძმას უკვე გასაუბრებიახართ. საინტერესოა, რა გითხრაოთ... თავს ხომ არ იმართლებს, არა? დაგვიანებული სინანულია. მე მგონია, ამ საქმეს აღარაფერი ეშველება. ჩემთვის, იცით, ეს რა არის? ერთი სიკვდილი გავათავებო, რომ იტყვიან... რას ამბობთ, ასეთი სარძლოს დაკარგვა!.. ყამარის დაყო-

ლიება ღმერთის ძალ-ლონესაც აღემატება! იდეოსინკრაზი ხომ არ იცის რასაც ნიშნავს... სწორედ ეს გარემოება განაპირობებს კერძოდ, ყამარის შემთხვევაში, იმგვარ რეაქციას. მე არ ვამტყუნებ... ყამარი სწორედ ასეთი მომწონს! ის ჩემთვის ისეთივე ახლობელ ადამიანად რჩება, როგორც ამ კონფლიქტამდე იყო. რატის, შეიძლება, ბოლომდე ჯერაც არ ესმის, რა სულიერი ტრავმა მიაყენა ყამარს. ყველაფერი, ერთის მხრივ, ბედია, მეორე მხრივ, იღბალი! ბედია ჩემი ძმისთვის, უფრო, უბედობა!.. იღბალია — ყამარისათვის... ცოტა გვიან, შეიძლება კიდევ მეტი და მძიმე შედეგი მოჰყოლოდა, იქნებ... ტრაგედია! ყამარი, ერთი შეხედვით, სუსტი არსებია, მაგრამ ხშირად გარეგნობა მაცდურია! მთავარი მაინც სულის ძალაა და არა კუნთის. მახსოვს ასეთი შემთხვევა, როდესაც ხარიალში ხმა დაირხა — რატის საცოლო „გადამითიელის სისხლი“ აშურა კი არა, ყამარი არისო, ა-ის ჩვენი მეზობელი მუსავირი და მისი ქალიშვილი სამკვდრო-სასიცოცხლოდ გადავიკიდეთ. „გადამითიელის სისხლი“ ხმამალა გაიძახოდა — თუ კიდევ ერთხელ გამოჩნდა ის ვიღაც ყამარი ამ ჩვენს არემარეზე, მოგვკლავო! ყველას შეგვეშინდა, აბა რა იქნებოდა... მე შენ გეტყვი, ჰქუა დაუშლიდა თუ რა! თავისი მუქარის დასტურად გამოიტანდა ხოლმე ორულულიან სანადირო თოფს და ეზოში ისროდა, ვითომ ბელურებზე ნადირობდა. ამ ამბავმა, რაღა თქმა უნდა, ყამარის ყურამდეც მიაღწია... ჩვენც გაავფრთხილეთ, — ცოტა ხანს მაინც ამ არემარეზე არ გამოჩნდე, თუ მშენებლობაზე ჩამოხვალ, ნუ მოგაკავითხავ, ჩვენ თვითონ ამოვალთ და გინახულებთო. გავიგონია! მეორე დღესვე ის და მამამისი მშენებლობაზე ამოსულან თუ არა, — სხვათა შორის ეს მუქარა მამამისს დაუმალებს, — ყამარს არ დაუყოვნებია... უმაღლ ჩვენკენ გამოუწყებია. შარავე

ჯერ კიდევ შორიდან რომ დაეინახე ელდა მეცა, გავშეშდი. „გადამთიელის სისხლიც“ ამ დროს ეზოში იყო, თოფი, მართალია, თან არა ჰქონდა, მაგრამ გამოტანას რა უნდოდა. მოდის ყამარი, თანდათან უახლოვდება მუსავირის ჭიშკარს, ჯერ იმათ ეზოს უნდა ჩამოუაროს. ამასობაში „გადამთიელის სისხლმაც“ მოჰკრა თვალი შარაზე მომავალს, ჩაკბეჩილი მსხალი ბრაზით განზე მოისროლა. მკერდზე ხელები შემოიჭდო, თავი რაღაც ჭიუტად ნახევრად დახარა და ნელი ნაბიჯით მიაშურა „ჭიშკარს... უტყერი და კვანკალებ... იმის მაგივრად, ყამარმა შორიახლოს გაჩქარებით ჩაუაროს მუსავირის კარ-მიდამოს, მოულოდნელად მის ჭიშკართან ჩერდება და ღიმილით იტყობება აშურასაკენ, სარზე ხელმოჭდობილი... ნელა მიაბიჯებს ჭიშკრისაკენ აშურაც. მივიდა ღობესთან... გამომწვევად უტყერის ყამარს, თვალთ სჭამს და ზომავს მეტოქეს!.. არც ყამარი იღებს ხმას, არც აშურა: „გადამთიელის სისხლი“ ჭიუტად, ჭიჭურ უტყერის, უტყერის და უეცრად... გულზე აქამდე დაჭდობილი მკლავების ცაში აქნევით, მერე გასაფხავებით, ზურგს აქცევს ყამარს და ამორბის უკან... მორბის თითქმის სახეშეშლილი, ახლა უკვე მისებურად ფერდაკარგული... სულმოუთქმელად არბის კიბეზე და ერთი წამის შემდეგ კუთხის ოთახიდან ღია ფანჯარაში ისმის კვილისებური ისტერიული მოთქმა...

ყამარი კი იქაურობას არ შორდება. ჯერ შეიძლება კვილის ხმა არც გაუგონია... სარზე როგორც ეჭირა, ისევ ისე აქვს ხელი ჩავლებული... კმაყოფილია, მიაბიჯი ღიმილით გასცქერის მუსავირის ეზოს. სახლს... მე სულ იმის შიშსა და მოლოდინში ვარ, აი, ახლა გამოტანს თოფს ის შეჩვენებული „გადამთიელის სისხლი“ და, აი ახლამეთქი. მაგრამ, არა. იქნებ მამა არ ანებებს?.. ხარხარისებური მოთქმის ხმა კი ისევ ისმის მისი ოთახიდან...

მზის სხივი რომ აირეკლეს, თვალი მეცა ალაპლაპებული შუშა. მუსავირმა ფანჯარა ბრაზით მოხურა, მოხურა კი არა, მოახეთქა ჩარჩოს, მერე კოჭლობით აივანზე გამოვიდა, კიბის თავზე ერთი ადგილის ტკეპნას მოჰყვა და პირის მოძრაობაზე, გამომეტყველებაზე ემჩნევა, რომ იგიგება... გვწყველის, გვემუქრება, ალბათ. როგორც იყო, წელან რომ ერთბაშად წამერთვა, ხმა ისევ მომივიდა... ვეძახი, ხელს ვუქნევ ყამარს — მანდაურობას მოეცალე-მეთქი... იმას თითქოს არ ესმის, არც არაფრად აგდებს... მერე, როგორც იყო, სარს ნელა უშვა ხელი და, მადლობა ღმერთს, წამოვიდა იქიდან... ახლა კი ჩავიბრინე კიბე ფეთებით, ეზოში შემოსულ ყამარს ჩავეგებე... თავი, რასაკვირველია, ვერ შევიკავე საყვედურისაგან — ქალო, რას ფიქრობდი, მაგათთან ხუმრობა შეიძლება?! ვერა ხედავ, რა ალესილები არიან და, კიდევ ეგეთი გამოწვევა ესაჭიროებათ-მეთქი!.. გაიცინა, თითქოს აქ არაფერიაო. მკლავი მომხვია, გადამკოცნა და აქეთ დამიწყო დამშვიდება... — რაც უფრო მეტად შეგეშინდება... სიტყვას არ ამთავრებს, მიცინის, ისედაც ყველაფერი გასაგებია, რა ვთქვა. ფსიქოლოგიური შეტევის საუცხოო გაკვეთილი მივიღე! მკლავში ხელგაყრილი მომყავს, თან მალულად ვიციკირები მუსავირისაკენ. ის ისევ კიბის თავზე დგას, ისევ ერთ ადგილს ტკეპნის, როგორც კოჭლს სჩვევია, ეტყობა, ისეა მოშხამული, მისი სისხლის ერთი წვეთიც კი, ალბათ, კამეჩს მოკლავს. მახსოვს, ეგ უბედური, ერთი საშუალო ტანის, უბრალო შესახედაობის კაცი იყო, ცოტა ჯმუხი, სანამ სახურავიდან გადმოვარდებოდა. კრამიტს ამავრება თურმე, ჯერ იმ გაბარჯლულ თუთის ხის ტოტებს დასცემია, ჩამოუღეწავს, შემდეგ ძირს მოუდენია ზღართან. უღმერთოდ დამტკრეულა. ფეხიც მაშინ მოსტეხია და ცალი თვალიც დავსება. მარცხენით კოჭლობს, გადაბმული, მსხვილი

ქალარა წარბები სწორედ დავსილი თვალისაკენ ბოლოჩამოვარდნილი აქვს. სალი თვალის მხარეს კი — მრისხანედ აზიდული. რაღაც საშიში შესახედავი იყო ჯერ კიდევ ამ ცოტა ხნის წინ. ხანდახან მაინც, რა შემზარავი გამოხედვა ჰქონდა, ყამარი მეტყოდა ხოლმე — თუ მუსავირი ეზოშია, იქით ნუ გამახედებო!.. აშურა რომ დაედუბა, ეგ კაცი თითქოს ერთბაშად „ჩაქრაო“. იმ ცალ სალ თვალსაც აღარ ახელს ზეირიანად. თავი სულ დაბლა აქვს დახრილი და ქვეშევეს იცქირება. ცალი ხელიც უკანალებს... „სულ კარგად“ არის მაგისი საქმე. თან მეცოდება, თან მეშინია... როცა კი ეს შესაძლებელია, თვალს ვარიდებ. მაგის ტრაგედიასო, რა ბრძანეთ?.. მარტო ეს შემთხვევა — შვილის დაღუპვა განაპირობებსო? ვადაჭრით, თითქმის დაუფიქრებლად გიპასუხებთ — რასაკვირველია, არა! ქალიშვილი რომ ცოცხალი ჰყავდა, მაინც ნუგეში იყო, მაგრამ არც მაშინ ეტყობოდა რამე სიკეთე. ასეთებიც არიან. სიძულვილით თავიდანვე დადაღულებს, სიყვარული აღარ ექარებათ. სიყვარული სულს ანათებს, ლამპარივითაა. უამისოდ იქ ბნელა. სიძულვილი კი უფრო აბნელებს იქაურობას... მოდი და ასეთ სიბნელებებში გზა გაიკვლიე!

სწორად მოუტყველებიათ. ესტატეც მე ვარ და ხუროცა. რაზე გარჯილხარ, რა განტერესებს? მუსავირი თუ გამიგონიაო! გამიგონია რასა ჰქვია, მეზობელია! ნეტავი მართლაც არ გამეგონოს! რა მაგისი პასუხია და, მარტო ჩემი ხნისანებს თულა ახსოვთ, რომ ე მაგ მუსავირის ნათლობის სახელი შიოა! მაშა! მამამაგისი კი სულ სხვანაირი კაცი იყო, სოფელს უყვარდა. რა ხანია, მოკვდა. ერთ წუთს ვერ ნახავდი უსაქმოდა! სულ ფუსფუსებდა... დღისით კარ-მიდამოშია, ხეხილის მოვლაც კარგი იცოდა, საღამოთი კიდევ, გვიანობამდე იჯდა აივანზე და ჯამებსა თლიდა... კაი ხელოსანი იყო...

შვილი კიდევ იგეთია რომა, ნუტარ იტყვი... უსაქმურიცა და უცხოვრობა... როცა. ადრე, როგორც გითხარი, შიოს სახელით იცნობდა სოფელი, მერე კიდევ, მუსავირი შეარქვეს... ახლა აქ, ხარიაულშია, ეგ ერთი კომლიდაა — მანსურაშვილი, თუ ეგვეც კომლია... ქალიშვილიც ამ წინეებზე ღმერთს გადაულოცა და დარჩა ჯერჯერობით მარტო, ესე, იაქედა. მე რომ მაგისი ხასიათი ვიცი, დიდხანს კენტად ვერ გაძლებს. ხანდახან ბიძაშვილები აკითხავენ. ქალიშვილზე რას ვიტყვი? მაშ როგორ, ყველაფერიც მახსოვს... მაშ მეზობელი რის მეზობელია. რომც გინდოდეს შენა, თვალს გამოეპარება რამეი?! ის გოგო ჯერ, თვრამეტისაც არ იყო... საშუალოს დამთავრება, მგონია, მოასწრო, შარშანა, თუ წელსა... ეგა, აშურაი, პირველი ცოლის ხელში გასჩენია მუსავირსა. „გადამთიელის სისხლი“ რას ნიშნავსო? ეგ თქვენ უკეთ არ უნდა იცოდეთ, განათლებულმა ხალხმა? ჰოო, აშურას ეგრე რათ უხმობდნენო? აბა, რა ვიცი. სოფელმა ეგრე შეარქვა, ეგრე მონათლა. იცი, რას გეტყვი — სოფელში მეტსახელს ძნელად თუ ვინმე გადაურჩება. მართალი თუ გინდა, „გადამთიელად“ რომ მოგნათლავს, უნდა მიხვდე, სოფელი საქციელს გიწუნებს. კაი კაცი ყველა შინაურია. ი აშურაი კიდევ, მეტი რომ არა ვთქვა, უცნაურზე უცნაური გოგო იყო... ბიჭი ხარ და ამიხსენ! სოფელშია, კაცო, ძროხას არ უშვებდა, რო ცალი რქა არ მოეტეხა... მერე რა ოსტატურადა! ეგ კიდევ რა... თუ ამ არემარეზე სამფეხა ძაღლს წააწყდი, მეოთხეთი რომ კოჭლობს, კუდაგაც ქვნილ მამალს, წვერშეკრეტილ თხასა, სულ იმ „გადამთიელის სისხლის“ ოინია. მამალ კატებსაც იგრე ყვერამდა ის ცხონებული, რომ, რა გითხრა... ჩასვამდა მამამისის ძველი ჩექმის ყელშია და, ჰაიდა...ახლა შენც გეცინება და მეცა, მაგრამ მაგან რომ ჩვენს ძროხას ერთ დილას რქა მოს-



ტეხა, ჩემმა დედაკაცმა წყევლითა და კივილით აქაურობა აიკლო სოფელიც ადგა და „გადამთიელის სისხლი“ შეარქვა. ეგაო, ალბათ, ჩვენებური არ არისო! სად რა წაახდინოს, იმასა ცდილობსო... ერთსა და ორს ამისთანებს კი არა, უარესსაც გაუძღვებს სოფელი. მაგრამ წამხედურებიც რომ გამოუჩნდებიან! მაგისთანებსა, მარტო მოწინააღმდეგეები კი არა, მომხრეებიცა ჰყავს... რქამოტეხილი ძროხის პატრონი რომ ცოფსა ჰყრის, ეგერა, მეორეი სიცილითა კვდება! რა მოხდაო. ძროხის ცალი რქა რა არის, წყევლით მაგისთვის ი „გადამთიელის სისხლად“ დედაბუდიანა არ ამოაგდო... გესმის, კაცო?! აი, ადამიანი ეგეთია!

აიკლო სოფელი ე-მაგ „გადამთიელის სისხლმა“ და „წავიდა! რაღაც საიდუმლო სიკვდილით კი გამოასალმა წუთისოფელს ი დალოცვილმა ღმერთმა. კაცო, ერთი წუთის წინა თურმე ეზოში რომ გორაობდა ბალახებზედა, რაღაცნაირი სიცილით იქაურობას რომ აყრუებდაო, და... უცებ ყველაფერი რომ მიწყნარებულა... კიბეზე გადმომდგარ მუსავირსა ავად რომ ენიშნა თურმე ეს გაყუჩება, რამდენჯერმე უხმო — აშურა-აშურაო! მერე კი უყვირნია — ხალხო, შვილი მამიკლეს, შვილიო! საღამოს შინ რომ მიველ, ცოლი მარწმუნებდა — იმ არემარეზე არავისი ჭაქანება არ იყო, რანაირად უნდა მოეკლა ი გოგო ვინმესაო... ცოლი აივანზე მჯდარა, წინაღლით ფეხი იტყინა და ძირს ველარ ჩამოდიოდა... ა, ემ მუსავირის ეზო კი, როგორცა ხედავ, ხელისგულივითა ჩანს. არავისი ბრალიც არ არის, რამდენიც უნდა იქაქანოს და იხრიალოს მუსავირმა, შვილი ე — მაგათ მომიკლესო... რატისა და ყამარს გულისხმობს, კაცო! ვინ დაიჭერებს ასე ჰაი-ჰარადა... ხალხი ბრმა კი არ არის, ყველას კარგად იცნობს, რომ იტყვიან, კოჭებში ეტყობაო, ვინც შეეპყვდება, კარგად დააკვირდეს ი კოჭებშია და...

ეგეთი ადამიანი „გადამთიელის სისხლი“ რომ იყო, განა მარტო სხვას, თავის თავსაცა მტრობს... ავე თუ ახლა შენ ეგრე გინდოდა თუ არა, ყველაფერი კი დამაფქვევინე და... აი, ე — მაგ შენმა ბალღურმა უეშმაკო სიცილ-ლიმილმა გამაბრიყვა. არა, მართალი ხარ, გაბრიყვება რასა ჰქვია... ერთი სიტყვით, ადამიანიც იმ დაკეტილ კარსა ჰგავს, თუ „გასაღებს“ უპოვი... აგრე არ არის? შენ რომ წახვიდე, მე გაგიშვებ? გაკეთებული ღვინო კი არ უნდა დაგაღვეინო!.. რაიო, ნატურალურსაც ვერ დავლევო... მუსავირი უნდა ვინახულოო?.. კაცო, შენა, თავი ხომ არ მოგძულებია?.. მარგორ გავიგო... იმისი მონატრება!.. ძია სულხანმა დამავალო!.. აბა რა გითხრა!.. მე კი გულითა გთხოვ და — შენა, როგორც გენებოს!..

ძია სულხან, ბოლოს მუსავირსაც მივადექი. ვიფიქრე, ყველაზე ძნელი საუბარი, ალბათ, ამ კაცთან მომელისმეთქი. კიბეზე ავედი. ვიწრო აივნის კუთხეში ტახტი დგას, იქ რომ ზის ცხვრის ტყავის უსახელო მოკლეჭურთუკიანი, როგორც ამიწერეს, ის არის, სწორედ მუსავირი. ჩემს მისვლაზე არ წამომდგარა, მივესალმე. მერე ვეკითხები — თქვენა ხართ მუსავირ მანსურაშვილი-მეთქი? მიცქერის ცალი თვალით, სახე ჩემსკენ ნახევრად აქვს შემობრუნებული. ხმას არ იღებს. მერე ვკითხე, პირდაპირ... შორიდან აღარ დამიწყია. — რა დემართა შენს ქალოშვილს? სამედიცინო დასკვნით, გულის უეცარ შეტევას უმსხვერპლია... ადრე თუ უჩიოდა-მეთქი. მიცქერის, ხმას კი არ იღებს.

დავაკვირდი, ავხედ-დავხედე, ცოტა შეიშმუნა... პირის გაღება დააპირა, მაგრამ უმაღ მოკუმა... არ უნდოდა შეემჩნია, რომ ქვედა ტუჩი აუთამაშდა... — თქვით რამე!..

ხმას არ იღებს... ისევ მღუმარედ, გაშტერებით მიცქერის... იმასაც ვერ ვგრძნობ — ფიქრობდეს — თავიდან



მომწყდით... რაღაც კი უნდა მითხრას, მაგრამ ჯერ თითქოს ვერ გაუბედა... მეც ველოდები, მოთმინებით... ასე დაეინებული ცქერისაგან თუ რისაგან, არ ვიცი, ის ცალი, სადი თვალი აუბრჭყვიალდა. თვალის კუთხეში ცრემლის წვეთი ამოიზარდა... სულ მატულობს, მერე უცებ მოსწყდა, ლოყაზე ჩამოცურდა. თვალი ისევ ცრემლით აევსო... ახლა უკვე დაბალუპით ჩამოსდის... არც კი ინძრევა, არც იმშრალეხს... მხოლოდ ქუთუთოებს თუ შეატოკებს დროდადრო.

არ ვიცი, როგორ მოვიქცე... ის ახლა იმ ცრემლით საჟსე, ამღვრეულ-აბრჭყვიალებული ცალი თვალით მიცქერის... რაღაც უცნაურად ტირის... თუ ეს ტირილია, ისიც უხმოდ. მაგრამ რაღაც არ ჰგავს... არაფერი ამისი მსგავსი არ მინახავს!..

თვითონ ერთხელაც არ შეტოკებულა, მხოლოდ ხელის მოკაკულ თითებს ამოძრავებს ფრთხილად... და ხორხის ბორცვი აულ-ჩაუდის, როცა ცრემლგარეულ ნერწყვს ყლაპავს ჩუმად; უხმოდ ტირის და მიცქერის... ვიცი, არც ყრუ არის, ჩემი ნათქვამიც კარგად ესმის, მაგრამ ჯიუტად სდუმს... არა, უთუოდ რაღაც უნდა მითხრას, მაგრამ არ იცის, როგორ დაიწყოს. გაგარეულებულ-გაველოურებულს ჰგავს. მალულად ვაკვირდები. თავი უნებლიეთ გამოქებაულში წარმოვიდგინე...

ასეთი რამე თუ დაგესიზმრებოდა, ლოდ. ძნელი დასაჯერებელია, რომ ცხადში ვხედავ...

რა გავიგო? მეტყველების უნარი ხომ არ დაუკარგავს?! ამას წინათ რომ ქალიშვილი ისე უცნაურად მოჰკედლომია, ახლა, ამასაც არაფერი დაემართოს!..

ნელა ვდგები, იქნებ ისიც გაინძრეს... თუ არაფერს მეტყვის, გამაცილოს მაინც კიბის ბაქნამდე... თუ ჩემს მოსვლას არ გაუხარებია, არც ჩემი წასვლა უხარია? რა გავიგო?

დუმს. უძრავად ზის... მხარზე ხელს ვახებ... არ ვიცი, ამას როგორ მიიღებს... მოფერებად? იცის კი, რა არის მოფერება? მაგრამ ცდა ბედის მონახევრეა! იქნებ ამით მაინც გამოვიწვიო, ამან მაინც გააღიზიანოს და დაურღვიოს-მეთქი წონასწორობა. არა, ჩემთვის გამოცანად იქცა მისი ეს უცნაური გარინდება. დაეინებული ცქერა... ცრემლი ხომ... არა, ასე არ ტირიან...

რაღაც უცნაურად დეფორმირებულ სახეზე — ცალი წარბი რომ მალა აზიდულა, მეორე კი ბოლოთი ძირს დაქანებულა — რა მკაფიოდ აღბეჭდილა ერთსა და იმავე დროს ჩუმში ბოღმა, გაბოროტება და... სინანული!

მეტის მოთმენა ძნელია. უკან ვიხევე? არა. მივიდივარ. ღმერთმა ნულარ შემახვედროს ასეთ იღუმალეზასთან!



გაზაფხულიდან გაზაფხულამდე

კიდით კიდემდე ასე მზიური
და მშობლიური
მიწის ბადალი,
საგუმბათონი ზარზმის, გელათის
რას შევადარო —
არც რის სადარი!
სადაც სულ სხვაა ფიქრი წარსულზე,
ჩანს სიყვარული
მარად მაღალი,
ღვივის გენებში მადლი სიკეთის,
ვით გულგამთბარი
ხნულში მარცვალი.
როცა გაღაგნებს ლეწდა მომზღდური:
ამბრი, არაბი,
უმბრი, სპარსელი,
ომში კვდებოდა ყველა პოეტი,
მაგრამ ვინ უწყის,
გვყავდა რამდენი...
დღეს დაშაქრული რითმა თამაღობს,

ზოგვან წყალმარჩხი,
ზოგვან ანკარა...
ნუთუ ნაღველმა ჰპოვა საშველი!
ნუთუ ღრუბელი
ქარმა დაშალა!
ერთი შეხედვით სულს მოსწყინდება
მუდამ მწყურვალი
ჰყავდეს ღუშმანი,
ისევ ელიან საუკუნეებს
სვეტიცხოველი
და მცხეთის ჯვარი!
რას შევადარო ასე მზიური
ცა და ქვეყანა,
არც რის სადარი!
მტკვარზე, არაგვზე, ქსანზე, იორზე
ლექსის სათავე
და შესართავი.
გაზაფხულიდან გაზაფხულამდე
სულ საოცნებო
არის, რაც არი!

არჩეოლოგს

(ვუძღვნი ჭურბა ნადირაძეს).

უნდა რამ გწამდეს, როდესაც
ფრთხილად
საუკუნეებს ეხები, ხელით.
როცა ეპოქებს ჭიუტად ზვერავ,
თანამედროვის ფიქრით და
მზერით...
მზეს, უთვალავი დიდების მხილველს,
ათასწლეულებს, მღუშარედ
დენილს,
რომ მოაგონო წარსულის სუნთქვა
გიყვარდეს უნდა ფესვები ძველი!

ნეშტები მხოლოდ მუდმივად ღუშან,
სარკოფაგებში ბატონობს
მტვერი...
ოცნებას მაინც ვერ დასთმობ უმალ,
მოყვასთა უცხო სახელებს ელი,
მაგრამ ვინ უწყის მოყვარე გზვდება,
თუ საკუთარი მამულის მტერი?!
გენები სისხლში იწყებენ ბორგვას!
გონების სანდო ნათება გშველის
და ისტორიას, მანამდე უცნობს,
ალაბარაკებ საგნების ენით!

მოლოდინი

მე გელოდები,
როგორც ტალღას ელის ნაპირი...
და არასოდეს მავიწყდება
ზღვის გასაჰირი.

რამდენჯერ ფასი
საკუთარ თავის
აღმატება
ვნებათა ლელვას.

მომენატრება გაზაფხულთა გადაფოთლება

ზოგჯერ უბრალო საგზალია
შემოქმედება,
ზოგჯერ გოდება და გულამდე
ცეცხლის მოდება.
როცა დღეების უმზობით
სული ღონდება,
თითქოს ახლოა
ბედისწერის გაბოროტება...

მაგრამ ოცნება
სიმაღლეებს არ დაეხსნება,
სანამ მაწამებს
ტკივილები დაუძლეველი...
მომენატრება
გაზაფხულთა გადაფოთლება
და მაგონდება
განწირული ნაზარეველი.

თეთრი სურათი

ხსოვნიდან გრძნობით
მოდენილ ფიქრებს
ჰგავს ღამეების
ველური ჯოგი...
ზოგი ხმაურით
ატარებს კირთებს,
კუდსაც იშვენებს
ბორკილით ზოგი.
ცივი გონების
ვარსკვლავი ბრწყინავს
და სიჯიუტე
მაქეზებს ცოდნის,
დილას ვუწოდებ
უსიზმრო დილას,
ლოდინს ვერ ვარქმევ
უიღბლო ლოდინს...

და ერთნაირად
ნაცნობ სახელებს
დიდებულების
ჩრდილი ამშვენებს,
ვუახლოვდება
უცხო ნაპირებს,
სად ფერადებში
ჩანს სინამდვილე,
მაგრამ იმედის
სხივებდაფენილს
ლიმილს ღიმილი
უხდება მხოლოდ,
ვგავარ მწვერვალზე
მარტო დარჩენილს
და საოცრებებს
არ უჩანს ბოლო!!!

ვიდრე ბუნება
მეტ-ნაკლებად მწყალობელია,
ბედნიერება
მესახება იმგვარ წყალობად,
რომელიც ყველას
შეიძლება არ გვიწყალობოს.

ცივი გონებით

სადღაც კოლუმბის ნატერფალი
 უშიშმს კონტინენტს...
 ტასმანიაზე ველურები
 კოცონს უვლიან.
 ეაშინგტონიდან მოსკოვამდე
 სივრცე კანკალებს.
 და სასობის ყველა ნერვი
 დაძაბულია ...
 შეჰკედლებია უკვდავებას
 აინშტაინი!
 მხოლოდ კენის შთამომავალს
 ათრობს ცდუნება;

რათა უღმობელ კატაკლიზმებს
 ჰქონდეს მიზანი —
 ქვეყნად დაღლილი სიყვარულის
 განადგურება!
 მაგრამ სულ სხვაა გაზაფხული,
 როცა ბუნება
 ითვის საათებს
 და მისდევენ დღეებს
 დღეები...
 ცივი გონებით რა წუთამდე
 უნდა ვღელავდეთ,
 რომ მოვიგონოთ
 დაკარგული სამოთხეები!

ტკივილის გრძნობით


მე სიმაღლეებს
 ვიგონებ ხშირად.
 და სიდიადე მიზიდავს მთების,
 სადაც რაიმე
 არა ღირს ჩირად,
 თუ არასოდეს
 გქონია ფრთები...

რარიგად იწვევს
 სიშორე ტკივილს,
 სიზმარში ზოგჯერ
 ზმანება მზარავს...
 იმგვარად ვუსმენ
 მწვერვალთა ყვივლს,
 როგორც მწუხარე
 მუხების ვარამს!

წითელი ხელებით

ჩვენი ისტორია ომებმა დასერეს.
 გვზარავს მატიაწე
 სისხლით და გოდებით...
 მახვილებს ვულეწლით
 კულტურულ
 მძარცველებს,
 ხმლით მოვიგერიეთ ველურთა
 ტომები!

გესურდა სიყვარულის ძეგლები
 აგვეგო
 და ასწლეულები
 დაენამეთ ცრემლებით.
 ერთი ოქროს ხანა
 იმდენად არ გვეყო,
 მზეს მოვფერებოდით წითელი
 ხელებით!!!



გარდუვალობა

მზე ფანჯრების წინ თვალებს იხატავს,
და გაზაფხულით შველის ტკივილებს,
მზის ფანჯრების წინ მთელი სამყარო
გადაიფრენს და გადაიკვივლებს.

აქ იყო დილა სულ სხვანაირი,
ქარებს უსმენდა ლურჯი ქალაქი.
ავსებულოყო დუმილით ზეცა,
სახლები იჭვით და ლაპარაკით.

და გაცრეცილი ღრუბლების მიღმა
მზე ისე ჩანდა, ვით თოვლის გუნდა,

ქუჩები მხრებზე შეედგათ ქარებს
თითქოს ქალაქის წაყვანა სურდათ.

ქარის ხელებში თრთოდა სამყარო
და უცნაური გველავდა წყურვილი,
მაგრამ რაღაცა მაინც მოხდებდა
გარეშე ჩვენი ნება-სურვილის...

მზე ფანჯრების წინ თვალებს იხატავს,
და გაზაფხულით შველის ტკივილებს,
მზის ფანჯრების წინ მთელი სამყარო
გადაიფრენს და გადაიკვივლებს.

თოვლის მოსვლამდე

გინდა როგორმე უშველო ქალაქს,
შუბლზე შეეხო წვიმისგან დალილს
ფეთქავდეს შენი ვარსკვლავიკ მარად,
როგორც ქალაქში მზიანი სახლი.

უნდა ენთო და უნდა უსმინო,
ჯაღოსნურ ექოს, წლებს რომ

გითვლიდა,
ან იწყებოდე მართლაც უბრალოდ —
სიკეთიდან და სინამდვილიდან.

განა არაფერს არ ნიშნავს თოვლი,
როცა გიბრუნებს სულში სინათლეს,
შენ გჯერა მთვარის,
შენ გჯერა თოვლის,
მაგრამ ვერაფრით თავს ვერ იმართლებ.

ეს მე ვიყავი რომ მიგავიწყდით,
როს მოფრინავდა ციდან ზამთარი
მიწას მოჰყავდა ხელით მინდორი —
ციდან ქალღმერთის შემონათვალი.

უკვე დაკარგა ლოდინმა ფერი,
ისიც გახუნდა, ჩაქრა მინდორთან,
ყელში წყდებოდა სიტყვების კვალი
რის თქმა გინდოდა,
რის თქმა გინდოდა.

დღეს ირონია არ არის თქვენში,
მე არც მჯეროდა თქვენი წვიმების,
ვიღებდი ღიმილს, ვიღებდი ნუგეშს
და ყველას უხმოდ გინაწილებდით.

მე მაშინ მხოლოდ დაგიმახსოვრე,
ეს — მახსოვრობაც კაცთა ნიჭია.
დღემ საოცარი ხილვით დამალა,
მაგრამ ვერაფრით ვერ შემიჩვია.

თვით მახსოვრობის ფერადი ექო
მზიბლავს და ფერად თოვლში
ვეფლობი,
გადალილია მთელი სამყარო,

თოვლის ნატვრით და შეუჩვევლობით.

ხელი გაეუშვი ფეხადგმულ წუთებს,
და რწმენის ღმერთი სათქმელს
ამთავრებს,

მე სიყვარულით
და ლექსებით ვარ დამუხტული,
სულ ასე ვივლი
ბოლო ზღაპრამდე.

დღეები ერთუბრის არაფრით გვანან
ან რისთვის ვკიცხავთ,
რისთვის ვემდურით,
თავისებური დარდი აქვს ქალაქს
და გამოხედვა თავისებური.

დღეებით ვიწყებ „სადამოს“ ხატვას
(იმ სურათზედაც ასე ვდაობდით)
სად მიგვაქანებს ეს გულგრილობა
და უნდობლობის მძიმე ჭაობი.

შენ არაფერი არ იცი ჩემზე
და არ მიტოვებ სიტყვებს ახლებურს,
უაზროდ შრება სურათი მზეზე
ველარ ვახერხებ რომ მოგახედო.

დღეებს ვაგროვებ, დღეებს წვიმიანს
(გზით გადაღლილი სადამო ჩქარობს)
აღარ მჭირდება თავის მართლება
სიჩუმისა თუ ხმაურის გამო.

დღეს უკვე შიში ჩემგან შორს არის,
თვით ვარსკვლავები ელიან შედეგს,
მაინც მაწუხებს კითხვა მთავარი:
სად მიდის ქარი ქარიშხლის შემდეგ?!

მასპარაღი

საოცრად ციკვავთ თქვენ ჩემს გარშემო
და ჯადოქრული გართობთ აზრები,
თვით სასწაული იღვიძებს თქვენში
გულახდილობით და გაბრაზებით.

ფერადოვანი ნიღაბი ჩემი
როგორც სინაზე და სიძლიერე,
ფარულ სინათლით უცებ გაცოცხლებთ,
უცებ გავსებთ და გაცარიელებთ.

მე შენში ვეძებ იმ ფერს ერთადერთს,
როს განიბნევა ქარში ნისლივით,
დასასრულივით იწყება დილა,
და დღე მთავრდება დასაწყისივით.

ჩვენ მოვიგონეთ ეს განშორებაც
და ჩავიჭედეთ ფიქრში დიღემად
საიდან მოდის ეს უნდობლობა: —
ცხოვრების მწარე გამოცდილება.

დღეები ერთუბრის არაფრით გვანან
ასე გვიცვლიან მუდამ ხასიათს,
დავიწყებული დღე გუშინდელი
შენი პოტრეტის ერთი ხაზია.

მაინც რა არის სიმშვიდის იქით —
როცა ყოველი დღემს და ისვენებს,
შემოვაცილე წვიმას ხმაური,
შემოვაცილე წვიმას სისველე.

რადგანაც შიში ჩემგან შორს არის
და ვარსკვლავები ელიან შედეგს,
ვიცოცხლებ სანამ მაწუხებს კითხვა:
სად მიდის ქარი ქარიშხლის შემდეგ?!

ვერ გადამაღეთ ამ ერთ ღამეში,
ვერ დაიჯერეთ ეს დამარცხება:
ყველა ოცნება, როგორც სიბერე,
დაუძლურდება და გაბაცდება.

საოცრად მხიბლავს ეს მასკარადი —
ხასიათების ლაღი სიცრუე.
ღამის კიბეზე ჩამორბის ჭინკა
და უცებ ყველა სურვილს მისრულებს.

ბიორბი ათონელი

რომანი

— საქართველოსთან მტრობა არ გვარგებს, — სთქვა ბასილისა ზოიამ.

— მეც ყოველთვის აგრე ვფიქრობდი — საქართველოსთან მტრობა ნანდვილვე მეგობრობით და მოყვრობით უნდა შეიცვალოს, — დაუდასტურა ბასილევსმა რომანოსმა.

ეს იყო ერთადერთი, პირველი და ყველაზე მტკიცე ქრთსულოვნება და ერთაზროვნება, რაიც კი იქნებათ განგების ძალით თავმოყრილ ცოლ-ქმარს.

და ამ კეთილმა ხმამ მოატანა საქართველოში.

გიორგი ბერი ითვლევინებოდა: სასურველ არს საქართველოდან კონსტანტინოპოლს წვევა უზენაესისა!

და ისევ წარემართა მელქსედეკ კათალიკოსი.

ისევ დიდის პატივით შეხვდა ჭიბი დედამიწისაი საქართველოს მწყემსმთავარს.

და შეხვდა „სიყვარულითა დიდითა“ რომანოს კეისარი „საყუარელ ქართულთა“ სულიერ მამას, შეხვდა და „მოსცა შესამკობელნი ეკლესიათანი, ხატნი და ჭუარნი, სამღვდელმთავრო და სამღვდელსა სამკაული, და წარმოვიდა ქუეყანასა და სამწყსოსავე თვისსა“ კათალიკოსი მელქსედეკ.

მეორე ქართული წვევა კონსტანტინოპოლს უფრო ფართო და ღრმა განზრახვებით იზრახებოდა და განიბჭობოდა ქუთათისის სასახლის კარზე. ამჯერად თვითონ დედოფალი მარიამი, დედა ბაგრატ მეფისა და ქვრივი დიდა გიორგი

პირველისა, ემზადებოდა კონსტანტინოპოლს გასამგზავრებლად.

მე კონსტანტინოპოლიდან ჩამოვიტან სამუდამო მშვიდობას, კავშირსა და ერთობასო, ეუბნებოდა მარიამი ბაგრატს. და ეს იქნება ჩემი უმორჩილესი არზანივი საყვარელი საქართველოსთვისო.

— ხოლო, პირადად შენთვის, შვილო ჩემო. და მეფეო ჩემო, პატივსა კურაპალატობისასა, ვითარცა არს ჩვეულება და წესი სახლისა ჩვენისა.

მღუმარედ ისმენდა ბაგრატი.

— და კიდევ რას მპირდები, დედაო საყვარელო? — ხმა ამოიღო როგორც იქნა.

კიდევ ცოლს გპირდებიო, ფიცხლად მიაგება მარიამმა.

?!

სწორედ, და ცოლი შენი იქნება კეისრის ასულიო.

ეს კი მაინცა და მაინც აღარ გაჰკვირვებია ბაგრატს, რადგან არ იყო ახალი ამბავი ქორწინებრივი მოყვრობანი საქართველოსა და ბიზანტიის სამეფუფო სასახლეთა შორის.

ბიზანტია, სომხეთი და ოგსეთი — აი, სამი ქვეყანა, რომელთა სამეფუფო სასახლეებთან საქორწინოდ, სამოყვროდ და სანათესავოდ მიელტვოდნენ შვილნი ქართული სახელმწიფო სასახლისანი.

თვითონ ბაგრატი ოგსის ქალზე ოცნებობდა ყმაწვილური ოცნებით. მამის ნათქვამისთვისაც მოეკრა ყური: ქვეყანაზე არა ქალს არა აქვს ისეთი ჭიშკანი ძუძუ. როგორც ოგსის ქალსო. და

გაგრძელება. დასაწყისი იხ. „ცისკარი“ № 3, 4, 5.

კიდევ: საოცრად ჯიშინი ნაშეირი მოსდგამს ქართველისა და ოვსის შეუღლებასო.

ამაებს ფიქრობდა ბაგრატი, მაგრამ ხმამაღლა აღარ გაუშხელია, რადგან ესეც ახსოვდა, რომ დედამისს, დედოფალ მარიამს არ უყვარდა ოვსის ქალებზე სიტყვის ჩამოგდება. არ უყვარდა, რადგან აკი ოვსის ქალმა გაუნახევრა და გაუწილა მას ქმართან სიყვარული და სარეცელი...

და მარტო დედის ქალური გულსატკივარი კი არა, თვითონ ბაგრატსაც ეთქმოდა საყვედური ეგზომ საყვარელი მამისადმი: აკი სწორედ ოვსის ქალთან, აღდესთან ტრფილით გაუჩინა მამამ ბაგრატს, კანონიერ უფლისწულს უკანონო მეტოქე დემეტრე...

რად არას იტყვიო, ფიქრი გაუწყვიტა მარიამმა.

და ამოიღო სიტყვა ბაგრატმა: კარგია და საშურველი ბიზანტიასთან მშვიდობა, ერთობა და მეგობრობაო, მაგრამ ნუთუ მაინცა და მაინც აუცილებელად მჭირდება მე, დედაო საყვარელო, მათი ნაწყალობევი კურაპალატობა და, კიდევ... სადედოფლოს მომათხოვრება?

მომათხოვრებაო?

ეს რა საქადრისიაო, სახე გაურისხდა მარიამს, კურაპალატიც, ნობილისიმოსიც, პატრიკიოსიც, სებასტოსიც, პროედროსიც — ყოველთვის დიდ პატივად და არზანიგად ეძლეოდათ კეისართავან ქართველ მეფეებსო.

— მაგრამ თვითონ კეისრები რად არ ატარებდნენ მაგ სახელებს — უცებ იჭექა ბაგრატმა — არ ატარებდნენ, უკვე აღარ კადრულობდნენ და მხოლოდ ქვეშევრდომებს ურიგებდნენ, ქვეშევრდომებს-მეთქი!

— ამას რად იტყვი, შვილო, მამაშენი გიორგი, ან პაპაშენი ბაგრატ, ან მამის პაპა დავით მეფეთამეფე კურაპალატი კეისრისგან ნაჩუქარ მაგ წოდებებს რომ ღებულობდნენ, განა ვისმეს ქვეშევრდომად თვლიდნენ თავის თავს?

— თვითონ, რასაკვირველია, არ თვლიდნენ, მაგრამ კეისრები კი თვლიდნენ. და ასედაც არის: ის ვინც წყალობას ღებულობს, მწყალობელის ქვეშევრდომობასაც მაშინვე უნდა შეურიგდეს. თავის გონებას მაინც უნდა გაუმხილოს, რომ წყალობის ამღებელი მწყალობელის ქვეშევრდომია-მეთქი!

გაცხარებით ლაპარაკობდა ყმაწვილი მეფე.

უსაზღვრო გაკვირვებამ შეიპყრო მარიამი. ასეთი არასოდეს უნახავს ძე თვისი, აწამდე მორჩილი და თვინიერი. თითქოს ერთბაშად გაზრდილიყო და გარდასახულიყო თერთმეტი წლის ყრმა.

კრძალულად მიეახლა და მოხვია ხელი შვილს.

— ნუ აჩქარდები, შვილო ჩემო, რადგან ჯერ ნაადრევია წყალობის მიღებაზე უარს ვამბობდეთ და მწყალობელთან დამოყვრებასაც არ ვეძიებდეთ. და დასძინა მცირე ხნის შემდეგ:

— დღეს ასე გვიჯობს, ხოლო ხვალ ხვალემ გვაჩვენოს!

სდუმდა ბაგრატი.

ისევ ჰქონდა დუმლის უნარი ჯერ ყრმა ხელმწიფეს.

და გაემგზავრა დედოფალი მარიამი კონსტანტინოპოლს.

და დახვდა დიდის ზარზემით საქართველოს დედოფალს ოქროს ჭიპი დედამიწისა.

გამორჩეული სიხარულით და სიყვარულით შეხვდნენ მარიამს ქართველები და სომხები.

ქართველები იმიტომ, რომ — მარიამი საქართველოს დედოფალი იყო.

სომხები იმიტომ, რომ — მარიამი სომეხი იყო.

და ერთად იყვნენ იმ დღეს ქართველები და სომხები, ვითარცა ერთ სისხლ და ერთ ხორც ძმანი ღვიძლისანი.

ლევან სანიაციძე
გიორგი ათონელი

(მაგრამ — ხვალ კი იქნებოდნენ ერთად?!).

კეისარი რომანოს არგიროსი და ბასილისა ზოია ძოწითშობილი საღვთო კონსტანტინოპოლის დიდის პატივით შეხვდნენ საქართველოს დედოფალს. ორივე მხარემ პირობა დასდო სამუდამო მშვიდობაზე, კავშირსა და მეგობრობაზე.

კავშირი მტკიცდებოდა ორივე მხარისათვის დიდად სასურველი დამოუკრებით: საქართველოს მეფე ბაგრატ მეოთხე ცოლად ირთავდა რომანოს კეისრის ასულს (პირველი ცოლისაგან), ელენეს.

რომანოსი ბაგრატს, სიძეს და ხელმწიფეს, არზანიგად უგზავნიდა კურაპალატის ზედწოდებას.

მოდოდა ბიზანტიიდან მარიამ დედოფალი.

მოქონდა მშვიდობა საქართველოსთვის.

მოჰყავდა საღვთოფლო ქართველი მეფისათვის.

ტაოში ჩაეგება მეფე ბიზანტიიდან მომავლათ.

ერთმანეთს შეხვდნენ, ბანას.

იქვე, ბანას ტაძარში დაიწერეს ჯვარი ბაგრატმა და ელენემ.

ქუთათის მოვიდნენ და დიდის ზარზეიმით იქორწინეს.

და საქორწინო სანთიობოს კარებთან მარიამმა ელენეს აჭამა კომში. პატარა ძალმა კომში უნდა სჭამოსო გარდაქალწულების წინ, — უჩუროჩულა დედამთილმა რაძალს.

მაგრამ საბედნიერო კომში ბედნიერებას მაინც ვერ უწინამორბედა.

არ გასულიყო თვე თავლობისა, რომ უეცრად ყმაწვილი დედოფალი გარდაიცვალა.

და არ გასულიყო ერთი წელიწადი და ბაგრატ მეფემ მეორედ იქორწინა.

ამჯერად მან ცოლად შეირთო ბორენა — ოვსთა მეფის, ურდურეს ასული.

ბიზანტიასთან მოყვრობის გაათამაშა ბაგრატ მეფის დიდაზნაურნი.

და აუშენდრეს ბაგრატს მისი ნახევარი-ძმა დემეტრე, ალდეს ნაშობი.

ანაკოფიას ჩადიოდნენ მოლალატენი, ალდესთან და დემეტრესთან, და „იყო მათ, შორის მი-და-მო საუბარი“.

მაგრამ დემეტრემ ვერც მასზე გაცილებით ძლიერი ძმის წინააღმდეგ გამოსვლა გაბედა, ვერც მის დიდსულოვნურ პატიებას დაელოდა, დაჰკრა ფეხი და კონსტანტინოპოლს გადაიხვეწა.

თავშესაფრის საფასედ დემეტრემ ციხე-ქალაქი ანაკოფია კეისარს მიართვა.

ამნაირად, ისევ შემოდგეს ბიზანტიელებმა ფეხი აფხაზეთს.

ხოლო, ქართველთა მეფეს ანაკოფისთვის ჯერ არ სცალოდა.

რანის სატახტოში, განძაში მაშინ ისევ ამირა იჯდა, სახელად ფადლონ.

ოცი წლით აღრე ბაგრატ მესამემ, ბაგრატ მეოთხის პაპამ, ქართული მიწების შეწუხებისთვის სასტიკად დაამარცხა და დახარკა განძის ამირა.

ახლა კი ისევ გამძლავრდა და შემოუტია ქართულ სამანებს ფადლონმა.

ბაგრატ მეფემ ბრძოლად გამოსვლა უბრძანა ლიპარიტ ბაღვაშსა და იონანე აბაზისძეს. და ამათაც შემოყარეს ლაშქარი.

ბაგრატმა დამხმარედ უხმო კახეთის მეფეს, კვირიკეს, და ისიც წამოვიდა კახთა ჯარით.

მეფემ ტფილისის ამირაც, ჯაფარ ალის ძე გაიწვია ფადლონთან საომრად. ჯაფარს ქართველ მეფესთან წაჰკიდება ხელს არ აძლევდა და ისიც აღჯდა სალაშქროდ ცხენზე.

ბრძოლა მოხდა ეკლეთან.

სასტიკად დამარცხდა განძის ამირა. ქართველებმა „გააქციეს ფადლონ და გაუწყვიტეს ლაშქარი, აილეს ავარი და განძი ურიცხვი. ამიერიდან სიკუდილამდე შეჰავდა ფადლონ“.

არ ავიწყდებოდა ბაგრატ მეფეს მისი მოძღვრის, გიორგი ბერის დანაბარები:

ტფილისი — თავი საქართველოსი,
ქუთათისი — გული საქართველოსი,
მცხეთა — საფეთქელი საქართველოსი.

და იყო ოთხასი წელიწადი საქართველო უთავოდ, ანუ უტფილისოდ.

და ამოიჭრა გულს განაზრახი ბაგრატ მეოთხემ — უცხო უღლისაგან დაუღლოლი ტფილისის დახსნა.

მაგრამ ტფილისის ამირა ჯაფარ ალის ძე აკი მისი მოკავშირე იყო ფადლონთან ბრძოლაში. ჯაფარმა, ტომით არაბმა, ქართველების საკეთილდღეოდ თვისტომი გაიმეტა და ახლა ბაგრატს სიკეთე მტრობით როგორ უნდა გადაეხადა და გუშინდელი მოკეთის წასახდენად დღეს მახვილი როგორ ამოეწეოდა?

მაშინ საკუთარი ხელის გაუსვრელად და სამოკავშირეო სიტყვის გაუტეხლად განიზრახა ბაგრატ მეფემ ტფილისის დახსნა. და იხმო მან ლიპარიტ ბაღვაში და იოანე აბაზისძე. იხმო და განაზრახა: იქნებ ისე მოახერხოთ, ჯაფარ ამირა ტფილისის განაშოროთ და ხმაც ისე დაავლოთ, მე ამ განზრახვისა არაფერიც არ მცოდნებოდესო.

ბაღვაშია და აბაზისძემ მეფის ნაბრძანები იტვირთეს და აღსრულებასაც შეუდგნენ.

მუხათგვერდს მივიდნენ მცირე ამალით და ტფილისს კაცი გაგზავნეს ჯაფარ ამირასთან. მოსალაპარაკებელი რამ გვაქვს, მოდი და მოვილაპარაკოთო, — შეუთვალეს.

ჯაფარმა ლალატის გერში ვერ აიღო და გულდანდობილად შეხვდა მაწვევართ.

და, ის იყო, საგანგებოდ გამართულ კარავში ფეხი შედგა, რომ ერთბაშად ლიპარიტ ბაღვაშის სტვენაზე ქართველები ჯაფარს წაესივნენ, მიწას გააქრეს და ხელფეხიც შეუქრეს.

— ლალატი, ქართველებო, დალა-

ტი?! — იყვირა ჯაფარ ამირამ — ვაშა თქვენს სულსა! მე არაბი ვარ და მისი ლალატით, მაგრამ მადლობა ალლაჰს, ქართველებმა ერთმანეთის ლალატი უკეთ, უფრო სრულქმნილად იცით. ჩვენ თუ ვერა, ჩვენი შვილები მაინც მოესწრებიან, როგორ დასჭრიან ქართველები ყვლებს ერთმანეთს!

ქართველებმა არაბის ძახილს ყურით არ უგდეს.

მაშინვე ქართველთა ჯარი ბირთვისის ციხეში შევიდა.

ბაღვაშისა და აბაზისძის ეს გამარჯვება დანარჩენ დიდაზნაურებს გულზე ეკლად დაესოთ, და შეუჩინდნენ ბაგრატს: საკადრისი არ არის ეგზომ მუხანათური გზით შენივე მოკავშირისა და მოკეთის გამეტებაო. ან ვის დააჯერებ, რომ ბაღვაშია და აბაზისძემ ეს უკადრისი საქციელი შენი ბრძანების გარეშე გაბედესო. ამიტომ სანამ უარესი არ მომხდარა, ამირა გაათავისუფლე და ისევ ტფილისში გაუშვიო.

ეს რჩევაც იყო, თხოვნაც და მოთხოვნაც.

და ბაგრატ მეფემ ბაღვაშისა და აბაზისძის მოქცევა თვითნებობად გამოაცხადა, ჯაფარ ალის ძეს ბორკილები აპყარა და ტფილისს გაუშვა, ისევ ამირად, ისევ ტფილისის ბატონ-პატრონად.

ახლა გონება მოვიცვალოთ და ისევ გიორგი ბერთან დავბრუნდეთ.

გიორგი ისევ კონსტანტინოპოლს იყო.

ერთ დღეს იოანე მავროპოდის სკოლაში ახლად შემოსულ ყმაწვილთა წინაშე ქადაგებდა გიორგი.

იღვა, მეტყველებდა და საკვირველი გრძნება და ჯადო მოჰყვებოდა მის ყოველ სიტყვას, ყოველ ლოგოსს.

და ოდეს დაასრულა, წამოდგა ფეხზე ყმაწვილი ერთი და შესძახა გიორგის:

— შენ რომ გისმენ, ოლიმპიელო, მხოლოდ ამ ერთ სანატრელს ვნატრობ:

ან მე ვიყო ქართველი, ან შენ — ბერძენი!

— ვამჯობინოთ ვიყოთ რაც ვართ და ვიყოთ ერთად, — წამსვე უპასუხა გიორგიმ კეთილი ღიმილით.

— ნანდვილვე ხარ ოლიმპიელი, განმამბრძნობებელაო!

— ?!

— სწორედ შენებრი რიტორი დიდოსტატი უნდა ყოფილიყო პერიკლე ათინელი, რომელსაც ათენში ეძახდნენ ოლიმპიელს.

— ?!

— ოდეს პერიკლე მეტყველებდა, არ იძვროდა არც ერთი ნაოჭი მისი სამოსელისა, არც ერთი ნაკვთი მისი სხეულისა, და იძვროდნენ ოდენ ბაგენი, საიდანაც იგი აფრქვევდა ელვასა და მეხს, ვითარცა ზევსი ოლიმპიელი.

— რა გქვია, ძმაო, შენ? — ჰკითხა გიორგიმ, მცირედ შეცბუნებულმა.

— მიქელ პსელლოს.

— მაშ, გამარჯვება, მიქელ პსელოს! და ხელი გაუწვავდა გიორგიმ. და უცებ ემთხვია ხელზე ყმაწვილი იგი.

დრომ ორი წელიწადი კიდევ ჩამომარცვლა და, ნებითა კეისრისა რომანოს არგიროსისა, წამოემართნენ ქართველები საქართველოსკენ.

მოდიოდა კრავაი, ქვრივი ფერისისა, მოასვენებდა ქმრის ნაშთებს ქართულ მიწაში დასამიწებლად. მოდიოდა და მოჰყვებოდნენ სახლეულნი და მსახურეულნი მისნი.

და მათ შორის — ორივე გიორგი, ბიძა-ძმისწული.

მოდიოდა ახალგაზრდა გიორგი და ფიქრობდა ფიქრითა უთვალავითა და უზღვროითა.

ფიქრი ფიქრს ათოვდა, ფიქრი ფიქრს შლიდა, ფიქრი ფიქრს აშენებდა, ისევ და ისევ, განუწყვეტლივ და განუცხადებლად.

ისევ გაახსენდა მიქელ პსელლოსი.

რა გამძაფრებით ესურვილება ამ ყმა-

წვილ ბერძენს, ყველა დიდი სულით მოღვაწე რომ ქართველი იყოს. და მაინც ქართველები იყვნენო ყველაზე დიდი მამანი სრულიად საქრისტიანო ეკლესიისა: ბასილი კესარიელი, გრიგოლ ნოსელი, გრიგოლ ნაზიანზელი, ევავგრე პონტოელი, და კიდევ... კიდევ რამდენი...

და, კაცმა რომ თქვას, მართლა ქართველები კი იყვნენ.

მაგრამ ქართველები ხომ ისეთები ვართ, ჩვენდა სასიკეთოდ მანამ კრინტსაც არ დავძრავთ, სანამ სხვა, უცხოელი ვინმე არ იტყვის ჩვენს ღირსებას.

ოღონდ უცხოელმა გვადიაროს, ხოლო ჩვენს სიტყვას ჩვენზე და საერთოდ ჩვენში რა ფასი აქვს!

ასეა, რადგან — უცხოელმა შიშველი სიშლეგეც რომ სთქვას, ჩვენ მაშინვე ამას ვიტყვით, ღვთაებრივი გონების ნაკვეთი რამ გვითხრა ამ უცხოელმაო, ხოლო ჩვენებურმა რომ მართლა საღვთო ნიჭისა რაიმე წაიციდუნოს, მაშინვე პირში თუ ვერა, ზურგიდან მაინც ქოქოლას დავაყრით, მეხი კი დავაყარე შენი სიშლეგის გვადრუსსო.

ასეა, რადგან — ქართულ სიტყვათმომოქცევაშიც „უცხო“, „უცხოური“ და „უცხოელი“ იგივეა, რაიც „უქეთესი“, ანუ „სა-უცხო-ო“.

ხოლო, ვითარ მგონია მე, ასე იმად უნდა იყოს, რომ ქართველი მისი ღირსების აღიარებას უფრო უცხოელისგან ჰპოვებს, ვიდრე საკუთარი სისხლიერი ქართველისაგან.

წრეგადასულად უყვარს ქართველს: როცა მას აღიარებენ, როცა მას აქებენ, როცა მას აღმერთებენ, როცა მას ეალერსებიან, როცა მისი ეშინიათ, როცა მისი ერიდებათ, როცა მისი ეფიქრებათ, როცა იგი უყვართ, როცა იგი სწამთ, როცა იგი ე-პირ-ვე-ლე-ბათ. და პირველობას ქართველი კაცი ხომ

თავის სისხლიერს, ნათესავ ქართველს ცოცხალის თავით არ დანებებს — უცხოელს კი იგი თავის თანანაშობ უპირატესობას, ანუ პირველობას, მეორადობაში ისევე ჰაიპირად გაუცვლის, როგორც ესავემა პირველშობილება ოსპის წვეწვში გაუცვალა თავის მომდევნო ძმას იაკობს.

პირმშობობა ოსპის წვეწვში, სათქვლიფ ნახარშში!

მოდოდა გიორგი ძმამე ფიქრთმეტყველებით დატვირთული.

ფიქრი ფიქრს ათოვდა, უხმო შრიალით. ათოვდა, ეფინებოდა, ეტკეპნებოდა, ძველი ფიქრი ნაფიქრალად იკარგებოდა, ახალი ფიქრი ბუდეს იშენებდა, განუწყვეტლივ, განიდაღებთ.

და კვლავ მივიდა ხახულს, სავანესა საყვარელსა.

მივიდა და ეთაყვანა მოძღვართა სანატრელთა და ბერთა ღმერთშემოსილთა ყოველთა.

მიეხვივნენ და მიესხეულნენ ყრმასა რჩეულსა და აღზრდილსა თვისსა წმინდა მამანი — ბიძა საბა, მაკარი განმანათლებელი და დიდი ილარიონ თვალოელი (ხოლო დიდი ბასილი ბაგრატი მეფის ძე და ღმერთშემოსილი ანტონი მნათე, უკვე სულით განყრილნი იყვნენ სხეულთაგან და სხეულნი მათი განწიადებულ იყო ხახულის წმიდა მოღვაწეთა სამარტვილში).

უტყირა ილარიონ თვალოელმა ღამენათევი, დამაშვრალი თვალებით გიორგის, უტყირა და უთხრა ბოლოს:

— სახე შენი ჰაბუკუთრი სახიერებისა და ზადმეუხებლობისა, თმა შენი წაბლოვანი, უჰადარო და უნაცრო, გარნა, ვითარცა იტყვის დიდი ბასილი კესარიელი — არა ჰადარა და სითეთრე თმისა, არა ნაოჭი და ზადიერება სხეულისა, არამედ ოდენ სიბრძნე და გონიერება არს მხცე და სიჰარმავე კაცისა.

— და ყოველივე სიკეთე მისი არის შენგნით — წამსვე მიაგება სიტყვა

ილარიონს მაკარიმ — შენგან სვამდა იგი სძესა სწავლისასა და შენგანვე წარმატებოდა ყოველთა სათნობათა შინა.

— არა ჩემგან, არამედ ჩვენგან! — ხმა აღუტევა თვალოელმა.

— შენგან, სწორედ შენგან — ჩაერიო საბა — შენა ხარ, მამაო ილარიონ, პირველი მოძღვარი გიორგისი და მიზეზი ყოვლისა კეთილისა. და აწცა შენ უნდა აკურთხო მონაზონობა მისი.

მონაზონობა უნდა ვაკურთხო? აკი სიყრმითგანვე მონაზონია გიორგი?

— გარნა, კურთხევითა აწამდე მაინც არის უკურთხებელი და აწცა სწორედ შენ უნდა აკურთხო გიორგი ბერად და მონაზვნად, ღმერთშემოსილო ილარიონ! — მიეჭარნენ და მიეძაღნენ დიდ თვალოელს საღვთო მამანი და მოწესენი ყოველნი.

და აკურთხა დიდმა მოძღვარმა თავისი დიდი მოწაფე ბერად.

და იყო გიორგი ბერი მოძღვართაგან, სულიერ ძმათაგან და მოყვასთაგან უსაზღვრო სიყვარულითა და ყურადღებით გარემოსილი.

და უცებისად, ერთ დღეს გიორგიმ იგრძნო, რომ იყო მარტო, მარტო ხელა და მარტო სული.

და საოცარი სწორედ ის იყო, რომ მისი მარტოობა სწორედ აღამიანებთან ყოფნა იყო, თანაც ეგზომ მოყვარულ და მზრუნველ ადამიანთა შორის ყოფნა.

თითქოს, სწორედ აღამიანებთან ყოფნა ამარტოებდა, ანუ ამარტოებდა, ანუ აღარიბებდა მის სულს.

აღამიანებთან იგი მარტო იყო. და ერთადერთი, როცა იგი მარტო არ იყო, მხოლოდ მაშინ იყო, როცა მარტო იყო — აღამიანთაგან თავდასხნილი, განრიდებული და განმარტოებული.

ასე იყო, რადგან — როცა იგი მხოლოდ თავის თავთან იყო, თავის სულთან, თავის აზრთან, თავის ფიქრთან,

თავის სიტყვასთან, თავის ლოგოსთან — იყო მხოლოდ თავის საკუთარ ყოველივესთან თანაზროვნებაში, თანაფიქრთმეტყველებაში — და ამიტომ სწორედ მაშინ არ იყო მართო, სწორედ მაშინ იყო იგი თავდასხნილი მართობისგან.

„ადამიანებო, უკეთუ მე თქვენ მართლა გიყვარვართ, უკეთუ ჩემდამი თქვენი სიყვარული არის წრფელი და არა ფარსევლური, გემუდარებით, დამტოვეთ მართო, რათა თავი დავიხსნა მართობისგან“.

უხმოდ, უბგეროდ ბლაოდა სული მისი.

„ადამიანებო, მოყვასნო და მოყვარულნო ჩემნო, მე თქვენთან მართო ვარ, მართო, და ამიტომ გემუდარებით, გამიშვით მართო!“

ბორგავდა, ჯანყდებოდა არსება მისი. და ახლა მიხვდა გიორგი, რომ ადამიანთაგან მხოლოდ ერთთან ყოფნით არ იყო მართო.

და ის ერთადერთი იყო თვალშვენიერ არსუკისძე, მარჩბივი მისი სულისა.

და ნეტავ თვალშვენიერიც თუ ამასვე ფიქრობდა ახლა, ამ წუთში? — ფიქრობდა გიორგი.

ფიქრობდა ხალხისგან განმარტოებულნი და მარტობისგან თავდასხნილი.

„ყველასთან მართო ვარ მე — მართოხელა და მარტოსული. მხოლოდ ამ ქალთან ყოფნით არა ვარ მარტომყოფელი — და კიდევ გიორგისთან ყოფნით არ ვიყავ მართო“, — ფიქრობდა არსუკისძე.

იგი თავდამხედ იწვა და მარჯვენა ხელი გულალმა მწოლარე ქალის მარცხენა ძუძუზე ესვენა.

— რატომ სდუმხარ და რას ფიქრობ, თვალშვენიერო? — ჰკითხა ევნიკიამ და ვაჟის ხელი მკერდიდან მცირედ ჩამოიციურა.

— არაფერზე არ ვფიქრობ მე, არაფერზე, როცა ვარ შენთან და ვარ

ასე, — თქვა თვალშვენიერმა და ისევ დაადო ხელი ქალის მარცხენა მკერდს და უკვირდა ევნიკის, ვაჟი რომ უფრო მარცხენას უფერებდა, ვიდრე მარჯვენას, უკვირდა, შეტყობა ეწადნიერებოდა, მაგრამ შეკითხვას ვერ უბედავდა.

ვაჟმა კი იმ დღეიდანვე შეიგრძნო და შეიცნო მარცხენა ძუძუს გრძნება-აღვსილი მიმზიდველობა, რა დღიდანაც პირველად შეახო მითრთოლვარე ხელი ქალის საკინძეს.

და ეს იყო ნარჩეულობა მარცხენა რძესადინარისა, რადგან იქ გული სცემდა.

ხოლო, გული გამორჩეული ცხოველმოსილებით ათრთოლებდა ქალის მკერდის მარცხენა მხარეს.

სწორედ აქ იწვა ძუ, ხვადის სულის შემარყვეველი ძუ — ძუძუში იწვა.

(ძუძუ, ანუ ორჯერ ძუ — ძუ და ძუ — ძუ-ძუ).

და ევნიკიამ არ იცოდა, რა უცნაურო ფიქრები უტრიალებდა ვაჟს იმ წუთს, ფიქრთაგან აქნილ გონებაში.

არაფერზე არ ვფიქრობო, — ამას კი ეუბნებოდა — როცა შენთან ვარ, არაფერზე არ ვფიქრობო, რადგან შენთან ყოფნით ფიქრის უნარიც მეკარგება და მიქრებაო.

უხაროდა ქალს, უსაზღვროდ უხაროდა. შეიძლება ვაჟი სტყუოდა კიდევ, მაგრამ ქალი რის ქალი იყო ვაჟის ტყუილს თუ ფესვებს მოუჩხრეკდა.

სახე მზისთვალეივით გიბრწყინავსო, უთხრა ვაჟმა, და ეს მაინც აღარ უნდა ყოფილიყო ტყუილი, რადგან ქალი მართლა ძალიან ლამაზი იყო, მზისთვალეივით მბრწყინავი სახით და მხესავით მხურვალე ტანით.

ვაჟიც მზე იყო ქალისა.

და გახელებით ჰკოცნიდა ერთურთს ორი მზე — მზენი სხივგახელებულნი და სისხლგახელებულნი.

დრო და დრო კი, დრო ითიშებოდა და ჩერდებოდა.

და სივრცე უსივრცო ხდებოდა.



მზის ყვირილი, თუ მზის მყვირალობა სუფევდა გარშემო.

რალაც უსაზღვრო და უზომიერო ფუტკრის მანანას უცნაური ტკბობით მოეცვა მთელი სამყარო.

და ანაზღაითად, ციდან ორბის ყივილი ჩამოიჭრა.

წამოიწია არსუკისძემ.

— არ ადგე რა, არ ადგე! — და ქედზე დაეკიდა ქალი ვაჟს.

ისევ იყივლა ორბმა.

— არ ადგე რა, თვალშვენიერო, თვალის ჩინო, თვალო ნატვრისა!

არცა ჯოჯოხეთი, არცა მიწა, არცა ცეცხლი და არცა ქალი — არა იტყვიან: „კმა არს!“ — გაუფლვა სვეტიცხოვლის აღმშენებელს და წამოდგა ფეხზე.

ცას აპხედა.

ორბი ირაოზე იდგა და ეჩვენებოდა არსუკისძეს: ორბი ესე ჯვარსახოვანი, ანუ ჯვარი ესე ორბსახოვანი, იყო ჯერაკუმია ცისგვამისა.

ხოლო, მკერდი ქალისა — ჯერაკუმია დედამიწისა.

თვალით აზომდაზომა თვალშვენიერმა მანძილშორისი ქალსა და ფრინველს შორის.

სიმაღლე ესე სვეტიცხოვლისა?

ხოლო, ძალმოსილება ამა სიმაღლის დამღვევისა?!

მარჯვენა ხელი მომუტა მესვეტიცხოვლემ, ისე მკვრივად, რომ ფრჩხილები გაულურჯდა. მერე უცებ გაშალა და თვალის სიაფთრით დააცქერდა ხელისგულს, დააცქერდა და იხილა:

ზოლი სიცოცხლისა — მკვეთრი, შუაზე ნაწყვეტი.

ზოლი გონებისა — ღრმაკვალოვანი, ნატყუბი აშკით გამძლავრებული.

ზოლი თირკმლისა, ანუ ტანის სიმთელისა — ღრმაკვალოვანი.

ზოლი ბედიღბლისა — მქრქალი, უღონო, უღიმღამო.

ბორცვი ვენერასი (ქვედამხარი ცერა თითისა) — სუფთა, უხადო, ნიშატი წრფელი სიყვარულისა.

ბორცვი იუპიტერისა (ქვედამხარი

საჩვენებელი თითისა) — მადლივად დახაზული, ნიშატი სიამაყისა.

ბორცვი სატურნისა (ქვედამხარი შუა თითისა) — ნიშატი გონგამჭრიახობისა.

ბორცვი აპოლონისა, ანუ მზისა (ქვედამხარი არათითისა) ნიშატი სიმშვენიერისა.

ბორცვი მერკურისა (ქვედამხარი ნეკა თითისა) — ნიშატი გულმეცნიერებისა.

ბორცვი მარსისა (ქვედამხარი ხელისგულისა) — ნიშატი სიმამაცისა.

ისევ იყივლა ორბმა.

— არიელ! — აღმოხდა თვალშვენიერს.

— რაო? — იკითხა ევნიკიამ.

— არც რა! — ხელი აიქნია თვალშვენიერმა.

ალბათ ხელისგულზე ნაცქერალისას ამბობს რაიმესო, იფიქრა ქალმა, ფეხზე წამოდგა, გაუთან მივიდა, მიესხეულა, ხელისგული გაუშალა, დააცქერდა და უთხრა:

— ასეთი ხელისგული ჩემი მკერდიდან აგყვა შენ.

თვალშვენიერს საღდაც შორიდან ჩაესმა ეს ხმა, რადგან კვლავ სვეტიცხოველს ჩაეთრია მისი გონება.

ახლა მას მარტოდ დარჩენა და მარტობისგან თავის დახსნა მოსწყურებოდა, რადგან ქვემოდან...

ქვემოდან ქვის ძახილი ესმოდა.

ქვის ძახილი!

— ხოლო ჯვარი? — უცებ ჰკითხა ქალმა.

— ჯვარი?! — ძლივს გამოერკვა ვაჟი (ქვის ძახილისგან ძლივს გამოერკვა).

— ჰო, ჯვარი, ჩემი თმით შეკვერთხილი, მკერდზე რომ გეკიდა შენ.

და ვერ უპასუხა არსუკისძემ.

თითქოს სიტყვის ფუძე მოშლოდა.

მას ისევ ქვის ძახილი ესმოდა.

ქალი კი ქალურად არ ეშვებოდა, ქალურად ელამუნებოდა და ესხეულებოდა.

— დაკარგე განა ჩემი კულუღით შეე-

ვერთხილი ჯვარი, რამდენჯერ გკითხვე და უპასუხოდ დააგდე კითხვა ჩემი? იქნებ ვისმეს უსახსოვრე, ვისმეს გაუცყავ სიყვარული და სიხარული ჩემი!

— კარგი, გეყოფა, ევნიკია, და უკითხველად ირწმუნე, ერთხელ და სამუდამოდ ირწმუნე-მეთქი, რომ ჩვენი სიყვარული ისევ ისეთია, ვითარცა იყო — თვინიერ განყოფისა და ზადიერებისა, — უთხრა და აკოცა თვალშვენიერმა.

— მაშ, ისევ გიყვარვარ?

— უკვე გითხარი და რამდენჯერ გითხრა!

— მაშ, დაჰხატავ ჩემს ხატებას სვეტიცხოველში?

ამას კი ვეღარ უპასუხა თვალშვენიერმა, რადგან მის გულისხმაში ქალის ხმა ისევ ქვის ხმამ დაჰფარა. ქვის ძაბილმა.

ხოლო, გიორგი (მარტოობას მოწყურებული მესვეტიცხოვლის სულის მარჩბივი) იმ უამს მარტო არ იყო, რადგან მხოლოდ თავის ფიქრებთან იყო, ადამიანთაგან განლტოლვილი და განრიხებული.

მას წასვლა გადაეწყვიტა, ნათესავთაგან, ახლობელთაგან, ნაცნობთაგან და ყოველთა მცნობელთაგან შორს წასვლა.

მარტომყოფლობის შორიელი გზის მთავარი ზრახვა იყო მოვლა, მოხილვა და მოლოცვა ყოველი წმიდა ადგილისა ხახულიდან იერუსალიმამდე.

და ერთ ნისლიან ღამეს იღუპალ გავიდა გიორგი ხახულის სავანიდან. გადა, და ვითარცა „მოსე შევიდა ნისლსა...“

დილით, როცა აღარც წყვილია იყო და აღარც ნისლი, გიორგის გადაკარგვა შეიტყო ყველამ. შეშფოთებამ და შეჭირვებამ შეიპყრო ხახულელთა სამწყსო.

მაკარი წინამძღვარმა სასწრაფოდ ფეხზე დააყენა ყოველი მოწყე. მისი ბრძანებით გაუსიეს გზის მცოდნენი და გზისმღეწველნი ყოველ მხარეს, ყო-

ველ შარაზე, ბილიკზე და საცანდალოზე, რათა მოეძიათ გიორგი და მოეპოვებინათ ნებიით უკანვე, უსიკვდილოდ.

მდევარი იგერშა გიორგიმ და, რაკილა სხვა საშველი აღარ იყო, „საღმრთოი ღონე იხმარა“: გზაზე ერთი ვინმე მაწანწალა შეხვდა, დაბეჭილი და დაკონკილი სამოსელით, თავისი მთელი შესამოსელი გაუცვალა, მისი ძონძები გადაიცვა და გზა განაგრძო. ესეც საკმარისად არ მიიჩნია. ვილაც ბრმა საპყარს გადაეყარა, ხელი ჩაავლო, წაუძღვა და წაიყვანა. ასე იარეს შეუსვენებლივ ერთმანეთზე ამბულმა ბრმამ და „ბრმის ჭირისუფალმა“. იარეს სამი დღე-ღამე.

მერე ერთ ტყეში შევიდნენ, უსიერსა და კაცის ფეხისგან უფეხურსა შემოაღამდათ. ცისგვამი ღრუბლით და მრუმით გაიტენა. ჰაერი გაბოროტდა. მეზი გავარდა.

მთელი ღამე ნამეხარ და ნაელვარ მიწას მეზის წიწილა აცხრებოდა წივილითა და წიოკობით.

ეშმა განსხეულდა სრულიად ჰაერთში.

ეშმამ შეიდჯერ დაანარცხა მიწაზე გიორგის ბრმა თანამგზავრი. კბილები აღრქენინა, აყმუვლა და აყეფა ნაცოფარი ძაღლივით.

არ მოშორდა გიორგი ძრწოლით გონშერყეულს. მოშლილ ყბებს უსწორებდა, პირიდან მოდენილ ლოშქრს უშემნდა, ამოცვენილ ღვალებს ბუდეებშივე უბრუნებდა, ძიკძივით ატანილ სხეულს უშეღდა, სისხლს უთბობდა, გულს უსაღბუნებდა, სულს უშვილებდა.

მხურვალე, დაუღლეი ხელებით სათნრებით აღსავსე სიტყვით და ლოცვით სრულიად განავლტო გიორგიმ ბოროტი ეშმა საწყალობელი უსინათლოს სულისა და სხეულისაგან.

მეორე დღეს, როცა ტაროსს საშველი დაადგა, ისევ ლოცვით და სიტყვით სრულიად განკურნებული თანამგზავრი მისგანვე აჩემებულ ერთ მონასტერში

მიიყვანა და იქ დატოვა გიორგომ.

დატოვა, დალოცა, დაემშვიდობა და გზა განაგრძო.

მიდიოდა ძონძით მოსილი.

მიდიოდა ფეხშიშველა და თავლია — „უხამლოი და უქუდოი“.

მიდიოდა „უღვინოი და უწველოი“.

მიდიოდა „გზასა იწროსა“, ერთგზისი იჯრით, „რამეთუ დღესა შინა ერთგზის მიიღის პური და წყალი“.

და, აჰა, ესერა, „ესევეთარი შრომითა და მოღვაწეობით შემკობილი მიიწია შავსა მთასა“.

შავი მთა! მთაი საკვირველი!

მარგალიტი სირიის უდაბნოური ასკეზისისა!

გიორგის მოსვლამდე შვიდასი წელიწადი გაეწლო აქაურ განრინებას, უკიდურესად მკაცრსა და უზენაესად ღვთაებრივს.

აქ დაიწყო „მესვეტეობა“.

საფუძვლის ჩამგდები — სვიმეონ მესვეტე.

ოცდაათი წელიწადი იჯდა ფეხმოუცვლელად სვეტზე — განმხოლოებული ცასა და მიწას შორის.

და აკვირვებდა ქვეყანას საკვირველთმოქმედი ესე.

უთვალავი ადამიანი „მორბოდეს“ მის სახილველად და სათაყვანოდ დედამიწის ყოველ კუთხიდან.

მათ შორის — მრავლად „მორბოდეს“ ქართველნი.

სვიმეონის გარდაცვალება — და ატყდა ომი მისი ცხედრისთვის. აქეთ — ბიზანტიელნი, იქეთ — ანტიოქელნი. იმარჯვეს ანტიოქელებმა და მათი ღვთაებრივი სისხლ-ხორცი დაკრძალეს მათსავე მიწაზე, ანტიოქიაში.

ხოლო, შავი მთა გახდა — „მთაი წმიდაი“, ანუ „მთაი საკვირველი“.

მესვეტეობა ასკეზისის უმაღლესი გმირობის გამოვლინებად იქცა. ბევრმა მოწესემ მიჰბაძა სვიმეონ მესვეტეს თავისი „ახალი მესვეტეობით“. ზოგმა, თითქოს გაუძლო, უმრავლესობამ ვერ

გაუძლო და ნაადრევად მიითრია მიწაში აცმული სვეტის თავისგან.

ხოლო, მესვეტური გმირობით ყველას სძლია მეორე სვიმეონმა, უფროსისგან ასი წლის შემდგომ — სვიმეონ მესვეტე-უმცროსმა, სასწაულთმოქმედმა, რომელიც ორმოცდასამი წელიწადი „ბრწყინვიდა, ვითარცა მთიები თავსა ზედა სუეტისასა“.

ეს იყო უწმიდესი და უსაკვირველესი გმირი მაშინდელი საქრისტიანო სამყაროსა.

უამრავი ქრისტიანი აწყდებოდა შავ მთას, მთასა საკვირველსა, სვიმეონ მესვეტისა და დედამისის, წმიდა მართას სახილველად, სათაყვანოდ, მათ ტაძარში სალოცავად და სამოღვაწეოდ.

და მრავალთა შორის იყვნენ ქართველნი.

ღედა რომ გარდაეცვალა, თურმე ამას ევედრებოდა ქრისტეს სვიმეონ მესვეტე — შენი ცხოველმყოფელი ჯვრის ნაწილი მისახსოვრეო.

და აი, ერთ დღეს სამი ბერი ეწვია სვიმეონ სასწაულთმოქმედს, სამივე ქართველი, იერუსალიმიდან ახლად მოვლენილნი. და ერთმა მათგანმა, ანტონიმ, მოართვა სვიმეონს ოქროს ჯვარი, რომელშიც ჩატანებული იყო ნამკესი ძელისა ქრისტეს ჯვარცმისა.

(იერუსალიმის ჯვრის ქართულ მონასტერში აათალა თურმე ანტონიმ ნამკესი ძელსა ცხოველსა, რომელზე გადანაჭერით შეკრულ იყო ჯვარი ქრისტეს ჯვარცმისა).

და ნამკესი იგი შეიქნა უზეშთაესი ევლოგია სვიმეონ სასწაულთმოქმედისა.

ხოლო, ანტონი სვიმეონმა აკურთხა სელევკიის ეპისკოპოსად.

და მიდიოდა სვიმეონ მესვეტე-სასწაულთმოქმედთან. „ერი მრავალი ქართველთაი“, რომელთაგან ბევრი რჩებოდა იქვე, მის სავანეში სამოღვაწეოდ, მისი წილხვედრი წუთისოფლის აღსასრულამდე.

(და ყველა მათგანი, საფლავს ჩასული, კმარულობდა საქართველოდან წა-



მოღებული ერთი მუჟა მიწის გულზე დაპნევას).

და სვიმეონ მესვეტემ დაიმოწაფა და გამოგზავნა საქართველოში სამოღვაწოდ ცამეტი მამა: იოვანე (ზედაზნელი), დავით (გარეჯელი), სტეფანე (ხირსელი), იოსებ (ალავერდელი), ზენონ (იყალთოელი), ანტონ (მარტყოფელი), ისე (წილკნელი), თათე (სტეფანწმინდელი), შიო (მღვიმელი), ისიდორე (სამთავენელი), აბიბოს (ნეკრესელი), მიქელ (ულუმბოელი), პიროს (ბრეთელი).

მერე, არაბობა და ისლამი დაეუფლა სირიას.

მერე, ისევ ბიზანტია და ქრისტიანობა გამძლავრდა ანტიოქიას.

ისევ გამრავლდნენ ქართველები შავი მთის სავანეებში — სვიმეონწმიდას, რომანწმიდას, პროკოპიწმიდას, ბარლამწმიდას, წყაროთა მონასტერს, ეზრას მონასტერს, ლერწმისხევს, კალიპსოს, კასტანას.

და იდგა შავი მთა, მთაი საკვირველი, დატვირთული ქართველ მოღვაწეთა ტაძრებით, სალოცავებით, საზროვნო სავანეებით.

მთავარ ტაძარში — ლარნაკი სვიმეონ სასწაულმოქმედისა და ნეტარი დედამისისა მართასი.

და აღვიდა მთასა საკვირველსა გიორგი.

შევიდა მთავარ პასტოფორიონში, თაყვანი სცა და ეამბორა ლარნაკსა სასწაულმოქმედისასა.

მოიარა და მოილოცა ყოველი მონასტერი, ყოველი დიდი და მცირე სალოცავი. მოიკითხა ყოველი წმიდა მამა და ყოვლისგან მიიღო ლოცვა და კურთხევა, აღსავსე სიყვარულითა და სათნოებითა.

მაგრამ მთავარი მაინც სრულიად შავი მთის სამონასტრო ცხოვრების წინამძღვართან შეხვედრა და მისგან ლოცვა-კურთხევის მიღება უნდა ყოფილიყო. თვითონვე უწყობდა გიორგიმ: „თვინიერ მოძღვრისა არა არს

ცხოვრებაი სულისაი და წარმართებაი მონაზონებისაი“.

ხოლო სახელი წინამძღვრისა და მოძღვრისა იყო — გიორგი შეყენებულ ი. ასე დარქმეოდა, რადგან მას მუდმივ საცხოვრისად და სულის სამოღვაწოდ თავი თვისი თვითონვე შეეყენებინა შავი მთის კლდეს, ერთ ღრმასა და ბნელ ქარანძავში.

და იდგა კლდისა დანახეთქში გიორგი შეყენებული, „ვითარცა გვრიტი უბოწოი და ტრედი უმანკოი“.

„კაცი ზეცისაი და ანგელოზი ქვეყნისაი“.

„ყოვლითურთ უცხოი და განშორებული ხორცთაგან და ხორციელთა ზრუნვათა გონებითა ღმრთისა მიცვალებული“.

„დიდი მნათობი ნათესავთა ქართველთა“.

აგერ, მეთორმეტე წელიწადი მიდიოდა გიორგი შეყენებულის თვითშეყენებიდან და თვითდაყუდებიდან. მეთორმეტე წელიწადი ქვეყნისგან თვალით არა ეხილა რა, თვინიერ კლდისა, სანთლისა და საღვთისმეტყველო საკითხავისა, და პირსა მისსა იმდენსავე ხანს არა ეგემნა რა, თვინიერ პურისა და წყლისა.

და შევიდა გიორგი ჭაბუკი გიორგი შეყენებულთან, შევიდა და იხილა იგი, ვითარცა გედი, თეთრ სპეტაკ თმაწვერში სრულად დანთქმული განლეული სხეულით. და, თითქოს უხილავ ცაზედეთში ასაფრენად გამზადებული.

(„ჰოი, დაყუდებო, განმანათლებლო სულისაო!“).

არასოდეს რომ არაფერი შეხარბებია — თეთრი, ახალშობილი თოვლივით ქათქათა წვერი შეეხარბა გიორგის.

„ოდესმე ასე მეც გავთეთრდები?!“

და ეს ფიქრი უცებ გაუწყვიტა ზენარამ ხმამ.

„მე გელოდი შენ! — შემოტრიალდა და უთხრა გიორგი შეყენებულმა. — გელოდი და ვიცოდი მოხვიდოდი. — გაიმეორა მან, მშვიდად, გალობასავით.

— არა ღირს ვარ, უნეტარესო! — აღმოხდა მოსულს.

— მე შენ ხშირად გხედავდი ძილში ჭვარჭვებლიანს, და ეს უფრო ცხადი იყო, ვიდრე სიცხადე შენს უხილავად.

უთხრა და მიაპყრო მოხუცმა თვალი ჭაბუკი ბერის შუბლს. უცქირა, უცქირა, მერე უცებ ხელები მაღლა აღიროთხა, თვალებიც ზედაპყრო და შეჰლაღადა: „აწ განმიტევე უფალო, მონაი შენი, რამეთუ იხილეს თვალთა ჩემთა ტარიგი შენი, შუბლითა ჭვარსახოვანი-თა!“

„არა ღირს ვარ“, დააპირა ჭაბუკმა შეყენება შეყენებულისა, მაგრამ უმაღლვე ჩაუჭრა მოხუცმა: „სდექი მღუმ-რიად, რამეთუ უსიტყვოდაც მესმის ძერაი და ძალი სულისა შენისა, მიხილავს სიკეთე გულისა შენისა და განმიცდია ტალანტი შენში ღვთაებრივად დაუნჯებული!“

უთხრა და აკურთხა კურთხევითა უწმიდესითა გიორგი უხუცესმა გიორგი უმრწემესი.

აკურთხა და დაიმოწაფა.

დაიმოწაფა და დაამკვიდრა სავანესა რომანაწმიდას.

და დაჰყო გიორგიმ რომანაწმიდას „სამი წელი დიდითა შრომითა და მოღვაწეებითა, მარხვითა და მღვიძარებითა, სიმდაბლითა და მორჩილებითა“. ასეთი ღვაწლოვანი და კრძალული ცხოვრება კი — ყოველი სასულიერო მოღვაწისთვის იყო „ფრთე აღსვლად ღმრთისათანა“.

უსაზღვრო სიხარულით აღვსებოდა გული გიორგი შეყენებულს, ქართველთა შორის ამადლებული სულის მოვლინებაზე მარად მონატრებულსა და მეოცნებეს.

— დიდი ეფთვიმეს შემდგომ, სწორედ ამ ჭაბუკმა უნდა სრულყოს ნაკლულოვანება ენისა ჩვენისაი, — ამბობდა ხოლმე იგი შავი მთის მამათა და მოწესეთა შორის.

— და მაღლობა ღმერთსა, რომელიც მისი ღედის წილხვდომილ ქვეყანას

დასაღუპად არ იმეტებს და არ უგულვებელყოფს სიგლახაყესა ჩვენსა, — ამა-საც იქვე დასძენდა გიორგი შეყენებული.

გავიდა სამი წელიწადი, და მოძღვარმა თავისი მოწაფე — „სრულქმნილი ჰასაყისა თანა სიბრძნითა და გონიერებითა“ — აკურთხა სქემით და გაამზადა იერუსალიმში წარსაგზავნად, წმიდა ადგილთა მოსახილველად და მოსალოცავად.

„გამომცადე მე, უფალო, და განმცადე მე, გამოახურვენ თირკმელნი ჩემნი და გული ჩემი“.

და ვიდოდა გიორგი იერუსალიმად.

ვიდოდა უხამლოი და უქუდოი.

ვიდოდა ქალბაბარის ძვალზე უმტკიცესი ძვლითა და ძარღვით.

ვიდოდა ხელში ჭვარსახოვანი ქაჩაბურით, რომელიც გამგზავრების წინ მოძღვარს მიეძღვნა მოწაფისათვის (ამ ქაჩაბურით მოევლო პალესტინის წმიდა ადგილნი თვითონ გიორგი შეყენებულს).

და ვიდოდა იერუსალიმად ქართველი ბერი, „ტარიგი ღმრთისაი“, ვიდოდა „სულისა სურვილითა და გონებისა სიმხურვალითა“.

ვიდოდა მზისკენ, ჯიუტად ვიდოდა.

მზეს მხურვალეებით ბრწყინვალეება სულ დაჰკარგვოდა და ცაზე გალურსმულ სპილენძის დისკოს ადვილად კორტნიდა ჭაბუკი ბერის ილმასის თვალი.

„გამომცადე მე, უფალო, და განმცადე მე, გამოახურვენ თირკმელნი ჩემნი და გული ჩემი“.

ვიდოდა ქართველი ასკეტი. ვიდოდა და ფიქრობდა. ფიქრობდა და მისწრაფოდა უფლისა ქვეყნად — სულისა სიამეთა წყაროსა ზედა დასაწაფებლად.

ყოველი ადამიანი, ვიდრეღა ცოცხლობს, განუწყვეტილვ სიამეთა წყაროს ეძიებს, და ეძიებს საკუთარი „მე“-ის გარეთ. და საკუთარი სიძი-



მის და განზომილების საყრდენიც ადამიანს მიტომ მისივე „მე“-ის გარეთ ეგულება. და ეძიებს, ეძიებს, სიკვდილამდე ეძიებს იგი საკუთარ „მეს“, საღდაც სხვაგან, ისევ საკუთარი „მე“-ის გარეთ. და ასე, მთელი ცხოვრება ადამიანისა არის საკუთარი „მეს“ ძიება ყველგან, თვინიერ საკუთარი „მე“-ისა. და ადამიანი იშვიათად თუ მობრუნდება და შეეხიზნება საკუთარ „მეს“, — შეეხიზნება და შეემყუდროება ოდენ იმისთვის, მცირეოდნად მაინც რომ ძალა მოიკრიბოს და ისევ სასწრაფოდ გავიდეს საკუთარ „მესგან“, კვლავ დაუტყბრომლად საკუთარი „მეს“ საძიებლად.

მაგრამ ყოველი ადამიანის გასვლა საკუთარი „მესგან“ და საკუთარი „მე“-ის ძიება, არის მაინც ძიება ქვენასოფლურ ნივთიერ-გრძნობიერ სამყაროსა შინა.

მე კი — მე ასკეტი ვარ და საკუთარი „მეს“ საძიებლად, მოსაპოებლად და დასამკვიდრებლად მივიღტვი ღვთისკენ, მარადიულად და ყველგან არსებულ ღვთაებისკენ.

და გზა ჩემი არის — ასკეზის!
მე ასკეზისის გზით უნდა დავძლიო ჩემს გარშემო შემოგარსული და შემოჯარული ნივთიერ-გრძნობიერი ყოფიერება, ვითარცა უმდაბლესი, ბიწიერი, სუფთა სულის მაცდუნებელი და მაწამებელი ყოფიერება.

არსულისძე ხელოვნებაა.

მე — ასკეზისი.

მაგრამ, იქნებ ასკეზისიც — ვითარცა გზა ბილწი გარეყოფიერების დაძლევისა და ღვთაებრივამდე ამაღლებისა — აგრეთვე ხელოვნებაა? და იქნებ, უფრო დიადი ხელოვნებაა ც?!

„თვალშვენიერ, თვალშვენიერ, გამესიტყვე მე, ტყუბსა სულისა შენისასა!“

და, რეცა, მოესმა ხმა არსულისძისა, ხმა სიტყვითა ფიქრთმეტყველებისა, სიტყვითა უხმოთა შინაგანმდებართა:

„ასკეზისი არა არს ხელოვნება, ვინათგან არა არს შემოქმედება.“

„მაგრამ ასკეზისი არის გზა ქვენასოფლურის გადალახვისა და ზენასოფლურთან მიმთხვევისა!“ — ფიქრი აუჯანყდა გიორგის.

„მაგრამ მხოლოდ განსვლა და მიმთხვევა არა არს ხელოვნება“ — უქცია ფიქრი თვალშვენიერმა.

„ასკეზისის გზით მე ვიხილავ შუქსა ღვთაებრივსა!“

„იხილავ, ალბათ, იხილავ, მაგრამ არცა ხილვა — თუნდაც ღვთაებრივი და ზესთასოფლური შუქის ხილვა — არ იქნება ხელოვნება, არ იქნება შემოქმედება. ასე არს, რადგან შე მოქმედება ქმნადობაა ჯერ უქმნადისა და არარსებულისა. ხოლო, მარტო ხილვითა ერთითა ახალი, ნარუქი, არარა შეიქმნების.“

„მაშ, ასკეზისს არა ძალუძს შემოქმედება?“

„შემოქმედება ძალუძს მხოლოდ შემოქმედებას.“

„ასკეზისი ჩახშობაა ქვენასოფლური ვნებებისა.“

„შემოქმედება კი არ განარჩევს ვნებათგან ქვენას და ზენას, მისთვის ვნება ყველა ვნება არს. და თვითონ შემოქმედებაც არის ვნებათა აჯანყება, გარდასახვა, გარდაქალწულება და აყვავება, საიდანაც ბოლოს და ბოლოს უნდა იშვას ნარუქი, ახალსახე და ახალნერგი შენამოქმედი.“

„მერე, ეგ ხომ არ არის ანტიღმერთობა?!“ — სული და სისხლი შეუძრწუნდა გიორგის.

„ვინ იცის — შესაძლოა, ხელოვნება მართლაც არის ანტიღმერთობა არსებულისა, მაგრამ უეჭველად უნდა იყოს თვითონ ღმერთობა მანამ არარსებულისა და ახლასწორედ ხელოვნებისგან შექმნილი ნარუქისა.“

„ასკეზისის გზით მე მაინც გავალ ქვენასოფლისგან, რომელ არს კუტი, ცოდვილი შვილი ზენასოფლისა.“

„გახვალ, გაღწევ ქვენასოფლისგან,

რამეთუ წმიდანი ხარ, და მიადწევ ზესთასოფლურსაც სიწმიდითა შენითა, მაგრამ დარჩები მხოლოდ წმიდანი და არასოდეს არ იქნები ზელოვანი, ანუ შემოქმედი ნარქისა, მანამდე უქმნადი შენამოქმედისა...“

ვილოდა და ფიქრობდა.

ფიქრობდა ფიქრითა თვისითა და ფიქრითა ტყუბისა სულისა თვისისათა.

ვილოდა შეუჩერებლივ ქართველი პერგერინუსი ქალბაბარის ძვალზე უმტკიცესი ძვლითა და ძარღვით.

გადაიარა სირიის უდაბნო.

გაიარა დამასკო.

ისევ ბრძოლა მზესთან (უცხო მზესთან, რომელიც არ ჰგავდა მზესა ქართულსა) და ბრძოლა მზისგან დადაღულ დედამიწასთან (დედამიწა, რომელიც არ იყო „დედა“ და არ ჰგავდა მიწასა ქართულსა. მისი „დედამიწა“ ახლა მის გულზე დაკიდული ქართული მიწის ნაშთი იყო).

და აჰა, ესერა, ფეხი შედგა გალილესა.

გალილეა, სამშობლო უფლისა ჩვენისა იესო ქრისტესი!

(თუმცაღა რაი არს „სამშობლო“ ღვთაებისათვის?!).

აი, ნაზარეთიც, მთებში ჩაკარგული მცირე ქალაქი.

ბეთლემს იშვა და ნაზარეთს იზარდა უფალი ჩვენი.

აი, ეკლესია ხარებისა.

ეკლესიაში, ქვემოთ, მღვიმე-ქარანძავი, და ჩაჰყვა ქვის კბეებს გიორგი.

აი, ის ადგილი, სადაც მჯდარა ქალწული მარიამი და რთავდა ზეზის ძაფს. და აქვე მიეახლა მას მთავარანგელოსი გაბრიელი და ახარა: „გიხაროდენ, მიმადლებულო! უფალი შენ თანა; კურთხეულ ხარ დედათა შორის!“

აი, ქარანძავი, სადაც იზრდებოდა უფალი ჩვენი!

აი, სარეცელი, რომელზეც ეძინათ ღვთისმშობელს და მის ღვთაებრივ ძეს!

იმავე ქარანძავის მარცხენა მხარეს

გიორგიმ იხილა საფლავი იოსებისა, მარიამის ქმრისა. თვითონ ქრისტე დაემარხა იგი, თავისი წმიდა ხელებით. სამარის კედლიდან წყალი გადმოსჩქეფდა, ფერად თეთრი, საკმევლის სურნელოვანი და სნეულთა მაკურნებელი.

მერე გიორგიმ თავყანი სცა სვეტსა, რომელთან იჯდა უფლით მუტელებნილი მარიამი.

ამოვიდა ქარანძავიდან და უკანასკნელად მიმოიხილა უფლის მშობლიური ქალაქი.

მშობლიურიო?!

მაგრამ რაი არს-მეთქი „მშობლიური“ უფლისათვის?! აკი სწორედ და მხოლოდ აქ, მის „მშობელ მიწაზე“, მისმა „მშობლიურმა ხალხმა“ არ აღიარა ღვთაებრივობა მისი ღვთაებრივი შვილისა! განა იოსებ ხუროის ძე არ არისო, განა დედამისი მარიამი არ არისო, განა მაგის ძმები არ არიან იაკობ, იოსე, სვიმონ და იუდა — ყველანი მიწიერნი, და თვითონაც მათი სისხლი და ხორცი როგორღა იქნება წინასწარმეტყველი, გინა - მესია, გინა მაცხოვარიო?! — იღრინებოდნენ, იხერხებოდნენ, ქირქილებდნენ და ქილიკობდნენ ნაზარეველნი, და მაშინ სთქვა ქრისტემ სიტყვა მწარე და მწარედ სახსოვარი: არა შეიცნონ და შეიწყნარონ წინასწარმეტყველი სოფელსა თვისსა და სახლსა შინა თვისსა!..

და უცებ, შხამიანმა ფიქრმა გადაუარა გულზე გიორგის:

„ვთუ — ნაზარეველნი ჰგვანან ქართველებს?!“

ნაზარეთს ვაშორდა და ერთი ისრის გასროლის მანძილზე მიადგა წმინდა წყაროს, მიწის ღრმა გულიდან მომდინარეს.

აქ მოისმინა ქალწულმა მარიამმა სიტყვა პირველი ხარებისა — „გიხაროდენ, მიმადლებულო...“

და ისხურა სახეზე გიორგიმ წმიდა წყალი წმიდა წყაროისა.

და განაგრძო გზა. და მივიდა კანას, სადაც უფალმა წყალი ღვინოდ აქცია.

და მივიდა მთასა თაბორსა.

თაბორის მთა — სადაც ერთგულმა მოწაფეებმა — პეტრემ, იაკობმა და იოანემ — იხილეს ფერისცვალება მაცხოვრისა („და იცვალა მათ წინაშე სხუად ფერად, და განბრწყინდა პირი მისი, ვითარცა მზე, ხოლო სამოსელი მისი იქმნა სპეტაკი, ვითარცა ნათელი“).

თაბორის წითელ კლდეზე მონასტერს ავიდა და ილოცა.

და აქ უთხრეს გიორგის: თაბორის მონასტერი და ნაზარეთის ოთხი ეკლესია ქართველებმა ააშენესო. ეს მაშინ, რაჟამს ვანტანგ გორგასალმა დაიპყრო იერუსალიმიო...

ვიღოდა გიორგი ქალბატარის ძვალზე უმტკიცესი ძვალით და ძარღვით.

და მიღწია იქ, სადაც იორდანეს ზემო ნაკვეთი ერთვის ტბასა გენისართისასა, გინა ტიბერიადისასა.

იორდანე! აქ ჩავლილმა ტალღებმა განბანეს და განანათლეს უფალი კაცობრობისა.

მდინარე გადაიარა, ტბის ჩრდილო მხარეს გაუყვა და მივიდა კაპერნაუმს.

„კაფარ“ — „სოფელია“, და აქედანვე უნდა წარმოსდგებოდეს ამ მცირე ქალაქის სახელიო. მაგრამ „სიმცირე“ ვით ითქმოდა, როცა სწორედ კაპერნაუმი იყო უსაყვარლესი ადგილი თვითონ უფლისა. სწორედ აქ შეიგრძნო და შეიცნო მან პირველად ძეღვთისაობა თვისი, — ძეღვთისაობა და თვითონ ღმერთობა. აქვე, კაპერნაუმს იწამა ხალხმა მისი პირველი შეგონებანი, ვითარცა სიტყვანი ქეშმარიტი ღვთაებისა, მესიისა და მაცხოვარისა.

და ყველაზე ძლიერი, რაიც მან, უფალმა აქ, კაპერნაუმს თქვა:

„ადამიანო, ღმერთი თვითონ შენში არს!“

(ამიტომ, — თუნდაც ამიტომ — ადამიანს უნდა უყვარდეს ადამიანი,

მისი ღმერთობისთვის მაინც უნდა ვარდეს!).

და, ალბათ, აქ პირველად — ერმა, „რომელი სხდა ბნელსა, იხილა ნათელი დიდი, და რომელნი სხდეს სოფელსა და აჩრდილთა სიკუდილისათა, ნათელი აღმოუბრწყინდათ მათ“.

იორდანეს გასწვრივ ვიღოდა გიორგი, ლოთის ზღვისაკენ.

ზღვიდან ჩრდილოეთით ერთი დღის სავალზე იგი მივიდა იქ, სადაც მონაზნული იყო ადგილი ქრისტეს ნათელისა.

უსიამო გრძობამ გაუწელა ალტყინება სულისა: ფრიად მღვრიედ და მწვირედ მოედინებოდა იორდანე — წმიდათაწმიდა მდინარე დედამიწისა.

უშველად სუფთა, ანკარა, ლურჯად მოლივლივე იქნებოდა მაშინ იორდანე, გამნათლავი მაცხოვრისა, — ინუგეშო თავი გიორგიმ — მტკვარით, არაგვივით, ანუ რიონივით ლურჯი და კამკამა...

მაშ, იორდანე!
ნათვლა უფლისა!
ნათვლაო?!

„ნათ-ვლა“, „ნათე-ლა“ — ჩააცვიდა გიორგის გონება ამ სიტყვას.

ხოლო, ბერძნულად — „ბაპტისმა“.

მაგრამ „ბაპტისმა“ ხომ „განბანვაა“, ან „ჩაყურყუმალავება“, თუ „ჩაყვინთვა“, და სხვა არაფერი?!

ქართველებმა კი „სინათლე“, ანუ „ნათელი“ ჩასდეს და „ნათვლა“, „მონათვლა“, „განათვლა“ დაარქვეს.

იოანე ნათლისმცემელსაც ბერძნები „ნათლისმცემელს“ კი არა, „ბაპტისტესს“ ეძახიან — „განმბანველს“, თუ „ჩამყურყუმალავებელს“.

საოცარია: ნათელი, ჯვარი, ვაზი და ქალის თმა — ოთხივე ზენიშანი ერთ „მოქცევაში“ მოუქცევიდა ქართველი კაცის უცნაურ სულს!..

ქართლის მოქცევა გაახსენდა... „მონათვლა“ მტკვარში, „მონათლ-ვა“... ნინო „განმბან-ნათლ-ებელი“... ჯვარი ვახისა... თმით შეკვერთხილი...

და უბეში ხელი ჩაიყო.

არსუკისძის ნაჩუქარი ჯვარი იძვროდა მიძიდელ მღელვარე მკერდზე...

„შუალამე დადგა — უამი ქრისტეს ნათლობისა.“

უთვალავი სანთლით, კელაპტრით, კერეონით განათდა იორდანე.

ხალხით გაჭედილიყო მდინარე.

„კირიელისონ!!!“ — რეცა, ზეციდან ჩამოიჭრა მქუხარე ხმა.

„კირიელისონ!“

„უფალო შეგვიწყალე!!!“ ზრიალებდა ხალხი...

და შევიდა გიორგი იორდანეში. კოჭებამდე შევიდა, მერე — მუხლებამდე.

წყალი არ იყო ცივი.

არც თბილი იყო.

დაიხარა, წყალი ამოებოდა და სახეში შეიქცია. კიდევ მეორედ, მესამედ.

და ასე — „მოიბანა“ სახე.

თუ „მოინათლა“...

და, აჰა ესერა, მინიშნება საწუთისოფლო ბედისწერისა: ქრისტე იყო ოცდაათი წლის, ოდეს იდგა აქ, ამ მდინარეში, და ინათლებოდა... და გიორგიც იყო ახლა ოცდაათი წლის, იქვე, ქრისტეს ნანათლევში ჩამდგარი!

გული მიუჩუმდა, რეცა... ძიინ, ძინ... ისევ დარეკა. ოცდაათი ათთავლა გულის ნაძგერი.

ისევ ამოებოდა და შეიქცია სახეზე წყალი, ქრისტეს ნავლევით.

ემწუთხა წყალი, მწარედ ემწუთხა.

ეს — წყალი იყო მლაშე და მარილიანი?

თუ სახეზე ნადენი, ნაგზაური და მზით ნამწარალევი ოფლი იყო ეს?

უბიდან ჯვარცმა ამოიღო, არსუკისძის ნაძღვენევი.

დააქებრდა, დაიხარა და ამოავლო იორდანეში ნაწილი წმინდა ნინოს ეკლესიისა.

თითქოს რალაცის შეეშინდაო, ნასწრაფეველ ჩაიდო და ჩაიმალა უბემში ჯვარცმა გიორგიმ.

ჩაიმალა და ჩაითბო.

წყლიდან გამოვიდა და გზა გზაგარძო დასავლეთისკენ.

გათენდა, როცა იეროქონს მივიდა.

იეროქონი! ისუ ნავეს საყვირებით დაქცეული და დარეცილი დიდი ციხე-ქალაქი. ახლა საარკინოზთა მცირე დასახლება იყო აქ...

აჰა, მთა გაბანისა, სწორედ გაბანის მთის წვერზე შეჩერდა მზე, უფლის ბრძანებით, სანამ ისუ ნავე იეროქონელთა, ამორეველთა და ქანაანელთა მხედრობას ერკინებოდა, და მხოლოდ მაშინ ჩაესვენა მზე გაბანს გადღმა, როცა ჰაბირუელთა მთავარსარდალმა მტერს ხელი მოუთავა.

მაშ, მზე დამდგარა და გაჩერებულა გაბანის მთაზე.

„მზეო, დადექ და დაგვიანდი!“ — გაახსენდა გიორგის ანამისას დედის მოთქმა და აერყა სული...

იეროქონიდან, ბეთანიის და ელეონის მთის გავლით, პირდაპირი გზა მიდიოდა იერუსალიმს.

და მივიდა გიორგი ბეთანიას, ავიდა ელეონის ანუ ზეთისხილის მთაზე, საიდანაც ხელისგულივით ჩანდა თვითონ იერუსალიმი.

იერუსალიმი, თვალისჩინი დედამიწისა! რამეთუ ამბობდნენ ჰაბირუელნი: თვალი დედამიწისა არის პალესტინა, თვალის გუჟა — იერუსალიმი, ხოლო თვალის კაკალი, საიდანაც იმზირება მთელი სამყარო — ტაძარი სოლომონისა! — დრვიმოთალიკონოს!

ძველად ელეონსაც „სამი სინათლის მთას“ ეძახდნენ, — რაკი სწორედ სამი სინათლე გაივლიდა აქ: ამომავალი მზე, ჩამავალი მზე და შუქი მოდენილი სოლომონის ტაძარში ანთებული ჩირაღდნებიდან.

ელეონს დადგა იესო ქრისტე და აქედან გაგზავნა ორი მოწაფე იქვე, სოფლიდან სახედრის მოსაყვანად, რათა შემგდარიყო და შესულიყო იერუსალიმში. და დასასრულიც ქრისტეს მიწასთან შეხებისა აქვე დასრულდა: სწორედ აქედან, ელეონის მთიდან ამ-

აღლდა ზეცად იესო მაცხოვარი, მისი ჯვარცმიდან ორმოცი დღის შემდგომ.

კლდოვან ნიადაგს ეტყობოდა კიდევ მძლავრად ნაყრდენი მარცხენა ფეხის ნაკვალევი.

დაემხო და ემთხვია უთვალავჯერ ნამთხვევ უფლის ნატერფალს გიორგი. სამჯერ ემთხვია — ნაქუსლარს, ნათითარს და შუაგულს — ჯერაკუმბის (ძლიერი ქუსლი ჰქონია იესოს, გრძელი თითები და ღრმად შეზნექილი ჯერაკუმბია ფეხისგულისა).

როცა უფლის ნატერფალს ჰკონცინდა, სამჯერვე რაღაც სუნი შეიგრძნო გიორგიმ, მანამდე სრულიად უგრძნობელი და უცნობელი სუნი.

ისიც ვერ გაარკვია, სუნი იყო თუ სურნელი ეს?

ან რისა იყო, რაისაგანი?

ცისა თუ მიწისა?

ღვთისა თუ კაცისა?

თვითონ ქრისტეს ნატერფალ-ნასხეულარისა, თუ ადამიანთა ნამთხვევარ-ნალოშნარისა?

ვერ მოიაზრა გიორგიმ რა დაერქმია ამ შეგრძნებისთვის — სურნელი ღმერთისა თუ სუნი კაცობრიობისა?!

წელში გაიმართა და საკუთარ ფეხებს დააცქერდა. მაგრამ უმაღვე, «კოდვილ ვარ», გაუელვა და ახლა თვალი მოატარა ისევ ელეონს.

ზეთისხილის მთა უხვად დაედარა ნაპრალთა, ქვაბთა, ლაკვანთა და ქარანძავთა.

ყველაზე ახლოს, ორმოც ნაბიჯზე, იყო გამოქვაბული, რომელშიც ქრისტე თავს უყრიდა, ასწავლიდა და წაფავდა თავის მოწაფეებს.

ჩავიდა და ილოცა გიორგიმ იმ პირველ ქრისტიანულ სიტყვანალოცვარზე და ცრემლნათხევარზე.

ამოვიდა და კვლავ დააცქერდა იერუსალიმს.

აქედან დაბლა, თითქოს ხევში ჩანდა ქალაქი დავითისა და სოლომონისა, სა-

მი მხრიდან კლდოვანი მთებით შემორტყმული.

აი, დედაქალაქი მსოფლიო ქრისტიანიზმისა.

დედა-ქალაქი...

დედა...

(ქართველებმა დაარქვეს „დედა“ სატახტო ქალაქს. მხოლოდ ქართველებმა. მხოლოდ... მხოლოობა უყვართ ქართველებს).

აი, ზედა-ქალაქი იერუსალიმისა!

აი, ქვედა-ქალაქი!

აი, ახალ-ქალაქი!

აი, მორიონი, ანუ გოლგოთა, გინათხემი!

აი, ტაძარი იაღვესი!

აი, სიონი!

აი, დავითის კოშკი, სადაც დაიწერა ფსალმუნის, ზესთასოფლური საგალობელი!

გიორგის მოსვლამდე ორი ათას წელზე მეტს ითვლიდა ეს ქალაქი. ღვთაებრივმა დავითმა, ისრაელის და იუდას თორმეტივე ტომი ერთ სახელმწიფოდ რომ შეკრა, მაშინ გამოაცხადა იერუსალიმი ერთიან ჰაბირუელთა სატახტო ქალაქად. მერე დავითის ღვთისთესლიერი ძე და მემკვიდრე, სოლომონ ბრძენი, რომელმან ფრიად უადრეს აღაშენა, გაამშვენებრა და განავრცო იერუსალიმი, ვითარცა უწმინდესი, უმდიდრესი და ულამაზესი ქალაქი სამყაროსა. ხოლო, ზენიშანი ჰაბირუელთა იმქამინდელი აღზევებისა — სოლომონის ტაძარი, იაღვეს სახელზე აღმართული, უანგარიშო სიმდიდრით აღვსილი და უნატიფესი სამკაულებით დამშვენებული. მერე, შემდგომად სოლომონის აღსრულებისა, დაცემა და დაშლა ჰაბირუელთა სახელმწიფოსი; ცალკე ისრაელი და მისი სატახტო სამარია, ცალკე იუდეა და მისი სატახტო იერუსალიმი. ისრაელსა და სამარიას ასირიელებმა მოუღეს ბოლო. მათმა მრისხანე მბრძანებელმა შარუყინ მეორემ აიღო სამარია, გაძარცვა, გააოხრა, მისი მოსახლეობა დე-

დაწულიანად გაირეკა და მიმოფანტა მის უზარმაზარ სახელმწიფოში. სამართის დაცემიდან ასოციათექვისმეტი წლის შექმნომ იერუსალიმსაც ეწვია უბედურება. ახალი მსოფლიო მბრძანებელი, ბაბილონიის უნიჭიერესი და უსასტიკესი ხელმწიფე, ნაბუქოდონოსორ მეორე შემოიჭრა ცეცხლით და რკინით. იუდეის მეფე, სედეკია, გაიქცა ოჯახით. იერიქონის ველზე წამოეწიენენ ბაბილონელნი, შეიპყრეს და მიპყვარეს თავის მბრძანებელს. ნაბუქოდონოსორმა სედეკიას თვალწინ მის ვაჟებს ყელები გამოსჭრა, თვითონ სედეკიას თვალები დაუშრიტა. მანამდე გაუგონარი სისასტიკით დააცხრა თავზე იერუსალიმს ნაბუქოდონოსორი. ქალაქი გაძარცვა და ძვლებამდე გააშიშვლა. მისი ციხენი და სიმაგრენი საძირკვლამდე დაანგრია. სოლომონის ტაძრიდან ის საარაკო სიმდიდრენი ერთიანად გაიტაცა, თვითონ ტაძარი დაანგრია და ბალავრიანად მოთხარა. და იერუსალიმის მთელი მოსახლეობა დედაწულიანად აპყარა და ბაბილონში ტყვედ წაიყვანა.

ფიქრი მოიკვალა გიორგიმ: „და სწორედ ნაბუქოდონოსორისგან იერუსალიმის წარტყვევნის უამს მოხდა, რომ ჰაბირუელთა ერთმა ჯგუფმა სიკვდილს, ანუ ტყვეობას გამოასწრო, ჩრდილოეთით წამოემართა, რის ვაივაგლახით საქართველოში შემოაღწია და თავშესაფარი ითხოვა. ქართველებიც რაღა ქართველები იქნებოდნენ ლტოლვილთა და მიუსაფართა თუკი არ შეიფარებდნენ, მშიერთ არ დააპურებდნენ, მცივანთ არ გაათბობდნენ და უსახლკაროთ არ დაასახლებდნენ! და დაასახლეს და დაამკვიდრეს ლტოლვილი ჰაბირუელნი ქართველებმა ქართულ მიწაზე, მცხეთის ახლოს, სოფელსა ზანავს, ანუ ხერკსა. და ათას შვიდას წელზე მეტი გასულა მას შემდგომ...“

მეგრამ ხიზნობას და სტუმრობას ხომ თავისი საზღვარი აქვს, და თუ „საზღვარი ესე“ მასპინძელმა არ შეახსენა, აკი

ხშირად ხდება, რომ ხიზანი ხიზნობას დაივიწყებს, მასპინძლის მადლსაც ხსოვნიდან ამოირეცხავს და სხვა სხვა სახლში ალალი მასპინძლობით (თანაც „ქართული მასპინძლობით“) მიღებული, იმავე სახლის მამასახლისობას დაიჩემებს... დიახ, დიახ, ასე იცის ხშირად „ნამეტანი მოფერებულმა“ ხიზანმა. თუმცაღა სწორედ ჰაბირუელნი არ აღმოჩნდნენ ასეთნი, ღორისსულოვნად უმადურნი. მათ სცოდნიათ ფასი მადლისა: ისინი, „ქართველ ჰაბირუელებად“ წოდებულნი, ქართველებს საქართველოში პირველობას არ ეცილებიან! არამედ მათ კვალს მიჰყვებიან, მათ გვერდში დგანან, მათთვის გულწრფელად თავს გამოიდებენ. და სწორედ ამიტომ არის, რომ არავინ წააყვედრის ჰაბირუს საქართველოში — შენ ქართულ მიწაზე ცხოვრობო, შენ ქართულ პურს სჭამო, შენ სხვა ჯიშისა ხარო, შენ სხვა სჯული გაქვს და სხვა ღმერთი გწამსო...“

ისე — საქართველოს ფასი და მადლი, მგონი, მოსულმა უკეთ იცის, ვიდრე დამხვედურმა...

ისევ მოინაცვლა ფიქრი გიორგიმ. ნახევარ საუკუნეზე მეტ ხანს ვაგრძელდა „ბაბილონური ტყვეობა“, — მანამ, სანამ სპარსეთის სახელმწიფოს დამაარსებელმა, დიდმა კიროსმა არ დაამხო ბატონობა ბაბილონისა. და დაბრუნდნენ ჰაბირუელნი იერუსალიმს, კვლავ ალაშენეს და ააღორძინეს სალოცავი ქალაქი თვისი.

განვლო ორასმა წელიწადმა და ალექსანდრე მაკედონელი მოვიდა იერუსალიმს.

კიდევ ორას სამოცდაათი წელიწადი და — გნუს პომპეუსმა შეიყვანა რომაული ლეგიონები იერუსალიმში.

კიდევ სამოცდაათი და — ქრისტე დაიბადა.

კიდევ სამოცდაათი და — ისევ რო-

ღევაან სანიკიძე
გიორგი ათონელი

მაელებმა, ტიტეს სარდლობით, აიღეს და დაანგრეს აჯანყებული იუდეის წმინდა სატახტო.

კიდევ სამოცი წელიწადი და — ადრინე იმპერატორმა ისევ სძლია აჯანყებულ იუდეველებს და იერუსალიმის ადგილზე რომაული კოლონია დააარსა — ელია კაპიტოლინა.

კიდევ ორასი წელიწადი და — ქრისტიანობის გზაზე შემდგარმა კონსტანტინე იმპერატორმა სწორედ ქრისტიანობის “წმიდა ქალაქად” გამოაცხადა იერუსალიმი.

კიდევ სამასი წელიწადი და — არაბებმა აიღეს იერუსალიმი და მათმა ხალიფამ, ომარმა ქრისტიანთა წმინდა ქალაქი ახლა მუსლიმანთა „მეორე წმინდა“ (მეექვსე შემდგომ) ქალაქად ამცნო ქვეყნიერებას.

მას შემდგომ გავიდა ოთხასი წელიწადი და, ჯერ ისევ არაბები ბატონობენ იერუსალიმში.

ჯერ ისევ...

ჯერჯერობით...

და ყოველივე ჯერჯერობით არის ამ ქვეყნად.

და გაახსენდა გიორგის: ოთხასწლოვანი „ჯერჯერობითი ბატონობა“ არაბებისა საქართველოში.

ყოველივე „ჯერჯერობით“ სუნთქავს ამ ქვეყნად...

...იერუსალიმსა და ელეონს შუა გეთსამანიის ბალი იდგა, ნატვრის თვალივით.

გეთსამანია, სადაც უკანასკნელად ილოცა ქრისტემ!

და მივიდა გიორგი გეთსამანიას. უამრავი მლოცველი დამუხლულიყო უფლის უკანასკნელ ნამუხლარზე. გიორგი მუხლის ჩასაბჯენ ადგილს ეძებდა ამოოდ.

და მოეცვა გეთსამანია სურნელს ღვთაებისას და სუნს კაცობრიობისას.

— მოდი, ძმაო, და აგერ ჩემს მკერდზე დამაბჯინე ეგ შენი მუხლი! — მოესმა გიორგის მიწიდან ამდგარი სიტყვა.

მთქმელი გულაღმა იწვა, მკლავები თავქვეშ სასთუმლად ელაგა და ბოლა ღიმილითა მარხიანითა.

— ქართული გცოდნია, — უთხრა გიორგიმ.

— მცოდნია რა, — იქნებ ქართველიც ვიყო.

— არა, არ იქნები შენ ქართველი.

— მაშ ვინ ვიქნები შენის ფიქრითა?

— შენ სომეხი უნდა იყო.

— მერე რა, გენაღვლება, რომ სომეხი ვიყო?

— მენაღვლებაო? რაისთვის მკადრებ?

— მაშ, მოდი და ერთად ვილოცოთ!

— ერთად ვილოცოთ? შენ მონოფიზიტმა და მე დიოფიზიტმა?

— არა, შენ ქართველმა და მე სომეხმა.

და წამოიწია მუხლზე სომეხი.

და დაეშვა მუხლზე ქართველი.

და ილოცეს ერთად, მაგრამ ჩუმად, თავისთვის, უერთმანეთოდ.

იყვნენ ერთად და იყვნენ ცალცალკე.

და იცინოდა ქართველ-სომეხთა ბედისწერა გეთსამანიის ბაღსა ზედა!

წავიდეთ და ერთად შევიდეთ იერუსალიმშიო, უთხრა ქართველმა, თავთავისი ლოცვა რომ მოითავეს.

— ერთად შევიდეთ, ჰო, ერთად! — გაეხარდა სომეხს.

— წმიდა სტეფანეს და ცხვრების კარებით შევიდეთ, — თქვა ქართველმა.

— არა, ოქროს კარებით შევიდეთ, — თქვა სომეხმა.

— არა, ცხვრის კარებით!

— არა, ოქროს კარებით!

— ცხვრის კარებით შევიდა პირველი ტარიგი საუფლოი იერუსალიმში. ამიტომ ჩვენც იქედან უნდა შევიდეთ! — დაბეჭდა ქართველმა.

— თვითონ ქრისტე პირველად ოქროს კარებით შევიდა იერუსალიმში და ჩვენც იქიდან უნდა შევიდეთ — არ იშლიდა თავისას სომეხი.

— მაგრამ ოქროს კარები ხომ ამოქოლილია ომარ ხალიფას ბრძანების შემდგომ?

— ომარმა ამოქოლა, მაგრამ ჯვაროსნებმა აკი გახსნეს.

— ჯვაროსნებმა გახსნეს, მაგრამ აკი ისევ ჯვაროსნებმავე დაკეტეს!

— როგორაც არ უნდა დაჰკეტონ, გასაძრომს მაინც მოვიძიებ, — სთქვა სომეხმა და გაიცინა.

— მაშ, მე წავედი!

— მეც წავედი!

და ქართველი წავიდა „ცხვრისკენ“.

და სომეხი წავიდა „ოქროსკენ“.

ცალცალკე მიდიოდნენ, ბედისწერა კი ერთი ჰყავდათ — ბედისწერა, ახლა რომ სიცილით კვდებოდა...

და შედიოდნენ განუწყვეტელ მდინარებად იერუსალიმს მლოცველნი ქრისტიანნი, მოდენილნი დედამიწის ყოველი კუთხით. შედიოდნენ ფეხით, ცხენით, სახედრით, საზიდრით.

ოღონდ ამხედრებულნი ქალურად უნდა მსხდარიყვნენ ცხენზე, მარცხნივ ორივე ფერხით გადალაგებულნი. ბრძანება იყო არაბთა მბრძანებლისა: მაშაკურად ცხენზე შეჯდომის უფლება არ მიეცათ ქალაქს შემავალ ქრისტიანთათვის. ეგენი ხომ დიაცები არიან და უნაგირებზეც ეგრე უნდა ისხდნენ, დიაცურებ ფეხებმირქმულნი და აშავერიტიყუბულნიო. სიკვდილი არ აცდებოდა ქრისტიანს, ვინც ამ ბრძანების გაცდუნებას შეეცდებოდა.

და შიშობდა გიორგი, — ვაი თუ ცხენზე ქალურად გადართხმული ქართველი ვიხილო ამ უცხო მიწაზეო. იქნებ ფეხით შესვლა ამჯობინონ იერუსალიმში ქართველებმა, როგორც მრავალი სხვა ქრისტიანი ამჯობინებსო. ისედაც რა საკადრისია უფლის წმინდა ნაკვალევზე ცხენით ჯირითიო, — ფიქრობდა გიორგი.

ქალაქს ჩვიდმეტი კარები ჰქონდა: იაფა, ნესვი, წყარო, ცხენები, დილეგი, ოქრო, წმიდა სტეფანე, ჰეროდე, დამასკო, შალეკეტი, შუათანა, ეფრაიმი,

სიონი, ცხვრები, თევზი, ძველთაძველი, გენათი.

მლოცველობა ჩრდილო-აღმოსავლეთიდან იწყებოდა, წმინდა სტეფანესა და ცხვრების კარებიდან (ასე დარქმეოდა, რადგან ამ გზით და კარით ერეკებოდნენ ქალქში სამსხვერპლო ბატკნებს), რომლისთვისაც შემდგომ წმინდა სტეფანეს კარებიც დაერქმიათ.

შედიოდა გიორგი იერუსალიმში და მისი გონება მოეცვა ქრისტეს პირველი შესვლის სურათს, ათასი წლის ნათევს: შედის ღვთის ქალაქს თვითონ ღვთაება, სახედარზე ამხედრებული (შეგცოდე, ღმერთო — რომელი კუდაბახლა ქართველი იკადრებს ვირზე შემჯდარი სატახტოს შესვლას!), და ეგებება ერი აღტკინებით ატაცებული და აბღავლებული: ეგებებიან, მირტის და ზეთისხილის რტოებს მიუფენენ, ტანსაცმელსაც იძრობენ და იმასაც ფეხქვეშ მიუგებენ, და მიუგალობენ: „ოსანა ძესა დავითისასა! კურთხეულ არს მომავალი სახელითა უფლისათა! ოსანა, რომელი ხარ მაღალთა შინა!“

და შევიდა გიორგი იერუსალიმის იმ ნაწილში, რომელიც რომაელთა მბრძანებლობის ქამს განეკუთვნებოდა და სახელად ერქვა „ახალი ქალაქი“.

იარა და უფრო ძველ კედლებს მიადგა, ეზეკიას და მანასეს კედელ-გალავანს. გაიარა „ცხვრები“ და მიუახლოვდა მთასა მორიასა, რომელზეც სამ ტერასად დამყარებული აღმართულიყო მთავარი ტაძარი, „რაითაც იმზრებოდა მთელი სამყარო“.

პირველი ტერასა ეზო იყო, შემდგომში „წარმართთა ეზოდ“ წოდებული, სადაც შესვლა შეეძლო ყველას, მართლმორწმუნე ჰაბიურსაც, ქრისტიანსაც და ყოველ სხვა სჯულის ქაფარ-წარმართსაც. აქ იდგა სავაჭრო ციებცხელიება, ფულების გაცვლა-გახურდავება, ყოველნაირი საქონლისა და პირუტყვის ყიდვა-გაყიდვა, მსხვილი სანივთო მიმოქცევა და წვრილი ფერეხიკობა. ერთი სიტყვით, სწორედ აქ სდუღდა

სახარების მამხილებელი და მგმობარი სიტყვით მონათლული „ქვაბი ავაზაკთა“.

ზედა ტერასა ქვედასაგან ქვის კედლით იყო გაყოფილი და იქ მხოლოდ იალვეს თაყვანისმცემლებს შეეძლოთ შესვლა. იქვე გადასაზღვრული იყო მესამე ეზო მხოლოდ ჰაბირულელ ქურუმთა და რაბინთათვის, ხოლო რაბინთა ეზოში იყო აღმართული თვითონ ტაძარი — დრვიმოთალიკონოს.

ტაძარი ნაგები იყო თეთრი, ქათქათა მარმარილოთი. კედლები მისი — ოქროთი მოჭედლილი.

და ვითარცა ცეცხლი განუკვეთელი და ფერუცვალებელი — ისე ვარვარებდა ტაძარი იგი ცისა და მიწის შესაყარში.

თვითონ ტაძარი სამად განიყოფოდა — კარიბჭე, წმიდა სალოცავი და წმიდათაწმიდა. კარიბჭეში შესვლა შეეძლო ყველა მორწმუნე ჰაბირუს, მხოლოდ მამაკაცს და სხეულით უნაკლულს. ოქროს კარები და უძვირფასესი კრეტსაბმელი ფარავდა წმიდა სალოცავს, ტაძრის ყველაზე დაბლობ და მცირე ნაწილს, სადაც შესვლა შეეძლოთ მხოლოდ ქურუმებს. აქ ენთო შვიდ-ლამპოვანი სანთებელი, ვითარცა შვიდი პლანეტა; ტაბლა თორმეტი პურით და მათზე გამოსახული ამდენივე ზოლიაქოთი. და კიდევ აქვე — სამსხვერპლო, სადაც იწირვოდა საწირავნი, მოყვანილნი დედამიწის ყოველ კუთხიდან. მესამე ნაწილი ტაძრისა იყო წმიდათაწმიდა, კაცთაგან ცარიელი, რამეთუ იქ ცხოვრობდა თვით იალვე, ღმერთი უზენაესი, ელოი, ადონაი, საბაოთ... მხოლოდ მღვდელმთავარს ჰქონდა წმიდათაწმიდაში შესვლის ნება და ისიც წელიწადში ერთხელ...

შედიოდა ქართველი ბერი ტაძრად და გულში ფსალმუნობდა: „ვიხარე, რომელთა მრქვეს მე — სახლსა უფლისასა შევიდეთ. დადგრომილ იყვნენ ფერხნი ჩვენი ეზოთა შენთა, იერუსა-

ლიმ!“ და შევიდა იქ, სადაც ათასი წლის წინ მისულიყო იესო მაცნობარი და გაეწმინდა იგი ვაჭართაგან, თაღლითთაგან და ფერეზიკთაგან. და მას შემდეგ, რაც ქრისტემ იალვეს „სახლი სალოცველი“ გაწმინდა „ავაზაკთა ქვაბისაგან“, დაბრუნდა ისევ ელეონზე და ბეთანიას. და მეორე დღეს კვლავ შევიდა იგი იერუსალიმს.

გიორგიც მიბრუნდა და ის ღამე ბეთანიას გაათენა. ხოლო დილით კვლავ გაჰყვა უფლის ნაკვალევს. ისევ შევიდა იერუსალიმს, ოღონდ მეორედ აღარ შეჰყოლია ქრისტეს ნაკვალევს მთავარ ტაძარში: ეშინოდა, ღმერთის სურნელი კაცთა სუნს არ გადაეჭარა უფლის სახლში. ტაძარში აღარ შესულა, მაგრამ ტაძართან იესოს ნათქვამი უწვავდა წყაროს სმენისას:

„ამინ გეტყვი თქუენ: არა დაშთეს აქა ქვაი ქვასა ზედა, რომელი არა დაირღუეს“.

და მოჰყვებოდა და მოჰყვებოდა გიორგი უფლის ნაკვალევს იერუსალიმსა და ელეონს შორის.

ეფრაიმის კარებით დავით-სოლომონის გაღავანი გაიარა, ზედა ქალაქში შევიდა, მერე სიონის კარებით სიონის მთაზე ავიდა. იქ დიდხანს იდგა. გონებაში ისევ ფურცლავდა ქრისტეს ცხოვრების წიგნს, გონებით ფურცლავდა და თვალთ ნახილველს უდარებდა.

აი, იქ, სიონიდან სამხრეთით, იოსებ კაიაფას სახლი იდგა — კაიაფა ჰაბირულელთა მღვდელმთავრისა. მანდ შეიყარა სინედრიონი სოფერიმებისა და ზრახვა-ჰყვეს ქრისტეს შეპყრობისა და სიკვდილისა. მანდ მივიდა იუდა „და ჰრქუა: რაი გნებავს მოცემად ჩემდა, და მე მიგცე იგი? ხოლო მათ მიუწონეს მას ოც და ათი ვეცხლი“. აქ გაისმა პირველად საღალატო ვერცხლის ჩხრიალი.

მერე — საიდუმლო სერობა, 13 ნისანი (2 აპრილი), ხუთშაბათი, წინარე დღე პასექისა, და უსაშინლესი სიტყვა უფლისა:



„ამინ გეტყვი თქვენ, ერთმან თქვენ-
განმან მიმცეს მე!“

და ამ სიტყვით შერყეულ მოწაფე-
ებს, თვინიერ იუდა კარიათელისა (რო-
მელიც უკვე წასულიყო: ღალატის
ხორცსმად), — ქრისტემ პურით და
ღვინით მისცა ზიარება საკუთარი ხორ-
ცისა და სისხლისა.

ზიარება ქრისტეს ზესთასოფლოური
ღვაწლმოსილების უკანასკნელი ნაქმნე-
ვი იყო დედამიწაზე.

იღვაწა სამი წელიწადი, დაიწყო ნათ-
ვლით და დაასრულა ზიარებით...

გიორგი მივიდა გეთსამანიას, სა-
დაც, საიდუმლო სერობის შემდგომ,
მობრუნდა ქრისტე მოწაფეებით (ისევე
თვინიერ იუდა კარიათელისა).

იქვე ზეთისხილის ხეივანი იყო. ხეთა
შორის რვა გამორჩეული სიდიდის,
ათასწლოვანი ხენი.

და აქ, ბაღსა გეთსამანიისასა, იმ და-
მით უკანასკნელად ილოცა ქრისტემ,
სამჯერ ილოცა უმძიმესი სულის ტკი-
ვილით. ილოცა, „ვიდრე ოფლი მისი
იქმნა, ვითარცა სისხლი“.

და აქვე — მდევართაგან კოცნით
ამოცნობა, იუდას კოცნით!

და შეპყრობა ქრისტესი.

(აი, ის ხე, რომლის ქვეშაც იუდამ
აკოცა ქრისტესი).

და აქედანვე — წაყვანება ქრისტესი
იოსებ კაიაფასთან, სინედრიონის სამ-
სჯავროს წინაშე... და იქიდან — პი-
ლატესთან...

და იყო გაჭედილი პერეგრინუსებით
გეთსამანია. იღვა სურნელი ღვთაებისა
და სუნი კაცობრიობისა, ურთიერთ
შენაზავი. ლოცულობდა, ქვეთინებდა,
გმინავდა, ჰკოდებდა, ზმუოდა გეთსა-
მანია, აღუთვალავი ხმითა და ენით ნა-
ზავი ზუნით ზმუოდა.

და უტეც, ამ მსოფლიო ზუნსა და
ზუზუნში ქართულიც მოესმა გიორგის:

„შენ ხარ ჩემი სალოცავი, ჩემი გეთსამანია,
გულში შენი სიყვარული — სარია, სამანია“.

სული გაეყინა გიორგის: ქვეყანა
ჰკოდებდა, ქართველი კი იცინოდა და
ქილიკობდა!

ესეც მოსდგამს ქართულ ჯიშს: რო-
ცა მოეპრიანება, მსოფლიო საგოგმე
ბელსაც საღვინებლად და სასაცილოდ
გაიხდის.

„ღმერთო, ღმერთო, მე მეპატე, ან მე
მომკითხე ამ ცოდვისათვის!“

და გაეცალა გიორგი გეთსამანიას,
გაეცალა და გაექცა გაუგებმურებული.
იგი ახლა მიდიოდა იქით, საითაც ათასი
წლის წინ მიჰყავდათ შეპყრობილი
ქრისტე ჰაბირუელ სინედრიარებს და
უგულო რომაელ ლეგიონერებს.

აი, ის ადგილიც, სადაც ათასი წლის
წინ იღვა სასახლე რომის პრო-
კურატორისა, და იღვა პილატე პონ-
ტოელი — ხარბი მოხელე და გულქვა
ჯარისკაცი, სხეულით და სისხლით ბო-
როტი კაციშვილი.

(ხოლო, „ბოროტ სხეულში სული
მკედარია“ — გაახსენდა გიორგის ორი-
გენედან ამოკითხული).

განთიადი იღვა 14 ნისანისა, პარას-
კევისა, პასექის დღესასწაულისა, ოდეს
მხარგაკრული ქრისტე მიიყვანეს პრე-
ტორიუმში, პილატე პონტოელთან.

ჰაბირუელმა სოფერიმებმა რომაელი
მაგისტრატის სადგომში შესვლა არ ინ-
დომეს — ამ დღესასწაულის დღეს არ
შევიბილწოთო და პილატე გარეთ გამო-
იხმეს.

რას უჩივით და რა ბრალს დებთ ამ
კაცსო, — იკითხა პილატემ უგულო
ზმორვით.

საჩივარი და საბრალბელი რომ არ
იყოს, არც მოვიყვანდითო, უპასუხეს
ჰაბირუელთა.

მაინც რას უჩივითო?

მოსეს კანონებს ებრძვისო, იერუსა-
ლიმის ტაძრის დანგრევას აპირებსო.

მერე, ეგ ხომ თქვენებურად ღვთის
გმობაა და სხვა არაფერი, ამიტომ
თქვენც ადექით და თქვენი სჯულის კა-
ნონებით განიკითხეთ და გაასამართლე-
თო, ხელი აიქნია პილატემ.

მარტო ღვთის გმობა კი არა, ეგ კაცი
თავს იუდეიის მეფედ აცხადებს, ხალხს
აჯანყებს და ამით რომის კეისარს ემე-

ტოქება. ამისთვის ხომ სიკვდილი ეკუთვნის, ჩვენ კი სიკვდილის განაჩენის უფლება არა გვაქვსო, შენ კი უფლება გვაქვს და კიდევაც გვეალება სიკვდილით დასაჯო, — ყარყაშებდნენ რაბინები.

კეისრის მეტოქეობაო? ხალხის აჯანყებაო? — ახლა კი დაფრთხა პილატე პონტოელი.

მაშინვე იესო სასახლეში შეიყვანა, მარტოდმარტო სიტყვასაქცევად.

შენ მართლა იჩემებ იუდეის მეფობასო, ჰკითხა პილატემ.

შენ თვითონ მიიჩნევ მაგას ჩემ ნათქვამად, თუ სხვები რომ მამბრალეებენ, იმას უგდებ ყურსო, თავისად ჰკითხა იესომ.

განა მეც ჰაბირუელი ვარ, შენი ხალხისგან მეფეს ველოდეო, — ზიზლით თქვა პილატემ — შენთანები გდებენ შენ ბრალს იუდეის მეფობის აჩემებაში, და ისეთი რა ჰქენ, რომ გაბრალეებნო?

ისინი არა სტყუიან, რომ მეფობას ჩემსას ვამბობო. მაგრამ ჩემი მეუფება სულ სხვაა, ვიდრე მათ ესმითო, — ამბობდა ქრისტე — ჩემი მეუფება არა ამ ქვეყნისა არისო. და ასე რომ არ იყოს და მეც ჩვეულებრივ მეფობას ვგულისხმობდე, მაშინ მე, ვითარცა მეფეს ამ ქვეყნისა უნდა მყოლოდა პასენიკნი, ჩემდა მოსამსახურენი, მებრძოლნი ჩემდა მბრძოლნი და მე აღარ ვიქნებოდი პყრობილი მპყრობელთაგან ჩემთა. ამიტომ ვამბობ, რომ მეუფება ჩემი არა არს ამიერ მიწასოფლისაო, — მშვიდად დაასრულა იესომ.

— მაგრამ რაკი შენს მეუფებაზე ლაპარაკობ, მაინც ხომ მეფედ აცხადებ თავს? — ჩასდია პილატემ.

— რაკი შენ ასე ამბობ, დე იყოს ასე. მე დაბადებული და მოვლინებული ვარ ჰეშმარიტებისთვის, ჰეშმარიტების სასწავლებლად და ვინც ჰეშმარიტება შეიცნო და შეიყვარა, იგი აპყვანასა ჩემსა და გზასა ჩემსა, — მხურვა-

ლედ თქვა მეუფემან ჰეშმარიტებისა მან.

ჰეშმარიტებაო?! — რაი არს ჰეშმარიტებაი? და უშვერმა, უგვანმა ხარხარმა შეარყია სასახლე.

იცინოდა პილატე, მას რომ შეენოდა ისე იცინოდა.

— ჰეშმარიტებაი, ჰა, ჰა, ჰა, ჰე, ჰე, ჰე!

და ასეთი სიტყვადი როშვისათვის მოითხოვენ ეს ჰქუაშერყეული ჰაბირუელი თავისი თვისტომის სიკვდილს!

(ისეთი იყო გონი პილატესი, მის გლემურძოვან გარსში ვერ შეაღწია სიცხოველემ და სინათლემ ლოგოსისა: „ჰეშმარიტება!“).

„რაი არს ჰეშმარიტებაი?!“

(გონებაბრჯგუ პილატე კი არა, — ერთიკ ვიკითხოთ, დღემდე რომელმა ბრძენთაბრძენმა გასცა სრულქმნილი პასუხი ამ მარადიულ საკითხავს?!).

და გამოვიდა, და გამოუტხადა პილატე პონტოელმა ჰაბირუელ სოფერიმებს: მე ამ კაცში საბრალბელს ვერაფერს ვხედავ!

ვერაფერს ვხედავო?!

— ჭუარს აცუ, ჭუარს აცუ, ჭუარს აცუ ეგე! — იბლაღლეს რაბინებმა.

ხელი აღმართა პილატემ და განაგრძო: ეს კაცი არ იმსახურებს-მეთქი სიკვდილს, მაგრამ კიდევაც რომ იმსახურებდეს, აკი ყოველ თქვენს დღესასწაულ პასეჰზე ჩვენ რომაელნი ვათავისუფლებთ ერთ დამნაშავეს, სიკვდილმისჯილს, და მოდით, ეს იყოს იესო.

— იესო?! — დაიგმინა სოფერიმთა კორომმა.

— ჰო, იესო! — იყვირა პილატემ.

წამიერი გარინდება და ისეც იგრიალეს ჰაბირუელთა:

— დე იყოს აგრე, და გაათავისუფლე იგი, ვისაც სახელად ჰქეია იესო, მაგრამ...

— რა მაგრამ?

— გაათავისუფლე იესო ბარ-აბბა!

კიდევ ჰყოლია ერთი იესო შეპყრობილი პილატე პონტოელს — იესო ბარაბა, მკვლელობისათვის სიკვდილმისჯილი.

და გაათავისუფლე იესო, ბარაბად წოდებულიო, ღრიალებდნენ ჰაბირუელნი.

— მაშინ, რაი ვუყოთ იესოს ქრისტედ წოდებულს? — იკითხა პილატემ.

— ჭუარს-აცუ, ჭუარს-აცუ, ჭუარს-აცუ! — იყო პასუხი.

— მაგრამ რა ბოროტებისთვის?

— ჭუარს-აცუ, ჭუარს-აცუ, ჭუარს-აცუ ეგე!

ერთხანს უცქირა გულდრუკუ და გონებაბრკვეუ რომაელმა პროკურატორმა ცოფით ატანილ რაბინთა ლოშქრიან პირებს, ჩასისხლულ თვალებს, ყიყვიან კისრებს და გადაწყვიტა: ეს ვილაც ქრისტეა, განა ჰღირს მაგისტვის ახალი შფოთის ატეხვაო, და... წყალი მომიტანეთო, ბრძანა.

და მოართვეს წყალი.

და დაიბანა ხელები პილატემ, დაიბანა და თქვა სიტყვები კაცურ-კაცობის მარადიულად შემარცხენელი:

„უბრალო ვარ მე სისხლისაგან მაგისტისა. თქვენ იხილეთ!“

შენ არხეინად იყავო — იბლავლეს ჰაბირუელთა — „სისხლი მაგისი ჩუენ ზედა და შვილთა ჩუენტა ზედა იყოს!“

მთავარია, ეგ მოკვდესო! — ასეთი იყო ფიქრი ჰაბირუელთა,

მთავარია, მე ხელები დავიბანოო! — ასეთი იყო ფიქრი პილატე პონტოელი-სა.

(პონტოელი, პონტოელები, ქართველები... ნუთუ პილატე პონტოელიც ქართველი იყო?!... სული შეუძრწუნდა გიორგის).

და იტანჯა იესო პილატე პონტოელის „დაბანილი ხელებით“.

სცეს შოლტით.

გააშიშვლეს და, „ვითარცა მეფეს“ წამოასხეს ძოწის ქლამინდი.

შეთხზეს გვირგვინი ეკალთაგან და,

„ვითარცა მეფეს“ დაადგეს თავზე მარჯვენა ხელში მისცეს არგანი, თარცა „ვეერთხი მეფისა“.

მუხლი მოიყარეს მის წინაშე, ვითარცა „მეფის წინაშე“, და მიუძღვრდნენ სიცილით, ღმეკვით: „გიხაროდენ, მეუფეო ჰურიათა!“

და ნერწყვადნენ, აფურთხებდნენ სახეში და ჯოხებით სცემდნენ.

და როცა ყველამ — ჰაბირუელთა და რომაელთა — ცემით, ფურთხებით, კიცხევით გული იჭერეს, ძოწეული მოჰხადეს და ისევ მისივე სამოსელით შემოსეს.

და უტვირთეს ჯვარი უმძიმესი და, რომაული კენტურიის თანხლებით, დაძრეს ჯვარცმად გოლგოთისაკენ.

გოლგოთა!

(გაელინურებული ებრაული სიტყვისგან — გულგოლეთ“, რაიც ნიშნავს — „თავის ქალა“).

პრეტორიუმიდან გოლგოთამდე ორი ათასი ნაბიჯია.

გზა, რომელსაც სამარადეამოდ დაერქვა — „ვია დოლოროზა“ — „გზაი მწუხარებისა“, გინა „ვნებისა“.

თოთხმეტჯერ დაეცა ამ გზაზე უფალი მაშინ.

მჯილი აძგერეს ტანზე 122-ჯერ, სახეზე 30-ჯერ, ყვრიბალზე 27-ჯერ.

კვერთხი შემოჰკრეს თავსა და მკერდზე 205-ჯერ.

ისევ მჯილი კისერსა და წელსა — 22-ჯერ.

ისევ მჯილი კისერსა და წელსა 28-ჯერ.

თოკით თრევა 11-ჯერ.

გმინვა მისიკვდილებისა 35-ჯერ.

ცემა შოლტით 6666-ჯერ.

ცემა ნაწყლულევეზე ლერწმით 1-ჯერ.

ცემა ეკლის ზურთით 22-ჯერ.

შენერწყვება პირსა 22-ჯერ.

სისხლი აქცევინეს მიწამდე 1125-ჯერ.

მიერეკებოდნენ: რომაელი ლეგიონერი 508, პასენიკნი 103, შემთოკველნი და შემეკვრელნი 5, დანარჩენნი



საქართველოს
ქრონიკონი

(მოსეირენი, მომტერენი, მოსარჩლე-
ნი). — ურიცხვნი.

მხოლოდ „ვინმე სვიმონ კვირინელმა,
ველით მომავალმა“, შეაშველა მცირე
ხნით ხელი უფლის ტვირთსა უმძიმეს-
სა...

და იდგა გიორგი გოლგოთაზე, უძრა-
ვი, მღუპარი.

მის გარშემო უთვალავი ადამიანი
ირეოდა და მაინც იყო მარტო —
„თვითონ“ „თავისთვის“.

და გარშემო მოზიზშიმე კაცთა მოდ-
ვმისგან მხოლოდ კაცობრიობის სუნს
შეიგრძნობდა.

უფლის სურნელი თითქოს კა-
ცობრიობის სუნს გადაექარა...

უცხო ფიქრებმა დაფლითეს და დაი-
წაწილეს მისი გონება.

მაშ, გოლგოთა!

აქ იდგა სამი ჯვარი, ანაგებით სამი.
შუათანაზე თვითონ გალურსმეს მაც-
ხოვარი.

აქეთ-იქეთ — ავაზაკნი, „ძვირის მოქ-
მელნი“.

„მამარ, ხელთა შენთა შევჰვედრებ
სულსა ჩემსა!“ — ეს მისი უკანასკნე-
ლი სიტყვა იყო მიწაზე თქმული.

შემდგომად მაცხოვრის აღსასრუ-
ლისა, „განიგდეს წილი და განიყვეს
სამოსელი მისი“.

და კვართი მაცხოვრისა წილად ხვდათ
ქართველებს, ელიოზ მცხეთელს და
ლონგინოზ კარსნელს!

მაშ, ქართველები ესწრებოდნენ უფ-
ლის ჯვარცმას.

და ერგოთ და წამოიღეს კვართი
უფლისა!

და დაემარხა კვართი უფლისა მცხე-
თას!..

უბეში ჩაიღო ხელი გიორგიმ.
თბილი იყო ჯვარი ნინოსი.

და თბილი იყო გული გიორგისი.
მაგრამ — ჯვარს გაეთბო გული, თუ

ფულს — ჯვარი?

ღვთის სურნელს მოეცვა არსება
გოლგოთას მღვარი ქართველი მწირი-
სა.

კვართი უფლისა ქართულ მიწაზე!
მაგრამ მარტო ჩვენ ვიცით ვინ ვინ ვინ
ვიწამეთ, თუ...

ისევ გაუგრილდა გული.
ისევ იმძლავრა კაცობრივმა სუნმა
ღვთაებრივ სურნელზე...

აქ ახლა დიდი ტაძარი იდგა, უფლის
საფლავის სახელობისა.

მთელი გოლგოთა მოეცვა ამ ტაძარს,
სრული ირგვლივით.

ტაძარი ესე გაცხადებული იყო მსო-
ფლიო საქრისტიანოს საკუთრებად,
ყველა ქრისტიანი ხალხის ერთუფლე-
ბიანობით და სწორპატიობით. ყოველ
ქრისტიან ქვეყანას და სათვისტომოს
თავისი სალოცავ-საწირავი და სასან-
თლე-სანათებელი ედგა ამ ტაძარში.

შევიდა გიორგი გაჩირაღდებული
ტაძარში, უამრავი სანთელი ენთო,
ჯგუფად და ჯუჩქად, უამრავ კაცთა
ხელით ნანთები, უამრავ ენითა ნალო-
ცავ-ნაგალობევი.

ძლივს მოიძია გიორგიმ ქართველთა
სალოცავი. ნიშის თავზე ქართულმა
წარწერამ მიანიშნებინა და მიაკვლევინ-
და:

„უფალო აღიდენ საქართველო, წილ-
ხვდომილი შენის ღვთაებრივის დედა-
მშობლის მარიამისა“.

წარწერას ნათლით აპურებდა უნი-
ათოდ მოლიცილიცე მცირე სანთელი.

ვინ იყო და ვინ აანთო იგი?
თვალი მიმოაბარა გიორგიმ.
ხალხისგან ტევა არ იყო.
ქართველი კი არავინ იყო.
არავინ!

უბიდან დიდი კერეონი ამოიღო,
სანთლის ნაბუთტავზე აანთო და სასან-
თლეზე დაამყარა მყარი მარჯვენი.

„იქმენინ ნათელი!“ — წაიჩურჩულა.
„იქმენინ ქართველი!“ — უფრო ხმა-
მაღლა თქვა.

„იქმენინ საქართველო!“ — უფრო
ხმამაღლა.

ვილაცებმა მოჰხედეს მის უცხო ხმას.
მხოლოდ წამით მოჰხედეს.

ლოცულობდა ქართველი პერეგრიონსი.

„უფალო, უფალო, დიდსულოვნებითა შენითა შეუნდე ქართველს ქართველობა, რომელი შენვე უძღვენ, ვითარცა არზანიგი ღვთაებრივი. მიძიე ტვირთი ადამიანისა, უმიძიესია ქართველისა. შენ აავსე კაცთასიყვარულით გული ქართველისა და ვინძლო, მეოხებითა შენითა, ზოგად კაცთასიყვარულმა არა დააკნინოს ქართველთსიყვარული ქართველის გულში“.

დიდხანს ლოცულობდა.

მუხლები სტკენოდა, მაგრამ მხოლოდ მუხლებს სტკიოდა მათი სატკივარი, რადგან სულს არ ესმოდა სხეულის სატკივარი.

ადგა გიორგი და შეუდგა ტაძარში მოქცეული ვოლგოთის ყოველი წმიდა ადგილის მოხილვასა და მოლოცვას.

აი, ყველაზე მაღალი ადგილი, სადაც რომაელები ჩვეულებრივ ჯვარზე ლურსმავდნენ და ჯვარიანად კლდეზე ჰყრიდნენ ასეულობით სიკვდილმისჯილებს. და ქრისტეც მათთვის, რომაელებისთვის, ერთი „ჩვეულებრივი იმათგანი“ იყო, რომელიც „ჩვეულებრივი ჯვარცმით“ უნდა მოეკლათ და სხვა არაფერი. აქ კლდე ამოხვრეტილია ერთი წყრთის სიღრმეზე, სადაც ჩარჭობილი ყოფილა ჯვარი, უფლის მაწამებელი.

„ელი, ელი, ლამა საბაქთან! ღმერთო, ღმერთო, რაისათვის დამიტევებ მე?“ — გახშიანდა გიორგის სულში ქრისტეს ძახილი ჯვარცმიდან.

აი, „ქვა მირონცხებისა“, რომელზეც პირველად დააწინეს და მირონი სცხეს ჯვარიდან გარდამოხსნილ იესო მაცხოვარს.

აჰა, ის მრგვალი ქვაც, ქრისტეს ჯვარცმის გამო ორმოცი ქალწულის ცრემლთაგან დასვრეტილი.

ჯვარცმის ადგილიდან ხელმარჯვნივ, კლდეში ღრმა ნაპრალია — სრულიად კაცთა მოდგმის მამამთავრის, ადამის საფლავად სახელდებული. როცა ჯვარ-

ზე გაკრულ უფალს რომაელმა ლეგონერმა შუბით ფერდი განუპო, კლდეში შეირყა, ნაპრალად გასკდა, უფლის ფერდიდან გადმონადენი სისხლი ადამის თავს ესხურა და ადამის მოდგმაც, სრულიად კაცობრიობა, განიბანა და განიწმინდა ცოდვებისაგან.

ჯვარცმიდან დასავლით კი ის ადგილია, სადაც განიყვეს ქრისტეს სამოსელნი და... კვართი უფლისა წილად ხვდათ ქართველებს.

(მხოლოდ ჩვენ ვამბობთ და მხოლოდ ჩვენ გვწამს?!).

ტაძრის ღია გუმბათი, მისი შუაგული ჯვარაკუშია, პირდაპირ დასცქერის ყველა წმიდა ადგილზე ყოველად უწმიდესს — თვითონ საფლავსა უფლისასა.

ეს არის მღვიმე, ქარანძავი, ქვაში ნაკვეთი. ქარანძავის შესასვლელამდე სამი ტერფის დაშორებით სწორკუთხარუქანი ქვა აგდია. სწორედ ამ ქვით იყო ამოქოლილი დაკრძალული ქრისტე მღვიმეში, ხოლო ოდეს აღდგა, ეს ქვაც ზეციური ხელის კვრით გადმოვარდა და გზა მისცა უფალს, აღმდგარსა და აღორძინებულს. ქვა იგი ახლა „სამყაროს ქვად“ იწოდებოდა.

ქარანძავის მცირე კარში, — რომელიც სიგრძე-სიგანით ოთხ წყრთას არ აღემატება — ადამიანი დაჩოქილი თუ შეეტივა.

გიორგი ოდრიკალად მოიდრიკა და ძლივს შევიდა.

შევიდა კი არა, ხალხის მდინარებამ შეიტანა ქრისტეს საფლავში.

ქრისტეს საფლავი!..

ხელმარჯვნივ კლდე გამოკვეთილი იყო, ვითარცა საწოლი.

და ეს იყო სასვენებელი, გინა სარეცელი, გინა „კუბო“ უფლისა, — სიგრძით ოთხი წყრთა, სიგანით ორი, სიმალლით ნახევარი.

ხუთი დიდი კანდელი ანათებდა უფლის სამარეს.

საკმეველის სუნით გაუღენთილიყო იქაურობა.

თუ — ღვთაების სურნელით?!

მიჯრით, მიტმასნით, მიდიოდნენ მლოცველნი ქრისტეს სარეცელზე, ჰკოცნიდნენ, ლოშნოდნენ, ცრემლავდნენ, თავს ახლიდნენ, ხელით ელაცვიებოდნენ, ფრჩხილებით და კბილებით ეჭიდებოდნენ — იქნებ უმციურესი ნამკესი რამ მაინც აეგლიჯათ და წაეღოთ მარად სახსოვარ და საბედნიერო ღვთაებრივ ევლოვად.

თავისთვის რომ წაეღოთ, თავისთვის-მეთქი...

(რადგან ყველას ცალკეულად ყველაფერი თავისთვის უნდა და ესურვილება — საკუთრად, თავის ევლოვად).

ლამის ჩაენთქათ სულშერყეულ ადამიანებს უფლის ნარეცალო.

ლამის კაცობრიობის სუნს სრულად ჩაენთქა სურნელი ღვთაებისა.

და სწორედ ამას შეუშინდა გიორგი — ვაი, თუ კაცთა უთვალავი ნატუჩარისა და ნაოფლარის ქვეშ უფლის სურნელი ვედარ ამოვიცნო, და ამბობით აღარ შეაწუხა უფლის წმიდა ნაწოლი.

მხოლოდ, შუათანა საუფლო კანდელს მარჯვენა ხელით სანთელი მიუშვირა, სინათლე გადაინთო, მარცხენა ხელით დაიფარა (ხალხის ოხშივარს რომ არ ჩაექრო) და გარეთ გამოვიდა.

გამოსვლისთანავე წინ ვიღაც გადაუდგა, ხელში მქრალი სანთლით და მავედრებელი ხმით:

— ჯვარშუბლიანო, გადმომინთე სანთელი შენი!

მარცხენა ხელი გაეჭვა შუბლისკენ გიორგის, მარჯვენათი სანთელი სანთელს გადაუკიდა და სინათლის მავედრებელს სწრაფად გაშორდა.

მაგრამ უცებ გაჩნდა მეორე, კიდევ მესამე, მეოთხე, კიდევ, კიდევ...

— მეც გადმომინთე, ჯვარშუბლიანო!

— მეც მომიკიდე!..

— მეც...

— მეც მომხედე, ჯვარშუბლიანო!..

და მოაწყდა ხალხი.

და უკიდებდა და უნთებდა სანთელს

ყველას, უნთებდა უფლის სანთლიდან ქართველი მწირი, ჯვარშუბლებიდან ხალხი კი თვალებით ნთქავდა მის შუბლს.

და უცებ გაუქრა ჯვარი შუბლიდან გიორგის.

სახე ისე დაეძაბა და გადაეტკიცა, ყოველი მცირე ნაოციც გადაეწმინდა სახისა და შუბლის კანიდან. მაგრამ ისე გაუჭირდა, ლამის გახეთქოდა საფეთქელზე ძარღვი კათოლიკე.

და სანამ შუბლზე ჯვარი ისევ გამოისახვოდა, გიორგიმ თავი დაიქნია, თმანი წინ გადმოიყარა და შუბლი სრულიად უჩინარჰყო.

და ვიდრე გაოგნებული ადამიანები გონს მოეგებოდნენ, გიორგი თითქმის სირბილით გაშორებოდა იქაურობას.

გარბოდა ადამიანთა ზღვაში — ადამიანთა, რომელნიც ვიდოდნენ: თუ ფენით, თუ ცხენით, თუ კარაულით, თუ ვირით, თუ კერძო ვირით, თუ საზიდაირით. და მათ შორის ქრისტიანნი დიაცურად ცხენის თუ კარაულის ცალგვერდზე ორივე ფეხგადაწყობილნი.

გარბოდა და ეშინოდა გიორგის: დიაცურად ამხედრებულთა შორის ქართველი ვინმე არ გადაჰყოდა.

უკვე ღამდებოდა, ელეონის მთაზე რომ ავიდა.

მიწაზე დაეშვა.

ახალა მიხვდა, რომ უსაშველოდ დაქანცულიყო.

მიწას იქაური მძინვარე მზის მხურვალეობა არ გამოჰყოდა და მასზე მწოლარე ადამიანს საძილე მოთენთილობით აკსებდა.

და ის იყო, გიორგის კიდევაც ეწვია ძილი (ძმაი სიკვდილისა), რომ უცებ სიმღერა შემოესმა. ხმა ქვემოდან მოდიოდა, კედრონის მხრიდან.

ქართველები მღეროდნენ:

„საქართველოში, საქართველოში,

სადაც ქართველი არის თვით ქრისტე“.

მსწრაფლს გაეყარა ძილი (ძმაი სიკვდილისა) გიორგის.

სული დაუფეთა ქართულმა სიმღერამ.

თვითონაც მოსწყურდა ქართველს ქართველებთან სიმღერა.

როგორც სჩვეოდათ ქართველებს: მკლავი-მკლავს გადაჰქობდა და სიმღერა ტანის ტორტმანით.

მაგრამ რა სიმღერა იყო ეს, — „საქართველოში ქართველი არის თვითონ ქრისტიეო?!“.

ეს კი მართალია, რომ ღმერთი უსრულესად და ყოველსმომცველად სწორედ სამშობლოში განიცდება, მაგრამ...

ღმერთო დიდებულო, ისევ ყველაფერი თავისი და თავისთვის უნდათ, — ყოველი სიდიდე ქართული ჯიშისად ესურვილებათ, ელანდებათ, ერვენებათ და ბოლოს ეჭეშმარიტებათ კიდეც.

თვით უზენაესი ღმერთიც „თავის სისხლ-ზორცად“ ენატრებათ და ეოცნებებთ ქართველებს.

ღმერთი უეჭველად ქართველი იქნება!

ღმერთის „მშობლიური ენა“ უეჭველად ქართული ენა უნდა იყოს!

საკუთარი ღმერთი უყვართ ქართველებს.

მაგრამ საკუთარი ღმერთის მოკვლაც უყვართ ქართველებს.

თუმცაღა მარტო ქართველებს?

და ისევ გაჰხედა გიორგიმ გოლგოთას, მორიონს, ადგილსა სიმწარისასა.

და წამსვე გაუელვა:

„მშვიდობით, მეფობაო ისრაელისაო, რამეთუ უგუნურებით მოჰკალით, უბადრუკნო და წარწყმედილნო, უფალი და მაცხოვარი ყოველთა, და იქმენით ბოროტად მკვლელნი შემოქმედისა თქუენისა, ვაი თქუენდა უბადრუკნო!“.

(ეს ელიოზ მცხეთელის დედის სიტყვები იყო, როცა მან მცხეთაში მყოფ-

მა, ქრისტეს აღსასრული გრძნებითა უცნაურითა იმ წამსვე იგრძნო, რა წამსაც მას იერუსალიმში სული აღმოხდა ჯვარზე გალურსმულს).

ჰაბირუელებმა თვითონ მოჰკლეს თავისი ღმერთიო!

ხოლო ქართველებს კიდეც უფრო ეწადნიერებათ და ეხერხებათ მოკვლა საკუთარი ღმერთისა.

ჰაბირუელებზე მეტად ქართველები ვერ იტანენ ცოცხალ ღმერთს.

სამაგიეროდ, ქართველებს მკვდარი ღმერთი უყვართ — თვითონვე რომ მოჰკლავენ (ან იარაღით, ან ავი სიტყვით) და თვითონვე გააღმერთებენ.

აგერ, ათას წელზე მეტია, რაც ჰაბირუელებმა მოჰკლეს ღმერთი, ტომით თავის სისხლზორცი, მაგრამ ცოცხლად გამეტებული, ამდენხანს აღარც მკვდარი იწამეს ღმერთად.

ქართველები კი — ოღონდ მოჰკლან და — მკვდარს იმ დღესვე გააღმერთებენ.

ასე მოსდგამთ...

ასეთები არიან...

ასეთები...

არა და... მსოფლიო კაცობრიობის წინაშე სრულიად ცალკე ერსაც ისეთივე პასუხისმგებლობა ეკისრება, როგორც ცალკე კაცს მისი ერის წინაშე.

ცალკე ერს არა აქვს უფლება ღმერთი მოუქლას კაცობრიობას.

ვითარცა — ცალკე კაცს უფლება არა აქვს ღმერთი მოუქლას საკუთარ ერს.

...ერი, რომელმაც ხელი შეიგინა ღვთაების სისხლით...

...კაცი რომელმაც...

ჩაეძინა.

(გაგრძელება იქნება)



„ზიქრები დედაზე“

1

ცივ შუბლს შეგყინვოდა მძივები,
სითბო შერჩენოდა თვალებს...
ისევე იმედით გვიმზერდი,
წამები წამებით ვთვალე...
სულ ბოლოს გაცივდა იმედი
და კიდევ დახუჭე თვალი.

2

ეს იყო შენი ბოლო სათხოვარი,
ბოლო გახუმრება,
ბოლო შეგონება:
— ბოძთან ნუ ფრიალებს თეთრი
თავსაფარი,
უკვე მნებდებაო, სიკვდილს ეგონება.

3

უფალმა უძილობას მიმანდო,
ნეტავი დამაძინა მშვიდადო,
სთქვი და გავისუსეთ, გავყუჩდით,
ფრთხილად დავუწიეთ ლამპას.
მართლაც ჩაგეძინა...
ეს ძილი
ვაი რომ საუკუნოდ გასტანს!..

4

რა ვქნა, არ მეშვება ჩემი კაცი,
დამსდევს,
წამოდის, ხელს მკიდებს,
სურს რომ დავიწეროთ ჭვარი იქაც,
მე მინდა გიყუროთ ჯერ კიდევ.
სთქვი და...
გავიცინეთ შემთვრალეებმა,
ვლზინობდით
ქერი მაღლა აგვქონდა...
ცეცხლი მეკიდება,
ცრემლი მეძალება, —
თურმე სასაცილო რა გვქონდა?!

5

მიდიხარ,
შენს გზას რა ვუწოდო,
რა ეკადრება?
აგერ იწყება,
აქვე უხვევს,
აქვე თავდება.
მაგრამ გრძელია,
უსასრულო,
დაუსაბამო...
ამ გზით შემოდის
დღეს ჩემს გულში
ცივი საღამო.

6

შენ რომ მიდიოდი
და ზეცა ტიროდა,
ღრუბლებმა ცრემლები გიღვარეს,
ნოთამ და ეჟვანამ
როგორ გაგვაოცეს:
დიდხანს იწრიალეს,
იბღავლეს...
შენ რომ მიდიოდი,
იმ ღამეს...

7

დიდი ოჯახის სიგანე-სიგრძე, —
ძენი, ასული, რძლები და სიძე.
ძეთა ძენი და ძეთა ასულნი, —
ფსევგამძლე ვაზი — ხეზე ასული.
თეთრად ყვავოდით,
დღეს ვჩანვართ შავად,
ორმოცზე მეტნი შენს ირგვლივ
ვდგავართ.
...მიქელ-გაბრიელ, ვერაფერს გახდი,
აქ კვლავ მაგრად დგას სიცოცხლის
ტახტი.

ერთ წვეულებაზე თამადამ შეგაქო,
 ხუთი სიცოცხლის დედა ხარო.
 მერე ხმადებლა ჩაილაპარაკა:
 ხუთი სიკვდილისაცო...
 ბოლო სიტყვა არ გაგიგონია,
 რაც მთავარია:
 ამ სიმაართლის ცეცხლით
 არასდროს დაგდაგვია გული.
 ბედნიერი მიდიხარო,
 მიტომაც მოგძახოდნენ ბოლო გზაზე.

9

იყო დრო-ჟამი,
 ბნელი ღამე შავ კაბად გეცვა,
 მიიმედ გალიე წელიწადი რვათუთული,
 სხივს გიძვირებდა ზოგჯერ მთვარე,
 ხანდახან მზეცა,
 შენივე გულის შუქით იყავ
 განათებული.

10

პირმშო გააცილე,
 გაისტუმრე ქმარიც,
 მერე ორი მახლი,
 შემდეგ კიდევ შვილი...
 მერე მოლოდინი,
 ცრემლი,
 ყინვა,
 ქარი,
 თოვლი თმაზეც, გულშიც,
 ზეცა ჯანდაშლილი.
 სულ თან გსდევდა სუსხი ომის
 მონაქროლი,
 სამარეში ჩაგყვა მაშინდელი თოვლი.

11

ნიშნობის ბეჭედი ოყა ფქვილზე
 გადაცვალე
 და მერე გამოცხობა არ გაცალეთ,
 ბალები დაგსდევდით ღავლავით.
 ერთმა მაწიერმა პურმა დაგვაპურა
 და შენმა ტკბილმა „გენაცვალემ,“
 ნაზამთრი ჩიტებივით გავლადლით.

ჩვენ რომ ყვავილა გაგვიხდა ავად,
 რა დამავიწყებს იმ დღეს,
 ბავშვებს გვდიოდა ცრემლები ღვარად,
 სიმწრით ვიჭამდით თითებს.
 შენ არ გჩვეოდა ვაი და ვიში,
 თუმც ვერ მალავდი სევდას, —
 მარჩენალ ძროხის დაკარგვის შიში
 თვალბეჭეში გედგა, დედა!

13

მეუღლე,
 უღლის გამწევიო,
 ეს შენზე ითქმის,
 ერთნაირ გულით გიმზერია მზისთვის
 და ქმრისთვის,
 ერთ სასთუმალზე თავი გეღოთ
 სამოც წელს თითქმის,
 წინ ზიხარ,
 უკან დაიწო,
 არ გითქვამს მისთვის.
 ...მეუღლე,
 უღლის გამწევიო,
 ეს შენზე ითქმის.

14

რძლები მალულად ხბოს რომ
 აყლაპებდი რძეს
 და შრატსაც მიართმევდი ბლომად,
 ის ხბო ახლა იმ ვაშლის ძირას წევს,
 შენ რომ გიყვარდა ხოლმე ჯდომა.
 წევს და იცოხნება ნება-ნება,
 მშვიდად იგერიებს ბუზებს.
 რა უჭირს: არაფერი აგონდება,
 დარდი არ აწევბა გულზე!..

15

ვიწექი, გუნებაზე არ ვიყავი,
 ჩემს ხელს მოეფერე,
 გულში ჩაიკარი:
 — იცი, ამ ხელმა რა ჰქნასო? —
 დაწეროს,
 დათესოს,
 დახასო.
 წიგნი და ყანა აშრილოსო,

მტერი და პური ანიავოსო.
გულიდან ჯავრი ამომყაროსო
და მერე... მიწა მომყაროსო.
გულიდან ჯავრი ვერ ამოგყარე,
ვერ შევძელ, მიწაც ვერ მოგაყარე...

16

შენს საფლავზე შუალამით შექმა
გაიკრთომარა,
ციცინათელა მეგონა,
ჰო, მეგონა,
ჰო, მარა...
შექმა უცებ მოიმატა,
ელვასავით იალა,
თურმე ნაბოლარა შეიღმა გზიდან
გამოგარა,
პაპიროსის ნამწვავებში დარდი
გააბწკიალა.

17

შენს ნამზითვ სკივრში აღმოჩნდა
ბარათი,
გოგობაში მეზობელ ბიჭს მოუწერია
შენთვის,
ბარათს მისივე ნახატი ერთვის:

გულით დახატული გულთან ახლოს
და შეერთებული ისრით...
იმ ბარათით ესლა ათი ოჯახი
ვისახლობთ
და ათივედან უკვე დღეს
„იავნანა“ ისმის.

18

რა ხნის იყოო?..
დღდის
ასაკზე ლაპარაკი ღირს?
რაც მეტი ხნისაა მშობელი
მეტ ტკივილს უტოვებს შვილს.

19

ბედისწერამ შავი ფერი დაგიბედა,
შავი კაბით ნათელს ფენდი ეზო-კერას.
გაუმარჯოს ამ გაზაფხულს,
რა ჰქნა, დედა,
რა ლამაზი, ჭრელი კაბა შეგიკერა.
შემოგივლო ყვავილეების არშიები,
მოგიჩითა ჩიტით, იით და ენძელით.
დიდთოვლობა, ვაი, როგორ მაშინებდა,
გული მეწვის: ზამთარს როგორ
გაუძელი!



ქვები.

როცა ვზმავრობთ,
 აი, ეს ქვები,
 მაშინ თავისთვის ჩუმად გვისმენენ,
 გვისმენენ სანამ აისებს ვზვდებით
 და შუბლს იფლი და სისხლი
 გვისველებს.

ემახსოვრებენ თარიღებს საშიშს
 და წლებს, რომლებიც ლაღად
 გარბოდნენ...
 როცა მთლიანად ვმუნჯდებით მაშინ,
 აი, ეს ქვები ლაპარაკობენ.

„წუთისოფლის სტუმრები ვართ“

მცირე ხნით ვაწუხებთ წუთისოფელს,
 ცოტა ხანს ვუჭრიალებთ კარებს...
 მიწაო, სიცოცხლე თუ გვიბოძე,
 დიდი ხნით გებოძა ბარემ.
 გზა გამოვლილია უმოკლესი,
 დრო უკვე გვიქადის დაისს...

ზეცაო, მზე და დღე თუ მოგვეცი,
 გრძელი დღე მოგეცა მაინც.
 მიწაო, სიუხვეს ნუ გვიზოგავ,
 ზეცაო მოგვხედე მგზავრებს. —
 ცოტა ხანს ვაწუხებთ წუთისოფელს
 მცირე ხნით ვუჭრიალებთ კარებს.

ჭური

მე — სიტყვის ჭური ზეცას შევდიმი,
 ის ჩემში, როგორც განიერ ჭაში
 ძევს
 და ცხოვრება მკაცრი მეღვინე
 მოდის
 და ჩუმად მისინჯავს ჭაშნიკს.
 თავლია ვიყავ და გარს მეხვეით
 ლამაზი ხალხი და გულში მიზის
 ამაყი სახე ჩემი მეღვინის,
 ცისა და მიწის,
 შენი და სხვისი.

რადგან მოითხოვს ამას შაირი,
 სიტყვის ბაღაგი ღვინდება ადრე,
 ღრმად ვსუნთქავ ჩემი ქვეყნის ჰაერით,
 რომ ჩემშიც ღრმად და ლამაზად
 ჩანდეთ...
 და რითმაც სხვაში არასდროს
 გამცვლის,
 კვლავ თავს მომახვევს მეღვქისი
 სიზმრებს,
 მოვა ლექსი და თასივით დამცლის,
 ხოლო ცხოვრება შემავსებს ისევ.

ჰყვებიან,
 რას არ ჰყვებიან ქვეყნად,
 ჰყვებიან მრავალ ტყუილს და
 მართალს:

„ვერ ვაუბრებდე...“
 „ვერ ვუთხარ...“
 „შემრცხვა...“

და ჭორი ერთი იზრდება ათად.
 ჰყვებიან ცალკე,
 ჰყვებიან ერთხმად
 ამბებს, ათასგან ნათრევს და ნატარს.
 რას არ ჰყვებიან, გაიგოს ღმერთმა,
 მაგრამ რა ცოტას ამბობენ მართალს.

კონსტანტინე ლომია

გამი და აფხაზური ეზო

თითქო სასახლე დაიძრა ნელა, —
ზღვის მყუდრო ყურეს გამოორდა გემი,
და ქალაქს უცებ ეცვალა ფერი
რალაცის შიშით და გულისცემით.

და მოშორებით გაჩერდა იგი,
ჩაუშვა ლუზა — საკუთარ დამლით,

ზღვა იყო მწვანე, ვით მოლი მინდვრის,
ვით აფხაზური ეზო და ბალი.

გაჩერდა. დადგა და მერე წამით
გახედა ქალაქს მწუხარე თვალით,
და მომეჩვენა, აფხაზთა მიწამ
კვლავ დაატყვევა ლეთიური ძალით.

თეთრი ბაზლიზი

გადავივიწყეს, დაგვარგეს ისე,
ვით შორეული ფრინველის ფრთები,
და როცა სადმე გხედავ და გიმზერ,
კვლავ პირტიტველა ყრმასავით ვკრთები.

ვიცი: ვერ ვპოვებ ამიერიდან
კაცს შენთან ერთად მიმავალს სოფლად,
ჩავფლეს, ჩაკეტეს. ზანდუკში
ფრთხილად,
ვით გარდასული დღეების ხსოვნა.

ვთქვათ, ვინმემ კიდევ მოგისაკლისა
და ნელი ბიჯით გამოჰყვეს ქუჩებს,
ფრთამოჭრიალე კარუსელივით
მოგაჩერდება ქალაქი უცებ.

ბაზლიყო, გერგო ხვედრი ამგვარი,
ვფიქრობდი ასე და ვტკბებოდი
სოფლური ღზინით,
როცა ქორწილში ნეფე-დედოფალს
უთხრეს: „ერთმანეთს შეაბერდით
თეთრ ბაზლიყივით!“

და მე მეგონა, ამ სიტყვის უმაღ
ცეკვა-თამაშით ავარდა ჭერი,
შეგხედე ჩუმად, ვით ღზინის სტუმარს
და გულისგულმა მოიღო რეჩხი.

უშენოდ ვინ თქვა სიმღერა გულის,
ან ცეცხლოვანი ეს ჩვენი ცეკვა,
ღმერთმა გიბოძა მშვენება სრული
და თეთრი ფრთები—გაშლილი ცერად.

არწივები

ცას მიაღრვევენ, კავკასიონის
ვეება ფრთების სტვენა—შრიალით,
თითქო ლაქვარდი ლურჯი სარკვა
არწივთა ხმებით ნათილისმარი.

შემორკალავენ კლდის კენწეროებს,
თითქო საწუთროს ბრუნავს ბორბალი,

და თეთრი თოვლი მათაა წვეროზე
მოჩანს, ვით მათი საბან-გობანი.

არ ჰყვარებიათ სუნთქვა მინდვრების,
არც ქაობები წვიმით დამბალი,
სად სიზარმაცე, ნესტი ყვითელი
თვლემს უზრუნველად მთელი ზამთარი.

ცაზე წყვილ-წყვილად უშენებიათ
ბუდე იმედის, ბუდე მომავლის,
და ვარსკვლავები — ღამის სტუმრები
ფარდაზე სხედან მთვარის ოვალით.

ო, არწივებო, — ცის ბინადარნო,
ხართ მოგონება ჩვენი სიბერის,
ხართ სიჭაბუკე გულისწამტანი,
ფიქრი, ოცნება, კვამლი ცისფერი.

ზღვა კვლავ წყნარია და აფრებს სძინავთ,
ნუ გააღვიძებთ, ზვირთებო, ჩუმად!
ცის კოშკებივით დამდგარან მწკრივად
მთები — ბუნების უკვდავი სუნთქვა.

მთელი დღე ქროდნენ აფრები ზღვაზე,
თეთრი, სულ თეთრი ცხენების დარად,
და ახლა ფრთები — ქარებით სავე
დაუტეციათ ნელი-ნელ წყნარად.

თუ გმირს ბრძოლაში დაჭრიდნენ
ტყვიით,
დაჭრილს სიმღერით ჰქურნავდნენ,
ძმანო,
უმსუბუქებდა ყოველგვარ ტკივილს, —
ო, იგი ჰანგი მწველი და ამო!

აყვავებულა ხეხილის ბაღი
და გაუშლია ღამაზად ფრთები,
თითქო ანათებს ათასი ჭადი
დამძიმებული ძვირფასი ქვებით.

იქ, სადაც ყანას ჰყოფს თხმელის
ლობე,
ბარაქით სავეს დგანან ბელღები,
თითქო სიმინდის ყვითელ ტაროებს
ცად გაუწვდიათ სხმული ხელები.

სართ აღმადრენა დაუცხრომელი,
სწრაფვა, ტკივილი ყოვლისმპყრობელის

ცას მიარღვევენ კავკასიონის
ვეება ფრთების სტვენა-შრილით,
თითქო ლაყვარდი ლურჯი სარკეა
არწივთა ხმებით ნათილისმარი.

ქალაქს დაღლილი კაცივით სძინავს
და დუმის ქსოვენ ხეები პალმის,
ბედად ნიჩბების ჭრიალიც მიწყდა,
დაცარიელდეს ქვეყანა ღამის.

ცას ვარსკვლავები ვარდებად სცივია
და ფრინველივით მთვარე მიცურავს,
ზღვა კვლავ წყნარია და აფრებს
სძინავთ,
ნუ გააღვიძებთ, აფრებო, ჩუმად!

ბილიკს მიჰყვება გოგონა ერთი,
ტყვიანაკრავი ტრფილის ძალით,
მაგრამ დაჭრილის სიმღერა მწველი
ველარ განკურნავს სოფლის ამ ყვავილს.

დელის ხსოვნას

ტკივის, სინათლის დამდგარა წელი
ყოვლისშემქმნელის ნებით და ეუზით,
თითქო ბუნებამ მოგართვა ძღვენი
ან მკათათვეში საკუთარ პეშვით.

ო, შემოდგომავე, — თვალთ ედემის,
დღითა და ღამით ოქროსფერდები,
და ღობის გასწვრივ დგანან ბელღები,
ვით ზღვაზე განძით სავეს გემები.

აფხაზურიდან თარგმნა ვანო კალანდიაძე



ჯანსუღ ღვინჯილია

რამდენიმე სიტყვა „ცისკარსა“ და ახალგაზრდა მწერალზე

მასშტაბური და განუსაზღვრელია ჟურნალ „ცისკარის“, როგორც ალკ ცენტრალური კომიტეტის და მწერალთა კავშირის ორგანოს დანიშნულება.

„ცისკარი“ დღეს განიცდის ე. წ. თაობათა ცვლის მტკივნეულ პროცესს. „ცისკარიდან“ ფაქტიურად ახლა მიდის თაობა, რომელმაც თავისი მხრით ატარა 25 წლის განმავლობაში ჟურნალის ტვირთი, შექმნა მისი სახე, შინაარსი, მოუპოვა პოპულარობა...

მაგრამ დროს თავისი მიაქვს და ახლა დგას ამოცანა, რომ „ცისკარი“ უმოკლეს დროში იქცეს უფრო ახალგაზრდულ ლიტერატურულ ორგანოდ.

„ცისკარის“ რედაქციამ იცის, თუ რა ახალ ნაწარმოებზე მუშაობს ესა თუ ის ნიჭიერი ახალგაზრდა მწერალი და როდის წარმოადგენენ ისინი თავიანთ ნაწარმოებებს. თუკი აქამდე ვერ ბედავდნენ რომანთან შეკიდებას, ახლა რამდენიმე მათგანი სერიოზული პრობლემის ამსახველ რომანზე მუშაობს, მუშაობენ პოემებზე, ლექსთა ციკლებზე...

გამოვაჭვეყნეთ რამდენიმე მნიშვნელოვანი ნაშრომი და მაინც მეთი შეიძლება გაკეთებულყო ახალგაზრდა მწერლების მოქალაქეობრივი პოზიციის გამოსაკვეთად, ხალხის ცხოვრებაში ცხოველყოფილი მონაწილეობის მისაღებად. ახალგაზრდა მწერალი უნდა იდგეს იქ, სადაც მისი ქვეყნის საჭიროებები პრობლემები წუდება, ერთი წამითაც არ უნდა დაავიწყდეს, რომ მას ყველაფერი სისხლხორცეულად უკავშირდება: სოფლისა და ქალაქის სატკივარიც, სოციალური და პოლიტიკური საკითხები, დრომოკმულ ფორმებთან გამოთხოვებაც და ცხოვრებისეული სიახლეებიც. მისი ნაკვეთი დაშაქრული არ შეიძლება იყოს, მწვავე პუნლიციტური პათოსი არ უნდა უნელდებოდეს, ყოველმხრივ უწყვეტდეს შერას. საქართველოს ყოველ კუთხესა და კუნჭულს დასტრიალებდეს ფიქრით, ამასთან არ თმობდეს საშვენი გადასახედს, საიდანაც როგორც საკუთარი ტკივილი, ისე განიცდება დიდი მსოფლიო მოვლენები. აი, ასეთი მწერალი — მოქალაქე იშვიათად ჩნდება „ცისკარის“ ფურცლებზე. გამოთხოვნიები მთლიან სახეს ვერ ქმნიან. უსამართლობა იქნებოდა იმის თქმა, თითქოს რედაქციამ ზრუნვა დააკლო საქმეს. მაგრამ ეტყობა, გაცილებით მეთი ენერჯია დასახარჯავი, რომ ახალგაზრდა მწერალი აქტიურ პოზიციაზე დააყენოს.

ახალგაზრდა მწერლების დამოკიდებულება ქართული კულტურის სხვადასხვა სფეროებთან დიდი ინტერესის საგანს წარმოადგენს. გაცილებით მეთი უნდა გაკეთდეს იმ მიზნით, რომ „ცისკარის“ ფურცლებზე სისტემატურად აისახებოდეს ახალგაზრდა მხატვრების, მოქანდაკეების, რეჟისორების, მსახიობების მიღწევები, ახალგაზრდა ისტორიკოსთა, არქეოლოგთა, ფილოლოგთა მონაპოვარი, მათი შემოქმედებისა და მოღვაწეობის უმთავრესი ტენდენციები. უფრო უნდა მომრავლდეს ინტერვიუები და დიალოგები ცნობილ ადამიანებთან.

რა თქმა უნდა, ყველაფერი ეს დროზე უნდა გაკეთდეს და დასახულიც გვაქვს შესაფერისი გეგმა.

„ცისკარის“ რედაქცია მზად არის მიიღოს გულშემატკივრის პოზიციიდან თქმული ყველა სამართლიანი შენიშვნა და გაითვალისწინოს ისინი თავის შემდგომ მუშაობაში. საგანგებოდ

გამოგონილ ბრალდებებს ვერ ვერწმუნებით. ამიტომ უკვლავ შენიშვნა საფუძვლიანად უნდა გაისინჯოს, დენინფორმაცია არ უნდა იწიშნოს! „უღიმღამო, უფერულ“ ჟურნალს მკითხველებს ვთხოვთ არ ეტანება.

„ციხისდასაღი“ ინტერესი კი ყოველწლიურად მატულობს, ჟურნალის ხელისმომწერთა რიცხვი ბოლო ხანს 12500 კაცით გაიზარდა. და ეს, უპირველეს ყოვლისა ახალგაზრდა მწერლების დამსახურებაა, მათი ვრცელი მოთხრობების, რომანებისა და ნოველების, მათი პოეზიისა და დრამატურგიის, კრიტიკული და პუბლიცისტური წერილების მონაპოვარია ის გამძაფრებელი ყურადღება ქართველი მკითხველისა, რომელიც თავისთავად გამოიხატა ტირაჟის სწრაფ ზრდაში. შემთხვევითი არ არის, რომ საქართველოს მწერალთა კავშირის ყოველწლიური პრემია 1983, 1984, 1985 წლებში ზედიზედ ხვდა სწორედ „ციხისარში“ დასტამბულ ნიჭირ ახალგაზრდა მწერლებს.

მოკლე წერილში ძნელია ცალ-ცალკე დაახასიათო ისინი, ვინც ღირსეულ შემკვიდრებად უნდა გვეგულებოდეს. ძალზე დიდაა მათი ზვედრითი წონა ჟურნალის ფურცლებზე, არაერთი წერილი გამოგვიქვეყნებია, სადაც განაღწეულია ნიჭიერი ახალგაზრდა მწერლების ღირსება და ნაკლი; მაგრამ ეს არ ეძრა. საჭიროა ჭეშმარიტ ლიტერატურულ დონეზე დისკუსიის გამართვა, რათა უფრო ცხადად გამოიკვეთოს, უფრო დაკონკრეტდეს მათი შემოქმედებითი სახე.

რა თქმა უნდა, არ უნდა დაგვავიწყდეს ცნობილი ქართველი მწერლების მნიშვნელოვანი წვლილიც ჟურნალისადმი განსაკუთრებული ინტერესის გაღვივებაში. ტრადიციულად სიტყვის აღიარებულ ოსტატებისა და ნიჭიერი ახალგაზრდა მწერლების თანამშრომლობა მოუტანდა ხოლმე „ციხისარს“ წარმატებებს!

ის, რაც ახალგაზრდა მწერლის ცხოველმყოფელ მოღვაწეობას და თვალსაწიერის სიფართოვეს განსაზღვრავს, უფრო გლობალური მოვლენაა და არ შეიძლება მასზე არ ითქვას საგანგებოდ.

იმ ნიჭით, იმ ეროვნული, იმ ენერგიით, რაც ახალგაზრდა მწერლების საუკეთესო ნაწილმა გამოავლინა დიდი და ღირებული ეროვნული ლიტერატურის შექმნა შეიძლება.

ოღონდ უნდა დაფიქრდეს ორივე მხარე. პირველყოვლისა ჩვენ უკვლავი უნდა დავფიქრდეთ სად მივიღეთ ახალგაზრდა მწერლები, რომელთაც მოიტანეს შეურყვენელი ოცნებები, უსპეტაკესი განცდები და ზღვა გეგმებისა? დავახვედრეთ თუ არა ქართული მწერლობის მარადიული ტაძარი სუფთა, ჰაერი გამჭვირვალე, ღრმა და კამკამა, ისეთი, როგორც ეკადრება დიდ ქართულ მწერლობას? დავახვედრეთ თუ არა ლიტერატურულ ვნებებით დამუხტული ატმოსფერო, რომელიც გაუათქციებდა შემოქმედებით პოეტის ციხას, აღავსებდა შექმნილ დაუოკებელი წყურვილით, ჩაითრევდა დიდ ლიტერატურულ მორცხვში და მოსთხოვდა გაეღო ენერგიის უდიდესი ნაწილი? ატმოსფერო, რომელიც იგულისხმებდა ამაღლებულთან შეხედრას და კიდევ უფრო ამაღლებდა ნათელი და წმინდა ოცნებებით ტაძარში ფეხბარებით შემოსულ ახალგაზრდა მწერალს?

დაიხაც, მარადიული და ხელშეუხებელია ქართული მწერლობის დიდი ტაძარი, მაგრამ ისიც რა დასამალია, რომ თანდათან გადავიჩვიეთ ლიტერატურაზე ლიტერატურის ენით ლაპარაკს, თანდათან მივეჩვიეთ ლექსით, მოთხრობით, რომანითა და წერილით ყოვლად გაუმართლებელ ანგარიშსწორებებს, საეჭვო ზრახვებისა და ვნებების გამოფენას, ვნებებისა, რომელთაც ლიტერატურასთან არაფერი აქვს საერთო.

ჭეშმარიტი ლიტერატურული ცხოვრება ქალაქის თოვლივით ხომ არ დაგვიტუქვიანდა, ლიტერატურული საღამოებისა და ნაწარმოებთა განხილვის ფორმები ხომ არ დაგვიმხინჯდა?

ამიტომაც გაძნელდა ნამდვილი ლიტერატურული დისკუსიის ჩატარება ახალგაზრდულ ქართულ პოეზიაზე, ამიტომაც ვერ ხერხდება დისკუსიების ჩატარება ახალგაზრდულ პროზასა, დრამატურგიასა და კრიტიკაზე, არამარტო „ციხისარში“, ყველგან! ახალგაზრდებმა კამათის ცუდი ნიმუში იხილეს, ისინი დააბნია კამათის ფორმებმა, რაც დახვდეთ მწერლობაში!

მსოფლიო და ეროვნული პრობლემების გადაჭრისათვის ბრძოლაში მწერლობის შინაგანი მთლიანობის აღდგენის მიღწევაა დღეს აუცილებელი, იმ მთლიანობისა, რაც უტაქტობამ, ტენდენციურობამ, ქვედინებებმა დაარღვია. ამაზე ყველანი ღრმად უნდა დაფიქრდეთ და მთლიანობაც დროზე უნდა იქნას აღდგენილი. ეს განმაცოცხლებელი მოვლენა უმოკლეს დროში უნდა მოხდეს იმავე ახალგაზრდობის თვალწინ.

მეორე მხრივ, გონებაგანსნილი, უნიჭიერესი ახალგაზრდა მწერლებიც უნდა დაფიქრდნენ, რომ დიდი ქართული მწერლობა მარადიული და არა ის ქვედინებები, რომლითაც ახალგაზრდული წარმოდგენები ვერტრუვდათ, რომ ეს დამახინჯებული ფორმები სწრაფწარმავალია და ისინი, ახალგაზრდები, სულ მალე პირისპირ დარჩებიან იმ ჭეშმარიტ სიმაღლებთან, რასაც ქართული მწერლობა ჰქვია.



და ის დიდი ქართული მწერლობა მოითხოვს მათგან კოლოსალური შრომის ფანდ შიკვლიონ საკუთარ ხმას და სათქმელს.

ვიმეორებ, იმ ნიქით, იმ ერუდიციით, იმ ენერჯიით, რაც ახალგაზრდა მწერლების საუკეთესო ნაწილმა გამოავლინა დიდი და ღირებული ეროვნული ლიტერატურის შექმნა შეიძლება.

ოღონდ მეტი უნდა ვიფიქროთ ეროვნული მწერლობის დიდ ტრადიციებთან ორგანულ კავშირზე. ტრადიციამ კარგა ხანია დასვა მთელი რიგი ნაწარმოებების მისამართით კითხვა: მოითხოვს კი ასე გაგრძელებას იაკობ ცურტაველის, იოანე საბანისძის, გიორგი მერჩულეს, სულხან-საბას, ილიას, აკაკის, ვაჟა-ფშაველას, ალექსანდრე ყაზბეგის, დავით კლდიაშვილის, მიხეილ ჭავჭავაძის, კონსტანტინე გამსახურდიას, ნიკო ლორთქიფანიძის პროზა?

მოითხოვს კი ასეთ გაგრძელებას შოთა რუსთაველის, გურამიშვილის, ბარათაშვილის, გრიგოლ ორბელიანის, ილიას, აკაკის, ვაჟა-ფშაველას, გალაკტიონის, გიორგი ლეონიძის, ტიციან ტაბიძის პოეზია?

რუსეთის, კერძოდ — პეტერბურგისა და მოსკოვის კულტურული ცხოვრების ატმოსფეროთი გარემოცულმა ილიამ, აკაკიმ, ყაზბეგმა და ვაჟა-ფშაველამ გაიცნეს იმდროინდელი რუსული და ევროპული ლიტერატურის თითქმის ყველა მიმდინარეობა, ღრმად შეისწავლეს ფილოსოფოსთა ნაშრომები, მარტო ვაჟა-ფშაველას მიერ დამუშავებული ფილოსოფიური წიგნების უბრალო ჩამოთვლადაც კი იკმარებდა აქ თქმულის დასტურად. მაგრამ მათი ორიენტირი არ გამრუდებულა. კეთილი გავლენების კვალი ჩანს, თვადვე აღიარებენ ამას, მაგრამ რა მძლე გამოვიდნენ მსოფლიო ოკეანის თვალისმომკრელი სიღრმეებიდან, რა ზუსტად განსაზღვრეს თავიანთი შემოქმედების საგანი, როგორ დაუქვემდებარეს ყველა დეტალი უზარმაზარი შემოქმედებისა იმ საგანს. ეროვნული ქართული პრობლემატიკის მხატვრულ ანალიზში მუდამ ივარაუდებოდა მსოფლიო ლიტერატურულ პროცესში მონაწილეობა. მე ვგულისხმობ საგნებთან მწერლის დამოკიდებულების მეთოდს და არა მხოლოდ გენიოსი კლასიკოსების იმთავითვე მოცემულ შესაძლებლობას. შემოქმედებითი მიმართულება უმთავრესი იგი საუკუნეებში გამოტარებული ტრადიციანა. ასეთი ტრადიცია კი კანონია, მას არ ეღალატების.

ინეთი წარმოდგენა არ მინდა შეიქმნას თითქოს დღევანდელ ახალგაზრდულ მწერლობაში შეიმჩნევა ესოდენ საგანგაშო ნოტები და სხვა თაობები დაზღვეულნი იყვნენ თავის დროზე მსგავსი ცდუნებებისაგან. ყველა თაობას დადგომია გამოცდის უში, მაგრამ ჩვენმა წინა თაობებმა წარმატებით ჩააბარეს გამოცდა და, დიდი ტრადიციების ერთგულნი, დროზე მოგნენ გონს. ეს კია, ახლა მეტია ცდუნების დოზა. ეს საფრთხე დროისგან გამრავლებულმა ინფორმაციების დინებამ წარმოშვა. ამდენად იზრდება ახალგაზრდა მწერლების პასუხისმგებლობის გრძობაც ეროვნული მწერლობის წინაშე. მათი ერუდიცია და ნიჭიერება გვიამედებს, რომ ეს სირთულეც გადაილახება. ეს პრინციპული საუბრის თემაა და იგი დისკუსიებში უნდა დაზუსტდეს კონკრეტული მაგალითებით. მარტო სიცოცხლე არ გადაეცემა თაობიდან თაობას: ეროვნული მწერლობის თავისთავადი კანონებისადმი ერთგულებაც მემკვიდრეობითია: ჩვენ უფლება არა გვაქვს მემკვიდრის უფლება დავივიწყოთ. არც იმის უფლება გვაქვს, ჩვენში მთვლემარე მოთხოვნილება მივაძინოთ, სულაც გავყინოთ და მის პრიალა ზედამიერე უცხოური დღეობით ვისრიალოთ. უმჯობესია მე ვაზვიადებდე ახლა, ვიდრე ეს საშიში ტენდენცია თვითონ გაღრმავდეს და გაზვიადდეს ხვალ.

იმის თქმაც მიუტყვებელი შეცდომა იქნებოდა, თითქოს, უკლებლივ ყველა ნიჭიერი ახალგაზრდა მწერლის შემოქმედებაში შეიმჩნეოდეს ესოდენ დამაფიქრებელი ძვრები. ამ შემთხვევაში ახალგაზრდა მწერლები მხოლოდ იმიტომ განსხვავდებიან ერთმანეთისაგან, რომ ერთნი უფრო ერთგულებენ ეროვნულ ფესვებს, მეორენი — ჭერ კიდევ ლიტერატურული გატაცებებით არიან შეპყრობილნი.

ურთიერთობა გარემომცველ სამყაროსთან უფრო რთული და მრავალწახანაგოვანი ხდება დღიობად. ამ ურთიერთობაში მწერლის ფიქრმა საჭვეუნო ფიქრს საუკუნოვანი წონასწორობა უნდა შეუნარჩუნოს, რადგან ქართული ლიტერატურის უმთავრესი საგანი ქართველი ერის სასიცოცხლო საგანიც იყო მუდამ.



როსტომ ჩხეიძე

სკვლა მკვლე ტატიშვილისა

ჩვენი საუკუნის ოცინი წლების დასაწყისის ქართული საზოგადოებრივი ცხოვრებიდან ერთი ასეთი ეპიზოდი შემორჩენილი, ეპიზოდი, ამ სურათის ირგვლივ რომ იკვრება:

ერეკლე ტატიშვილის კარის ზღურბლთან სისხამ დილით პავლე ინგოროყვა ჩამოქცა, მუხლებზე განუვრელი ვეება ჩანთა უდევს, ჩანთაზე ფურცლები გაუშლია და ჩაჰკირკიტებს. ერეკლე ტატიშვილი თავს დასდგომია, ოღონდ მოულოდნელობისაგან წამიერად გახევებულს ჭერ კრინტი ვერ დაუძრავს და სურათიც ასევე წამიერად რინდდება, რინდდება, ვიდრე ამ წამიერ გარინდებას ერეკლე ტატიშვილის გაოცებული და ბუნებრივი შეკითხვა დაარღვევდეს, „პავლე, აქ რას აკეთებ?“, და ვიდრე პავლე ინგოროყვა ფურცლებიდან თავს აიღებდეს და აუხსნიდეს, სანამ შეპირებულ მასალას არ მომცემ („კავკასიონისათვის“ შეპირებულ მასალას გულისხმობს), აქედან ფეხს არ მოვიცვლი, ყოველ დილით ასე ვიჭლები აქ, პირობა რომ არ დაივიწყო.

ამგვარი სურათი აღდგება ჩვენს წარმოსახვაში.

აღდგება ისეთი, როგორც ნიკა აგიაშვილმა შემოგვინახა.

მასაც გადმოცემით სცოდნია. თვით ერეკლე ტატიშვილისაგან მომისმენია, ასე იგონებს, უფროდ „მნათობის“ რედაქციაში გვიამბობდა, „კავკასიონისათვის“ მასალას შევპირდი პავლე ინგოროყვას და მეორე დილითვე ჩემი კარის ზღურბლთან იჭდა, პირობა რომ არ დამერღვიაო.

სურათსაც ასე გადმოცემით აღადგენს.

ოღონდ, რამდენადაც ჩემთვის ცნობილია ერეკლე ტატიშვილის პიროვნული ხასიათი მინი მოწაფეებისაგან, იგი საკმაოდ გულჩაობრობილი და სიტყვატუნჩი კაცი ყოფილა და თავის ცხოვრებისეული ეპიზოდების თხრობას ახლობლებთანაც კი გაურბოდა, ასე რომ, ნაკლებ საფიქრებელი ჩანს, „მნათობის“ რე-

დაქციის თანამშრომლებთან გაება მუსაფიგ; ნით უმეტეს, რომ რედაქციაში საერთოდ არ დადიოდა. თუ თვალს გადავავლებთ იმდროინდელ პერიოდიკას, ადვილად დავრწმუნდებით, რომ პრესაში მისი თანამშრომლობა წყდება ქართველ მწერალთა აკადემიური ასოციაციის უკანასკნელი შურნალის, „ახალი კავკასიონის“, გამოცემის შეწყვეტასთან ერთად.

ამიტომ ნიკა აგიაშვილს ეს ეპიზოდი შესაძლოა სცოდნოდა ერეკლე ტატიშვილის რომელიმე მეგობრისა თუ მოწაფისაგან და სურათიც მათი ნამბობის მიხედვით აღედგინა, და თუ წერს, თვითონ ერეკლე ტატიშვილისაგან მომისმენიაო, ალბათ, მხოლოდ იმიტომ, რომ ამბის რეალურობას არავინ დაეჭვებინა და მისი სიმართლე ყველასთვის დამაჭერებელი ყოფილიყო.

მაგრამ ეს შემთხვევა, უჩვეულობის მიუხედავად, და იმის მიუხედავად, როგორი გადმოცემის გადმოცემითაც არ უნდა მოეღწია ჩვენამდე, ისედაც დამაჭერებელი და სარწმუნო ჩანს, რადგან ამგვარი შემთხვევის გამოგონება შეუძლებელია.

ეს შეიძლება მხოლოდ სინამდვილეში მოხდეს.

და რადგანაც სინამდვილეშია მომხდარი, ამიტომაც მიგვანიშნებს და წარმოგვიდგენს ეს ერთი პატარა შემთხვევა, თუმცე გაკვრით, მაგრამ ასე ზუსტად ერეკლე ტატიშვილის სკეპტიციზმსა და პავლე ინგოროყვას უსაზღვრო ოპტიმიზმს.

ორივე პიროვნების ხასიათის ეს თვისებანი უფრო მკაფიოდ გამოჩნდება, თუ იმდროინდელ საზოგადოებრივ ვითარებასაც გავითვალისწინებთ, რადგან ასე ცალკე ეს ეპიზოდი თუ მხოლოდ რომანტიკულ იერს იძენს, მაშინდელი ვითარების — მლეკვარე, მწვევე და აბურღული ვითარების — ფონზე დრამატიზმითაც კი იმუხტება.

ასეთ რთულ ვითარებაში დიდი მისია დაე-

კისრებინა პავლე ინგოროყვას „აკვასიონისათვის“. ევროპული ტიპის ეურნალად რომ ჰქონდა ჩაფიქრებული — ეურნალს, რამდენადაც კი შეიძლება, სრულად უნდა წარმოედგინა ქართული მხატვრული და მეცნიერული აზროვნების სურათი და სწორი გეზითაც წარემართა ეს სტრუქტურა. ამით ეურნალს უნდა დაედასტურებინა, რომ დარბეულ, გაწამებულ და იმედდაკარგულ ქართველ მწერლებსა და მოღვაწეებს კვლავ შესწევდათ დიდი ტრადიციების ღირსეულად გაგრძელების უნარი.

ერთ-ერთი იმათგანი, ვისაც პავლე ინგოროყვა უნდა დაურდნობოდა, ერეკლე ტატიშვილიც იყო. ერეკლე ტატიშვილი, პოლიგლოტი და ერუდიტი, მსოფლიო კულტურების საუკეთესო მცოდნე. ვის სახელსაც დაუკავშირდა უცხო ენების კათედრის დაარსება თბილისის სახელმწიფო უნივერსიტეტში და მთარგმნელთა და ევროპულ ლიტერატურის სპეციალისტთა და მეცლევართა მიუღიესკოლის აღზრდა. ცალკეული ცნობები მის ცხოვრებასა და სამწერლო თუ პედაგოგიურ მოღვაწეობაზე შეგვიძლია შევიტყოთ მისივე მოწვევების ლიტერატურული წერილებითა და მოგონებებით. სამწუხაროდ, მეტად მცირე რაოდენობის წერილებით, რომელთაგან ღრმად ფსიქოლოგიური წვდომითა და ანალიზით საგანგებოდ უნდა აღინიშნოს ვახტანგ ქელიძის ესეი.

ამასთან ერეკლე ტატიშვილი არის ერთი ნოველის პერსონაჟიც (ოთარ ჩხეიძის „ნაკაქლნარი“) და ორ რომანშიც გამოჩნდება, ერთგან, როგორც პროტოტიპი ერთ-ერთი გმირისა (იგულისხმება ეგნატე ლაზიშვილი კოტე ხიშიაშვილის რომანიდან „ჯონკა ხორნაული“), მეორეგან კი, თუმცა მიუთითებლად, მაგრამ სრულიად აშკარად თვითონ მისი ლიტერატურული პორტრეტია დახატული (ოთარ ჩხეიძისავე „ცხრაწყარო“). როგორც შეინიშნეს, ერეკლე ტატიშვილი უნდა იყოს შთამაგონებელი თურმანის სახისაც ბასილ მელიქიშვილის ამავე სახელწოდების ვრცელ მოთხრობაში.

ეს პროზა, რაც შეეხება პოეზიას, ბასილ მელიქიშვილის ლექსზე რომ აღარაფერი ვთქვათ. ერეკლე ტატიშვილის პიროვნებით, მისი სულით, მისი არსებით არის გამსჭვალული ნიყო სამადაშვილის ლექსების უმეტესობაც, რასაც იოლად მიგვახვედრებს რამდენიმე მხატვრული სახე, მუდმივი ეპითეტი ან რომელიმე დეტალი თუ მიწიწინება, ლექსიდან ლექსში რომ მონაცვლეობს და მკაფიოდ გვიჩვენებს მომღერის გაიდებულ სახესაც და მის დიდ გავლენასაც პოეტის მსოფლმხედველობასა და მხატვრულ პრინციპებზე.

ყოველივე ამით დასტურდება, რომ მოწვევებისათვის ერეკლე ტატიშვილი მხოლოდ

იშვიათი ლექტორი თუ მომღერალი არა, უკიდურესად, ევროპულ ენებსა და ლიტერატურას ახსწავლიდა, გონებრივ პორიზონტს უფართოებდა და მოღვაწეობის გზას უდგენდა, იგი მათ წარმოადგენდა განსახიერებელ მთელს სამყაროს, სადამდეც კი თვალი და გონება მიუწვდებოდათ და, ვთქვათ, ეს ორი სტრუქტურის მისი გარდაცვალების შემდეგ შექმნილი ლექსიდან, შეიძლება ითქვას, ყველას გულისთვის გამოხატავდა და გამოხატავს:

შენ რომ წახვედი, ასე მგონია,

სუთელი ქვეყანა თან გახვევით
გამოხატავს ისე, რომ არაფრის დამატებას არ
საჭიროებს.

იმ დროისათვის კი, პავლე ინგოროყვა რომ იცა მისი კარის ზღურბლთან, ერეკლე ტატიშვილს უკვე მძიმე ცხოვრება გადაეტანა, სულ სხვას მიეღვოდა და მკაცრი სინამდვილე სულ სხვა გზაზე ატარებდა, ციხეც ეწვნია და ემიგრაციის სიმწარეც, იმედიც ბევრჯერ ვაცრუებოდა, სიკაბუკის ოცნებებც გასძარცვოდა და, მრავალი ბუბერების მხილველსა და სექტიციზმით შეპყრობილს, ლამის ყველაფერზე ჩაქენია ხელი.

ასეთ მდგომარეობაში მყოფ კაცს, ადვილი შესაძლებელი იქნებოდა, რომ პირობა ვერ შეესრულებინა; და ამიტომაც იყო, რომ პავლე ინგოროყვამ ასეთი, ერთი შეხედვით, უქნაური გზა გამოიბეჭა.

ამ ცდას კი ის მოჰყვა, რომ „აკვასიონის“ პირველივე ნომერში (1924 წ.) ერეკლე ტატიშვილის ორი წერილი და ერთი თარგმანი, ედგარ პოს „სიჩუმე“, დაიბეჭდა (ამას ემატება კონსტანტინე ჭიჭინაძისათვის მომზადებული „ყოვანის“ პქარედი), და თუ ამ ორი წერილიდან ერთი, პეტრე მელიქიშვილის მადსენიერად დასახურებისადმი მიძღვნილი, გაზეთ „ქართული სიტყვიდან“ არის გადმობეჭდილი, მეორე, „საკია-მუნის“, ბრწყინვალე ესეი ბუდიშვის ისტორიიდან, საგანგებოდ „აკვასიონისათვის“ დაიწერა.

„საკია-მუნის, ისევე, როგორც ერეკლე ტატიშვილის სხვა ესეების, მხატვრულ-ენობრივი სტილი ექსპრესიული და შესამჩნევად რიტმულია, რითაც თუმცა ორიგინალურად გააჩნდება და აშკარა თავისებურ ელფერის ანიჭებს ვასილ ბარნოვის მხატვრულ ესთეტიკურ კონცეფციას მიჰყვება, ხოლო „სიჩუმის“ თარგმანში რიტმული წყობა კიდევ უფრო თვალსაჩინოდ არის გამოკვეთილი და, მიუხედავად იმისა, რომ თარგმანს გრაფიკულად ლექსის სახე არა აქვს, ეს არის ვერლიბრის მშვენიერი ნიმუში ქართულ ენაზე. ინგლისურადაც, ცხადია, „სიჩუმე“ თავისუფალი ლექსია და თუმცა იქ გარეგნულად ლექსის გრაფიკული სახე აქვს, თვითონ ედგარ პო უწოდებდა არა ლექსს, არამედ ლექსს პროზად.

რადგან რიბისა და მუსიკალურობისაგან გან-
ძარცვული და საზომდარღვეული ლექსი მისთ-
ვის უკვე ლექსი აღარ იყო. შესაძლოა ერეკ-
ლე ტატიშვილმა ამიტომაც აღარ მისცა თარგ-
მანს ლექსის სახე, თუმცა, რა თქმა უნდა, ედ-
გარ პოსტელი მეტარად ორგანიზებული რიტმი
და ღრმა პოეტური განცდა თარგმანშიც ასევე
შეინარჩუნა.

აქვე მხოლოდ ზოგადად შევნიშნავ, რომ „ესე
იტყოდა ზარატუსტრასი“ ჩართული მიმნები
ერეკლე ტატიშვილს ასეთივე ღრმა პოეტური
განცდით, ოღონდ, „სიჩუმიხსავან“ განსხვავებით,
გარაფიქვალდაც ლექსის სახით აქვს თარგმნი-
ლი და ამ თარგმანებს, „სიჩუმესთან“ ერთად.
მხატვრული ლირიკულების გარდა, სავალისხ-
მო მნიშვნელობა აქვთ ქართული თავისუფალი
ლექსის ისტორიისთვისაც.

„კავკასიონზე“ ვსაუბრობდით.
„კავკასიონის“ განხილვა, მისი ორივე ნომ-
რის თვითდან ბოლომდე გადაკითხვა; თვალ-
ნათლივ აჩენს რედაქტორის მოწანს, რომ ქარ-
თულად თარგმნილიყო არა ცალკეული ნაწარ-
მოებები, არამედ მკითხველს თანდათან, და რაც
შეიძლება, სრული წარმოდგენა შექმნოდა თი-
თოელთა დიდი თუ გამოჩენილი მწერლის შე-
მოქმედებაზე, ლიტერატურულ მიმდინარეო-
ბებსა და გარკვეულ, ცხადია, მნიშვნელოვან,
ლიტერატურულ ეპოქებზეც კი.

ამდენად, აქედან გამომდინარე, „კავკასიონ-
ის“ გამოცემა რომ გაგრძელდებოდა, ისე-
დაც საფიქრებელი ჩანს, რომ ერეკლე ტატიშ-
ვილი ედგარ პოს კიდევ არაერთ ნაწარმოებს
თარგმნიდა. მას შემდეგ, რაც პავლე ინგოროუ-
ვას არქივში პოს ნოველის, „შვიი კატა“, ერეკ-
ლე ტატიშვილისეული თარგმანის ავტორგრა-
ფი აღმოჩნდა, ამის თქმა უკვე დაბეჭობით
შეიძლება. და თუმცა ასე სამწუხაროდ შეწყუ-
და ედგარ პოს შემოქმედების თარგმნაც; ამ
მშვენიერი ჩანაფიქრის ეს ერთი პატარა ფრაგ-
მენტი, თარგმანი ნოველისა „შვიი კატა“, თა-
ვისი მხატვრული ღირსებით, ზუსტად მოძებ-
ნილი ინტონაციითა და ენობრივი სტილით,
დღესაც საუკეთესო ნიმუშია იმისა, თუ როგო-
რი მხატვრული მეთოდითა და სტილით უნდა
ითარგმნოს პოს ნოველები ქართულად (მოგ-
ვიანებით ალექსანდრე გამყრელიძემ განაგრძო
მასწავლებლის დაწესებული საქმე და პოს კი-
დეც რამდენიმე ნოველა თარგმნა).

უემოთ შევნიშნე, რომ ლიტერატურულ
პრესაში ერეკლე ტატიშვილის თანამშრომ-
ლობა წყდება ქართველ მწერალთა აკადემიუ-
რი ასოციაციის უკანასკნელი უფრონლის „ახა-
ლი კავკასიონის“ (1925 წ.) შეწყვეტასთან ერ-
თად, აქ არის გამოკვეთებული მიხი უკანასკნელი
ლიტერატურულ-კრიტიკული წერილი; დაწყე-
ბითაც, არსებითად, ასოციაციის მიერ დაარსე-
ბულ უფრონალ-გაზეთებში დაიწყო და აქვე
გაგრძელდა ამ უფრონალ-გაზეთების რედაქტორ-

თა მონდომებით (საზოგადო ურლობის მიერ
დამტკიცებულ წევრთა სიაში, რომელიც კავკასი-
ინგოროუვას არქივში ინახება, აკადემიური
ასოციაციის ნამდვილ წევრად ერეკლე ტა-
ტიშვილიც არის არჩეული). მანამდე კი ორად-
ორი წერილი ჰქონდა გამოკვეთებული: ერ-
თი კონსტანტინეპოლიდან გამოგზავნილი მი-
მოხილვა თურქეთის საშინაო მდგომარეობისა
(„დამოსავლეთის საკითხი და ბალკანეთის ზა-
ვი“ „სახალხო გაზეთი“ 1918 წ., № 984, 86,
87. გამოკვეთებულია ინიციალებით ი. ტ.
და თუმცა სპეციფიკური ხასიათის გამო ძნე-
ლია სტილით ვიცნოთ ის; რომ ერეკლე ტა-
ტიშვილი ძლიერ იყო დანტრეკებული სა-
ერთაშორისო პოლიტიკური ვითარებით და,
ამასთან, იმ ხანებში სწორედ კონსტანტინე-
პოლში იმყოფებოდა, უტყველად ადასტურებს
მის ავტორობას. აქვე, რაიმე გაუგებრობის
თავიდან ასაცილებლად ისიც უნდა ითქვას,
რომ მოგვინებოთ, კერძოდ, გაზეთ „ქართული
სიტყვის“ 1924 წლის 27 აპრილის ნომერში ამა-
ვე ინიციალებით, ი. ტ. დაბეჭდილია ინფორმა-
ციული ხასიათის მასალა „მხატვართა სადამო“,
ოღონდ ამ შემთხვევაში ინიციალები ეკუთვნის
დღეისათვის სრულიად უცნობ მხატვარს ირაკ-
ლი ტოფაძეს. და ერთიც ესეი ნიულოვ
ბარათაშიღზე („სიბებუის მოგონანი“, „საქართ-
ველო“. 1918 წ., № 261. აქ აშკარად არის
საგრძნობი ბარნოვის სტილის გავლენა).

„ახალ კავკასიონში“ გამოკვეთებული ის
წერილი კი ეძღვნება კონსტანტინე გამსახურ-
დიას ნოველების პირველ წიგნს, „ქვეყანა,
რომელსაც ვხედავ“, და არის, საერთოდ, კონს-
ტანტინე გამსახურდიას პროზის პირველი მა-
ღალი, მეტიც, აღტაცებული შეფასება. წერი-
ლი გამოკვეთებულია ფსევდონიმით: ი. რ.-ა.
წერილის ენობრივი სტილის ანალიზით (თუმცა
რამდენიმე აბზაცი, გარკვეული მოსაზრე-
ბებით, რედაქტორსაც დაუმატებია) სავარაუ-
დო იყო, რომ ეს ფსევდონიმი ერეკლე ტატიშ-
ვილს ეკუთვნოდა. წერილის დედნის რამდე-
ნიმე გვერდის აღმოჩენის შემდეგ პავლე ინ-
გოროუვას არქივში, უტყველი გახდა ერეკლე
ტატიშვილის ავტორობა. წერილი დაბეჭდილი
ყოფილა შემოკლებით, ამოღებულია რამდენი-
მე ადგილი და, პირველ რიგში, ის ადგილები
სადაც ერეკლე ტატიშვილი მსჯელობისათვის
ნიცხესა და შოპენაუერის სახელებს მოიხ-
მობს.

ზუნებრივია, რომ ამის მერე ერეკლე ტატიშ-
ვილი საერთოდ ჩამოშორდებოდა პრესას,
რადგან ნიცხეს სახელის ხსენება თუ აღარ
შეიძლებოდა, „ზარატუსტრასი“ თარგმანს, რო-
მელსაც დიდი ღრმ და ენერგია შეაღიჟ-
ვინდა დაუბეჭდავდა.

თუმცა იმავე წლებში დარვინის „სახეობა-
თა წარმოშობაც“ უთარგმნია, მაგრამ გამო-

საცემად გამოადებული წიგნი, სამწუხარო და აუხსენელი შემთხვევის გამო, სტამბაში დაკარგულა. სიცოცხლეში არც თავისი დისწულის, რეისორ გიორგი უფრულის თხოვნით თეატრისათვის თარგმნილი შილერის „ვერაგობა და სიყვარული“ და შოუს „ქვისარი და კლეროპატრა“ გამოუქვეყნებია.

მისი სახელი მხოლოდ გრიგოლ წერეთლის „ბერძნული ლიტერატურის ისტორიის“ მეორე ტომის წინასიტყვაობაში ჩნდება, როცა ავტორი, ჩვენი სახელოვანი ელინისტი, გულითად მადლობას უხდის სამ მთარგმნელს, მათ შორის ერეკლე ტატიშვილს, რომელთაც მის მიერ რუსულად დაწერილი წიგნი ქართულად თარგმნეს. მართალია, ავტორი იქვე, ცოტა არ იყოს, დანაწილებით შენიშნავს, „ის გარემოება, რომ თარგმანი შესრულებულია არა ერთის არამედ რამდენიმე პირის მიერ, დავტყუ წიგნს იმ მხრივ, რომ სტილის ერთგვარობის დაცვა ვერ მოხერხდა“; მაგრამ, სამაგიეროდ, უფრო დაბეჭდილობით შეგვიძლია გამოვარჩიოთ ის ნაწილი, რომელიც ერეკლე ტატიშვილს უთარგმნია.

ხოლო მიზეზი ნიცშეს სახელის აკრძალვისა იყო და არის მისი შემოქმედების და, კერძოდ ფილოსოფიური რომანის, „ესე იტყოდა ზარატუსტრა“, ტენდენციური და მთლიანად არასწორი ახსნა. ასეთნაირმა ახსნამ თუმცა ერთადერთი სწორი ახსნა ეს ეგონათ, მერე და მერე გააფრთხილათა ნიცშეს ნააზრევი და ლამის მთლად გააუფასურა.

არადა, „ზარატუსტრა“ ერთი იმ წიგნთაგანია, რასაც ნიცშე „სისხლით დაწერილ წიგნს“ უწოდებს და რომლის შეცნობის სირთულესაც ასე თვალთაღვივ და ხატოვნად გააღვივებლის:

„ყოველ დაწერილთა შორის მიყვარს იგი, რაც აღმნიანს თავისი სისხლით დაუწერნა, სისხლით სწერდე და შეიტყობდე, რომ სისხლი უსულია.“

ადვილი არ არის სხვისი სისხლის შეცნობა: მძულს უსაქმური მკითხველნი...

რომელი სისხლითა და იგავებითა სწერდეს, არა ისურვოს რათა მას კიხიულობდნენ, არამედ იზეიბებოდნენ.

მთავი მწვერვალადან მწვერვალამდე უმოკლესი გზა: ხოლო ამაღ ჭრს არს გრძელი ფეხები გაქონდეს. იგავნი უნდა მწვერვალთ მზგავსნი იყვნენ: და რომელთ იგავებით ელანარაკებთან ტანდნი და მალად ზრდილინი“.

მაგრამ ისიც უთუოდ დამაფიქრებელია, რომ გადმოცემით, თურმე ვაჟს არ ჰყვარებია ნიცშე და ამის მიზეზებში თუ არ გავრკვეით, ნიცშეზე ყოველგვარ მსჯელობას აზრი ეკარგება.

ნაცარქეპიაა ეგ თქვენი ხერხემალგამოფიტული ევროპელი ფილოსოფოსი ნიცშეო, ვაჟ

ამტკიცებდა; და თანაც ისეთი სიმწვავეთ ამტკიცებდა, თანამედროვეთა ცნობით, მისგან ჩატარებულად არ ტოვებდა: „ოღონე გამოვლენო დაწერტილად, უსუსურ მეწვერილმანე ვაჟარს ენატრებოდა „ზეკაცი“ ზარატუსტრა, ხოლო ჩვენში ცვირმოუხოცელი მოხვევ და მთიელი იგივე ზარატუსტრა არის, ოღონდ იმ განსხვავებით, რომ ჩვენი მოხვევ და მთიელი უფრო რაინდია, ხოლო ნიცშეს ზარატუსტრა—ვერაგი, სისხლისმსმელი, სუსტის მქელავი, ე. ი. არ არის ვაჟაკი ადამიანი“.

ადვილი შესაძლებელია ვის მერმინდელი ჩანაწერი მთლად ზუსტად ვერ გადმოგვიცემდეს ვაჟს სიტყვებს, მაგრამ მაინც ცხადად გვარძნობინებს, თუ როგორი სიმკაცრითა და სიცხარით ეკამათებოდა ვაჟა პირადი საუბრისას ნიცშეს თავუანისმცემლებს, ჩვენთანაც რომ ასე მომრავლებულიყვნენ.

ისინი ევროპიდან დაძრულ ტალღას ასდევდნენ და ირწმუნებოდნენ, რომ ნიცშეანელობა ახალი რელიგია იყო, ხოლო ზარატუსტრაში განსახიერებული ნიცშე — ახალი რელიგიის ფუძემდებელი.

ნიცშეანელობა ერთბაშად და ტოტალურად მოედო ევროპას და თუ იმდროინდელ ნაწერებსა და გადმოცემებს გავითვალისწინებთ, „ზარატუსტრას“ ავტორის განსაკუთრებულ პოპულარობაზე რომ მეტყველებენ, აღარ გავვიკვირდებოდა ნიცშეს სახელთან ახალი რელიგიის ხსენება.

მაგრამ მთელი ეს პოპულარობა, როგორც ჩანს, თავიდანვე დეემყარა არა ნიცშეს ნაზარტეს, არამედ ამ ნაზარტესის მეტად ზერიელ და ზედაპირულ აღქმას, იმდენად ზერიელისა და ზედაპირულს, რომ სიღრმეში წვედომას ვინ ჩივის, მაინცდამაინც ის მოიწონეს და აიტაცეს, ის მიიჩნიეს წიგნის ღირსებად, რასაც თვითონ ნიცშე ებრძვის და მძაფრი სარკაზმით ამახსრებს. პირველ რიგში ეს ადამიანის მდაბალი ინსტინქტებია, მანკიერ სურვილებს რომ უხსნის გზას და ადამიანში ამაღლებულისაკენ ღტოლვას ჰქლავს, ანუ ამაღლებულისაკენ ღტოლვასა და ძალუფლების ხელში ჩაგდებას შორის განსხვავებას ვეღარ ხედავს.

ასე მოულოდნელად შეიქმნა მცდარი წარმოდგენა და ამ მცდარ წარმოდგენას დაყრდნობილი ნიცშეანელობა, არსებობდა, იმთავითვე მოუწვდა ნიცშეს მოძებრებას: ნიცშე თავისი ზარატუსტრათი ცალკე დარჩა, ნიცშეანელობა კი თავისი გზით წავიდა, თანდათან გავრცელდა და კიდევ უფრო გაბუნდოვანდა. ნიცშეს მიმდევრებმა, როგორც თვითონ უწოდებდნენ საკუთარ თავს, სრულიად საპირისპირო თვისებების აღმოჩენა მოინდომეს ზარატუსტრას სახეში, და თუმცა რომანის დასაწყისშივე ნათლად და ვასაგებად არის მინიშნებული, რომ ინდივიდუალისტური მოღვაწეო-

ბა ჩანასახშივე განწირულია („ვსაპირობთ თანამგზავრთ“, ამბობს ბრბოს უყურადღებობით განაწყენებული და დაფიქრებული ზარატუსტრა, რითაც ახალ ჭეშმარიტებას შიგნებს), ზარატუსტრას სახე ნაძალადევედ მოარგებს სწორედ ინდივიდუალისტურ კონცეფციას; ამ კონცეფციის კვალობაზე სახეცვლილი ზარატუსტრა კი სრულიად დაშორდა ნიცშესეულ გააზრებას და ძალიან დამგვანა სოფისტების „ძლიერ აღმიაწი“, რომელსაც არაფერი ზღუდავს და სუსტსა და უმწეო კაცუნებზე აღწევებულს საკუთარი ნება-სურვილის დაკანონებისა და საყოველთაო ნორმად ქცევის მეტი არაფერი აღუძვებს.

ნიცშესაგან და, ცხადია, ზარატუსტრასაგან მხოლოდ სახელებიღა დარჩა, თორემ თავისი აღარაფერი შერჩათ. ნიცშეს მოძღვრება სრულიად განიძარცვა მკაფიოდ გამოვლენილი ჰუმანისტური პათოსისაგან და ზარატუსტრამაც აშკარად შეიძინა დიქტატორის ნიშნები.

ასეთი ნიცშე იყო ხერხემალგამოფიტულიც, ღონეგამოღეულიც, დაწრტილიც და უსუსური მეწვირდმანე ვაჰარაც; და ასეთი ზარატუსტრა — ვერაგი, სისხლისმსმელი და სუსტის მქელავი. ასეთ ნიცშესა და ზარატუსტრას ვერ ედუებოდა ვჟა და რადგანაც მცდარი წარმოდგენა ჩვენშიც საკმაოდ იყო ფეხმოკიდებული და ამ წიგნის, „ნეტ იტყოდა ზარატუსტრა“, ობიექტურსა და მთლიანობაში განხილვას აზრი დაეკარგა, ვჟას სხვა არაფერი დარჩენოდა. გულმოსულს პირში შეიხალა დაბნეული და გონებადაბანგული მოსაუბრებებისათვის, ნაცარქექიაა ეგ თქვენი ნიცშე, ნაცარქექიაა და ნაცარქექიაო.

ნიცშეანელთა ნიცშეს არც ერეკლე ტატიშვილი აშულოია, მისი ესეი, „ფრიდრიხ ნიცშე“ (აქვე გავისხენებ კონსტანტინე გამსახურდიას ასევე მშვენიერ ესეისაც „ტრადიციის წარმოშობა მისტიკის სულიდან“), სწორედ „ზარატუსტრას“ სიღრმეებს ააშკარავებს შეუმცდარი აღლოთი და იშვიათი ოსტატობით და, იმავდროულად ავტორის სულიერ ბიოგრაფიასაც აღადგენს მომხიბლავი და ექსპრესიული სტილით:

„ნიცშეს ცხოვრება მისი საკუთარი აზროვნების დრამის განცდაა. იგი თვითონ არის თავისი სულიერი ტრაგედიის გმირი, ქალაქი და მსხვერპლი. მისი ყოველი აზრი პერსონაჟია, რომელიც ღანდის სახით კვლავ იზიდავს მას მომხიბლავ მაცდურობით შემეცნების წარმტაც, მაგრამ სახიფათო მწვერვალებისაკენ.

ნიცშე უკიდურესობის ქაღალქარია, ახალი სიტყვის მაუწყებელი. მასში ბრბენი, მეცნიერი და მსახიობი ერთმანეთს გამარჯვებას ეცილებიან და შეურიგებელ ბრძოლას შეშლილობის აპოთეოზით ავტირგვინებენ“.

ესეის დასაწყისშივე ასეთი მხატვრული ძალით წარმოგვესახება თვალწინ ნამდვილი ნიცშე, ცრურწმენებსა და ყალბ წარმართებს, გენას განრიღებული, და თანდათან საჩინო ხდება „ზარატუსტრას“ ნამდვილი არსიც, „ზარატუსტრასა“, რომელიც, ერთი მხრივ, არის სატირა გადაგვარებულ საზოგადოებაზე, ცრურთიერთობებსა და ცრუმოღვაწეობაზე, ცრუპოლიტიკოსებზე, ცრუფილოსოფოსებზე, ცრუმეცნიერებსა და ცრუპოეტებზე.

ესეი ამ სატირას კალიდოსკოპურად გვიჩვენებს:

„(ნიცშე) სასაცილოდ იგდებს პოლიტიკოსებს, რომელთაც პატივს სცემენ იმიტომ, რომ ემსახურებიან ბრბოთა ცრუმორწმუნეობას, როგორც შინაური პირტუყვის, ადვილად იღამენ მის კეხს, ან პატარა სახედარიით შეებმევიან დიდი პოლიტიკის ეტლით. დასცინის ფილოსოფოსთ, რომელნიც მოგვაგონებენ ცუდად გახედნილ ველურ ნადირებს და „ბუნაგთან წაჩოქილ გარეულ ტახებს“, სძულს მეცნიერნი და ამსგავსებს მათ „მტკერში გახვეულ ჭქვილის ტომრებს“. ნამეტნავად ცუდათ იხსენიებს პოეტებს, რომელთაც ძალიან ცოტა იციან, ცუდათ სწავლობენ და ამიტომ იძულებულნი არიან იცარუნ...“

მეორე მხრივ კი, „ზარატუსტრა“ არის სურათი ტრანსული სახელმწიფოების მსხვრევისა და ამ ნამსხვრევებზე თავისუფლების აღმოცენებისა, პიროვნებისა და ერის სულიერი ამაღლებისა.

ზარატუსტრას გზა არის არა მხოლოდ მისი გზა, არამედ სიმბოლური გზა ყოველ აღმიაწინსა.

ზეკაცი, ანუ მაღალი ადამიანიც სხვა არაფერია თუ არა სულიერად გაწმენდილი და ამაღლებული პიროვნება, რომელიც სულიერი ამაღლებისათვის ებრძვის როგორც ფილისტერული საზოგადოების გადაგვარებულ წენობას, ასევე საკუთარ ხასიათშიც არსებულ მანიკიერებებს, ფსიქიაში გამჭდარ „პატარა ადამიანს“.

„დღეს პატარა ხალხია მბრძანებელი, — სწუხს ზარატუსტრა, — ივინი ჰქადაგებენ მორჩილებასა და მოკრძალებას, და გონიერებასა და ბეჩითობას, და სიფრთხილესა და გრძელ და სხვა პატარა სათნოებათ...“

სტლით დღევანდელ ბატონებს, ჰე, ძმანო — ამ პატარა ადამიანთ: ისინი ზეცის უდიდესი ხიფათია!

სტლით თქვენ, მაღალნო ადამიანო, პატარა სათნოებათ, პატარა გონიერებას, სიფრთხილეს. ჰიანველათა ფუსფუსს, საცოდავ კაყოფილებას, უმარავდესობის ბედნიერებას“.

ზარატუსტრა გვარწმუნებს, რომ აუცილებელია დავთრგუნოთ ჩვენს ფსიქიაში არსე-

ბული „პატარა ადამიანი“, რადგან ეს არის გზა ამაღლებულისაკენ.

წიგნის ჭეშმარიტური პათოსი, ჭეშმარიტური კონცეფცია იმდენად მკაფიოა, რომ საღად თუ შევხედავთ, დაუჭერებელიც კი მოგვეჩვენება, როგორ უნდა მოხერხებულიყო მისი გაბუნდოვანება.

მიუხედავად ამისა, ფაშისმზა ნიცშე თავის იდეოლოგიად გამოაცხადა და კიდევ გაუტება სახელი. თავის დროზე, კერძოდ, 1946 წელს, ალბათ ამაოდ ცდილობდა თომას მანის დე-სახუთებინა, რომ „ფაშისმის სპეციფიკა უც-ხოა ნიცშეს მხატვრული ფანტაზიისათვის“. ისედაც ტენდენციურად ახსნილი წიგნი მთლად მოკადრებულ წრეში აღმოჩნდა და ამ მოკადრებულ წრეს მაშინ თვით თომას მანის დი-დი ავტორიტეტიც ვერ გაარღვევდა.

თომას მანის ეს ვრცელი გამოცხადება, „ნიცშეს ფილოსოფია ჩვენს გამოცდილების შუქზე“, თავისებური გზამკვლევი ნიცშეს სამყაროში შესაღწევად, ჩანს, უფრო მომავ-ლისათვის იყო გამიზნული, როცა ნიცშეს სა-ხელის ირგვლივ ამტყდარი ალიაქიანი ცოტა-თი მაინც მინდებოდა და ცოტრეწმენებისა-გან თავისუფალი მსჯელობა გახდებოდა შე-საძლებელი.

„იხე იტყოდა ზარატუსტრა“ არც პირველი წიგნია, მოკადრებულ წრეში რომ მოქცეულ-ლა, და არც უკანასკნელი.

ამის მაგალითი, სამწუხაროდ, უამრავია და ამ უამრავი მაგალითიდან სანიშნოდ შეიძ-ლება ნიკოლო მაკიაველი და მისი „მთავარი“ გავიხსენოთ. მაკიაველის ზეგავლენის ისტო-რია მისი არასწორად გაგების სხვადასხვა გზე-ბის ისტორიააო, ჭერ კიდევ როდის შენიშ-ნავდა ტომას ელიოტი.

ამ ორი წიგნის ბედი ძალიან მკავს ერთმან-ეთს, ოღონდ უნდა ვისურვოთ, რომ გერ-მანელი ფილოსოფოსიც იმდენი საუკუნე არ იყოს გაუგებრობის მსხვერპლი, რამდენი საუკუნეც იტალიელი მოწოდუნა.

მაკიაველიში ყველა ლექსიკონსა თუ ცნო-ბარში განიმარტება, როგორც პოლიტიკა, რომლის მიხედვითაც, დასახული მიზნის მი-საღწევად გამართლებულია ყოველგვარი სა-შუალების (მკვლელობა, ვერაკობა, ღალატი) გამოყენება. ასევე დაშკვიდრებული ჩვენს ცნობიერებაშიც. მაკიაველიზმის ამგვარი გან-მარტების მიზეზი უძველად არის მაკიაველის ნაწრომების ტენდენციური და ზედაპირული განხილვა და თანაც მოსთვის, როგორი უც-ნაურიც არ უნდა იყოს მსოფლმხედველობის გაორებისა და პოლიტიკური დარტყვიანობის დაზარალება. თარგმანისათვის თართულ ბოგ-რაფიულ-კრიტიკულ ნარკვევში ბაჩანა ბრეტ-ვაძე ღრმად და ფართოდ იკვლევს ამ პრობ-ლემას და ამტკიცებს, რომ „არაფერია უფრო ყალბი, ვიდრე ამნაირი ანალიზი, რადგან იგი

მაკიაველიზმის სრული გაუგებრობისაგან იღებს სათავეს“; და „წინააღმდეგობა წმინდად მოჩვენებითია და კრიტიკის მიერ უფრო მოთრეული. მაკიაველის პოლიტიკური მრწამსი უცვლელია და ურუყვი“. შტაიცი დასკვნა, რომ ეს მრწამსი უცვლელია და ურუყვი, და საერთოდ, მთარგმნელის მთელი მსჯელობა (რომლის ამოსავალიც ის არის, რომ მაკიაველი მკვლელობასაც, ვერაკობასაც, ღალატსაც აწარმოებს მხოლოდ და მხოლოდ ეროვნული თავისუფლებისათვის ბრძოლის დროს და არაფრისმიღებთ სხვა შემთხვევაში), საშუალებას გვაძლევს, რამდენდაც შე-ვიძლებთ, გავთავისუფლდეთ ყალბი წარ-მოდგენებისაგან და „მთავარს“ ობიექტურად შევხედოთ და არა ჩვენს შეგნებაში გამჭდა-რი მცდარი თვალსაზრისით. და მაშინ ბუნდო-ვანი აღარავინ იქნება, წიგნის ნათელი კონ-ცეფცია გასაგები და მახლობელი გახდება და იტალიის ეროვნული თავისუფლებისათვის მებრძოლ წიგნს სრულიად საწინააღმდეგო თვისებებსა და მიზნებს აღარ მივაწერთ.

მცდარ წარმოდგენას ზერტი, ტენდენ-ციური თუ დანაკუწებული განხილვის გარდა, არც იხე იშვიათად აუხსნიელი და გამოუცნობი ფაქტორებიც იწვევს, ავი ბედისწერაც იმი-ტომ დარქმევია, თორემ წიგნის (კერძოდ, „მთავრის“ ან „ზარატუსტრასი“) მთლიანობაში განხილვასა და გააზრებას თუ თავისი სირ-თულენი ახლავს, ვთქვათ, მარიაშ მაგდალი-ნელის ამბავი თითქმის ყოველგვარ სირთულესა თუ გაუგებრობას იმთავითვე გამორიცხავს, რადგან ცნობებს მასზე ახალი აღთქმის სულ რამდენიმე მუსლი გვაწვდის. და მაინც, დამ-კვიდრდა არასწორი შეხედულება, რომლის მიხედვითაც, მარიაშ მაგდალინელი, ვიდრე ქრისტიანს მიმდევარი გახდებოდა, თავისუფა-ლი ქცევის ქალი ყოფილა და მერე მთუნა-ნიებია ცოდვილი წარსული.

ეს შეხედულება დაამკვიდრა რენესანსის ეპოქის მხარეობამ, რომელთაც რატომღაც გააკვივს მარიაშ მაგდალინელი და ლუკას სა-ხარებაში მოხსენიებული ვინმე ცოდვილი თე-დაკაცო (7, 37). სინამდვილეში, მარიაშის თავ-ისუფალი ქცევა და მონანიება გაცვირთაც არ არის მინიშნებული ახალ აღთქმაში, მაგრამ, მიუხედავად ამისა, ოდენდაც შექმნილმა არა-სწორმა თვალსაზრისმა (გამოწვეულმა ალბათ, იმიტომ, რომ მარიაშის სახისათვის მტერი დრამა-ტში მიენიჭებიათ) არა მარტო ჩვენს წარ-მოდგენაში დაამკვიდრა მონანიე მარიაშ მაგ-დალინელის სახე, არამედ თვით საუკეთესო მცოდნეც კი ახალი აღთქმისა მარიაშს მო-ნანიედ წარმოიდგენდნენ.

ამ მცდარი შეხედულების გაბათილებაც კი აგერ რამდენი საუკუნეა ლამის გადაულახავ პრობლემად ქცეულა და, მითუმეტეს, როგორი პრობლემა უნდა იყოს წიგნის ირგვლივ შექმ-

ნილი მოქალაქეობის წრის გარღვევა, მაგრამ ამან შეუძლებელია სიმართლის ძიებასა და აღდგენაზე ხელი აგვადინოს.

თავისით არაფერი დადგინდება.

ის დრო, ყველაფერს სწორად რომ აუასებს და თავთავის ადგილს მიუჩინეს, ადამიანებია, სხვა არაფერი.

იმისთანა თარგმანი, როგორც ერეკლე ტატიშვილის მიერ თარგმნილი „ესე იტყოდა ზარატუსტრას“, მისი უღაგო და გამორჩეული მხატვრული ღირებების გამო, არც ისე ბევრი მოგვეპოვება ჩვენს მთარგმნელობით ლიტერატურაში. ამასთან ისიც საგანგებოდ უნდა ითქვას, რომ თარგმანში გამოყენებული სტილი, რომელიც ენობრივ აღლოსთან ერთად ნაყოფია მრავალწლიანი ძიებებისა, არის ის სტილი, რომელზე დაყრდნობითაც, ანუ რომლის შესწავლითა და თავისებური გააზრებითაც უნდა ითარგმნოს დღეის ბიბლიური წიგნები. ის, რაც თარგმანში ბიბლიისებურ სუნთქვას ჰქმნის, ზუსტად მიგნებული რიტმულობა და შინაგანი რიტმია. ზუსტი რიტმის მიგნება არის ერეკლე ტატიშვილის მთარგმნელობითი მეთოდის უმთავრესი პრინციპი, რადგან შინაგან რიტმსა თუ გარკვეულ რიტმულ მონაცვლეობებს შეუძლია ყოველგვარი კოლორიტისა თუ განწყობილების შექმნა. ასე სწამდა და მოწაფეებსაც ასე უნერგავდა. და „ზარატუსტრას“ თარგმანი თვალნათლივ გვიჩვენებს, რომ, ვთქვათ, ბიბლიისებური სურნელების შესაქმნელად მთავარი და გადამწყვეტი რიტმია და არა ლექსიკა. ლექსიკა ამ თარგმანისა მთლიანად ახალია, და თუ ხანდახან დღევანდელი სალიტერატურო, ენისათვის უცნობი რომელიმე სიტყვა გამოირჩევა, ესეც ძველი ლექსიკიდან კი არ არის ხელოვნურად ნახსენები, არამედ ქართლური ცოცხალი მეტყველებიდან, ერეკლე ტატიშვილი ხელახლა რომ მიუჩინდა ადგილს სალიტერატურო ენაში.

„ზარატუსტრას“ თარგმანი ამ მხრივაც უეჭველად დაგვაფიქრებს და რიტმის დანიშნულეზბასაც უფრო მკაფიოდ წარმოგვადგენინებს.

როცა ზარატუსტრა კალმით მოვაჭრე ურეტებს აზიანებულებს, ამით ცრუ ხელისუფლების სამსახურში ჩამდგარი პოეზიის მანკიერ ბუნებას ამხელს, ამხელს მკაცრად და დაუნდობლად, რადგან პოეზიის, და საერთოდ, მწერლობის გადაგვარებას მიჰყავს ერი დაღუპვამდე. ამასვე ირწმუნებოდა შელი, პოეზიამ, ანუ უმალესმა ჰარმონიამ უნდა იხსნას კაცობრიობაო, და თუმცა ეს სხვებსაც უთქვამთ მანამდეც და მას შემდეგაც, შელის სახელი იმიტომ გამოვეყავი, რომ ეს ყოფილა ერთ-ერთი უძვირფასესი სახელი ერეკლე ტატიშვილისათვის. და სწორედ მისი რჩევით მიუყვია ხელი მის ერთ-ერთ მოწაფეს, ალექსანდრე სპაჩიას, შელის თარგმნისათვის, მაგრამ, სამწუხაროდ, ეს მშვენივრად წამოწყებული საქმე სიკვდილმა აზარ დააცალა (ისევე, როგორც ერეკლე ტატიშვილის კიდევ ერთ მოწაფეს, გიორგი ძიგვაშვილს; ასევე მშვენივრად დაწყებული თარგმან ბერნსის პოეზიისა).

ერეკლე ტატიშვილს, მისი მოწაფეების ცნობით, ჰყვარებია თქმა, დიდი მეცნიერი უთუოდ დიდი პოეტიც უნდა იყოსო. ეს სწორედ შელის სიტყვებია ესეიდან „პოეზიის დასაცავად“. დიდი მეცნიერი დიდი პოეტიც უნდა ყოფილიყო, ასე სჭეროდა შელის და ასევე სჭეროდა ერეკლე ტატიშვილსაც, სჭეროდა და ახლაც სწორედ ერთი ასეთი დიდი მეცნიერი, ანუ დიდი პოეტი იქნა მისი კარის ზღურბლთანაც, ვეება ჩანთაზე გაშლილ ფურცლებს რომ ჩაჰკირკიტებდა, ჩაჰკირკიტებდა მდუმარედ, მაგრამ აქ მოსვლით უთქმელადაც ირწმუნებოდა, რომ კაცმა იმედი არანაირ ვითარებაში არ უნდა დაჰკარგოს.

ამასვე ირწმუნება ზარატუსტრაც და ამასვე ამბობს მაშინაც, როცა მოწაფეებს სამოღვაწეოდ აგულაინებს: „ცუდი ჯილდოა მოძღვრისათვის უკეთეს მოწაფენი მარად მოწაფედ რჩებიან“.

ამასვე ირწმუნება დანიშნულება და ვალი ჩვენი ამქვეყნიური არსებობისა.



იოსებ გრიშაშვილი

(უბრინებელი ლიტერატურული კორტრეტი-საშეშის)

ჩვენი საუკუნის მწერალთაგან ვინმეს იშვიათად თუ რგებია სამწერლო ასპარეზზე გამოსვლისთანავე ისეთი გამორჩეული ყურადღება, როგორც იოსებ გრიშაშვილს. მისი შემოქმედება თავიდანვე იქცა ცხოველი ინტერესის საგნად; ლიტერატურული საზოგადოება ალტაცებით აღიევნებდა თვალყურს ახალგაზრდა პოეტის შემოქმედებითს საქმიანობას, ეწყობოდა მისი პოეზიის საღამოები, რომლებშიც ქართული სიტყვის პირველხარისხოვანი ოსტატებიც დებულობდნენ ზშირად მონაწილეობას. საქართველოს სხვადასხვა კუთხეში ი. გრიშაშვილის პოეტურ მიღწევებზე გამოჩენილი კრიტიკოსები და ლიტერატურისმცოდნეები გამოდიოდნენ ლექცია-მოსხენებებით.

და მაინც, მიუხედავად ამგვარი საყოველთაო აღიარებისა, ი. გრიშაშვილის შემოქმედებისადმი ასეთ დამოკიდებულებას თან სდევდა საწინააღმდეგო ტალღაც. იყვნენ ისეთებიც, რომლებიც პოეტის მხატვრულ მონაგარს კრიტიკული თვალთ შეისცქეროდნენ და უარყოფითად აფასებდნენ. ამდღავგვარი კრიტიკული დამოკიდებულება თითო-ორგოლა ავტორთან შემოიფარგლებოდა. ეს თვალსაზრისიც წლების მანძილზე მკვიდრდებოდა და იყო დრო, როცა იგი თითქმის მთლიანად ახშობდა იმ ჭანსად ლიტერატურულ აზრს, იოსებ გრიშაშვილს ჩვენი მწერლობის ერთ-ერთ ბრწყინვალე წარმომადგენლად რომ მიიჩნევდა.

პოეტის შემოქმედებისადმი ასეთი გოარებულო დამოკიდებულების სიმწვავე დროდადრო იცვლებოდა. თუ შევეცდებით რაიმე კანონზომიერების მსგავსი გამოკვლევით ამ დამოკიდებულებაში, პირობითად შეიძლება სამი ეტაპი გამოიყოს: პირველი — 1921 წლამდე. ამდროინდელი კრიტიკის შეფასებით, ი. გრიშაშვილი თვალსაჩინო პოეტურტი ძალაა. მის შემოქმედებით მიღწევებზე ალტაცებით საუბრობენ კიტა აბაშიძე, ხომლელი (რ. ფანცხავა) და სხვები.

მაგრამ აქვე, ამის გვერდით, საქებარი არ არის უარყოფითი ხასიათის წერილებიც. მათი ავტორები ი. გრიშაშვილს მიიჩნევენ კამერული

განწყობილებისა და თემატის პოეტად, რომლის შემოქმედება ვერც მხატვრული ოსტატობით იქცევს ყურადღებას. ამ შეხედულებას გამოთქვამენ თავიანთ წერილებში ჭ. ლომთათიძე, ლ. ნათაძე, დ. კასრაძე, „ცისფერყანწულთა“ ლიტერატურული ჭგუფის წარმომადგენლები: გ. ლეონიძე, ს. ცირაკიძე, კ. ნადირაძე და სხვები.

დღეს ამგვარი კრიტიკული თვალსაზრისის გამომხატველი მასალები, რომელნიც ათიანი წლების პერიოდული პრესის ფურცლებზეა გაანეული, ფართო მკითხველისათვის ნაკლებად არის ცნობილი და მხოლოდ სექციალისტები თუ ამახვილებენ ყურადღებას.

როგორც ამ მასალების გაცნობით ვრწმუნდებით, ლიტერატურული კრიტიკის დამოკიდებულება ი. გრიშაშვილის შემოქმედებისადმი პირველ პერიოდში გოარებულა. ერთი პოეტს მხატვრული სიტყვის აღიარებულ ოსტატად და ერთგულად თვლიან. მეორენი — კამერული ემეტიკით შემოფარგლულ მელექსედ. თუმცა ამ დაპირისპირების დროს მაინც ვლინდება პირველი თვალსაზრისის უპირატესობა, რაც, გარდა ავტორის შემოქმედებითი მიღწევებისადმი მიძღვნილი წერილებისა, მკითხველთა ფართო წრეებში მისი პოეზიის პოპულარიზაციას დასტურდება (წარმატებული მონაწილეობა ლიტერატურულ საღამოებში, მისი შემოქმედებისადმი მიძღვნილი ლექცია-მოსხენებები და ა. შ.).

ოციანი წლების დამდეგიდან, საქართველოში საბჭოთა ხელისუფლების დამყარების პირველივე წლებიდან, კი იწყება მეორე პერიოდი ი. გრიშაშვილის შემოქმედებისადმი ლიტერატურული კრიტიკის (აქ, პირველ რიგში ე. წ. — „რაპული კრიტიკა“ გვაქვს მხედველობაში) დამოკიდებულებისა.

როგორც ცნობილია, თავდაპირველად ი. გრიშაშვილმა ბოლომდე სწორად ვერ შეიცვო რევოლუციის არსი და მიზანდასახულება. იმხანად ჩვენში მიმდინარე დილმინიშველოვანი სოციალური და პოლიტიკური მოვლენებისაგან შე-

დარებით განწე მდგომი პოეტისათვის ბევრი რამ გაუგებარი და მიუღებელი იყო. ამიტომაც, თავისი ცხოვრებითაც და შემოქმედებითაც, იგი ერთგვარად გამიჭნა ამ მოვლენებს და პასიური დემოლის პოეზია აიჩრია.

ეს ყველაფერი კი საკმარისი აღმოჩნდა საიმისოდ, განახლებული ძალით ავგრებულიყო ათიან წლებში გამოვლენილი კრიტიციზმის ტალღა. ოციანი წლებიდან მოყოლებული 1932-33 წლებამდე დასტამბულ წერილებში ი. გრიშაშვილის შემოქმედება თითქმის ერთსულოვნად არის მ-ჩინებული ჩვენი ლიტერატურული ცხოვრების ანომალიურ მოვლენად. ეროტოზში, პორნოგრაფიულობა, პოლიტიკური სიბეცე, ნაციონალიზმი — აი, ნაწილი იმ ბრალდებებისა, რომელთაც წამაღწევი აუკედრიდნენ პოეტს.

ამ წერილების ავტორები იმდროინდელი ქართველი სალიტერატურო კრიტიკის გამოჩენილი წარმომადგენლები არიან; ისინი, რომელთაც არცთუ ისე დიდი დროის გასვლის შემდეგ დიამეტრალურად შეცვალეს თავიანთი პოეზია პოეტის მიმართ.

იმის ნიშნულად, თუ როგორი ხასიათისა იყო იმდროინდელი ლიტერატურული კრიტიკის ტონად განწყობილება ი. გრიშაშვილისადმი, მოვიყვანო რამდენიმე მაგალითს.

ბენიკო ბუაჩიძე: „დღეს გრიშაშვილი, როგორც პოეტი სავსებით ამოწურული და დასრულებულია. მას მეთის მოცემა აღარ შეეძლება... მისი ლირია დღევანდელ მწერლობაში მოკვდა, მოისპო. მისი პოეზია საბჭოთა მწერლობისათვის ანაქრონიზმია. გრიშაშვილის დარჩენია მხოლოდ უჭირისუფლოს თავის ლექსებს და მათი ყოფილი „დიდების“ სხივებში მოღუწებული ძვლები გაითბოს...“

გრიშაშვილი თავიდანვე შესწაწობის და ობიექტულობის მესაიდუმლე იყო. ის რევოლუციამდეც ქალის კაბით შემოფარგლული პოეტი იყო...

გრიშაშვილი საბჭოთა მწერლობისათვის არ არსებობს და არც არავინ აპირებს მის გამოწვევას დაიწყების სამყაროდან... სოციალისტური მშენებლობის პოეზიისათვის გრიშაშვილი საჭირო აღარ არის. ზაგესს მისი ლექსები სრულებით არ სწირია“ („მნათობი“, 1930, № 1, გვ. 171-172).

„გრიშაშვილი გამოვიდა პოეზიაში, როგორც წვრილი ბურჟუაზიის, მესწაწობის გულის მესაიდუმლე. მან სრულიად განდევნა პოეზიიდან სამოქალაქო მოტივები. ხელოვნება გრიშაშვილმა თვითმიზნად გახადა. მან ეს თვითმიზანი ხელოვნების გამოხატა ეროტოზში, ფუქსაჯატურ სიყვარულში. მთელი მისი პოეზია — ეს არის „ოქროს ფეხი“ და „კოცნა“...“

საერთოდ გრიშაშვილის პოეზიის და მსოფლმხედველობის პრიმიტიულ-რეაქციონური სახე დღეს მტად ნათელია. როგორც მხატვრული

სიტყვის ოსტატიც, იგი ამოიწურა“ („მნათობი“, 1931, № 1-2, გვ. 223-224).

გ-ლი: „თანამად შეიძლება ითქვას, რომ ი. გრიშაშვილი თანამედროვე პოეზიაში არაფერს წარმოადგენს. ის მოკვდა როგორც პოეტი. ი. გრიშაშვილს უკვე გაუვარდა ხელიდან კალამი... მტკიცება არაა, გრიშაშვილი „ჩამორჩა ცხოვრებას, მისი შემოქმედება გაიყინა, გაშრა — ტრადიციულად გარდაიცვალა... ი. გრიშაშვილის პოეზია არ დაღუპულა ვაჟკაცურ ბრძოლაში. ის „დადღაშა“, როგორც ილუპეზა ზამთრის წიწილა ქორის მძლავრი შემოჭრილობით. ახალ ცხოვრების სხივები შემოიჭრა და ი. გრიშაშვილის პოეზიაც დადნა.“

ჩასაკვირველია, ეს შემთხვევითი მოვლენა როდია. თანამედროვეობა ახალ სიტყვას მოითხოვს, ახალ მანგებს, კონტა ფებების პოეზია უნდა შეიცვალოს კუნთბანც ქცეულ მკვლავების პროზათ... გრიშაშვილმა ესეც არ ისურვა და კიდევაც დაეცა განგმირული არისტოკრატიულ ეროტიკის სამსხვერპლოზე“ („მნათობი“, 1928, № 7, გვ. 242-243).

ი. გრიშაშვილის შემოქმედებისადმი ამდაგვარ დამოკიდებულებას დრომ გასცა საკადრისი პასუხი. მაგრამ დღეს თუ მაინც ქცეულ მკვლავებისთვის, რომ ვაჩვენოთ ის წინააღმდეგობანი, რომელნიც წინ უძღოდა პოეტის შემოქმედებითი დეაწლის აღიარებას.

1932 წლის 28 აპრილის პარტიულმა დადგენილებამ „სალიტერატურო-სამხატვრო ორგანიზაციათა გარდაქმნის შესახებ“ დიდი როლი შეასრულა „რამბლებში“ მიერ დაშვებული უბეუმი შეცდომების აღმოსაფხვრელად. აღიკვეთა და უარყოფილ იქნა კლასობრიობის ის ვულგარულ-ტენდენციური გაგება, რასაც ისინი იჩენდნენ ჩვენი კლასიკური და თანამედროვე მწერლობის მიღწევათა შეფასების დროს.

ეს ყველაფერი აქ იმისთვის გავისხენეთ, რომ ამ დროიდან მოყოლებული თანდათანობით იცვლება დამოკიდებულება ი. გრიშაშვილის პოეზიისადმი. 30-იანი წლების შუახანებიდან ქართულ სალიტერატურო კრიტიკაში თანმიმდევრული სიმტკიცითა და დამაჭერებლობით მკვდრდება აზრი ი. გრიშაშვილის დიდმნიშვნელოვანი პოეტური დამსახურების შესახებ.

პოეტის შემოქმედების ამდაგვარი შეფასება განსაზღვრავს ლიტერატურული-კრიტიკული დამოკიდებულების მესამე ეტაპს, რომელიც დღემდე გრძელდება. ი. გრიშაშვილის, როგორც პოეტის, პოპულარობამ ფართო რეზონანსი შეიძინა. ამ თვალსაზრისით განსაკუთრებით მნიშვნელოვანია 50-იანი წლები, როცა ყველაზე მტად ვლინდება ლიტერატურული კრიტიკისა და მკითხველთა ერთსულოვანი სიყვარული პოეტისადმი.

ი. გრიშაშვილის შესაძლებლობანი მთელი ძალით, უპირველეს ყოვლისა, ლირიკაში ვლინ-

დება. მიუხედავად იმისა, რომ ავტორის მსოფ-
ლმხედველობაშიცა და სტილური ინდივიდუალობა-
ც საგრძნობ ცვალებადობას განიცდიდა წლე-
ბის განმავლობაში, მის პოეტურ საშუაროს
მკაფიოდ ახასიათებს რამდენიმე აშკარად გამო-
ხატული ისეთი ნიშანი, რომელნიც საერთოა
მთელი მისი მხატვრული მოღვაწეობისათვის.

ამ ნიშანთაგან, ჩვენი აზრით, ერთი უპირვე-
ლესია მძლავრად გამოვლენილი მგრძობელობა.
პოეტის შთაგონების მთავარი დასაყრდენი ფა-
ქიზი ემოციურობით აღბეჭდილი განწყობი-
ლებაა.

ი. გრიშაშვილის პოეტური ინდივიდუალობა
ეროვნული ფესვებით არის ნასაზრდოები. ლი-
ტერატურულ ტრადიციებთან მწერლის გენე-
ტიკური კავშირი ხშირად აშკარად ხელშეხაე-
ბადაც არის გამოვლენილი. ასეთი მემკვიდრე-
ობითი სახელოვე შემოინვეა, მაგალითად, აღორ-
ძინების ხანისა და მე-19 საუკუნის ზოგიერთ
ქართველ პოეტთან. ი. გრიშაშვილი, შეიძლება
იტყვას, უფრო მეტად ე. წ. „აღმოსავლური ყაი-
დის“ პოეტიკა.

ქართველ მგოსანთაგან იგი ძირითადად იმათ-
თან ამუღავნებს მემკვიდრეობით სახელოვეს,
რომლებიც ამ ნაეადს ამკვიდრებენ ჩვენი მწერ-
ლობაში. ესენი არიან: ბესიკი; საიათნოვა, ალ.
ქავჭავაძისა და გრ. ორბელიანის მუხამბაზები.
შემთხვევითი არ გვგონია ის დანიტერესებაც,
რომელსაც გრიშაშვილი, როგორც ლიტერატურ-
ის ისტორიკოსი, ამ მწერალთა შემოქმედების
მიმართ იჩენს.

და კიდევ ქალაქური ფოლკლორი. აღბათ, ეს
პოეტური ტრადიციები უნდა იქნას მიჩნეული
იმ უმთავრეს და უპირველეს საზრდოდ, რო-
მელიც კვებავს ი. გრიშაშვილის მხატვრულ ინ-
დივიდუალობას. ეს ვლინდება როგორც ოსტა-
ტობის სფეროში, ისე სათქმელისადმი შინაარ-
სობრივი მიღვამის რაობაშიც: ლექსის ფორმა,
სიტყვითი ქსოვილის თავისებურებანი, პოეტურ-
ი სახეების სტრუქტურა, რიტმი და მუსიკა-
ლური ინტონაციები, რითმის ნატიფი უღერა-
დობა, ქალის გარეგნული სილამაზის აღფრთო-
ვანებული აღწერა, სახობო ელემენტების სი-
ქარბე და ა. შ.

პოეტის ლექსი მუსიკალურად ნატიფია და
რაფინირებული. მისთვის უცხოა რიტმის ხორ-
კლიანობა და არამთლოდურობა. „ჩემს სი-
ცოცხლეში ზამბახზე მძიმე არ წარმომოთქვამს
სიტყვა და ლექსიო“, — თავადვე შენიშნა
ი. გრიშაშვილი. აქ კარგად არის გახსნილი მისი
პოეზიის ეფოონური სპეციფიკა.

მუსიკალურ დახვეწილობას იგი აღწევს რით-
მების კეთილმზუნველობით და რიტმული ინტო-
ნაციების ამღერებულობით. შემთხვევითი არ
არის ის გარემოება, რომ დიდი წილი ავტორის
ლექსებისა სასიმღერო რიტმიკას ეფუძნება.
ი. გრიშაშვილის ლირიკის ვერსიფიკაცია ისეთ

საღებქო საზომებს ეყრდნობა, რომელთა თვის-
სებრივ სტრუქტურაში მუსიკალური მთლოდობის
ხვედრითი წილი წამყვან ადგილს იკებრბობს.
აქვე უნდა გავცავს ხაზი იმ მრავალფეროვ-
ნებასაც, რითაც ეს პოეტური ინტონაციები ხა-
სიათდებიან. პოეტის რიტმული სახელო მდი-
დარია, მარმონიული და აზრობრივი სიმძიმით
შეუზღუდველი. ი. გრიშაშვილის ლექსში, შეიძ-
ლება ითქვას, სათქმელი ზედპირზე ძვეს. მისი
ლირიკა გვიხილავს თქმის ხელოვნებით, საყო-
ველთაოდ ცნობილი ჭეშმარიტების ახლებური
გამოხატვის იშვიათი უნარით. პოეტს ენერგება
ნაცნობ აზრს ახალი ემოციური დატვირთვა
მიანიჭოს. სწორედ ამიტომ არის, რომ ტრადი-
ციული თემები და მოტივები მის პოეზიაში
ახალ ემოციურ ელვარებას იძენენ. აქ უნდა
ვეძებთ იმ ეფექტური შემოქმედების საიდუმ-
ლო, რითაც ი. გრიშაშვილის შემოქმედების
პოპულარობა განპირობებული.

გარდა ქალაქური პოეტური ფოლკლორისა,
ი. გრიშაშვილის პირველ ლექსებზე ძლიერი
გავლენა იქონიეს ქართული კლასიკური პოე-
ზიის ისეთმა წარმომადგენლებმაც, როგორებიც
არიან: ილია ჭავჭავაძე, აკაკი წერეთელი და
არსილიან ევლოშვილი.

ავიღოთ, მაგალითად, პოეტის ერთ-ერთი
პირველი ლექსი „ბრძოლა“. მასში მკაფიოდ
ვლინდება აკაკისა და ირ. ევლოშვილის პოეტურ
ინტონაციათა გამოძახილი. ახლებდა ავტორი
სათქმელის გამოხატვის დროს აშკარად ენა-
თესავება თავის წინამორბედთ. ამგვარი სიხ-
ლოვე ჩანს როგორც ენობრივ-ფრანკოლოგი-
ურ და რიტმულ-ინტონაციურ მსგავსებაში,
ისე ჩანაფიქრის იდეურ-სოციალური გაზარების
საერთოობაშიც.

900-იანი წლების რევოლუციურ განწყობი-
ლებას, როგორც ამ ტიპის ლექსებიდან ირკვე-
ვა, საკმაო ზეგავლენა მოუხდენია სოციალურ
და პოლიტიკურ მოვლენებში ჭერ კიდევ სა-
ნადაოდ გაუცნობიერებელ პოეტზეც. მის შე-
ნოქმედებაში გამოვლენილი ეს საბრძოლო
მოწოდებანი უფრო მაშინდელი რევოლუცი-
ური მოძრაობის ინერციით გამოხატვის შედე-
გია, ვიდრე მსოფლმხედველობრივად დასაბუ-
თებულ განსჯის ნაყოფი. მწერლის პირველი
წაწარმოებები იმ მსწრაფებებით სუნთქავს და
საზრდობს, რითაც ამდროინდელი ჩვენი ლი-
ტერატურული ცხოვრება ხასიათდება. ამიტო-
მაც არის, რომ მკაფიო ინდივიდუალურ ფორ-
მებს მოკლებულ ამ პოეტურ ნიმუშებში გან-
სსაზღვრელი ადგილი ჭერ კიდევ მხატვრულ
ინერციას უჭირავს.

მშრომელთა ჩაგრულ ცხოვრებაზე ფიქრი,
ბრძოლა უსამართლობის წინააღმდეგ, მკაფი-
ოდ გამოხატული სოციალური თვალთახედვით
მოვლენათა განსჯა-განაწილზება — ჩვენი რე-
ვოლუციურ-დემოკრატიული პოეზიისთვის და-

მხასიათებელი ეს ნიშან-თვისებები სწორბა-
ზობრივად ვლინდება ი. გრიშაშვილის პირველ
ნაწარმოებებშიც.

მითში, როგორც იქვეა, ჯერ კიდევ ცო-
ტა ორიგინალური და თვითმყოფადი. დამწყე-
ბი მწერალი ბევრ რაიმეს იმეამინდელი ლიტე-
რატურული სამყაროდ განუსჯელად, შექანი-
კურად ლებულობს, მაგრამ თანდათანობით ამ-
გვარ გავლენათა სიღრმეში უკვე ჩნდება მხატ-
ვრული თავისთავადობის ნიშნები, იძერწება
ფერები, იწმინდება და ორიგინალური ტონა-
ლობით ივსება პოეტური ხმა.

პირთულ კლასიკურ პოეზიათან ნათესაურ
კავშირს თავის პირველ ლექსებში ი. გრიშა-
შვილი არა თუ არ ნიღბავდა, არამედ საგანგე-
ზოდაც კი უსვამდა ხაზს. ილიასადმი მიძღ-
ვნილ ლექსს („ილია ჭავჭავაძე მოჰკლეს“) მან,
მაგალითად, თავადვე წააწერა მისივე ლექსის
მიზანძვით, ხოლო „მუშის სიმღერას“ სხვათა-
რად „აკაიხიბურთი“ უწოდდა. ამ და მსგავს
ლექსებში მკაფიოდ ისმის „სამოციანელების“
პოეტური ინტონაციები.

პირთულ „სამოციანელებთან“ სიახლოვე
ვლინდება, აგრეთვე, საქმელის ალგორითულ-
ტექტურული გამოხატვის, გზითაც. პოეტის
მეტრ დახატულ ბუნების სურათებში ხშირად
იგი სწორედ ასეთ მარტივად ამოსაცნებ ალგ-
გორითულ აზრს დებს და თავისი დროის საზო-
გადობრივ მოვლენებს გულისხმობს.

მომინი წლების დასასრულიდან ი. გრი-
შაშვილის შემოქმედებაში თანდათანობით
ცხრება აქტიური მოქალაქობრივ-სოციალური
შემართება და სატრფიალო მოტივები კი-
დეც უფრო იწვევენ წინა პლანზე. შესაბამისად
ივსლება პოეტური შთაგონების განმსაზღვრე-
ლი მისწრაფებანიც თუ ადრე პოეტის ლირი-
კაში გამოხატული სევდა და ნაღველი იმეამინ-
დელი სოციალური ვითარების შედეგი იყო,
სულ მალე მისი პოეზიის ნაწილიან კილოს
სხვა დასაყრდენი გაუჩნდა — ინტიმური განც-
დის წიაღში შობილი ტკივილი, სიყვარულში
ხელმოცარვა, იმედგაცრუება, დაღატაკობა, ორპი-
რობა, ქალის ცბიერება, სატრფოს გულციო-
ბით გაჩენილი კეთილი და ა. შ.

ათიანი წლებიდან მოყოლებული, პოეტის
შემოქმედებაში სწორედ ეს თემატიკა იმკვიდ-
რებს მნიშვნელოვან ადგილს. იქნებდა ლექსები,
რომლებშიც ხან ხორციელი ვნებებითა და
ეროტიკით აფორიაქებულ პიროვნების განც-
დებია გამოხატული, ხანაც — ლირიკული გმი-
რის სულის სინაზედ გარდაქმნილი ტრფობის
რომანტიკული ბუნება.

აქვე აღსანიშნავია, რომ ი. გრიშაშვილის პო-
ეზიისათვის ამ დროისათვისაც და საზოგადო-
დაც შედარებით უცხოა ცხოვრებისეულ მოვ-
ლენათა ფილოსოფიურ-მსოფლმხედველობრივი
განწყის შედეგად შობილი სევდა და „დაუხვე-
ბელი საწყაულის“ ტრაგიზმი, რაც სამყაროს
თვითშემცნების ფაზს პიროვნების სულში ბა-
დებს ხოლმე მარტოობისა და აღმანიურ-
წიბობის მიუსაფარ გრძნობას, გრძნობას, რო-
მელიც ათიანი წლების ქართულ პოეზიაში
ჩვენი მწერლობის ერთ-ერთ უმნიშვნელოვანეს
პრობლემად არის დამკვიდრებული.

ი. გრიშაშვილი კონკრეტული განცდით შე-
მოფარგლული შემოქმედია. მის ლირიკას,
უპირველეს ყოვლისა, კონკრეტული ტკივილი
და სიბარული ასაზრდოებს. ფართო მასშტაბე-
ბის მომცველი ფილოსოფიური პრობლემატიკა,
საწყობროსა და აღმანიის ბედზე ე. წ. „ბაშ-
ლიტური“ დაფიქრება შედარებით უცხოა მი-
სი შემოქმედებისათვის.

ათიანი წლებში ი. გრიშაშვილის პოეზიაში
თანდათანობით მომძლავრებულ ე. წ. ხორ-
ციელი ვნებათა ღელვის გამოხატვით ლექსე-
ბის ნაკადს თავის დროზე ლიტერატურული
კრიტიკის მძაფრი პოლემიკა მოჰყვა. ავტორს
ბრალად ღებდნენ გადაჭარბებულ ეროტიზმსა
და გრძნობათა სიშიშვლეს. საკამათო განწყო-
ბილებას ამწვევებდა ისიც, რომ ზოგიერთი
ლექსი მხატვრული ოსტატობითაც ვერ იქ-
ცევდა ყურადღებას. აზრისა და ემოციის ბა-
ნალურობას ემატებოდა პოეტური ოსტატობის
წაღმარებლობა და ტრაფარეტულიც. ლექსი-
დან ლექსში მოსაწყენი ერთფეროვნებით გა-
დადიოდა ერთი და იგივე განწყობილება, ერთი
და იგივე რიტმულ-მეტრული ინტონაცია, სი-
ტუვიერ-ენობრივი არსენალი თუ სახეობრივი
სისტემა.

თანაც, ლირიკული გმირის სანტიმეტალურ
გრძნობებს შიგადაშიგ ხელოვნურობისა და
წერებლობის ნოტებიც ახლდა თან. სატრფოს
ღალატა და ორპირობაზე ამ გაბმულ წუწუნში
ყალბი ხმებიც ისმის ხოლმე. სწორედ ამისი
შედეგია ის ფაქტი, რომ ავტორის ზოგიერთი
ლექსი მოკლებულია სათანადო სიმართლესა
და დამაქრებლობას, ემოცია არ არის გულ-
წრფელი, წინააღმდეგობა ხელოვნურად გამ-
ძაფრებული და გაზვიადებული.

რა ნიშან-თვისებებით ხასიათდება ი. გრიშა-
შვილის ინტიმური ლირიკის მთავარი პერსო-
ნაჟი — ქალი? უპირველეს ყოვლისა, დალა-
ტით, ორპირობით, გულცივობით, უნდობლო-
ბით, უფარსმებლობით, ცბიერებით, თვალთმაქ-
ცობით და ა. შ. პოეტიც ხან წყევლის მას ყო-
ველივე ამის გამო და სიკვდილს ნატრობს, ხან
კი, ამ ტანჯვით უზომოდ ბედნიერი, თავდავიწ-
ყებით ეტრფის.

ასე რომ, ინტიმურ გრძნობათა გამოხატვის
დროს ავტორი თანმიმდევარი არა თუ საზოგა-
დოდ არ არის, არამედ ერთსა და იმავე პერი-
ოდში დაწერილ ლექსებშიაც კი. ამ შემთხვე-
ვაში ი. გრიშაშვილი უადრესად განწყობილბი-
სეული, კონკრეტული ემოციებით შემოფარგ-

ლული პოეტია, რომელიც ამა თუ იმ სიტუაცი-
აში დახადებული შთაბეჭდილების იმპრესი-
ონისტული გამოვლენით ქმნის ნაწარმოებებს.

სწორედ ამის შედეგია ის ფაქტი, რომ მის
ლირიკაში საბნობარი არ არის გრძნობათა რადი-
კალური გაორების მაგალითები. სიყვარულით
ბედნიერების მეცხრე ცაზე აფრენილი პიროვ-
ნების აღტაცებას ერთბაშად უკვლავურზე ხელ-
ჩაქნეული კაცის სასოწარკვეთა ცვლის.

ეს რომ ნამდვილად ასეა, ამას თავად პოე-
ტი ადასტურებს. „არ შემოძლიან წერა ხან-
გრძლივი. არ შემოძლიან ფიქრი ხანგრძლივად!
ამურის კალმით, კალმით სათუთო, შექმნილ-
შეთხზული ჩემი ნაწერი ამ ჩემს გულიდან
არის ერთ წუთით ამონახეთი... ამონაქერი“.

ეს სტრიქონები კარგად გვიჩვენებენ იმას,
რომ პოეტის სატრფიალო ლექსებში გამოხა-
ტული ემოციები არსებითად წუთიერი თავდა-
ვიწყებისა და გატაცების ნაყოფი უფრო იყო,
ვიღრე ხანგრძლივი სულიერი გვიმისა და ტან-
ჯვის შედეგი. წუთის სიამოვნება თუ ტკივილი,
კონკრეტულ ვითარებაში შობილი განცდების
პოეზია — ასეც შეიძლება გავიანჯროთ პოეტის
მრავალი სატრფიალო ლექსის შინაარსი.

ათიანი წლების შუახანებიდან ი. გრიშაშვილის
პოეზიაში საგრძნობლად მომძლავრდა ერთვ-
ნულ-შოკალაქობრივი ტენდენციები. ამ თვალ-
საზრისით განსაკუთრებით საინტერესოა 1917
წელს დაწერილი ლექსები. მკითხველი მოწმე
ხდება კამერული არტახებიდან პოეტის შემოქ-
მედების თავდადწევსა.

მაგრამ მანამდე ლექსებშიც რომ საბოლოო-
ოდ არ იყო ჩამკვდარი ეროვნულ-პატრიოტულ-
ლი საწუხარი, ამის დასტურად 1912 წელს
დაწერილი „სამშობლოს ნანგრევებშიც“ იმა-
რბდა. საქართველოზე, მის წარსულზე, თანა-
მედროვეობასა და მომავალზე ფიქრი უღვეს
საფუძვლად ამ ლექსს. ეროვნული თვითმყო-
ფლობის შენარჩუნებისკენ მოწოდება მისი
მთავარი მაცოცხლებელი ნერვი. ნაწარმოების
ეროვნული სულიკვეთება, ჩვენის აზრით, შე-
ნაგანად ეხმარება ნიკო ლორთქიფანიძის
ცნობილ მინიატურებს: „საქართველო იყოლება“
(1910 წ.) და „ლიტერატურული საღამო“
(1917 წ.).

სისხლის წღვაში მობანავე სამშობლოს ხილ-
ვა, ქარის ფრთებზე დაფლეთილი დროშის
შრიალი, მამულისათვის შეგრდგაობილი მებრ-
ძოლი გმირების სახეები, ჩვენი წარსული დი-
დების უტყუარი მაცნენი — ძველი მონასტ-
რები და წინაპართა აკლდამები — ეს უკე-
ლადფერი თუ, ერთის მხრივ, პოეტის გულში
ეროვნული სიამაყის გრძნობას ბადებს, მეორეს
მხრივ, იმის ტრაგიკულ განცდასაც ამდაფრებს,
რომ უკველივე სახელისწიროდ დამტკნარა და
დაკინებულა.

სწორედ აქ, წარსულისა და სინამდვილის

ამდაგვარ შეუსაბამობაში ჩნდება საბრძოლო
სულიკვეთება, რომელიც ძველი დიდებუნი
და ეროვნული თვითმყოფლობის აღდგენის
რომანტიკული პათოსით არის განპირობებული,
შემთხვევითი არ არის, რომ ამ პერსონული
ოცნების მასპინძლობელი წყარო ერთგან
აღ. სუშბათაშვილის ცნობილი პიესა „ლალი“
გამხდარა. პოეტის ლირიკაში მწვავედ ფეთ-
ქავს სახედისწიროდ დაქიმული ეს ეროვნულ-
პატრიოტული ნერვი, ცოცხლობს მზადყოფნა
იმისა, მახვილით ხელში დადგეს ერის ისტო-
რიული თავისთავადობის გადასარჩენად:

...ხოლო როცა საქართველოს, ისეც
დამწვარ-დატანჯულსა,
უყვიდიან მიწა-წყალსა, უგინებდენ ენას,
რჭულსა,
მაშინ მყისვე მაგონდება ანანია თავის
ფიცით

და მსურს მეც ვთქვა: ხანჯლის დაკვრა
ქართველებმა გულში ვიციო.

ეს მოტივი, ქართველობის ჩაწახვლისა და
დაკინების წინააღმდეგ თავგანწირული ბრძო-
ლისა და სამშობლოს დამოუკიდებლობის აღდ-
გენის ეს იდეა, ი. გრიშაშვილის ათიანი წლე-
ბის პოეზიის ერთ-ერთი მნიშვნელოვანი შენა-
კალია.

ი. გრიშაშვილის პოეტურ შემოქმედებაში
დიდი გამოძახილი მპოვა 1917 წლის რევოლუ-
ციურმა მოვლენებმა, რომელთაც დაუკავშირა
მან სამშობლოს თავისუფლებასა და ხალხის
ბედნიერებაზე ოცნებათა ახდენის შესაძლებ-
ლობა. ამ თვალსაზრისით საინტერესოა ლექსი
„1917 წელი“, რომელსაც ავტორმა ახალი
„მარსელიოზის“ პანგზე დაწერილი სიმღერა
უწოდა. პოეტი ფრთაშესხმული საუბრობს
იმაზე, რომ მეფის რუსეთის „ორთავიანი ბილ-
წი არწივი“ დაემხო, რომ „აღსდგა, აწავთდა
ტანჯული ერი“ და თავისუფალ ცხოვრებას დაე-
დო სათავე, რომ „ფერხთ განვიბერტყეთ მო-
ნობის მტერი“. მისი აზრით, ეს რევოლუ-
ცია (იგულისხმება თებერვლის რევოლუცია),
რომელმაც „მიღწე-მოდგე კერპთა ბომონი“,
ქვეყნად დამყარებს სამართლიანობას.

გ. ტაბიძის „დროშები ჩქარასთან“ ერთად
„1917 წელი“ იმდროინდელ ქართულ პოე-
ზიაში უკველაზე ფართოდ და მრავალმხრივად
ავლენს იმ დიდ იმედებსა და ეროვნულ-სო-
ციალურ მიზანსწრაფვას, რასაც ჩვენი ხალხი
მეფის ბელისუფლების დახმობას უკავშირებდა.

ამ იმედმა კიდევ უფრო შეისხა ფრთები
მენშევიკური მმართველობის პერიოდში. პო-
ლიტიკური და სოციალური მოვლენების არსში
გაურკვეველი მწერალი აღფრთოვანებით შეხ-
ვდა საქართველოს ეროვნული დამოუკიდებლობის
აღადგენის ფორმალურ ფაქტს. თავისი სა-
ნუჯვარი ოცნება სამშობლოს თავისუფლებასზე
უკვე ახდენილი იგონა. ამიტომაც 1918 წელს

დაწერილ ლექსში „სიმღერა“ მოწოდებით მიმართავდა ხალხს, თავდადებით ებრძოლათ მტრის წინააღმდეგ. თურქთა შემოტევისაგან მამულის დახსნის იდეა, რამაც ამდროინდელ ქართულ პოეზიაში მძაფრი გამოხატულება პოეზია, ი. გრიშაშვილის შემოქმედებაშიც საკმაოდ სიმწვავეთ დაისვა.

1917 წელი მნიშვნელოვანი თარიღია პოეტის შემოქმედებაში არა მარტო იმ თვალსაზრისით, რომ ამ დროიდან პეტის სითამამით იმსხვრევა თემატური ერთფეროვნების შემოპყველი არტახები, არამედ იმითაც, რომ განახლებული ძალით იწყება სწრაფვა პოეტური ფორმების გარბავალფეროვნებისაკენ. გადახალისდა ლექსების რიტმი და მეტრიკა. ავტორი ხშირად მიმართავს სონეტს, ტრიოლეტს და სხვა სალექსო სახეობებს. თუ ადრე მის პოეზიაში შიირი იყო გაბატონებული, ახლა შედარებით ფართოდ მკვიდრდება ათ და თოთხმეტმარცვლიანი მეტრული სქემები.

ათიანი წლების შუახანებში ი. გრიშაშვილი გატაცებით მუშაობდა მონოგრაფიაზე — „საინათრვა“. წარსულის ფოლიანტებში ჩაღრმავებული პოეტი თანდათანობით გაიტაცა „სიძველისაღმი გრძნობამ“. ეს მისწრაფება ერთერთი ძირითადი თემა ხდება მისი ლირიკისა. „შე შემოყვარდა ძველ წიგნების ნესტი და უანგი“. — ეს სიტყვები კარგად გამოხატავენ იმ ახალ ტენდენციას, რომელიც ამ წლებიდან მოყოლებული მასთან განმსაზღვრავლად ადგილს იკავებს.

ასე თანდათანობით მრავლდება ი. გრიშაშვილის პოეზიაში ლექსები, წარსულზე ანდამატური ფიქრი რომ ასაზრდოვებთ. რამდენადაც დიდია და რომანტიკული სიამაყით სავსე ამ გაუხუნარ მოგონებებზე ოცნება, იმდენად ამოურწყავი ნაღველით არის გაუღენთილი შეგნება იმისა, რომ თანადროული სინამდვილე წარსული დიდების მხოლოდღა უსიცოცხლო ჩარდილია.

იმ ტენდენციურმა დამოკიდებულებამ, რომელსაც ოციანი წლების ლიტერატურული კრიტიკა იჩენდა ი. გრიშაშვილის შემოქმედებისადმი, თვანებური შეგონება იქონია პოეტის მსოფლმხედველობაზე. იგი ცდილობდა სათანადოდ აეხსნა და გაემართლებინა მისი პოეზიისთვის დამახასიათებელი წინააღმდეგობანი.

ამ თვალსაზრისით განსაკუთრებით საინტერესოა მწერლის მიერ საკუთარი შემოქმედების პერიოდიცაა. 1944 წლის გიორგი ჭიბლაძისადმი გაგზავნილ წერილში ის მიუთითებს: „ამ კრებულში (იგულისხმება პოეტის ერთტომეული, გამოცემული 1944 წელს, ლიტერატურული მოღვაწეობის ორმოცი წლისთავზე — ა. ნ.) წარმოდგენილია მთელი ჩემი

შემოქმედებითი გზა. მკითხველი ადვილად შეამჩნევს რომ ნაკად ჩემს ლირიკაში. პირველი ნაკადი — ინტიმურ-სატრფიალო ლირიკისა იწყება 1905 წლიდან და თავდება 1920 წელს, ხოლო მეორე, საზოგადოებრივ-მოქალაქობრივი მოტივების ნაკადი, რომლის ჩანასახები ჩემს პირველ ტომშიაც გამოკრთის, იწყება 1921 წელს და გრძელდება დღემდე, როგორც გაძლიერებული, გაბატონებული და დამოუკიდებელი მდინარეება ჩემს შემოქმედებაში.

...შეადარებს რა ერთმანეთს ამ ორი პერიოდის ლექსებს, მკითხველი ნათლად დაინახავს, თუ რამდენად გაიზარდა იდეურად არა მარტო ავტორი, არამედ მისი მკითხველიც...

ეს წიგნი უამბობს მკითხველს, რომ ოქტომბრის დღი რევოლუციის გამარჯვება ჩემს სამშობლო სკაროფელში იყო აგრეთვე ჩემი იდეური და პოეტური დავაუკაცების დასაწყისი...“ (იხ: გ. ჭიბლაძე, კრ. ეტიუდები, III, გვ. 185).

ციტირებულ წერილში ი. გრიშაშვილის მიერ საკუთარი შემოქმედებითი გზის შეფასება, ჩვენის აზრით, ტენდენციურია და ბოლომდე არ შეესაბამება სინამდვილეს. ვფიქრობთ, არ შეიძლება დავეთანხმოთ ავტორის კატეგორიულ ტონს იმის თაობაზე, რომ ოციანი წლებამდე დაწერილ ლექსებში საზოგადოებრივ-მოქალაქობრივი თემატიკა მხოლოდ ჩანასახოვანი ფორმით ვლინდებოდა და ერთადერთ განმსაზღვრავლ ნაკადს ინტიმურ-სატრფიალო მოტივები შეადგენდნენ.

ისეთი ლექსების ავტორი, როგორებიცაა: „აშაშხანისკენ“, „ტრიოლეტები შეთანახარში“, „1917 წელი“, „ალექსანდრე სუმბაიაშვილს“, „სამშობლოს ნანგრევებში“, იტუსადის სიმღერა“, არ შეიძლება მხოლოდ კამერული განწყობილებით შემოსაზღვრულ პოეტად მივიჩნიოთ.

ი. გრიშაშვილის მიერ საკუთარი პოეზიის ასეთ ცალმხრივ შეფასებაზე უარყოფითი შეგავლენა მოახდინა იმ დაფინებულმა ბრალდებებმა, რომელთაც ლიტერატურული კრიტიკა უყენებდა მწერალს. ი. გრიშაშვილის ლირიკა მონათლული იყო კამერულ ეროტიკად, პორნოგრაფიად, უმიზნო და უიდეო შემოქმედებად, საზოგადოებრივ-მოქალაქობრივი მოვლენებისაგან, გარყვულ მხატვრულ ნაცოდვილარად და ა. შ.

ეს უარყოფითი ტონი იმდენად მძაფრი და გესლიანი იყო, რომ, როგორც ჩანს, გარკვეულწილად საკუთარი შემოქმედებითი გზის შეფასების დროს თავი დაუდო ავტორიც კი მოქცეა ამ ტენდენციური და ვულგარული კრიტიკის გავლენის ქვეშ. სწორედ ამით უნდა აიხსნას ის კრიტიკული პოზიცია, რასაც ი. გრიშაშვილი

ავთანდილ ნიკოლაიშვილი
იოსებ ბრინჯაშვილი

იკავებს თავისი რევოლუციამდელი ნაწარმოებებისადმი.

რაც შეეხება იმის მტკიცებას, რომ 20-იანი წლებიდან მოყოლებული, მისი შემოქმედების გაბატონებული და დამოუკიდებელი მდინარე-ბა ხდება საზოგადოებრივ-მოქალაქეობრივი მოტივების ნაკადი, თემატიკის თვალსაზრისით ეს თუმცა სწორია, მაგრამ აქვე ისიც უნდა ითქვას, რომ ი. გრიშაშვილის პოეზიაში ორმოცოანი წლებიდან თანდათანობით აშკარად საგრძნობი ხდება პოეტური ენერჯის მხატვრული ხარისხის დადაბლება. აქტიური მოქალაქეობრივი თემატიკის პოეტური გამოხატვა იმ ძალით შედარებით იშვიათად ხდება, რითაც მანამდელი ლექსები ხასიათდებოდნენ.

აშკარაა, რომ თანდათანობით ცხრება მხატვრული წარმოსახვის სიმძაფრე, იშრატება შემოქმედებითი ფანტაზია, ემპირიული და ინფორმაციული ნაკადი ზომავზე მეტად იჭრება ლექსებში, იმატეს პოეტური გამოხატვის ტრაფარეტულმა და გაცვეთილმა ხერხებმა. შესაძლოა მოგვიანო პერიოდის ნაწარმოებები იდეურ-მსოფლმხედველობრივად, მართლაც, უფრო ხალი და გამართული იყოს, ვიდრე ზოგიერთი ადრინდელი ლექსი, მაგრამ დაბალია მათი მხატვრული ოსტატობის დონე და ხარისხი.

ასე რომ, მხოლოდ იდეურობის პრინციპის მომარჩვებით პოეტის დეწლის შეფასება საქმარისი არ არის. თუ ამ იდეურობასა და საზოგადოებრივ-მოქალაქეობრივ მისწრაფებებს სათანადო პოეტური ენერჯიაც არ მოდგამს, ისე დიდ შემოქმედებითს მიღწევებზე საუბარი გაუმართლებელია.

ამდენად, ქართულ კრიტიკაში გამოთქმული მოსაზრება, რომ ი. გრიშაშვილის ნიჭმა სრულყოფილი გამოვლენა მხოლოდ საბჭოთა ხელიწუფლების წლებში პოვა, არ არის სწორი და დაწუსტებას საჭიროებს.

როგორც წესი. ი. გრიშაშვილის შემოქმედებაზე დაწერილ ყოველ ნაშრომში წინა პლანზეა წამოწეული პოეტის განსაკუთრებული სიყვარული თბილისისადმი. „მე თბილისი მიყვარს, — წერდა პოეტი ერთგან, — ეს პოეზიის ძველი აკვანი, ეს დარღმანდული ბოქმეა, ეს საქართველოს მართოდგარი გული, ეს... დასაწყისი და დასასრული ჩემი არსობისა...“

მსგავსი თვალსაზრისი ავტორს იმდენჯერ და იმდენაირად გამოუთქვამს, რომ ყველაფერს ვერ გაიხსენებ. მართლაც რომ, თბილისი იყო მისი ლექსის მასწავლებელი, მასაზრდოებელი წყარო და მაცოცხლებელი ძალა. მშობლიური ქალაქისადმი ამ თაყვანისცემის გამოხატვის დროს ვლინდება ყველაზე შთაბეჭედავი ძალით პოეტის ენერჯია, უფრო ზუსტად, ძველი თბილისისადმი მიძღვნილ ლექსებში.

მართალია, 80-იანი წლებიდან მოყოლებული

ი. გრიშაშვილმა მთელი ციკლი შექმნა თბილისის აღმშენებლობის გამომხატველი ლექსების, მაგრამ ობიექტურობა მოითხოვს ისიც ითქვას, რომ ამ ნაწარმოებებს ნაკლებად მოდგამს ის ძალა, სიმძაფრე და პოეტური ხილვის თვითმყოფადობა, რაც ძველი თბილისისადმი მიძღვნილ ლექსებში ვლინდება. ჩვენი დედაქალაქის განახლების საქმედად შექმნილი ნაწარმოებები მხატვრული თვალსაზრისით გაცილებით სუსტია, ვიდრე წარსულის გახუნებული ლანდებით ნასაზრდოები ლექსები.

„გამოთხოვება ძველ თბილისთან, ანუ დუღუის საათი ქარს აღარ მოაქვს“, „ტრიოლეტები შერთანაზარში“, „აშაშხანისკე“, „გინოსების ბუდე თბილისის ბაზრობა“... მსოფლმხედველობრივი დრამატოზმით სავსე ამ ლექსებს, ჩვენი დედაქალაქის საუკუნეებით ნაქანდაკევი ყოფითი კოლორიტი კვებავს;

პოეზიის ქეშმარიტი დამფასებელსათვის, მიუხედავად გარკვეული მსოფლმხედველობრივი წინააღმდეგობებისა, მხატვრულ-ესთეტიკური თვალსაზრისით სწორედ ის ლექსებია, უპირველეს ყოვლისა, ფასეული, რომელნიც პოეტის დრამატულ სულიერ ბიოგრაფიას გამოხატავენ. ეს ყველაფერი პოეტის სიცოცხლის აზრი და მიზანსწრაფვა იყო, მისი ტკივილი და სიხარული, მისი შთაგონების ძირი და ფესვი.

ამიტომაც ვახდა ასე ტრაგიკულად მწვავე ძველთან გამოთხოვებისა და ახლის მიღების პროცესი მისთვის. ამიტომაც არის, რომ თავდაპირველად ამ დაკარგულის, ამ იძულებით დათმობილის შედეგად გულში გაჩენილი ტკივილი გაცილებით უფრო მძაფრი აღმოჩნდა, ვიდრე ახლის დამკვიდრებასთან დაკავშირებული სახარული. ამიტომაც არის, რომ ოცნას წლებში ამ სიძველისაგან განდგომა და ახლთან მისვლა უფრო გონების კარნახით გადადგმული ნაბიჯია, ვიდრე რწმენის მოწოდებით მიღებული გადაწყვეტილება.

ეს ყველაფერი შედარებით გვიან, 80-იანი წლებიდან ამდებოდნენ იქცა მწერლის სათელ მსოფლმხედველობრივ ორიენტირად. მანამდე კი მისი საეტაპო ლექსი — „გამოთხოვება ძველ თბილისთან“ უნდა დაწერილიყო, ლექსი, რომელშიც სიძველისადმი ერთგულებისა და სიყვარულის გრძნობა გაცილებით მძაფრად ვლინდება, ვიდრე ახლისადმი ნდობისა და თავდადების შეგნება.

სიძველისადმი გრძნობა, პატივი, თუ შენში მაინც ოდნავ ეღვარებს — მიხვდები, ასე ანდამატივით რისთვის ვდარაჯობ თბილისის კარებს. მიხვდები, რატომ არ დაერიდა ჩემი ლექსები პოეტთა კილვას და რატომ ვცდილობ ამიერიდან ასე თამამად წარსულის ხილვას.

აქვე ისიც უნდა ითქვას, რომ ძველისადმი

ასეთი ერთგულება და ახლის დამკვიდრების პროცესისთვის დაპირისპირებული უნდობლობა არ შეიძლება მხოლოდ იმ დიდმნიშვნელოვანი რევოლუციურ-სოციალური მოვლენების სათანადო შეუფასებლობით ავსხნათ, რაც ჩვენში ხდება ოცნას წლებში.

ის, რომ საუკუნეობით ნაძირში კოლორითი ინგრეოდა, ის, რომ ძველი ყოფითი ტრადიციების, ადათების, ცხოვრებისეული წეს-ჩვეულებების ადგილზე მხოლოდღა ეგზოტიკური ნანგრევები რჩებოდა, მარტო რევოლუციური გარდაქმნების შედეგი როდეს იყო. უსთარბა იცვლებოდა და ცვლილებათა ამ ეთაობად პროცესს მწყობრიდან გამოჰყავდა ერთ ღროს მისაღები ყოფითი ტრადიციები, პოეტის მეხსიერებაში რომანტიკული შარავანდით რომ იყვნენ მოცულნი.

რა თქმა უნდა, ამ განახლების უღადესი ზვიდრითი წილი რევოლუციის შედეგად დამკვიდრებულ პრინციპებზე მოდიოდა, მაგრამ ამ თვისებრივ ძვრებს სხვა შინაგანი კანონზომიერებანიც ედო საფუძვლად. ი. გრიშაშვილი თავისი ამდროინდელი შემოქმედებით ამ რთული ფსიქოლოგიური მოვლენების წიაღში შობილი ემოციების საინტერესო შემგვრძობა-გამომხატველი გახდა.

ი. გრიშაშვილი იმდენად სისხლბორცეულად იყო დაკავშირებული უძველეს ყოფით ტრადიციებთან, რომ მისი მსოფლმხედველობრივი განახლების ყველაზე დიდი სიძნელე სწორედ ამ სიძველეთაგან უკუქცევის პროცესთან აღმოჩნდა დაკავშირებული. ჩვენს მიერ ზემოთ უკვე მოხსენიებული საეტაპო მნიშვნელობის ლექსიც — „გამოთხოვება ძველ თბილისთან“ (1925 წ.) ამ განახლების მხატვრულ აღიარებას წარმოადგენს.

მხატვრული სიმართლითაც იგი ერთ-ერთი ყველაზე ბრწყინვალე ნიმუშია ი. გრიშაშვილის ლირიკული პოეზიისა.

ნაწარმოების მსოფლმხედველობრივ დრამატისმს ორი დიამეტრალურად დაპირისპირებული მხარე განსაზღვრავს: ერთია წარსულის გამჭარადა ფერადებით განპირობებული უსაზღვრო ნოსტალგია და ზედს დამორჩილებული კაცის აღმსარებლური ნადვლიანი კილო — მიმართული თანამედროვისადმი, რომელმაც არც კი იცის, თუ „ჩვენმა ქალაქმა რა სურათები მოჰქარგა უწინ“, ხოლო მეორე — ის ახალი სინამდვილე, რასაც ამ საუღადამოდ გამჭარალი რომანტიკის ადგილი დაუჭერია.

პოეტის ფანატკიური მოწიწებით იხსენებს წარსული დროების სათუთ სურათებს და ერთბაშად ხსნის ფარდას იმ საიდუმლოს, თუ რა იზიდავს მას ასე თავდადოვნებით ამ სიძველეში. გარდასულ ენათა სიღრმიდან ამოწიღულ ამ ნოსტალგიურ აღსაჩიბებს, სიმძაფრეს სძენს

კოლორითული შთაბეჭდვაობით გამოძირწილი შტრიხები უძველესი ყოფისა.

ეს ყოველივე უკავალოდ გამჭარადა, სანდვილოდ კი ღარჩა „სევდა წაუბაძვილი“. პოეტს გონებით სურს ამ სევდის განმჭარველი საფუძველი მოძენოს ღროის მიერ მოტანილ ცხოვრების ახალ წესში, იწამოს მისი გარდუვალობა, მაგრამ ისიც უნდა ითქვას, რომ ამ სიასხლეთა სიდიადის პოეტურ აღქმას ჭერ კიდევ არ მოსდგამს ის ძალა, რომანტიკა და სიყვარული, რამაც ეს „წაუბაძველი სევდა“ დაბადა.

ი. გრიშაშვილის პოეტური სამყაროს დასახსიათებლად საინტერესოა 1920 წელს დაწერილი ლექსი „მაჭამა“. მასში, ერთის მხრივ, მინიშნულებია ავტორის შემოქმედებითი ინდივიდუალობის ზოგირითი თავისებურება, ხოლო, მეორეს მხრივ, რამდენადმე მოცემულია ჩვენი საუკუნის პირველი ოცწლეულის ლიტერატურული ცხოვრების შეფასება.

აქ, პირველ ყოვლისა, უნდა გამოიყოს აკაკის მიერ დამკვიდრებული ტრადიციებისადმი დამოკიდებულება. როგორც ცნობილია, აკაკი წერეთლმა, მე-19 საუკუნის სხვა კლასიკოსებთან ერთად, განმსაზღვრელი შედეგადღენა მოახდინა ქართული პოეზიის განვითარების სამომავლო გზებზე. 90-900-იან წლებში სამოღვაწეო ასპარეზზე გამოსულმა რევოლუციურ-დემოკრატიული თაობის პოეტებმა, მართალია, მნიშვნელოვანი როლი შეასრულეს ლიტერატურაში სოციალურ-მოქალაქეობრივი მოტივების შედგომის დამკვიდრების საქმეში, მაგრამ ისიც ცხადია, რომ მათ ვერ შეძლეს ქართული პოეტური კულტურის თვისებრივად ახალ საფეხურზე აყვანა. ზევარი რამ მათ შემოქმედებაში ქართველ „სამოციანელთა“ (უპირველეს ყოვლისა, აკაკის) ლიტერატურული ტრადიციებით იყო განპირობებული და შემოსაზღვრული, უთუოდ ეს ჰქონდა მხედველობაში ი. გრიშაშვილს, როცა ა. წერეთლის მისამართით ასეთი მოსახრება გამოთქვა:

თუმც აკაკი ბევრს ჩხუბობდა, დაობდა — მაგრამ მაინც ძველი სიტყვა დაობდა.

დავიღალეთ ძველი ღროშის დაცვიტა, ერთფერობამ გულის კოვზი დაცვიტა.

აქ, რა თქმა უნდა, არ იგულისხმება საკუთრივ აკაკის პოეტური ღვაწლის მოძველება და გაუფასურება. ავტორს, როგორც ჩანს, მხედველობაში ჰყავდა მიმბაძველთა საქმალდ მრავალრიცხოვანი ჭკუფი, რომლის ხელშიც აკაკის ლექსის სინატივად ღარდათი ცაცვიღა დაიპოვებოდა, პრიმიტივად გარდაიქცა.

იმ ღროს, როცა ი. გრიშაშვილის „მაჭამა“ იწერებოდა, ქართულ პოეზიაში თვისებრივ ძვრები მიდინარებოდა. ამ განახლების ერთ-



ერთი ღონიერი წარმომადგენელი ამ ლექსის ავტორიც იყო.

ნაწარმოების მეორე ნაწილში პოეტმა სცადა საკუთარი ლიტერატურული პროფილის შეფასებაც მოეცა იმ შემოქმედებით ძიებებთან მიმართებაში, რითაც ხასიათდება ათიანი წლების ჩვენი მწერლობა. ამ თვითშეფასების ამოსავალი დებულება ამგვარად არის ფორმულირებული: „მე ევროპამ სახლში არ შემიწვიო...“

ამ პოეტურ აღიარებაში პირდაპირ არის მითითებული იმ არსებით თავისებურებაზე, რითაც აღმოსავლური ლიტერატურული ტენდენციებით ნასაზრდოები მისი პოეზია ხასიათდება. ეროვნული ენერგიით დამზბთული ეს ე. წ. „აწიური ნაკადი“ წარმოქმნის ი. გრიშაშვილის პოეტურ ნატურას.

„მეჩამაში“ გამოკვლილი შემოადინებული თვალსაზრისი გაღრმავდა 1922 წელს შექმნილ ლექსში „მე და ევროპა“. მასში კიდევ უფრო დაკონკრეტდა ავტორის შეხედულება ევროპულ და აღმოსავლურ ლიტერატურულ ტრადიციებთან მისი დამოკიდებულების შესახებ.

მიყვარს ლექსის სიცხარე, თემა
აღმოსავლური,
მაგრამ მუდამ მალეღვებს მე ევროპა
სწავლულ.

ჩემში ორი გრძნობაა, ორი დაუღვერობა:
სინაზე და სიტლანქე, ტფოლისი და
ევროპა.

„მეჩამაში“ კატეგორიული ფორმით გამოთქმული თვალსაზრისი — „მე ევროპამ სახლში არ შემიწვიო“ — აქ, როგორც ვხედავთ, ურთველად შეიცვალა. ამჟერად პოეტმა საკუთარი შემოქმედება ამ ორი ნაკადის — აღმოსავლურისა და ევროპულის სინთეზად მიიჩნია.

როგორც ითქვა, ახალმა ეპოქამ მრავალი სირთულე წამოჭრა მწერლის წინაშე, რომელთა არასწი წვედობა გარკვეულ დროსა და დაფიქრებას მოითხოვდა.

გარდა იმისა, რომ ავტორი იზნანდ ზოგიერთ საკითხში სათანადოდ ვერ ერკვეოდა, ბევრი მომენტიც მისი პოეზიისა კრიტიკის მიერ არასწორად იყო გაგებული და შეფასებული.

ლიტერატურული კრიტიკის შემოთმობხსენებულმა მცდარმა დამოკიდებულებამ საკმაოდ გააღარბა პოეტის მხატვრული შემოქმედება ოცნან წლებში. ფაქტობრივად მან ზურგი აქცია ლირიკას და მეცნიერულ კვლევას მიჰყო ხელი. და მანაც, მიუხედავად რაოდენობრივი სიმცირისა, ოცნანი წლები დიდმნიშვნელოვანი ეტაპია ი. გრიშაშვილის პოეზიაში. ამ დროს

დაწერილი პოეტური ნაწარმოებებით მან საგულისხმოდ როლი შეასრულა ეროვნული ლირიკის განვითარების საქმეშიც.

აი, როგორ ახასიათებს 1931 წელს დაწერილ ერთ ლექსში პოეტი ფილოლოგიური კვლევა-ძიებებით გატაცებას;

ძეო პოეტო! ეს წერილნ ლექსი არ არის,
შენც კარგად იცი, ლექსებისთვის არა
მეცლიან.

მე ჩავიძირე ძველმანების სქელ ნივარებში,
სადაც ძვირფასი მარგალიტის მადანი
ბუღობს
და მარტოოდენ საქართველოს წარსულით
ესუნთქავე...

ოცნან წლებში წამოჭრილი მსოფლმხედველობრივი პრობლემები, ყოყმანი ძველსა და ახალს შორის, გარდამავალი პერიოდის ფსიქოლოგიური წინააღმდეგობანი დრამატული ფორმით გაიარა ი. გრიშაშვილმა ვრცელ ლექსში — „საუბარი ასოთამწყობთან ჩემი წიგნის დაბეჭდვის დროს“. მასში მან მრავალსაკმაოთი საკითხს მიაქცია ყურადღება და ნათელყო თავისი დამოკიდებულება ჩვენს თანამედროვეობასთან.

ლექსიდან ჭერ კიდევ ნათლად არ ჩანს, რომ ავტორმა საბოლოოდ გადალახა მერყეობისა და ყოყმანის რთული ფსიქოლოგიური ბარიერი.

მე შეიძლება, ვერ ვწერდე ისე,
როგორც შეპფერის ახალ დროებას —
ამისთვის უნდა მჩხვლტდეთ სადგისებს
და „თანამგზავრებს“ კულში მოგება?!
კარგი ესთქვათ, ლექსი ვერ მოგიძღვინით:
ნუთუ ამიტომ ბტერი ვარ თქვენნი?..

აქვე ისიც უნდა ითქვას, რომ პოეტის ეს გულწრფელი თვითკრიტიკული ტონიც კი არასწორად იქნა გაგებული იმჟამინდელი კრიტიკის მიერ. აი, როგორ შეფასებას აძლევს ციტირებულ სტრიქონებში გამოთქმულ აზრს ბენიკო ბუაჩიძე: „ვინ ვთხოვთ, მოქალაქე პოეტო, ლექსის მოძღვნა?.. ვინ რას გერჩით იმის გულისათვის, რომ ახალ დროებისთვის შესაფერის ლექსს ვერ სწერთ; მხოლოდ შეუფერებელსაც თუ აღარ დასწერთ, ეს სულ უპირობისი იქნება... აბა თქვენ თვითონ სთქვით, ვილას სცალია ეხლა — „კოცნის უწაღთუნების“ პოეტი შარავანდელით შემოსოს.

დიდებული საქმე დაიწყოათ:
ემუშაობ ჩემთვის ჩუმად და ყურჩად,
ვეძებ არხივში ყვითელ ციტატებს,
ო, ნუ აიგდებთ ჩემს ნიქს აბუჩად,
რომ დღეს ლექსები აღარ მიტაცებ...
მშვენიერია, კარგია, საუკეთესო გამოსავალია თქვენი მდგომარეობიდან. არხივ და ყვითელი ციტატები — „დროთა სასწავრე შემოღამების ყამს“ — „უკეთესი რა იქნება, ჩვენზე ნუ ვილაპარაკებთ.“ („მნათობი“, 1930,

№ 1, გვ: 172). კრიტიკოსის ტენდენციური პოლიცია აქ იმდენად ნათელია, რომ კომენტარები ალბათ წყვეტება.

ოცდაათიანი წლების შუა ხანებიდან, როგორც უკვე ითქვა, პრინციპულად იცვლება ლიტერატურული კრიტიკის დამოკიდებულება ი. გრიშაშვილის შემოქმედებისადმი. შესაბამისად, პოეტმაც საბოლოოდ გადალახა ახალ ეპოქასთან დამაკავშირებელ გზაზე არსებული უოველგავარი ფსიქოლოგიურ-მსოფლმხედველობრივი ბარიერი და ამ დროიდან მოყოლებული მისი ლექსების მთავარი თემა თანამედროვეობის სულისკქეთების გამიჯნულ-მეროკული წარმოსახვა გახდა.

თავისი სიცოცხლის ბოლო ათწლეულში იოსებ გრიშაშვილს ფაქტიურად არ შეუქმნია ისეთი მხატვრული ძალის ნაწარმოები, რომელიც პოეტის შემოქმედების ბიოგრაფიას ახალ ფერსა და ელვარებას შემატებდა. ეს ქრონოლოგიური მონაკვეთი რაოდენობრიობის თვალსაზრისითაც არ იყო ხევიანი.

ეს არის მხოლოდ, რომ გრიშაშვილისავე პოეტური სამყაროს ფერადები, მკითხველთათვის კარგად ნაცნობი და მახლობელი ლირიკული ინტონაციებით თუმცა არა აღვინდელი ძალით, მაგრამ მაინც კვლავ გაიხმაურებენ მის ნაწარმოებებში და სათანადო განწყობილებებს აღვივებენ.

შემოქმედებითი მოღვაწეობის პროცესში გამოვლენილი ეს კრიზისი არსებითად განაპირობა პოეტის ქანობითობის წერილობრივ გაუარესებამ. ბოლო სამი-ოთხი წლის განმავლობაში ი. გრიშაშვილს თითქმის არაფერი აოხრდა დაწერია, არც ერთი პოეტური სტრიქონი აღარ შეუქმნია.

თავისივე სიცოცხლეში გამოცემული ხუთ-ტომეულის მეორე ტომში ი. გრიშაშვილმა თავი მოუყარა იმ ნაწარმოებებს, რომლებიც მან საქართველოში საბჭოთა ხელისუფლების დამყარების შემდგომ წლებში შექმნა. ეს ლექსები ავტორმა თვითრედაქციით პრინციპით შეარჩია და დალაგა. მკითხველი თვალის ერთი გადავლენითაც ნათლად დაინახავს, თუ რით იყო გატაცებული პოეტი, რა აღვირბდა და აღელვებდა მას თავისი ცხოვრების ამ რთვილი ათწლეულის მანძილზე.

ი. გრიშაშვილის შთაგონების მთავარი წყარო ჩვენი თანამედროვეობაა. ისეთი პოეტური ციკლები, როგორებიც არის: „ჩვენ მშვიდობა გვინდა“, „სამშობლო და გამარჯვება“, „ჩვენი ქვეყანა“, „თბილისი“, „არმადანები“, „მშობის ჩუქურთმა“, „მხოლოდ სიყვარული“, „თქვენთვის, ჩემო პატარებო“, „ხალხურ კილოზე“ — ნათლად მეტყველებენ ავტორის მისწრაფებათა მრავალფეროვნებაზე. ი. გრი-



შაშვილის პოეზიის ლირიკული გმირი აქტიურად აღდგენებს თვალ-ყურს ჩვენი ცხოვრების მნიშვნელოვან მოვლენებს და აქტიურად ეხმარება მათ.

თავად ელვარე შემოქმედებითი ნიჭის პოეტი მრავალი უსახელო და მივიწყებული ავტორის თავდადებულ ჭირისუფლად მოგვევლინა. ეცნობი ი. გრიშაშვილის ლიტერატურულ წერილებს და აშკარად გრძნობ იმ ერთგულებას, რითაც იგი მხატვრული სიტყვის გამოჩენილ ოსტატთა გვერდით გატაცებით იკვლევდა და სწავლობდა უჩინარ შემოქმედთა დამსახურებასაც.

ეს თვისება — თავდადებული გატაცება მეცნიერული კვლევა-ძიებით — მისი შემოქმედებითი ბუნების ისევე განმსაზღვრელი ნიშანი იყო, როგორც პოეტური შთაგონება. ვინ იცის, ამ მიმართულებით დახარჯულმა ენერჯიამ რამდენი დაუწერელი პოეტური სტრიქონი შეიწირა. მაგრამ ი. გრიშაშვილის ეს წერილებიცა და გამოკვლევებიც მისი ლიტერატურული ღვაწლის ბუნებრივ ნაწილად არის ქცეული. ლიტერატურის ისტორია და თეატრალური ხელოვნება — იმავე უღელში იყო შებმული, რომელსაც პოეტური მუშა მსახურებდა.

ი. გრიშაშვილის ბოლო წლების ლირიკაში მკაფიოდ გამოვლინდა საკუთარი შემოქმედებითი ღვაწლის თვითკრიტიკული შეფასების ტენდენცია. პოეტი მოკრძალებულ შეფასებას აძლევს თავის შემოქმედებით მონაგარს და გულწრფელი დატევებით კითხულობს:

წიგნებს თაროზე ვინ მომიბავსებს?
ვინ მომიგონებს ცრემლთა თქემითა?
ჩემს შესანდობარს ვინ დალივს სავსე
მიმაპაბეულ აზარფეშიდან?

საკუთარი პოეტური ნამოღვაწარისადმი ასეთი კრიტიკული მიდგომა იმ დიდი პასუხისმგებლობის მაჩვენებელია, რომელიც, საზოგადოლოდ, ახასიათებს ი. გრიშაშვილს, როგორც მწერალს, „თუ ჩემი ლექსის ჭავარი ერთს მანც ემასოვრება, ვიტყვი: უქმად არ გავლიე ჩემი პატარა ცხოვრება“, — წერდა იგი ერთ თავის ლექსში („ეპიტაფია“).

სიყვარული, რასაც ქართველი მკითხველი იჩენს იოსებ გრიშაშვილის პოეზიისადმი, იმის უტყუარი დასტურია, რომ პოეტის ლექსის ჭავარი ეროვნული მწერლობის საინტერესო მანამოვარია, რომელიც ფერგაუხუნარ ლახაიას მატებს ჩვენი მწერლობის მრავალფეროვან სამყაროს.

ახალი მასალები ქართველ მეფეთა ესპანეთში მიმონარიც თაობაზე

(წარილი მცორე)

სიმონ ქართლის მეფის წერილები ესპანეთში

ქართველთა მეფის კონსტანტინე II-ის ანტიოსმალური კოალიციის შექმნის უშუალოდ მცდელობის შემდეგ ერთი საუკუნე გავიდა. ოსმალეთის წინააღმდეგ ჭვაროსნული ომის საკითხი ისევ დღის წესრიგში იდგა. XVI საუკუნის დამლევს ამგვარი კოალიციის ინიციატივა რომის პაპმა კლიმენტი VIII-მ და გერმანიის იმპერატორმა რუდოლფ II-ემ ითავეს. მათ წერილებს დიდი ენთუზიაზმით გამოეხმაურა ქართლის მამაცი მეფე, ოსმალეთის დაუძინებელი მტერი სიმონ I. მცირე აწიაში შეიკრა ანტიოსმალური კოალიცია სპარსეთის ჯაჰის აბასის, ქაროლის მეფის სიმონის და კახეთის მეფის ალექსანდრეს მონაწილეობით. ქართველებმა კვლავ მიაპყრეს იმედის თვალი იმნად ძლიერ ესპანეთის სამეფოს, სადაც მეფობდა სახელგანთქმული მეფე ფილიპე II. 1596 წლის აგვისტოში სიმონს წერილები მიუწერია ფილიპე მეორისადმი. უცნობებია ოსმალთა წინააღმდეგ აღმოსავლეთის სამი მეფის შეკავშირების ამბავი, უთხოვია, რომ კავშირი დაემყარებინა გერმანიის იმპერატორსა და ტრანსილვანიის მთავართან, რომ მათაც დაეწყოს სამხედრო ოპერაციები თურქეთის წინააღმდეგ.

სიმონ ქართლის მეფის წერილები ფილიპე მეორესადმი ესპანეთში, სიმაწყის არქივში იპოვეა და ფრანგული თარგმანებითურთ გამოაქვეყნა არმენისტმა ფრედერიკ მაკლერმა 1920 წელს (2). შემდგომში ამ პუბლიკაციაზე და სიმონ მეფის მიმოწერაზე ევროპის სხვა არქივებში დაცულ ცნობებზე დაყრდნობით სიმონ მეფის მოღვაწეობა მრავალჯგონი განხილვის საგანი გახდა [ვ. გაბაშვილი (1), ლ. ტარდი (5), ი. ტაბალა (4)]. ფ. მაკლერის მიერ სიმაწყის არქივიდან სიმონ ქართველთა მეფის მიმოწერასთან დაკავშირებით არსებული მასალიდან გამოქვეყნებული იყო ოთხი დოკუმენტი: სიმონ მეფის წერილი სომხურ ენაზე (ფოტო და ტექსტი ორიგინალის ენაზე ფრანგული თარგმანითურთ — 2, I, გვ. 70-74), სიმონ

მეფის წერილი ბერძნულ ენაზე (ფოტო და ტექსტი ორიგინალის ენაზე — 2, I, გვ. 75-76), ძველი ესპანური თარგმანი სიმონ მეფის სომხური წერილისა (ესპანური ტექსტი ფრანგული თარგმანითურთ — 2, I, გვ. 76-80), ძველი ესპანური თარგმანი სიმონ მეფის ბერძნული წერილისა (ესპანური ტექსტი ფრანგული თარგმანითურთ — 2, II, გვ. 85-89). უველა შემდგომი თარგმანი ან პუბლიკაცია სიმონ მეფის ესპანეთში მიწერილი წერილებისა და მსჯელობა მათზე ფ. მაკლერის გამოქვეყნებულ დოკუმენტებს ემყარება. როგორც ირკვევა, არმენისტმა ფ. მაკლერმა სიმაწყის არქივის სახელმწიფო დოკუმენტების 708-ე შეკვრიდან (ე. ლეგ. 708), გამოაქვეყნა მხოლოდ ის მასალა, რომელიც სიმონის სომხურ ენაზე გაგზავნილი ერთი წერილის ინტერპრეტაციისათვის იყო საჭირო. ამავე საარქივო საქმეში სიმონ მეფის წერილების თაობაზე შენახულია სხვა დოკუმენტიც, რომელზედაც ფ. მაკლერს უურადღებია არ მიუტყვივია: ამდენად დღემდე არც ამ დოკუმენტის ტექსტი უფიქრია გამოაქვეყნებული და არც მასში დაცული ცნობები გამხდარა ქართველ ისტორიკოსთა განხილვის საგანი.¹

დოკუმენტი (სიმაწყის არქივი ე. ლეგ. 708), რომლის ქსერო ასლი არის ამჟამად ჩვენს ხელთ, წარმოადგენს ფილიპე II-ის სამეფო კარზე შესრულებულ ჩანაწერს, გამიზნულს სიმონ მეფისადმი საპასუხო წერილის შესადგენად. დოკუმენტი ორი ნაწილისაგან შედგება: პირველი არის სიმონ მეფის ბერძნულ ენაზე გაგზავნილი წერილის მოკლე რეზიუმე და გამიზნულია იმისათვის რომ მოხსენდეს ფილიპე მეორეს. იგი დაწერილია ორ ფურცელზე, მხოლოდ მარცხნივ დატოვებულია საქამოდ ფართო აწია, თითქმის ნახევარი გვერდის ოდენობისა. მეორე ნაწილი ამ დოკუმენტისა,

1. ამ დოკუმენტს, როგორც ჩანს, იცნობდა ლ. ტარდი, რაც ირკვევა მისი გამოკვლევის ერთი სქოლიოდან (იხ. 5, XXXII, გვ. 158).

რომელიც შესრულებულია, როგორც ჩანს, სხვა დროს, არის მინაწერი სწორედ ამ აშოაზე. იგი უნდა წარმოადგენდეს ფილიპე მეორის პასუხის ჩანაწერს. კვეთით ვაჭკვეუნებთ ამ დოკუმენტის ქართულ თარგმანს.

(ძირითადი ტექსტი):

„რეზიუმე წერილისა მისი უდიდებულესობის ქართველთა ბატონისა და მთავრის სიმეონისათვის.

რომ არიან რა თვითონ და მისიანები თურქის მოხარკენი, გადაწვეტიტეს აღდგენ მის წინააღმდეგ, რისკენაც მოუწოდა მას იმპერატორმა თავისი წერილებით.

ახეთივე გადაწყვეტილება მიუღიათ აგრეთვე აღმოსავლეთის მთავარს ალექსანდრეს და შიხბეს სპარსელს და სამივე მთავარს მტკიცედ გადაუწყვეტიათ იბრძოდნენ თურქის წინააღმდეგ და დაამსხვრიონ მისი რქა წმინდა ქალაქის იერუსალიმის და ქრისტიან ხალხთა გასათავისუფლებლად.

და ამისათვის თხოვენ მის უდიდებულესობას გაერთიანდეს იმპერატორთან და არ მისცეს მას უფლება თურქთან დაწვეებისა, რათა მასთან ერთად არ წავიდეს მათ წინააღმდეგ. რომ იგი და მასთან ერთად ყველა დიდი მთავარი მზად არიან დაითმინონ ტანჯვა და აღესრულონ ქრისტიანული რწმენისათვის.

ღმერთო ჩემო, აი, მცდელობა, რათა, როგორც ითქვა, იერუსალიმი და უფლის საფლავი დაბრუნდეს ქრისტიანთა ხელში, რის რწმენაშიც იგი არის მყარი და უცვლელი, რათა ეწამოს და მოკვდეს მისთვის და თქვენი უდიდებულესობისა და იმპერატორისათვის.

რომ თქვენმა უდიდებულესობამ ჩათვალოს იგი ღირსად პასუხისა და მოსმენისა და რომ შეიძლებოდეს პასუხის მიცემა მომტანისათვის.

ასევე ითხოვს, რომ მისი უდიდებულესობა თავისი წერილებით შეუთანხმდეს სპარსეთის მეფეს, რათა საუკეთესოდ განახორციელოს თავისი კეთილი განზრახვა და დაასრულოს საქმე.

(აშოაზე მინაწერი):

„ეპასუხოს მათ გამამხნეველად, რათა გა-

აგრძელონ შეუპოვრობა და გაიგავნოს წერილი ბერძნულად, ეცნობოს რა მოუვიდა სპარსელს.

ამის ასლი გაეგავნოს დონ გილიენს, რათა დაეხმაროს მათ იმპერატორის წინაშე.

გააგებინეთ ამის შესახებ ჰერცოგ დე სესას.

სომხაის არქივის სახელმწიფო საქმეების 708-ე შეკვრაში არის კიდევ ერთი ფურცელი, რომელიც შეიძლება ჩაითვალოს ჩვენს მიერ წემით გამოკვეთებული დოკუმენტის თავ-ფურცელად. მასში იკითხება იმავე საქანელ-არაიო ხელით შესრულებული შიდაი სტრიქონი, რომელიც აღასტურებს და აწუსტებს ამ დოკუმენტის ცნობებს. ამ ფურცელზე წერია:

„რეზიუმე ქართველთა მთავრის წერილისა უპასუხა მისმა უდიდებულესობამ ქართველს ბერძნულ ენაზე [] ივლისს 98 და მიეწერა ამის შესახებ ჰერცოგ დე სესას და დონ გილიენ დე [.] კლიმენტს“.

გამოკვეთებული დოკუმენტი, ჩვენი აზრით, ზოგიერთ კომენტარს საჭიროებს.

ამ დოკუმენტის ფურცლებზე ასახულია ესპანეთის მეფის ფილიპე მეორის კანცელარიაში სიმონ ქართველთა მეფის წერილზე გასაგავანი პასუხის მომზადების პროცესი. დოკუმენტი შემონახულია ის ტექსტი, რომელიც უნდა მოეხსენებიათ მეფისათვის. ტექსტში ჩანს ერთგვარი კანცელარული, თითქოსდა თეზისური სტილი: „რომ არიან რა თვითონ...“ „რომ იგი და მასთან ერთად...“, „ღმერთო ჩემო, და მცდელობა, რათა... იერუსალიმი და უფლის საფლავი დაბრუნდეს ქრისტიანთა ხელში...“.

ამავ დროს, აქვე იგრძნობა ერთგვარი ცდა იმისა, რომ ამის გადაციმამ ხელმწიფე კეთილად განაწყოს ამ წერილისადმი და პასუხი გაეცეს მას: „რომ თქვენმა უდიდებულესობამ ჩათვალოს იგი ღირსად პასუხისა და მოსმენისა და რომ შეიძლებოდეს პასუხის მიცემა მომტანისათვის“. ამავ დოკუმენტს შემოუნახავს ჩანაწერი ფილიპე მეორის ბრძანებისა იმის თაობაზე, თუ რა უნდა მიეწეროს ქართველთა მეფეს და რა ღონისძიებები უნდა გატარდეს მისი თხოვნის სპასუხოდ. ასე რომ, ამ დოკუმენტის საფუძველზე უნდა შემდგარიყო საპასუხო წერილი სამეფო კანცელარიაში. ამიტომაც, ვფიქრობთ, გამართლებულია დოკუმენტის ერთგვარად ბუნდოვანი სათაური: „რეზიუმე წერილისა მისი უდიდებულესობის ქართველთა ბატონისა და მთავრის სიმეონისათვის“.

როგორც წემით აღვნიშნეთ, ფილიპე მეფეს სიმონის წერილების შინაარსი ბერძნული წერილის მიხედვით მოახსენეს. ყოველ შემთხვევაში, ზემოთ გამოკვეთებულ დოკუმენტში შეტანილი რეზიუმე ქართველთა მეფის წერილისა სიმონის არქივში დაცული სიმონ მეფის

¹ დოკუმენტის ძირითადი ტექსტი დაწერილია 2 გვერდზე შედარებით წვრილი კალმით და მკრთალად. იგი შედგება, სთაურის ჩათვლით, 40 სტრიქონისაგან, პირველ გვერდზე მოთავსებულია 24 სტრიქონი, მეორეზე — 16. ნაწერის ზომაა, პირველ გვერდზე 13X26 სმ, მეორე გვერდზე — 13X17 სმ. დოკუმენტის მეორე ნაწილი ანუ მინაწერი შესრულებულია უფრო მსხვილი კალმით და მექაღ. ნაწერი მოთავსებულია პირველი გვერდის მარცხენა ნახევრის ზემო მხარეს, ზომით 7X8 სმ., 10 სტრიქონი.

წერილის სამი სხვადასხვა ვერსიიდან (სომხური, ბერძნული და ძველი ესპანური თარგმანი სომხური წერილისა), მისდევს მხოლოდ ბერძნულს. მასში არ არის შეტანილი არც ერთი სპეციფიკური ცნობა, ან გამოთქმა, რომელიც დანარჩენ ორ ვერსიაში გვხვდება. ყველა ის თავისებურება, რაც ბერძნულ ვერსიას ახასიათებს დანარჩენ ორთან შედარებით, გადასულია რეზიუმეში. ასე მაგალითად: ქართველთა მეფე სიმონი „ამ დოკუმენტში სახელდებულია, როგორც „ქართველთა ბატონი და მთავარი“, რაც პირდაპირაა ამოღებული სიმონის ბერძნული წერილის ფილიპე მეორის სამეფო კარზე შესრულებული ესპანური თარგმანიდან. (2, II, გვ. 85).¹ ქართველთა მეფის წერილის სამი ვერსიიდან მხოლოდ ბერძნულშია საუბარი თურქთა მიმართ ხარკის გადახდაზე (იხ. 2, I, გვ. 75, 2, II, გვ. 85). ჩვენს მიერ გამოქვეყნებულ დოკუმენტშიც იკითხება: „რომ არიან თვითონ და მისიანები თურქის მოხარკენი“. ქართველთა მეფეების მოკავშირე შამ ახასი სიმონ მეფის სხვადასხვა წერილში სხვადასხვაგვარად იხსენიება. ბერძნულში მას ეწოდება ში ა ბ ე ს ს ა რ ს ე ლ ი. ამგვარადვე გადასულია ეს სახელი ჩვენს მიერ გამოქვეყნებულ რეზიუმეში. აღმოსავლეთის სამი მეფის განწარავის თაობაზე ფილიპე მეორეს ამგვარად აცნობებენ: „სამივე მთავარს მტკიცედ გადალუწვევითა იბრძოლონ თურქის წინააღმდეგ და დაამსხვირონ მისი რქა წმინდა ქალაქის იერუსალიმის და ქრისტიან ხალხთა გასათავისუფლებლად“. გამოთქმა — „დაამსხვირონ მისი რქა“ — სიტყვა-სიტყვით მომდინარეობს სიმონ მეფის ბერძნული წერილის ესპანური თარგმანიდან და იგი არ ჩანს სიმონ მეფის წერილის არც ერთ სხვა ვერსიაში. სომხურ წერილში ეს აზრი სხვაგვარადაა გადმოცემული: „თურქს თავს მოჭრეს“ (4. გვ. 222). — „თავი გავუჭეპოთ თურქს“ (1, გვ. 94), სიმონ მეფის ბერძნული წერილის ეს სპეციფიკური გამოთქმა, როგორც ფ. მაკლერმა შენიშნა, (2, II, გვ. 88), სათავეს ბიბლიიდან, წინასწარმეტყველთა წიგნებიდან იღებს (შდრ. იერემია XLVIII, 25; დანიელი, VII, ბ. 11, 20. 21; VIII, ნ. 8. 9. 21; მიქაი, IV, 18).

განსაკუთრებით მნიშვნელოვანი ზემოთ გამოქვეყნებული დოკუმენტი იმითაა, რომ მასში ჩანს ესპანეთის მეფე ფილიპე მეორის გამოხმა-

ურება სიმონ პირველის წერილებზე. როგორც ჩანს, ესპანეთის ხელმწიფემ უურად იღო სიმონ მეფის თხოვნა და სათანადო მითხრობების გარეშე თავის წარგზავნილებს იმპერატორისა და პაპის კარზე. აქედან ისიც ჩანს, რომ ესპანეთის მეფესთან თათბირის გათვალისწინებულია სიმონ მეფის არა მხოლოდ ბერძნულ ენაზე დაწერილი წერილი, არამედ სხვა წერილიც, რომელიც დღეისათვის სიმანკის არქივში მხოლოდ ესპანური თარგმანითაა დაცული, რადგანაც მხოლოდ ამ წერილში უამბობს სიმონ მეფე ფილიპეს თავის ურთიერთობაზე პაპთან და სიხოვს თავის მხრივ დაუკავშირდეს მას. ფილიპე მოითხოვს გამაზნელებელი წერილი გაეგზავნოს ქართველთა მეფეს და ბრძანებს, რომ ასლი წერილისა გადაეგზავნოს მის წარგზავნილებს იმპერატორის კარზე დონ გილიენ დე კლიმენტეს, რათა დახმარება აღმოუჩინოს ქართველებს იმპერატორთან ურთიერთობისას. მეფე მოითხოვს, აკრთვეს ეს ამბავი გააგებინონ ბერცოვს და სესას! მეფის ბრძანების შესრულების თაობაზე გვაუწყებს ამ დოკუმენტის თავფურცელი.

საპასუხო წერილი, მეფის ბრძანების თანახმად, ბერძნულ ენაზე შედგენილი, ფილიპე მეორის სამეფო კარიდან საქართველოში გამოიგზავნა, აღბათ 1598 წლის ივლისში. მართალია, ამ დოკუმენტის თავფურცელზე წერილის გამოგზავნის თარიღი წერია, მაგრამ ძნელი ამოსაკითხია, როგორც რიცხვი ამ თარიღისა, ასევე წელი. გარკვევით იკითხება მხოლოდ თვე — ივლისი. გაურკვეველია, მითითებული წელი არის 97 თუ 98. ჩვენ გვგონია, რომ უფრო სწორი უნდა იყოს 98.

სიმონ მეფის წერილები ფილიპე მეორისადმი, როგორც ჩანს, ევროპაში უნდა წაეღო, თანახმად მკვლევართა ვარაუდისა (6, გვ. 187) სიმონის ცნობილ დესპანს — სომეხ ვაჭარს იაკობ ჭულფელს (ევროპული წყაროებით მამა ჯაკობი, დონ ჯაკობი, დონ ჯაკობი). იაკობს ჩაუტანია ევროპაში არა მარტო ქართლის მეფის სიმონის, არამედ შამის წერილებიც. და, შესაძლებელია, კახეთის მეფის ალექსანდრეს წერილებიც. ზოგი წერილი მას მიჰქონდა იტალიაში, სხვა გერმანიის იმპერატორთან, თუ ტრანსილვანიის მთავართან. სხვა დესპანს, რომელსაც ამ პერიოდში საქართველოდან ევროპაში წერილები მიჰქონდნენ, არც ევროპულ და არც ქართულ წყაროებში არ ჩანს. მამა იაკობი კი ევროპაში წასულა 1597 წლის დანაწყისში (8, გვ. 288). 1597 წლის ევროპული გაზეთები საკმაოდ დაწვრილებით ცნობებს

1. ლ. ტარდი აზუსტებს, რომ დონ გილიენსან კლემენტეს წერილი გაეგზავნა პრაღაში, ხოლო პრინც სესას ვატიკანში. (5. XXXII, გვ. 158).



იმდევრიან ევროპაში იაკობის ელჩობის თაობაზე. 1597 წლის ივნისში იგი ვენეციაშია, ივლისში ვენაში და შემდეგ პრაღაში. ევროპული გაზეთები პრაღაში მის უოფნას სექტემბრის დასასრულსაც კი აღასტურებენ (მ, გვ. 170-171). როგორც ზემოთ გამოქვეყნებული დოკუმენტებიდან ჩანს, სიმონ მეფის წერილები ესპანეთის სამეფო კარზე განუხილავთ და იქედან საპასუხო წერილები გამოუგზავნიათ ივლისის თვეში, თან, როგორც ამავე დოკუმენტის თანახმად ივარაუდება, სიმონ მეფის ელჩის ესპანეთის სამეფო კარზე უოფნის დროს. აქედან გამომდინარე, უნდა ვივარაუდოთ, რომ ეს იქნებოდა 1598 წლის ივლისი. მაშასადამე, ზემოთ გამოქვეყნებული დოკუმენტი შედგენილი უნდა იყოს 1598 წლის ივლისში.

სიმონ მეფის წერილთაგან ორი მათგანის დედანი ამჟამად სიმაწყის არქივში ინახება (ე. ლიგ. 703). ერთი სომხურადაა დაწერილი, 1598 წლის 14 აგვისტოს, მეორე ბერძნულად იმავე წლის 25 აგვისტოს. ორივეს ამშვენებს სიმონ მეფის ხელწერა და სამეფო ბეჭედი. როგორც ზემოთ მივუთითებდით, იმავე არქივში, იმავე ნომრით, ბერძნული წერილის ძველი ესპანური თარგმანიც ინახება შესრულებული მეფის მთარგმნელის ნიკოლაო დე ლა ტორეს მიერ. იქვე ინახება, აგრეთვე, სიმონ მეფის ერთი წერილის ძველი ესპანური თარგმანი, რომლის თავფურცელსაც აწერია, რომ თარგმნილია სომხური ენიდან. უველა ეს წერილი ფრანგული თარგმანებითურთ, როგორც აღვნიშნეთ, გამოქვეყნებული იყო ფ. მაკლერის მიერ. მათი მოკლე შინაარსი და ნაწევრების თარგმანი სიმონ მეფის დიპლომატიური მოღვაწეობის მიმოხილვისას, გამოაქვეყნეს ჯერ ვ. გაბაშვილმა (1), ხოლო შემდეგ ლ. ტარდემ (მ, XXXII, გვ. 157-158; მ, გვ. 167-168). სიმონ მეფის სომხური და ბერძნული წერილები ორიგინალის ენაზე (ე. მაკლერის პუბლიკაციის მიხედვით) და მათი ქართული თარგმანები გამოსცა ე. ტაბაღუამ. (4, გვ. 291-294, 222-227). ჩვენ ხელთა გვაქვს ქსერო ასლი სიმაწყის არქივიდან ფ. მაკლერის მიერ გამოქვეყნებული სიმონ მეფის წერილის ძველი ესპანური თარგმანისა თავისი თავფურცლითურთ, რომელშიც მიჩნეულია, რომ ეს წერილი თარგმნილია სომხური ენიდან. რამდენადაც ეს წერილი არ წარმოადგენს სიმაწყის არქივში დაცული და ქართულად გამოქვეყნებული სიმონ მეფის არც სომხური და არც ბერძნული წერილის თარგმანს და, ამავე დროს მასში დაცული ცნობები ავსებს და აზუსტებს დასახელებული ორი წერილის შინაარსს, საკი როდ მივიჩნავთ სრული სახით წარმოვადგინოთ ამ დოკუმენტის ჩვენს მიერ შესრულებული ქართული თარგმანი:

(თავფურცელი):
„თარგმანი ქართველთა მეფის სიმონ სომხურენოვანი წერილისა.

ამბობს, რომ 14 წელია, რაც განიცდის დიდ ჰირს თურქისაგან და იმისათვის, რომ მისგან განათვისუფლდეს და დაამზოს იგი და აიღოს იერუსალემი, შეჭერეს კავშირი მან, მისმა ბიძაშვილმა ალექსანდრემ, ქართველთა მეფემ და გაშაპ აბასმა, სპარსეთის მეფემ.

რომ მისი უდიდებულესობა დაეხმაროს მათ, დაამყაროს რა ამისათვის კავშირი მის უწმინდესობას, იმპერატორსა და ტრანსნილვანელთან, რათა ერთი ერთი მხრიდან, ხოლო მეორეში მეორე მხრიდან გასტეგდნენ ამ მტრის ძალას.

რომ მათ მისწერეს აგრეთვე ამის შესახებ მის უწმინდესობას, იმპერატორს და ტრანსნილვანიელს და მიიღეს ამ ორი მთავრისაგან პასუხი, რომ დაეხმარებოან ამ ცდაში.

რომ სურთ იცოდნენ განზრახვა მისი უდიდებულესობისა და მიიღონ პასუხი მათ წერილებზე“.

(წერილი):

„უოვლისმძლე ღმერთის იესო ქრისტეს სახელით დაწერილია ორი ამგვარი უსტარი, ერთი ბერძნულად, ხოლო მეორე სომხურად, დიდის მოკმაძლებით და დაღადებით წინაშე თქვენი უდიდებულესობისა, მეფეთ მეფისა და უველა კათოლიკე ქრისტიან ხელმწიფეთა მეთაურისა, ესპანეთის მეფისა ფილიპესა, ღმერთო, დაიფარე რომელიც და განადიდე სიცოცხლითა და ძალუფლებითა. მიიღეთ, თქვენო უდიდებულესობავ, ეს უსტარი თქვენი უდიდებულესობის უმორჩილესი მონისაგან, რომელიც მთე-

1. ჩვენ პირობითად ვუწოდებთ თავფურცელს სიმაწყის არქივის სახელმწიფო დოკუმენტების 703-ე შეკერაში დაცულ ერთ ფურცელს, რომელშიც ნაჩქარევი საკანცელარიო ხელწერით მოცემულია სათაური და რეზიუმე მომდევნო გვერდზე მოთავსებული წერილისა. სათაური დაწერილია ორ სრულ სტრიქონად, რეზიუმე მის ქვემოთ ვიწროდ, სათაურის ნახევარი სივანის 22 სტრიქონზე (ზომა: 7X17 სმ.). საკუთრივ წერილი დაწერილია ცალკე ფურცელზე პროფესიონალი მწერლის ლამაზი ხელით 31 სტრიქონად (ზომა: 19X16 სმ.).

2 სიტყვები „მის უწმინდებულესობასთან“ ამ წერილის ფ. მაკლერისეულ პუბლიკაციაში გამოტოვებულია. იგი ხელნაწერში აშიაზეა ჩამატებულ სათანადო ჩამატების ნიშნით.

3 ფ. მაკლერის პუბლიკაციაში იკითხება „ესკრიბო“, დოკუმენტში კი იკითხება „ესკრიბო“. ამიტომ ეს ადგილი უნდა ითარგმნოს არა „წვერი ორ ამგვარ უსტარს“, როგორც ეს ფ. მაკლერის ფრანგულ თარგმანშია, არამედ „დაწერილია ორი ამგვარი უსტარი“.

ლის მოკრძალებით და თავანისცემით, რამდენადაც შემძლებელ ვარ, თავს ვხრი ესოდენი კათოლიკე ხელმწიფის ფერხითი, აღვაგებ პირთა ჩემთა, რათა ვიპოვო უდიდესი მოკრძალებით, როგორც მსახური თქვენი უდიდებულესობის ხელქვეითი, თუ თქვენი უდიდებულესობა დამრთავს ნებას მშობისა, თუ როგორ განვიცდი დიდი თურქისაგან თითხმეტი წლის განმავლობაში დიდ ქირს მე, სიმეონ ხანი, მეფე ქართველთა, და არ მქონდა აქამდე შესაძლებლობა მომწერა თქვენი უდიდებულესობისთვის, მეთხოვა მოწყალება და დახმარება თურქის წინააღმდეგ. და ამჟამად მე და ჩემმა ბიძაშვილმა ქართველთა მეფემ ალექსანდრემ, სპარსეთის მეფე გაშაპ ახასთან ერთად შევკარით კავშირი სამივემ თურქის წინააღმდეგ. ამჟამად უმორჩილესად ვევედრებო, თქვენს უდიდებულესობას, რათა აგრეთვე შეტრას კავშირი მის უწმინდესობასა და იმპერატორთან. ხოლო ტრანსილვანიელმა ასევე შემომთავაზა, რომ თავისი მიწისათვის ისიც იომებს. და ამგვარად ისერთი მხრიდან და თქვენი უდიდებულესობა მეორე მხრიდან და ჩვენ კიდევ სხვა მხრიდან უცვლელი ვავტყობოთ ძალა, რომელიც აქვს თურქს. გარდა ამისა, უმორჩილესად ვევედრებო თქვენს უდიდებულესობას, არ დაუშვას ზავის დადება იმპერატორისა და ტრანსილვანიელისა თურქთან, რამეთუ ესე არს უამო, როდესაც შეიძლება გამოვტაცოთ წმინდა სახლი იესუ ქრისტეს წმინდა რწმენის მტრის ძალაუფლებიდან. ჩვენ საშთა ხელმწიფეთა, ორმა ქართველმა და ერთმა სპარსელმა გაშა ახასმა, შევფიცეთ მოვკვდეთ წმინდა კავშირში იესო ქრისტეს რწმენის დაცვისათვის და საკუთარი თვალთ ვიხილოთ წმინდა სახლი. ღვთის გულისხათვის, ღვთის გულისათვის არ დავიწყოთ ამის შესახებ, თქვენს უდიდებულესობაზე, რამეთუ თქვენი უდიდებულესობა უყოველითვის ეხმარებოდა ტრანსილვანიის იმპერატორს. როგორც ესოდენ კათოლიკე მეფემ, დაე. იცოდეს თქვენმა უდიდებულესობამ, რომ ტრანსილვანიელ იმპერატორმა ჩვენ მოგწერა წერილი და აღგვითქვა, რომ იგი ყოველითვის მხარში ამოგვადგება, წარმართავს რა ომს ერთი მხრიდან, ჩვენ კი — ჩვენი მხრიდან. წერილები, რომლებიც მე მივწერე თქვენს უდიდებულესობას, რათა მცოდნოდა თქვენი უდიდებულესობის ნება-სურვილი, ეხებოდა ამ კავშირს, ჩვენ რომ შევკარით ერთმანეთს შორის. ნება-სურვილი ტრანსილვანიელთა იმპერატორისა ჩვენ უკვე ვიცით და დიდი იმედით გვაქვს, რომ დაგვეხმარება, როგორც უკვე თქვა ამის შესახებ. ჩვენ მივწერეთ სხვა წერილი მის უწმინდესობას და სხვაც გერმანიის იმპერატორს. ღვთის გულისხათვის, ნუ დაგვიწყნებს თქვენი უდიდებულესობა თავისი წერილებითა და თავისი მოწყალებით. იქნებ ღმერთმა ინებოს, რომ წერილები მიღიოდნენ და

მიღიოდნენ, რომელთაგან შევიტყობოთ ქრისტიანი ხელმწიფეთა ნება-სურვილებს. სპარსელ მეფეს დიდი სურვილი აქვს ემსახუროს ქრისტიანი ხელმწიფეებს დიდი სიამოვნებითა და სიყვარულით. პასუხი ამ წერილზე მიეცეს მომტანს. მისწერეთ, თქვენს უდიდებულესობაზე, წერილი იმპერატორს და შეიტყობს თქვენი უდიდებულესობა, არის თუ არა მართალი, რასაც ჩვენ ვამბობთ. მომწერეთ, თქვენი უდიდებულესობაზე, წერილი სომხურ ენაზე და მეორე — ბერძნულად.

ესოდენ კათოლიკე ხელმწიფეს, აღმატებულს ყველა ქრისტიან მეფეზე სახელით, ძალაუფლებით და დიდის პატივით, ღმერთი ფარავდეს! წელთა სიმარჯვე უფლისწულებს, რომელთა სახელები ჩვენ არ ვიცით!”

გამოქვეყნებულ წერილში დაცული ფაქტების საისტორიო მნიშვნელობა კარგადაა გარკვეული ვ. ვაგაშვილისა და ლ. ტარის საგანგებო გამოკვლევაზე. ამჭერად ჩვენ, ვაკვივრებით რა პირველად ამ წერილის სრულ თარგმანს ქართულ ენაზე, გვინდა უურადლება შევაჩეროთ ერთ ჩვენს მოსაზრებაზე. სიმანკის არქივში დაცული ქართლის მეფის სიმონის წერილებისა და მასთან დაკავშირებული სხვა დოკუმენტების გაცნობამ ჩვენ მიგვიყვანა იმ აზრამდე, რომ არქივში დაცული ზემოთ გამოქვეყნებული წერილის ენაწერი ტექსტი უნდა იყოს სიმონ მეფის ქართულ ენაზე დაწერილი წერილის თარგმანი.

სიმანკის არქივში, როგორც ზემოთ აღვნიშნეთ, სიმონის ხელმოწერით და ბეჭდით ორი წერილია დაცული — ერთი ბერძნული და მეორე — სომხური. ამავე არქივში ინახება ორი ძველი ენაწერი თარგმანი სიმონის წერილები. ერთს თავფურცელზე აწერია: თარგმნილია სომხურიდან, მეორეს ბოლოში აქვს მითითება: თარგმნილია ენაწერიდან სამეფო კარის ბერძნული ენადაც მთარგმნელის მიერ. აქედან გამომდინარე, ბუნებრივი იყო ის დასკვნა, რომელიც ამ წერილების აღმოჩენმა და პირველმა პუბლიკატორმა ფ. მაკლერმა გააკეთა: სიმონის წერილები ორ ენაზე გაუგზავნია — სომხურად და ბერძნულად; ქართველთა მეფემ „სომხურ წერილს თან დაურთო მისი ბერძნული შესატყვისი იმ შემთხვევისათვის — თუ სპანეთის სამეფო კარზე სომხურს ვერ გაიგებდნენ“ (შ, გვ. 70). ეს აზრი დამკვიდრდა ქართულ საისტორიო მეცნიერებაშიც (ქ, გვ. 160) და გამოქვეყნდა კიდევ სიმონ მეფის ფილიპე მეორესადმი მიწერილი ორი წერილი: სომხური და ბერძნული, თანამედროვე ქართული თარგმანებითურთ (ქ, გვ. 222—227, 291—294).

სინამდვილეში, როგორც ზემოთ აღვნიშნეთ, სიმანკის არქივის მასალებში სიმონ მეფის საში სხვადასხვა წერილის ტექსტი ჩანს დაცული: ერთია სომხურ ენაზე 1566 წლის 14 აგვისტოს

დაწერილი წერილი, სიმონ მეფის ხელმოწერითა და ბექელით შემკული, მეორე — 1596 წლის 25 აგვისტოს დაწერილი წერილი ბერძნულ ენაზე; ასევე სიმონ მეფის ხელწერითა და ბექელით; ამ წერილთან ერთად აქვე ინახება მისი ესპანური თარგმანიც. შესამე წერილის (ჩვენს მიერ ზემოთ გამოქვეყნებულის) დედანი არქივში არ იძებნება, მაგრამ შენახულია მისი ესპანური თარგმანი. სამივე წერილი ერთსა და იმავე ცნობებს აწვდის ესპანეთის მეფეს. ერთი და იმავე სათხოვართ მიმართავს. როგორც ჩანს, სიმონ მეფეს ესპანეთის სამეფო კარზე ერთდროულად სამ სხვადასხვა ენაზე დაწერილი წერილები გაუგზავნია. ორი მათგანი დაწერილი იყო უცხოურ ენებზე (ბერძნულად და სომხურად), რათა ერთ-ერთ მათგანს მაინც ესპანეთის სამეფო კარზე წამოეთვლია. გამოსწორება და მეფის ხელმოწერა და ბექელით დამსხუტ ტექსტს საბუთის ძალა ჰქონდა (იხ. ნ. XXXII, გვ. 157). ამდენად მოულოდნელია, რომ ამ ორ წერილთან ერთად გაგზავნილი და იმავე ცნობების შემცველი შესამე წერილიც იმავე უცხოურ ენებზე უოფილიყო დაწერილი.

ეს თვალსაზრისი დასტურდება ზემოთ გამოქვეყნებული წერილის ტექსტიდანაც. სიმონ მეფე წერილის შესავალშივე ატუბონინებს ესპანეთის მეფეს: „დაწერილია ორი ამგვარი უხატარი, ერთი ბერძნულად, ხოლო მეორე სომხურად...“ აღბათ, ამ სიტყვებიდანაც გამოიტანეს ის დასკვნა, რომ სიმონმა ორი ანალოგიური წერილი გაგზავნა ესპანეთში — ბერძნული და სომხური. მაგრამ ეს დასკვნა სწორი იქნებოდა იმ შემთხვევაში, რომ ესპანეთში ჩასულიყო მართლაც ორი წერილი და ორივეს შესავალში იკითხებოდეს ზემოთ დამოწმებული სიტყვები. სინამდვილეში ესპანეთში ჩასული ჩანს სამი წერილი. მხოლოდ ერთის შესავალში იკითხება ეს სიტყვები, ხოლო დანარჩენი ორი მართლაც სომხურად და ბერძნულად დაწერილი. ე. ი. ქართველთა მეფე სამ ენაზე აგზავნის წერილს. ერთს თავის საკუთარ ენაზე წერს და მასში იმომწებს ორ უცხოურ ენაზე შესრულებულ წერილს, რომელსაც ესპანეთის სამეფო კარზე დოკუმენტის მნიშვნელობა შეიძლება მიენიჭოს. რომ ეს პირველი წერილი ქართულად არ იყოს დაწერილი, რომ ისიც რომელიმე უცხოურ ენაზე იყოს (მოსალოდნელი იყო ლათინურად) შედგენილი, მაშინ მასზე, როგორც დოკუმენტის მნიშვნელობის მქონეზე, მითითება იქნებოდა სხვა რომელიმე წერილში.

სიმონ მეფის მიერ ქართულ ენაზედაც რომ იყოს მოსალოდნელი ესპანეთში წერილის მი-

წერა, ეს მკვლევარებს შეენახული უკვლავ. ტარდი წერდა: „თავის დიპლომატიურ მიმართებაში მეფე სიმონი იყენებდა გარდასტორების ულმოს. ბერძნულსა და სომხურ ენებში“ (ნ. XXXII, გვ. 157). ვ. გაბაშვილიც ვარაუდობდა: „საფიქრებელია, რომ ესპანეთში სომხურ და ბერძნულ ტექსტებთან ერთად ქართული ტექსტიც გაეგზავნათ“ (1, გვ. 98).

სიმონ მეფის მიერ გაგზავნილი სამი წერილის ერთმანეთთან შედარებაც, ჩვენი აზრით, იმას ადასტურებს, რომ ჩვენს მიერ ზემოთ გამოქვეყნებული წერილი ქართულად უნდა ყოფილიყო დაწერილი. ამას ვადასტურებენ შემდეგი გარემოებანი: ზემოთ გამოქვეყნებული ტექსტი სხვა ორ წერილთან (სომხურსა და ბერძნულთან) შედარებით გამოირჩევა მეტო უშუალოდ, მასში უფრო მეტად იგრძნობა აღმოსავლელი მეფის თავმდაბლოდ დამოკიდებულება დასავლეთის დიდი კათოლიკე ხელმწიფისადმი. მეფისადმი მიმართვისას ტაპიურად მოსავლური მიპერბოლიზაცია, მიპერბოლიზირებულ პასაჟთა ხშირი განმეორება. ამ თვალსაზრისით ბერძნული და სომხური წერილები უფრო ზომიერია. ამასთან, მათში უშუალოდ ერთგვარად წარბოცილია ამ ორ წერილში არ იკითხება ზემოთ გამოქვეყნებული ტექსტების ზოგიერთი ინტიმური პასაჟი: ჩივილი თუქტეთთან ურთიერთობის გამო თოთხმეტწლიან ჭირზე, ესპანელი მეფის უფლისწულების მოკითხვა.

ზემოთ გამოქვეყნებულ წერილში უფრო მეტად იგრძნობა უშუალოდ მეფისეული პოზიცია, რაც გამოხატულებას პოულობს, ერთი მხრივ, მეფის სარწმუნოებრივ ლოიალობაში; ხოლო, მეორე მხრივ, დიპლომატიური ურთიერთობის ამსახველი ფაქტების სიუხვეში, სიმონ მეფის სარწმუნოებრივ ლოიალობას ვხედავთ ჩვენ იმ გარემოებაში, რომ წერილის ამ ვარიანტში ესპანეთის მეფის კათოლიკობაზე განსაკუთრებული ხაზგასმაც. სომხურ და ბერძნულ წერილებში ეს გარემოება საზოგადოდ უგულებელყოფილია. რაც, სავარაუდებელია, გამოწვეული უნდა იყოს იმით, რომ სომხური და ბერძნული წერილები ქართლის მიდროინდელ ვითარებაში სომხური და მართლმადიდებლურ ბერძნული სამღვდელეობის წარმომადგენელთა მიერ ითარგმნება, ან იწერება. ამ თვალსაზრისით ერთმანეთს შევადაროთ ამ სამი წერილის მხოლოდ დასაწყისი:

სომხური: „გაგზავნი წმინდა კოცნას მეფეთა მეფეთ, ქრისტეს ყველა მორწმუნეთა მეუფეთა და მმართველთა, ყოველთა მეფეთაგან და ქრისტიანთაგან პატივცემულთ. ოი, წმინდა მეფეთა რე ფილიპევი! ...შენს ფერხთ წინაშე ქედს ვიხრი და თავს შენს ფერხთ ქვეშ ვდებ“ (4, გვ. 223).

ბერძნული: „მეფეთა მეფეც და ყოვლისა ქრისტიანის მეთაურო, მეფეთა და ღირსეულთ

1. მით უმეტეს, რომ, როგორც ზემოთ მივუთითეთ, ფ. მაკლერმა წერილის ეს ადგილი არასწორად წაიკითხა: „ქვერ ორ ამგვარ წერილს...“

ქრისტეს რწმენის მეფეთა შორის, მბრძანებელთა შორის უღვთაბერძენის ფილიპე. ... უპირველესად მდაბლად მოკვდრეკ თავს შენს ფერხთა წინაშე“ (4, გვ. 224).

ქართული (სავარაუდო), ... დიდის მოკრძალებით და ღაღადებით წინაშე თქვენი უღვთაბერძენის ფილიპისა, მეფეთ მეფისა და ყველა კათოლიკე ქრისტეან ხელმწიფეთა მეთაურისა, ესპანეთის მეფისა ფილიპესა... მთელის მოკრძალებით და თაყვანისცემით, რამდენადაც შემძლებელ ვარ, თავს ვხრტი ესოდენ კათოლიკე ხელმწიფის ფერხთით...“.

მეორეც, როგორც სავარაუდო ქართული წერილის დასაწყისიდან ჩანს, როდესაც ეს უკანასკნელი იწერება, სომხური და ბერძნული წერილები უკვე დაწერილია. სწორედ ამით უნდა აიხსნას ის გარემოება, რომ ეს წერილი ახალი ფაქტობრივი მასალითა შევსებული იგი აბსოლუტად ურთიერთობის ისეთ ფაქტებზე მიუთითებს, რომლებიც სომხურ და ბერძნულ წერილებში არ ჩანს. ამითაც იგრძნობა უშუალოდ მეფისეული პოზიცია, მის მიერ შევსება უკვე დაწერილი წერილებისა. ასეთია ამ უკანასკნელი წერილის მითითება ქართველთა მეფის ურთიერთობაზე მის უწმინდესობა რომის პაპსა და ტრანსილვანიის მეფესთან (ტექსტში მას იმპერატორი ეწოდება) და შესაბამისად თხოვნა ფილიპე მეორესთან მათთან კავშირის დამყარების თაობაზე. სიმონ მეფე ამ უკანასკნელ წერილში გარკვევით მიუთითებს ესპანეთის ხელმწიფეს, რომ წინა წერილებში (ბერძნულსა და სომხურს) მას სამთავაგზობის ამბავზე სწორდა, ამჟერად კი ტრანსილვანიის მთავართან, რომის პაპსა და გერმანიის იმპერატორთან ურთიერთობის ამბავს ატყობინებს: „წერილები, რომლებიც მე მიგწერე თქვენს უღვთაბერძენისობას, რათა მცოდნოდა თქვენი უღვთაბერძენისობის ნება-სურვილი, ეცხობადა ამ კავშირს, ჩვენ რომ შევკარით ერთმანეთს შორის“.

ზემოთ გამოქვეყნებული წერილის თავდაპირველად ქართულად დაწერის ფაქტზე მიუთითებს, ჩვენი აზრით, კიდევ ორიოდე გარემოება:

სპარსეთის შაისი სახელი სიმონის ბერძნულ-ენოვანი წერილის მიხედვით არის „შიაბეს“, სომხურის მიხედვით „აბასი“, სავარაუდო ქართულის მიხედვით სწორედ ის, რასაც ამ მეფეს საქართველოში უწოდებდნენ: „აბასი“.

სომხურ და ბერძნულ წერილებში ქართველთა მეფეები სიმონი და ალექსანდრე სხვადასხვა წოდებით იხსენიება: სომხურში — სიმონი, ხანი გურგინიანისა; ალექსანდრე, ხანი ლივანდინოსა (აღმოსავლეთისა). ბერძნულში — სიმონი, ქართველთა მთავარი; ალექსანდრე, აღმოსავლეთის მთავარი (ან განმგებელი). სავარაუდო ქართულ ვარიანტში კი სიმონიც და ალექსანდრეც და-

სახელმწიფო იმგვარად. როგორც მათ საქართველოში უწოდებდნენ სიმონ ხანი, მეფე, მთელი თველთა და ალექსანდრე, მეფე ქართველთა.

ამგვარად, ვფიქრობთ, რომ ზემოთ გამოქვეყნებული ქართული ტექსტის სიმაჟის არქივში დაცული ესპანური დედანი წარმოადგენს სიმონ მეფის მიერ ფილიპე მეორისადმი ქართულ ენაზე გაგზავნილი წერილის თარგმანს. შედარებულს ფილიპე მეორის სამეფო კარზე. როგორც ჩანს, შორეულ ესპანეთში მიმავალ ელჩს სიმონ მეფემ ქართულად დაწერილ წერილთან ერთად გაატანა თავისი ხელწერილი და სამეფო ბეჭდით დადასტურებული სომხური და ბერძნული წერილები, რომ მეფის წერილის წაითხვა ესპანეთის სამეფო კარზე შესძლებოდათ, რომ მის მიწერილს დოკუმენტის ძალა ჰქონოდა. სიმონი ფიქრობდა, რომ ესპანეთის კარზე, გარდა ბერძნულისა, სომხურის მცოდნე იქნებოდა. ამიტომ სთხოვდა ფილიპე მეორეს: „მომწერეთ, თქვენო უღვთაბერძენისობავ, წერილი სომხურ ენაზე და მეორე — ბერძნულად“. როგორც ჩანს, სიმონ მეფე მანაც ცდებოდა. ესპანეთის სამეფო კარზე სომხურად მიწერილი წერილი არ უთარგმნიათ. ყოველ შემთხვევაში, ამ მიწერ-მოწერის დოკუმენტებში დაცულია ბერძნული წერილის ძველი ესპანური თარგმანიც; მაგრამ სომხური წერილის თარგმანი არ ჩანს. როგორც ზემოთ გამოქვეყნებული მასალიდან ირკვევა, მეფესთან ქართველთა ამბის მოხსენებისას საზოგადოდ არ დაურდნობიან სომხურენოვან წერილს. არც ფილიპე მეფეს ჩაუთვლია საქართველოში წერილის სომხურად გაგზავნა. ზემოთ გამოქვეყნებულ დოკუმენტში იკითხება: — მეფემ ბრძანა, „გაიგზავნოს წერილი ბერძნულად“. მეორე მხრივ, სიმონი არ ცდებოდა, როდესაც ესპანეთის სამეფო კარზე სამეფო ბეჭდისაგან უფლებოვრ ენაზე დაწერილი წერილებს გზავნიდა. ფილიპე მეფის კარზე ბერძნული წერილი სამეფო კარის ბერძნული ენიდან მთარგმნელს უთარგმნია და სამეფო კანცელარია სწორედ ამ წერილს დაურდნობია, როგორც დოკუმენტს. სწორედ ბერძნული წერილის შინაარსი მოუხსენებიათ მეფისათვის. თუმცა, როგორც მიუთითებდით, ისიც ჩანს, რომ მეფესთან თათბირისას ზემოთ გამოქვეყნებული წერილიც გაუთვალისწინებიათ.

ასახსნელი რჩება ერთი ფაქტი: რატომა ჩათვლილი სიმონის ქართული წერილის თარგმანი საარქივო მასალაში სომხური ენიდან შესრულებულ თარგმანად? შეიძლება ვივარაუდოთ, რომ თარგმანი ქართული წერილისა ესპანეთის სამეფო კარზე შესრულდა სომხური ენის მეშვეობით თვითონ ელჩის (ალბათ სომეხი ვაჭრის იაკობ ჭულფაძის) დახმარებით, რაც აისახა კიდევ ზედწარწერაში. შეიძლება სხვა ვარაუდიც: ჩვენს მიერ ზემოთ გამოქვეყნებულ-



ლი წერილი სიმანკის არქივში იკითხება ცალკე ფურცელზე. მასში არ წერია, რომელი ენიდან ითარგმნა იგი და ვის მიერ. შემდეგ მას თავზე დართული აქვს თავფურცელი, რომელშიც ნაჩქარევი ხელით სამეფო კანცელარიის მიერ წერილის რეზიუმეა გაკეთებული და შითითებულია, რომ იგი სომხურიდან ითარგმნა. ვფიქრობთ, მას შემდეგ მოხდა შეცდომის დაშვება, როდესაც თარგმანი მთარგმნელს დაშორდა. მეფის კანცელარიაში აღმოჩნდა ბერძნული წერილი და მისი ესპანური თარგმანი, სომხური წერილი და სხვა ესპანური თარგმანი, რომელშიც წერია, რომ წერილები სომხურად და ბერძნულად დაიწერაო. ბუნებრივია, სამეფო კანცელარიის მოხელეები ჩათვლიდნენ, რომ ეს უკანასკნელი იყო სწორედ იქვე არსებული სომხურენოვანი წერილის თარგმანი.

ქართულად დაწერილი წერილი, ჩვენი ვერსიის შემჯობისა ვარაუდებით აღარ ვუპასუხოთ.

ამგვარად, როგორც ირკვევა, სიმონ მეფისა და ფილიპე მეორის დიპლომატური ურთიერთობა ორმხრივი იყო. ესპანეთის სამეფო კარზე სიმონის თხოვნაც უფროდ უღიათ და პასუხიც გამოუგზავნიათ საქართველოში. მაგრამ სიმონ მეფის სურვილებს განხორციელება არ ეწერა. გარდა იმისა, რომ არსებობდა მნიშვნელოვანი ობიექტური ხელისშემშლელი მიზეზები, სიმონ მეფეს ბედიც არ სწყალობდა. ესპანეთის სამეფო კარიდან სიმონის წერილებზე პასუხების გაგზავნიდან ორიოდე თვეში, 1598 წლის 18 სექტემბერს, თავის რეზიდენციაში, ესკორიალის სამეფო სასახლეში, ხანგრძლივი და მტანჯველი ავადმყოფობის შემდეგ ფილიპე მეორე გარდაიცვალა.

კითხვას იმის თაობაზე, თუ სადღა გაქრა

გითითებული ლიტერატურა:

1. ვ. ვაბაშვილი, ქართული დიპლომატიის ისტორიიდან: „მასალები საქართველოსა და კავკასიის ისტორიისათვის“, ნაკ. 31, თბ., 1954, გვ. 59-128.
2. ფ. მაკლერი, შენიშვნა სომხურ ხელნაწერებზე: „რევეუ დე ეტიუდ არმენიენ“, ტ. I, ნაწ. I, გვ. 68-80; ნაწ. II, გვ. 85-89 (ფრანგ. ენაზე).
3. ე. მამისთვალიშვილი, საქართველოს საგარეო პოლიტიკური ურთიერთობანი XV საუკუნიის მეორე ნახევარსა და XVI საუკუნეში, თბ., 1981.
4. ი. ტაბალუა, საქართველო ევროპის არქივებსა და წიგნთსაცავებში, თბ., 1983.
5. ლ. ტარდი, საქართველოს მეფე სიმონ I მისი დროინდელი ცენტრალური ევროპის წყაროების შუქზე: „რევეუ დე კარტველოლოგი“, ტ. XXXI, 1973, გვ. 187-206; ტ. XXXII, 1974, გვ. 147-174 (ფრანგ. ენაზე).
6. ლ. ტარდი, უნგრეთ-საქართველოს ურთიერთობა XVI საუკუნეში, თბ., 1980.



ჭეშმარიტი მსახიობი

რუსთაველის თეატრის მსახიობზე, გიორგი გიგეჭკორზე უამრავი წერილია დაწერილი, დაწერილია წიგნიც... და შინც, ჭერ კიდევ არ დაკმაყოფილებულა მის ხელოვნებაზე და პიროვნებაზე შესწავლის სურვილი.

გიორგი გიგეჭკორი ახალგაზრდა შემოქმედ-თათვის სანტერესო ადამიანთა რიცხვში შე-დის, რაც ნამდვილი ხელოვანისათვის უძ-ვირფასესი ჭილდოა. ახალგაზრდები ხომ ჭერ არ არიან ცხოვრებისეული წვრილმანებისაგან დამძიმებულნი და შეუძლიათ შთოღანად მი-ეცნენ ამაღლებულ მიზნებს. მათ არც უმაღ-ლესი ხელოვნების კრიტიკიუმების დავიწყება ელთი, ვინაიდან საშუალება აქვთ შემოქმედე-ბითი ცხოვრების შუაგულში იტრიალონ. არა-ვითარი ძალა არ უბიძგებთ აქედან ამოგდებ-ნისათვის და, ბუნებრივია, ინტერესდებიან მხო-ლოდ იმით, რაც ღირსია ყურადღებისა. სწორედ ამიტომ არის მათი ინტერესი მიუ-კერძოებელი ჭილდო. მას ყველა ვერ იმსა-ხურებს და ვერც ისეთ სიყვარულს, რიდს და პატივისცემას იწვევს, როგორცაც გოგი გე-გეჭკორი სარგებლობს. რატომ? რა გააჩნია რუსთაველის თეატრის ამ მსახიობს ასეთი?

I — დამოკიდებულება პროფესიისადმი:
„— ამ იმპულსური, ნერვიული, მაძიებელი, უადრესად მომხიბვლელი, იშვიათი სცენური არტისტისა და მშვენიერი პარტნორისათვის თეატრი ყველაფერია — მისი ფიქრებისა და ოცნების საგანი. იგი უერთგულესი ენთუზიას-ტო იყო ჩვენი ჭაფუფის საქმიანობისა“. ასე გა-იხსენა გ. გიგეჭკორი მ. თუმანიშვილმა მს-თან მუდმივი შემოქმედებითი კავშირის გაწყ-ვეტიდან 8 წლის შემდეგ. ვინც მიხეილ თუ-მანიშვილს არ იცნობს, შეიძლება ეს სიტყვები უკვე ტრადიციად ქცეული რიგითი საქებარი სიტყვის ნაწილად მიიჩნიოს. შესაძლოა, ყვე-ლას არ ახსოვდეს, რომ გოგი გიგეჭკორი სა-ქართველოში უკვე სახელმწიფოებელი და აღიარ-ებული მსახიობი იყო, როცა ფართო მაყუ-რებელს მგლის როლის შემსრულებლად მო-ვლინა. მას არც ჩურჩუტი, კოლაკოტკები ე-გმოწყობილი დემეტრიუსის თამაში უთავი-ლია და არც ტიგრან გულოიანზე უთქვამს უარი იმის გამო, რომ იგი კაცის მკვლელი იყო... ზოგიერთის აზრით, ასეთი „უცნაურო-ბა“ მხოლოდ იმ მსახიობს მოუვა, ვისთვისაც

სცენა თავის გამოჩენის საშუალება არ არის, რომელსაც მიღწეული კეთილდღეობის შე-ნარჩუნება არ ამოძრავებს, რომლისთვისაც არც ლეგენდარული ადამიანის მოპოვებული სახელის შენარჩუნება მთავარი ბარათაშვილის განსახიერების შემდეგ გ. გიგეჭკორს ხომ სწო-რედ ასეთად რაცხდნენ. მისთვის კი ეს სახე მხოლოდ დასაწყისი აღმოჩნდა. რთული წი-ნალმდევობებით სავსე ბიოგრაფიის დასაწყის-სი, თუმცა ეს — ფართო მაყურებლისთვის; თეატრალუბისთვის კი მისი გაცნობა უფრო ადრე — ინსტიტუტადან დაიწყო. გ. გიგეჭ-კორი უკვე მაშინ იყო პროფესიული პრობლე-მების გადაჭრით დაინტერესებული, ებრძოდა საკუთარ ფიზიკურ თუ პიროვნულ თავისე-ბურებებს, რომლებიც ხელს შეუშლიდნენ შემოქმედებით მუშაობაში.

1959 წელი... რუსთაველის თეატრში შემოქ-მედებითი ბრძოლების მიმდინარეობს. უკვე დადგმულია „ქარიშხლის წინ“, სადაც მ. თუ-მანიშვილმა ფიზიკურ მოქმედებათა კანონი მოიშველია, დადგმული იყო ახალგაზრდობი-სათვის პრინციპული მნიშვნელობის, რეპერ-ტუარის გარეშე სპექტაკლი „ადამიანებო, იყა-ვით ფიზიკად“, ნუშვილი „ფილოსოფიის დოქ-ტორი“, რომლის რეპეტიციებზე იმპროვი-ზაციით მუშაობდნენ, კ. ბუაჩიძის „ამბავი სიყვარულისა“, რომლის შემდეგაც მ. თუმა-ნიშვილმა გამოაქვეყნა წერილი „გ. გიგეჭკო-რი ექვთიმე ქათამაძის როლი“. სწორედ ამ დროს ა. ხორავა, მსახიობთა ძველი თაობის ერთ-ერთი ლიდერი, საკავშირო მნიშვნელობის თეატრალურ ჟურნალში გ. გიგეჭკორის შესა-ხებ წერდა:

„ინსტიტუტში თვლანათლივ იზრდებოდა, ავლიდა ბუნებრივ ნიჭს. გაქრა დაქიმულობა, ხმა განმტკიცდა, ზვერდოვანი გაუხდა ყველა რეაგისტრში. განუვითარდა სმენაც, დაიწყო სიმღერა, ცეკვა, რთული ფიზკულტურული ვარჯიშების შესრულება. გახდა სპორტსმენი. მის მიერ შესრულებული ეტაუდები და ნაწყ-ვეტები დიდი შემოქმედებითი ნიჭიერებით იყო აღბეჭდილი.

აწორული ჭაბუკი კარგად აწყობილ ყმაწვი-ლად იქცა, რომელიც სრულყოფილად ფლობს სხეულს.“
ა. ხორავას ეს სიტყვები ყველაფერთან ერ-

თად კიდევ ერთხელ ადასტურებს, რომ გ. გეგეჭკორი თავის პროფესიაზე ფანატურად შეყვარებული და ამალბებული პრინციპებით მცხოვრები მსახიობია. ყველა როლზე ერთნაირი პასუხისმგებლობით, სერიოზულობით მუშაობს. ცდილობს თითოეული პერსონაჟის „გამოკვლევას“, ეძებს როლის არის ბოროტი ან კეთილი, გულჩათხრობილი ან გულგახსნილი, ფლიდი ან გულწრფელი... ცდილობს იპოვოს მისი ხასიათის მამოძრავებელი არსებითი თავისებურება, შედეგში კი ხან წარმატება, რომლის მომხიბლარობის ქსელში ძალაუნებურად ესხვება ადამიანი, ვინაიდან ძნელია, მოლოცვებიდან ობიექტური აზრი გამოიტანო. საბედნიეროდ, — დროზე მოთოკვა საკუთარი ემოციების და მიღწეულის მკაცრად განალიზება ძალუძს. საბოლოოდ კი — მუშაობა, ისევე მუშაობა ახალი სირთულეების გადაჭრისთვის; ხვანაწარუმატებლობა და ისევე მუშაობა ნაკლის გამოსწორებლად...

გ. გეგეჭკორი მტკიცე ნებისყოფის, შრომისმოყვარე მსახიობია და, რაც მთავარია, წარმატებებმა დღემდე ვერ დააქარგვინეს ახალბედს თავის დამახასიათებელი ცნობისმოყვარობა, მამიებლობა, რაც ზრდისთვის აუცილებელი პირობაა და რაც, პროფესიული თვალსაზრისით, ყოველთვის საინტერესოს ხდის ხელოვანის ნამუშევარს.

იგი ნამდვილი პროფესიონალია მისი მონაწილეობა კინოსმსახიობთა თეატრში დადგმულ სპექტაკლში „ჩვენი პატარა ქალაქი“ — ეს იყო უდიდესი პასუხისმგებლობა ეროსი მანჭგალამის ხსოვნისა და მასურების წინაშე; მსახიობს ხომ ის როლი უნდა გაენსახიერებინა, რომელზედაც გარდაცვლილი მეგობარი იყო დანიშნული, უნდა გადაეღობა მისი დაქარგვიტ გამოწვეული ტკივილი, იმ სამწუხარო დღეებში ყველანაირი საქმე რომ დაავიწყა და ჭირისუფლად აქცია. ამ უდიდეს მორალურ სირთულეს თვით როლისგან წამოჭრილი წინააღმდეგობაც ემატებოდა. პიესა ქალაქის მკვიდრის მოგონება, უფრო სწორად, მსჭელობა ცხოვრებაზე, ადამიანებზე, ერთგვარად — სიცოცხლის საზრისის ძიება. სიუჟეტურად ამბავი თანმიმდევრულად არ ვითარდება. თითოეული სურათი ე. წ. რეჟისორის ახსენებისათვის — „მთხრობელისთვის“ საშუალებაა მომხდარის განზოგადებისათვის, ხანდახან კი მას ქალაქის კოლორიტი იტაცებს ან მასურებელს მეორეხარისხოვან პერსონაჟზე თითქმის არასაპირო ინფორმაციას აწვდის. ერთი შეხედვით გაფანტული ტექსტის გაცოცხლებება, თითოეული სიტყვის დაბადებისათვის ზრუნვა, უხილავი კავშირების მოძებნა სერიოზული სირთულე იყო; მსახიობის წინაშე ისეთი საკითხები იდგა, რომლის გადალახვასაც ბევრი არ შეეცდებოდა. ვერ გაბედავდა მით-

თან შექილება. მით უმეტეს, ასეთი გულისტკივილის შემდეგ. მაგრამ გ. გეგეჭკორი სერიოზული თულებების გადალახვას მაშინ უფრო ეცდებოდა, როცა სულიერად ყველაზე მეტად უჭირს. რას იზამ, ასე მკაცრა მსახიობის პროფესია. გმირი უნდა იყო — საკუთარ თავზე, თვით შენს თავში წამოჭრილი წინააღმდეგობის გადალახვა უნდა შეეცდოს... და გოგი გეგეჭკორმა, ეროსის ახალგაზრდა მეგობრებთან და მიხეილ თუმანიშვილთან ერთად, ცოცხალი ძეგლი დაუდგა მსახიობის ხსოვნას.

მახსენდება მოსკოვის კონსერვატორიაში გამართული პანაშვიდი, ერთ-ერთ საუკეთესო პიანისტთან, სტანისლავ ნეიშაუშთან გამოსათხოვებლად ჩატარებული უჩვეულო კონცერტი. ყვავილებით მორთული ნეშტი სცენასთან ესვენა, სახეზე რაღაც გაურკვეველი, თითქმის მისტიურ გრძობაზე მიმანიშნებელი მიმიკა შერჩენოდა. სცენაზე კი თავდახურული როიალი იდგა, რომელთანაც ველარასოდეს მივიდოდა პიანისტი. პანაშვიდი დაიწყო. ინსტრუმენტთან ნელი ნახიჭით მივიდა რიხტერი. დაჯდა. ერთი წუთით შეუძვინდა, აიღო „მთვარის სონატის“ პირველი აკორდები, შემდეგ — კრანცივი, მიღვლი. რა რთული იყო ასეთ ვითარებაში დღეობის დაოკება, ყურადღების მოკრება და ნაწარმოებების შესრულება. პროფესიონალები მოვალეობას იხდიდნენ გარდაცვლილი პროფესიონალის წინაშე... არის ამ ორ ფაქტ შორის რაღაც საერთო!

II — დამოკიდებულება ცხოვრებისადმი. რამდენიმე წლის წინათ პართული თეატრისთვის ტრადიციულად საიუბილეო დღეებში რუსთაველის თეატრში შედგა ნ. წულეისკირის გასცენიურებული მოთხრობის საფუძველზე შექმნილი სპექტაკლის „ძველი სამარკლოს“ პრემიერა. ამ თეატრალური მოვლენის დაბადება ყველაზე მეტად გ. გეგეჭკორს უნდა ეწეოდა, თითქმის ყველა თეატრალისთვის იყო ცნობილი, რომ სპექტაკლის მასურებელზე „გავსლა“ გვიანდებოდა, მუშაობა ვახანგრძლივდა, თითქმის ორი წლის განმავლობაში რამდენჯერ შეიცვალა რეჟისორი, მსახიობებიც. უცვლელად თავის პოზიციას იდგა გ. გეგეჭკორი და, ბოლოს, სპექტაკლის დაბადებისთვის აუცილებელი საკითხების გადაჭრა სწორედ მან ითავა და მიიყვანა კიდევ პრემიერამდე.

თეატრის მიერ ჩატარებული მუშაობის შემდეგ მოთხრობა გამოიკვეთა ამაღ იმის შესახებ, როგორ ვერ შეუღლებს ადამიანს ღირსება, როგორ ვერ დაქარგვინებს რწმუნა. ყოველივე კი ისეთ უცვლელ სცენურ გარემოში თამაშდება, რომელიც მასურებელს მრავალჭირგადავლილ, მაგრამ მაინც მკვიდრად მდგარი სამარკლოს შთაბეჭდილებას უქმნის. მხატვრული ხასის ასეთი გადაწყვეტა ალბათ იმით



იყო განპირობებული, რომ იგი ადამიანის წარ-
მოსახვას წინაშე მიმართულებით წარმარ-
თავს. ასეთ ფონზე კი ორნაირი სამყარო გა-
შლიკვებება. სცენის ერთ მხარეს სამრეკლოს
კედლები გარდამავალი დროშების გამოსაფე-
ნად არის გამოყენებული. იქვე მდგარი მაგი-
და, ტელეფონი, სავარძელი, მწყობრად დადგ-
მული სკამები — ოფიციალური პირის ისეთ
კაბინეტზე მიგვანიშნებს, სადაც მოვალეობის
მოხდის მიზნით შედიან. მხოლოდ ეილაციის და-
სანახად, საქმე კი... სამრეკლოს მეორე მხარეს
კედლები ხარაჩოვებშია ჩამოშლილი. ეს ორი სამ-
ყარო თითქოს მხატვრული განუგადავება
წინობრივი თუ მატერიალური ღირებულები-
სადმი, ადამიანის თუ სინამდვილის მიმართ
ორგვარი, ურთიერთსაწინააღმდეგო დამოკი-
დებულები. ამ სპექტაკლით კიდევ ერთ-
ხელ გამოვლინდა, რომ გ. გეგეკორი —
მალაი მოქალაქეობრივი პოლიციის მქონე,
ცხოვრებაზე დაფიქრებული, დავისრებული,
მტკიცე, მებრძოლი ადამიანია...

III — კიდევ რამდენიმე, მაგრამ აუცილე-
ბელი სიტუა.

სანამ ადამიანს თვითონ არ შეხვდები, სანამ
არ შეგეგმნება ამისთვის შესაბამისი ვითარე-
ბა, თამამად ვერ გამოთქვამ მასზე საკუთარ
შეხედულებას და ყველასთვის ნაკლებად და-
მაჯერებელი იქნება შენი აზრი. ამ მსახიობზე
ბევრი რამ მქონდა გაგებული, თუმცა მხო-
ლოდ „ჩემი პატარა ქალაქის“ რეპეტიციებზე
მუშაობისას გახდა ჩემთვის ნათელი ის, რაც
შეუმჩნეველი შეიძლება დარჩეს უცხო თვა-
ლისთვის.

მ. თუმანიშვილს და გ. გეგეკორს თითქმის
40 წლის ნაცნობობა, თანამშრომლობა
გობრობა აკავშირებთ, მაგრამ რეპეტიციებზე
მსახიობი „ბატონო მიშაო“ მიმართავდა რეჟი-
სორს... მასსოვს, ერთხელ სამი წუთით დიგ-
ვიანა რეპეტიციაზე და აფორიაქებული, თვა-
ლებდახრილი თითქმის შემოიპარა დარბაზში,
ყველას წინაშე ბოლოში მოხიდა, სწრაფად
გაიხადა პალტო, ფაქიზად შენახული ტექსტი
ჩანთიდან ამოიღო და სამუშაოდ მოემზადა.
არც ის დამავიწყდება, რა მოთმინებით ელო-
და ხელსაყრელ მომენტს, რომ რეჟისორის-
თვის გმირის კოსტუმი ეჩვენებინა. ამ ადა-
მიანს თითქოს არც მქონია 34 წლის შემოქმე-
დებითი ბიოგრაფია, არც ქართული თეატრის
ისტორიისათვის მნიშვნელოვანი სახეები შე-
უქმნია, არც საქართველოს სახალხო არტისტი
ყოფილიყო... თავმდაბალი, ერთნაირად ყუ-
რადღებოანი ახალგაზრდისა თუ მოზარდი-
სადმი. სჭერა ადამიანების და მათ გაგებას
ცდილობს, რაიმე მოულოდნელი შემთხვევისას
პირველად საცოცხლის გამართლებას შეეცდე-
ბა, უფრო შეცდომად შეაფასებს, ვიდრე შეგ-
ნებულად ჩაღწილ უღირსობად. მაგრამ, აღ-
ბათ, რა ხშირად ჩავარდნილა სასოწარკვეთი-
ლებაში, როცა იმედი გაცრუებია...

შევეცადე მკითხველისთვის დამეხასიათებ-
ნა ეს მუდამ საინტერესო ადამიანი. დამეხატა
მისი პორტრეტი დღევანდელი ახალგაზრდები-
სათვის საგულისხმოდ. მომზიბლაობა და სი-
დიდე კი ამ პიროვნებისა, ვფიქრობ, ყველა
ზევით დასახელებული თავისებურების ერთი-
ანობაშია.

შეცდომების გასწორება

„ცისკრის“ მეხუთე ნომრის სარჩევში და
28-ე გვერდზე თამარ პაპუნაშვილის ნაცვ-
ლად უნდა იყოს მარი პაპუნაშვილი.

ჩვენი მისამართი: თბილისი, 880007, დადიანის ქ. № 2.
ტელეფონები: მთავარი რედაქტორი — 99-85-81, მთ. რედაქტორის მოადგილე — 72-26-82,
პასუხისმგებელი მდივანი — 72-43-75, მდივანი — 72-44-78, განყოფილებათა გამგებნი — 72-26-85,
პროზის — 72-26-80, „ცისკრის“ დამატება — 72-17-01, საკორექტორო — 72-47-62.

გადაეცა ასაწყობად 8.04.86 წ. ხელმოწერილია დასაბუქდა 16.06.86 წ. ქალაქის ზომი
70x108, ფიზიკურ ფორმათა რაოდენობა 10. პირობით ფორმათა რაოდენობა 11. სააღრსავ.
თაბახი 15. 85. შეკვ. 892. უფ 04695. ტირაჟი 61.000.

საქართველოს კ ც-ის გამომცემლობის სტამბა, თბილისი, ლენინის 14.
Типография издательства ЦК КП Грузии, Тбилиси, ул. Ленина, 14.

გამოცდა ახალგაზრდა მწერალთა წიგნები

ოღრუარია ბ. — შვიდი სურათი გავფრინსათვის. ლექსები. კოემა.

„ალაშარა“ 1986

სადიდბეგელი, მამულე შენი — ლექსთა კრებული. „საბჭოთა საქართველო“. 1986 წ.

ფირცხალაიშვილი ზ. — დაუსრულებელი კორტრეტი. ლექსები. „საბჭოთა აჭარა“. 1986 წ.

ერცახუ — აფხაზური კოეზია. „მერანი“ 1986 წ.

მეზურეშვილი ი. — სულს ავინდი. „მერანი“ 1986 წ. ლექსები.

ნეკერიშვილი ნ. — დამაბრუნე მზიანეთში. ლექსები „მერანი“ 1986 წ.

არაბული შ. — ბახსან კარი. ლექსები. „ნაკადული“ 1986 წ.

სვანიძე თ. — ლურჯი სივორი. ლექსები. „მერანი“ 1986 წ.

კობიაშვილი ბ. — ალვის ხეები. მოთხრობები. „მერანი“ 1986 წ.

ფანის 60 კპპ.



2 30

0600660 76286

ЕЖЕМЕСЯЧНЫЙ ЛИТЕРАТУРНО-
ХУДОЖЕСТВЕННЫЙ И
ОБЩЕСТВЕННО-ПОЛИТИЧЕСКИЙ
ЖУРНАЛ

«ЦИСКАРИ»

ИЗДАТЕЛЬСТВО
ЦК КП ГРУЗИИ